

E. 30. T. A.

Pasò al de  
Prohibidos. T. E

Int 23  
200 - 63





Prohibido en el supremo. et.  
Cypurg. et Tot.

Ext. 30. Tab. A

Ext.  
Encl Ext. & Prohib. Tab. E.

Handwritten text, possibly a signature or name, appearing upside down.

Handwritten text, possibly a signature or name, appearing upside down.

Handwritten text, possibly a signature or name, appearing upside down.

# RESPONSUM

ANT-APOLOGETICUM  
ECCLESIAE CATHOLICAE

CONTRA CALUMNIOSAS BLASPHEMIAS  
JOANNIS FRANCISCI BUDDEI nomine evulgatas  
IN ORTHODOXOS LATINOS ET GRÆCOS;

quo,

PETRÆ FIDEI

STEPHANO JAVORSKIO  
RESANENSI METROPOLITA, &c.

Ad evertendum LUTHERI Pantheon jactæ, repetitur ictus.

Datum ad omnes Fideles,

ET SERENISSIMÆ ALTISSIMÆ & POTENTISSIMÆ  
DOMINÆ

ANNÆ JOANNOWNÆ

TOTIUS RUSSIAE

IMPERATRICI, &c. &c. &c.

DICATUM

*Pro Em<sup>mo</sup>. S.R.E.*

*tori Hispaniae*



*Cardinali Protec-*

*Belluga.*

R.P. Fr. BERNARDO RIBERA BARCHINONENSI,  
ex Ord. Præd. Sacræ Th. D. & Regio Prof. Publ. apud Excel. D. Ducem  
de Liria, &c. Catholici Hispaniarum Regis Legatum in Russiam, Missionario  
Apostolico, &c.


VIENNÆ, Typis Mariæ Theresiæ Voigtin Viduæ, Univ. Typogr. 1731.



RESPONSUM  
ANAT. APOLOGETICUM  
FIDELI E. C. A. 1858  
CONTRA CALUMNIAS JULIANI  
JOHANNIS FRANCISCI RUDOLPHI nomine evangelistae  
IN OBLATIONE LATINE ET GREECE

PETRE FIDELI  
STEPHANO LAVORSKIO  
RESA. M. S. M. T. P. O. L. I. A. 1858  
D. N. M. S. C. O. R. P. O. S. I. T. I. O.  
AT. R. E. N. S. I. M. E. A. T. I. O. N. I. S. P. O. T. E. N. S. I. M. E.  
D. O. M. I. N. I. S.

ANNE LOUWINE  
IMPERATRICE  
R. E. N. S. I. M. E. A. T. I. O. N. I. S. P. O. T. E. N. S. I. M. E.



BERNARDO R. E. N. S. I. M. E. A. T. I. O. N. I. S. P. O. T. E. N. S. I. M. E.  
V. I. S. I. T. A. T. I. O. N. I. S. P. O. T. E. N. S. I. M. E. A. T. I. O. N. I. S. P. O. T. E. N. S. I. M. E.  
V. I. S. I. T. A. T. I. O. N. I. S. P. O. T. E. N. S. I. M. E. A. T. I. O. N. I. S. P. O. T. E. N. S. I. M. E.

SERENISSIMÆ, ALTISSIMÆ, ET POTENTISSIMÆ  
 DOMINÆ  
 ANNÆ JOANNOWNÆ  
 DIVINA GRATIA TOTIUS RUSSIÆ  
 IMPERATRICI &c. &c. &c.  
 Serenissima Altissima & Potentissima  
 DOMINA.



*V*aria etsi post infortuniorum discrimina, meam nunquam dolebo sortem, ex quo Legatione Catholici Hispaniarum Regis in Russiam functurus Dux de Liria, me, sacris domesticis ministraturum, tituloque Missionarii Apostolici ad hunc finem munitum, elegit; sub cujus umbrâ, florentissimum jam Ruthenum Imperium famam virtute vicisse, oculari observatione compererim. Invenisse, istud, Mulierem illam fortem, (a) non aliunde quesitam, sed è Curlandiæ Ducatu revocandam ad propria, inimici jam norunt, qui forsân latentes non desunt, à temporalibus tamen bellis Russiam quiescere sinunt. Rebus igitur Ruthenæ Ecclesiæ indagandis, sicut Monachum decet, primorum ipsius Prælatorum familiaritate concessâ, non parum sollicitus, specialem, circa Catechetica Confessionem, ex ab eisdem, tum responsis, tum rescriptis, semipara um tractatulum (alibi, Deo dante, completum) inceperam: cum ecce, pace temporali hand turbata, Fidei orthodoxæ hostis (nec certè unicus) arma



*movet in Ecclesiam ; nedum Ruthenam , quia suffi-*  
*citaverit Deus in eâ Sacerdotem fidelem, (b) Illust.*  
*quondam Stephanum Javorskium , Metropolitam*  
*Refanensem , Throni Patriarchalis Moskuensis*  
*Exarcham, in suo Petræ Fidei opere ; Sed & in Ro-*  
*manam , cui , ex uni-vocatione dogmatum , supponit*  
*Prelatum illum addictum. Discrepantiunculas , eâ-*  
*propter , inter nos desendas ( facillimè , bono animo si*  
*tractarentur , eliminandas ) intermittere respondi , ut*  
*Ruthenis quamplurimis ad hoc instantibus Præsulibus*  
*obsequuturus , communi huic , Lutheri nomine , Ec-*  
*clesiæ hosti , Orthodoxum responsum opponerem ; quo,*  
*à Græcis , & à Latinis sustentatum contra se videat*  
*Lutherana cohors commune bellum. Ex vicinitate,*  
*cavendam hanc noverant pestem ; Petrus Mogilas ,*  
*Kioviæ ; Adrianusque Patriarcha, Moskuæ ; quo-*  
*rum zelum imitatus , imò supergressus laudandus Ja-*  
*vorskus , addenda decrevit & pharmaca, quia ipsum*  
*non latuit indefessa Lutheranorum , inficiendo Ruthe-*  
*no populo , sollicitudo ; quæ ex tunc , Minervalium*  
*di-vendendarum mercium titulo , errorum figere non*  
*cessat venenata tela. Noviter , opertâ Buddei nomi-*  
*ne facie , contra Ruthenos , simulque Latinos & Græ-*  
*cos Orthodoxos cunctos , idem , scriptis repetière qui-*  
*dam , proximiores ut credo ; quos vocare liceat : Fab-*  
*ricatores mendacii , & cultores perversorū dog-*  
*matum ; atque utinam tacerent , ut putarentur*  
*esse sapientes. (c) Horum , quia quosdam audiivi*  
*quasi etherodoxiæ triumphum canentes Moskuæ, opus-*  
culum

(b) 1. Reg. 2. 35. (c) Job. 13. 4.



culum hoc citius perfecturus, tandem, ob nostrum hinc cum prædicto Legato discessum, in fine accelerandum, complevi in ipso nostri abitus pervigilio: descriptumque exemplar Moskuæ relinquens, eruditi viri cujusdam, ex Latino Ruthenam disposituri versionem, pietati satisfeci. Partum itaque hunc tenuitatis meæ, tanquam jure sibi debitum, supernominato Duci de Liria Legato cum privatim obtulerim, Imp. V. Majestati dicare mihi imposuit; cujus protectione fretus, libentissimè, pedibus V. Imp. Celsitudinis ipse quoque demittor, sperans ex notâ V. Imp. Majestatis pietate non spernendum opus licet tenuissimum, ex ejusdem necnon benignitate patrocinandum authorem; cujus scopus defendenda fides fuerit, lausque soli DEO quarenda. Si V. Imp. Majestati non ingratum munus obtulerim, etiam ex aliis terræ finibus non cessabit calamus, insurgat si alius etherodoxus contra Ecclesiæ Ruthenæ cum Latinis communia dogmata, sicut de quodam Calvinistâ futurum audio. Cunctis (Serenissima Domina) vera fides præscribitur; sed ultra, hujus defensio Christianis Imperantibus commendatur: ut, qui in moderando sceptro fidem sibi datam expetunt subditorum, repetito jure, nedum immortalī Regum Regi debitam servant, sed & contingentia in subditis, contra eandem obstacula, zelo Religioso compescant. (d) Fidelis Dominus in omnibus verbis suis, fideles nos vult in sanā illā fide, quam à DEO infusam, retinendam, regenerati sponndimus: quamque sicut sustinendam omnes

pro-



promissimus, tuendam Christiani Principes jurant; cu-  
 jus obligationis gestat V. Imp. Majestas in Coroná ipsá  
 Chyrogaphum, Orbi supraposita Cruce, cujus gloria sit  
 prima diadematis cura. Huic cingendo cum Te De-  
 us elegit, aderam Moskuæ; interque universi populi  
 plausus, qui Monarchiam in Te imminui nec permise-  
 rat, non sine edificatione omnium, sola visa es, profusis  
 lachrimis, Sacra coronationis & unctionis Ceremonia  
 Ritum perficere; tanquam, quæ DEO ipsi, quem Tibi  
 committebat populum, recommendares. Triumphalem  
 inde à prædicto Legato Hispania erectum, nunquam ut  
 par erat celebrando tunc festo, bisformem fornicem, reco-  
 lo: in quo utriusque Divini Testamenti oraculum re-  
 presentabat fœlix quod sperabatur Imperium. . . Mu-  
 lier illa Evangelica, ex uno videbatur prospectu; (e)  
 quæ supremi Domini Drachmam, non deperditam,  
 sed nonnullorum conatu nec traditam, everritâ domo,  
 in animis sic volentium populorum inveniens, sibi  
 congratulatuos vocabat: pluris æstimandam igitur  
 fidei drachmam servatura Ecclesia, everrendæ DEL do-  
 mui, seu potius non inquinandæ Lutheranis sordibus, æ-  
 quæ adlaboraturam desiderat, cui de Imperio temporali  
 congaudet. . . (f) Debboram proponebat prospectus  
 alter, in throno palmis jam referto, populo Præfectam  
 (g) in omne judicium: quæ præcedenti Samgar bre-  
 vissimè Imperanti succedens, ad populi incrementum  
 nil reliquit dolendum. Mortuo itaque altero (h) Ba-  
 rac in Javorskio, ejusdem supersunt, in elaboratâ per  
 ipsum Petrá fidei, arma: sed victoria contra Sisaram

re-

(e) Luc. 15. 8. 9. (f) Judic. 4. 5. (g) Judic. 3. 31. (h) Ibid. c. 4.



reputabitur *ſœminæ*, *quæ*, *judicatura* *populum*, *clavum* *Reipublicæ*, *Jahele* *fortior*, *tenet* *in* *sceptro*, *ut* *ce-  
rebrōſos* *quosvis* *etherodoxos* *confodiat*. *Pugnabunt*  
*Ruthenæ* *Eccleſiæ* *Prelati* *in* *huiusmodi* *homines*, *ceu* (i)  
*Stellæ* *in* *ordine* *ſuo* *manentes*, *ſparſis* *illuminantis*  
*doctrinæ* *radiis*; *protectus* *tamen* *fidelis* *DEI* *populus*  
*V. Imp. Majeſtatis* *temporali* *Regimine*, *ſœminæ* *eidem*  
*componet* *dramata* *laudis*, *cujus* *ope*, *victoriam* *canet*  
*reportatam* *ab* *hoſtibus*.

*Opusculo* *tandem* (*Sereniſſima* *Domina*) *illud-  
que* *offerenti*, *Protectionem* *Imperialem* *Benigna* *nē* *sub-  
trahas*, *quā*, *etiam* *ex* *Hiſpaniā*, *tibi* *obſequentiſſimum*  
*calamum* *hunc*, *meque* *ipſum* *exerceas*. *Faxit* *DEUS*,  
*ut* *communibus* *inimicis* *devictis*, *per* *Te* *quoque* *uni-  
vocarentur* *Eccleſiæ*, *quæ* *ferē* *idem* *in* *fide* *credendum*  
*proponunt*: *audiremusque* *Hiſpani* *ſonum* *Apoſtoli-  
cum*, *qui* (k) *exivit* *in* *omnem* *terram*, *in* *fines*, *ſal-  
tim* *Europæi*, *Orbis*, *per* *verba* *eadem* *reſonantem*.  
*Vale*; *Et* *bono* *Eccleſiæ*, *ac* *Imperii*, *in* *ſacula* *ſœlix*  
*vive*.

(i) *Judic. 5. 20.*

(k) *Pſal. 18. 5.*

## Sereniſſima Altiffima & Potentiſſima IMPERATRIX

*Imperialibus* *V. Majeſtatis* *plantiſ* *provolutus* *Sereus*.

FRATER BERNARDUS RIBERA.



**V**idi, & attente relegi præsens Opusculum, cui titulus: *Responsum Ant-Apologeticum Ecclesie Cathol. contra calumniosas blasphemias Joannis Francisci Budæi nomine evulgatas &c.* Ab Adm. R. P. Bernardo Ribera. Ord. nostri Præd. SS. Th. Doct. Professore & Missionari. Apost. Solidè elaboratum; in quo clarissimus author, ad exemplum Angelici Doctoris nostri D. Thomæ Aquin., Hæterodoxi Apologistæ tela adversus Orthodoxæ Fidei nostræ Catholica dogmata militantis, tam feliciter, quam fortiter eludit, & veluti Fidelis Domini Canis, Ecclesiam Cathol. vigilanter defendit: neque enim in hoc Opusculo quidquam reperi, quod veræ fidei, aut moribus adversetur, ut proinde illud judicem luce publicâ dignissimum. In cujus fidem, subscripsi. Viennæ in Conv. Præd. apud S. Mariam Rotundam. Die 10. Feb. Anno 1731.

Fr. CYRILLUS RIGA, Ord. Præd. S. Th. Mag. ejusdemq; in Univ. Viennæ Doct. Prof. Prim. & Senior Consistor. Eminentissimi & Cellissimi S. R. E. Card. à Kollonitz Inquisit. Gen. Hispan. Consultor; & Qualificator S. Gener. Inquisitionis.

## APPROBATIO FACULTATIS THEOLOGICÆ.

**E**go infra-scriptus, Opuscul. hoc à suo Authore A. R. P. Bernardo Ribera Ord. Præd. SS. Theol. Doct. Prof. & Mission. Apost. Solidè elaboratum, ac *Responsum Ant-Apologet.* &c. intitulatum; uti & ab Adm. R. P. Cyrillo Riga. Ord. Præd. SS. Th. Mag. ejusd. in Univ. Vien. D. ac Prim. Prof. ac Seniore Consistor. nec non Em. ac Cels. S. R. E. Card. à Kollonitz. Inquisit. Gen. Hispan. Consultore & Qualif. S. Gen. Inquis. adjuncto suo de Revisione Authent. testimonio roboratum, vi muneris mei approbo, & typis edendum censeo. Si ita & videbitur Rev. Peril. ac Magn. D. Univ. Rectori. Datum ex Canonâ Viennæ ad S. Dorotheam. Sub 11. Febr. An. 1731.

JOSEPHUS ROSNER. Can. Reg. S. Aug. ad S. Dorotheam. Prof. ibidemque Cancellariæ Præfect. SS. Th. D. & p. t. Inclytæ Facult. Theol. Decanus.

*Imprimatur.*

PETRUS SAYOY SS. Th. Doct. Canon. ad S. Steph. Univ. Vien. Rector.

## Corrigenda ; & Addenda.

**P**ag. 28. lin. 6. & 31. hæretificos. Lege, hæretifices - - pag. 109. 5. ut. l. aut. - - p. 133. 20. erubescamus. l. non erubescamus. - - p. 164. 21. quæ l. quas. - - p. 174. 8. usque l. utque - - p. 188. 19. cruc. l. cruce. - -

Ad pag. 146. lin. 9. addo; jam publicata esse exemplaria *Nomenclaturæ Boanergicæ*. vero Regi Angliæ Jacobo. 3. dicatæ, typis data Petropoli, quæ antehac ferè benigno occulta, pluribi legentur sparsa.

Ad pag. 154. lin. 9. addo; notandos Authores plures, probantes, Synod. *Illibertanam* (aliis *Elibertinam*) in civitate Cathalonix *Illiberis*, ad radicem Pyrenæi montis sita (vulgo hodie *Coblliura*) celebratam. Authores hos, inter Ruthenos me non invenisse, fateor, & nemo mirabitur. Productus est *Pujades, Chron. de Cataluña* (locus nunc datur) lib. 5. c. 2. - - Item suffragantur, *Illescas* lib. 2. c. 1. *Joan. Vasseus* lib. 1. c. 20. *Episcopus Gerunden.* in *Paralipomenon Hispania.* lib. 1. *S. an terra Rossilonis sit Hispania?* Efficaciùsque cunctis, *Stephanus Garibay* lib. 7. cap. 48. Plures omittuntur.

## SECTION I.

**N**terfectô Goliath, non quieviss<sup>e</sup> 1.  
 Israel<sup>e</sup>m, Divina prôdit historia; dum re-  
 gnante Davide post Saülis necem, (a) aliud  
 quoque bellum gestum est adversus Philistæos,  
 in quo percussit Adeo-datus filius saltûs Beth-  
 lehemites fratrem Goliath Gethæi; (quem alterum (b) Go-  
 liath Gethæum legimus alibi, *cujus hastile erat quasi liciato-  
 rium texentium*, quique prostratô primô, æquè è Gigan-  
 tæo genere *Rapha*, Philistæis successit præsidî) (c) *Sed &  
 aliud bellum accidit in Geth, in quo fuit homo longissimus,  
 (vir excelsus) qui senos in manibus, pedibusque habebat digi-  
 tos, de eadem origine Arapha. Et blasphemavit Israel; per-  
 cussit autem eum Jonathan, filius Samah fratris David.*

Quidnî, militatura usque ad Antichristi tempus 2.  
 Ecclesia Christi, novos quotidie inimicos sentiat, qui  
 nec præcedentium periculis cauti, nec prædicta (d) in-  
 feri imbecillitate ignavi, prævalere in Christi Sponsam at-  
 tentent? Hanc in veri Salomonis thalamo, (e) *sexaginta  
 fortes ambiunt -- omnes tenentes gladios, & ad bella doctissimi;  
 sed, uniuscujusque ensis super femur suum, propter timores  
 nocturnos: non desinet quippe tenebrarum potestas, cal-  
 catis per sacros Doctores antiquis, novos hæreticos sub-  
 stituere; quorum falcato Verbi Dei per ipsos gladio, re-  
 ctum vibrantes sermonem, obsistant Sponsæ illius custo-  
 des, cœu (f) gladium ex utraque parte acutum; aut (h) vi-*

A

vum,

(a) 1. Paral. 20. 5. (b) 2. Reg. 21. 19. (c) ibid. utrobique v. 20. & v. 6.  
 (d) Math. 16. 18. (e) Cant. 3. 7. (f) Apoc. 1. 16. - 19. 15. (g) Hebr. 4. 12.



vum, & efficacem sermonem Dei, omni ancipiti gladiô penetrabilior: discretorem cogitationum, & intentionum cordis. Tolerandi igitur hostes sunt, haud timendi; inevitabilis est hæc pugna, sed acuit triumphaturos certa victoria: (h) *ordinata* siquidem *castrorum acies* militans est in via *terribilis*, quatenus eadem in Patria quiescet sinè fine triumphans. An si novus insurgat *Goliath*, nec *David* jam pugnet, defecturus est Dei populo *Adeo-datus* aliquis prævalens? Imò si plures (i) *audaces, sibi placentes, sectas non metuunt introducere blasphemantes, Angelos habebimus fortitudine, & virtute, majores* -- Illi verò, velut *irrationabilia pecora* -- in *corruptione sua* peribunt. Exurgat, permittente Deo, *Senos* putans se habere *digitos*, resurgat *Centi-manus*, prodeat totus inferorum *Centiceps Hydrus*; nobiscum erit manus Domini; & quid manus? (k) *Digitus DEI est hic*, victi fatebuntur *malefici*: (l) *In digito Dei, demonia ejici* scimus, *ex quo, pervenit in nos regnum Dei*: aderit nobis non *Jonathan*, sed interpretatum (m) *Dei donum*, Dei spiritus, in cujus solemnitate cùm hæc scribere incipio, audio cani: (n) *dexteræ Dei tu digitus*: cujus vi roborati orthodoxi cæteros supervincant.

3. Jámque ad prælium accingendus, invocatô Dei nomine, quæram inimicum; quem, etsi jam emortui *Joannis Francisci Buddei* adsumptô nomine, larvatum credo; imò pluribus stipatum fociis, quorum consiliô, & opere, ferire tentat manus nulli conspicua, rimor virum alium, qui mutatô factorum ordine tenetur, *vocibus* (o) *Jacob* se fingere, audens *Esaü manibus*, scriptis dimicare. Sed quid ad præsens, si inimicum Deum non latentem noscamus? tantùm in ipsum arma vertantur, ut alium, vel *Buddeum* eun-

(h) Cant. 6. 9. (i) 2. Petr. 2. 10. 11. 12. (k) Exod. 8. 19. (l) Luc. 11. 20.  
 (m) Ex interpr. Bibl. v. *Jonathas*. (n) Eccl. Lat. in hymno Pentecostes ad Tertiam.  
 (o) Gen. 27. 22.



eundem resurgentem se simulet, rescripturus, licèt semel victus; apertum quem inimicum videre non pudor, sed rerum ipsius detrimentum sequendum impedit.

*Lapide, seu Petrâ fidei, fundibularius Pastor, Resa- 4.  
nensis & Muromiensis Metropolita, Stephanus Javorskius,*  
novum *Goliath, Lutherum*, ejusque viperinam in *Cal-*  
*vino* prolem enecans, ovésque Christi in ipsa *Pe-*  
*tra*, sale sapientiæ pascens, *quasi petra salis*, fuit  
(juxta (p) *S. Gregorij Papæ monitum*) *sacerdos in*  
*populis*: (q) *computatusque unus pro decem millibus*, unô  
ictu plusquam (r) *decem millia percussit*, truncatô & *Ace-*  
*phalô* *Lutheranorum* corpore; tantôque felicius *Davi-*  
*de*, ut relicta *Ruthenis* eâdem *petrâ*, non inermes eosdem  
constituat, sed (s) *extinctâ lucernâ Israël*, armamentarium  
intra saxum istud incluserit, quô *Ruthena Ecclesia* novo-  
rum *Goliathum* insultus queat evanidos reddere, repe-  
tendâsque succedentium ore in *Sponsam Christi* blasphe-  
mias vindicare. Lucem aspexit *Javorskii* opus, *Moskua*,  
annô 1728. prælô excusum: quô etsi priorem *Goliath,*  
*Lutherum* inquam, aggressus, ejus vires fregerit, ecce jam  
novus sequenti annô insurrexit; heterodoxiâ *Lutheri* fi-  
lius, malitiâ frater, blasphemiiis similis, animô idem; tan-  
quam *Lutheranorum Bi-Deus*, sumptô *Buddei* nomine, in  
quo & *Buddei* & *Lutheri* spiritus reviviscunt. Hic *Mo-*  
*skua*, ut credo, latens, plurimorum ibi degentiũ (extero-  
rum scio, sed *Ruthenorum Procerũ*, quos allegat, illum ad  
hoc moventium, etsi mendaciloquus asserat, nullius, ut in-  
frâ ostendam) causam acturus, relegavit *Jenæ* calamum:  
hòc nos secundò vocat ad pugnam; non tam *Ruthenos*,  
quàm *Orthodoxos Latinos*. Adeo-Datus ero, si hunc se-  
cundum *Goliath* interficiam, cujus nîl timeo hastam. (t)

A 2

Si

(p) *S. Gregor. hom. 17. in cap. 10. Luc.* (q) *2. Reg. 18. 3.* (r) *1. Reg. 18. 8.*  
(s) *2. Reg. 21. 17.* (t) *2. Cor. 5. 13.*

*Si excedam, Deo, cujus Sponsæ castra sequor: Charitas enim Christi urget nos.* Putavit, credo, Author, quia in fronte libelli doctissimum *Javorskium* oppugnare offert, se à Latinis liberum; operi quoque contra Catholicos Latinos obtreccionibus scatenti, etsi dogmata Græcis nobiscum orthodoxè communia oppugnanti, Ruthenorum neminem obstiturum; sed communi inimico indicendum commune bellum: licèt enim Græcos & Latinos aliqua sciderit nubecula, dissipabit eam potens ille (u) *Sol justitiæ, in cujus pennis est sanitas; & egrediemur & saliemus sicut vituli de armento eodem: & calcabimus impios, ac si fuerint cinis sub planta pedum nostrorum.* (\*) Latini confutavimus *Arrium*, Græci rejecêre *Donatum*: hi *Pelagianismum* detestati sunt, illi *Nestorianismum* pariter & *Eutychianismum* propulsaverunt: simul *Monothelitas* damnârunt, *Iconomachos* anathematizaverunt: Quisnam igitur, divisus adhuc Orientalis & Occidentalis Ecclesiæ coetibus, heterodoxus in Græcia, recursum habuit in Romana Ecclesia? quisve à Latinis Orthodoxis proscriptus, defensores habuit Græcos? Soli *Iconomachi* in Græcia orti celebrantur inter Latinos corruptos paucos Lutheri hædulos, videntur à cæteris Romanæ Ecclesiæ ovibus: imò *Ruthena Ecclesia* œcumenicum Concilium octavum, quò annò 869. Constantinopoli damnatus est *Photius* & depositus, non suscipiens, sed nec Conventum alium Græcorum (post decennium) *Photium* reintrudentem, amplectens; etsi Romanæ Ecclesiæ non addicta, nec Græcum *Photium* approbat, qui scindens Ecclesiam etiam Orientem divisit; septem priora inconcussè nobiscum œcumenica cognoscens, laudabiles, & ritum, & confessionem fidei Orientalium, servans, nec in causa dissidii partem habuit,  
nec

(u) Malach. 4. 2. (\*) recolantur per sæcula succedentes in Ecclesia hæreses, tum à Græcis, tum à Latinis rejectæ apud Historiographos.



nec circa schismatis authores, synodicè quidquam decrevit; quidquid de singularium quorundam dictis, fingant *Lutherani*, (x) ut eis Latinos odiosos demonstrent.

Quod ut clariùs pateat; missâ pro nunc radiatione Evangelii per *Andream* Apostolum, ut *Rutheni Annales* commemorant, aut per *Thadaeum*, & *Bartholomeum*, (y) ut alii scribunt, quin dicam (z) per Apostolum *Paulum*, prædicantem in *Mysia* (a) Asiæ minoris Slavorum Provincia, ad quam *Andronicus* discipulum Christi antiquiorem à se recommendatum, (b) *Româ* remiserit: nec negatâ præsentia *Salvi* Stridonensis Pannoniæ Episcopi in Concilio *Nicæno* primo; sicut concessâ subscriptione *Antipatris Rhos*, seu *Rhossos* in quadam *Antiochena* Synodo, (cujus meminit *Decret. Gratiani* dist. 16. cap. *sexta Synodus*, probata postea in Concilio œcumen. 6. Constantinopol. apud *Caranz*, pag. mihi 55. ex *Euseb. lib. 7. Hist. cap. 24. & 29.*) circa an. 363. eundemque si fateamur nominatum in dictæ Synodi Epistola ad *Jovianum* directâ (de qua *Socrates lib. 3. cap. 29.*) quæ omnia (ex *Annalibus Hungaricis Imhofer. tom. 1. pag. 86. ad an. 870.*) retulit novissimus *Gudmundus Krook*. (c) Nulli dubium est, si quendam permiserimus in *Russia*, ex personante in omnem terram Apostolorum voce, residuum Christianum, viguisse *Ethnicismum* generaliter, grassante idololatriâ, fanis erectis, & aris publicis, simulachris non paucis adoratis, Primariò, *Peruni* dictò, cæteris minoris notæ, *Uslad*, *Corfa*, *Dasva*, *Striba*, *Simaergla*, *Macosch*, &c. ut refert *Sigismundus ab Herberstein*, Legatus Germanicus, vel *Sigismundus Liber*, quò nomine prodierunt *Commentarii rerum Moscovitic.* (d) aut si idola quæramus *Slavis* communia, plures suppeditâ-

A 3

runt

(x) ap. Joann Schwabe. de relig. Mosc. disc. prælim. 1. Krook. sect. 1. cap. 4. & alii. (y) Miechow. Tr. de duab. Sarmat. lib. 2. c. 1. (z) Ghiselinus. Synops. hist. pag. 66. (a) Act. 16. 7. vid. ind. Geograph. Bibl. (b) Rom. 16. 7. (c) Krook. cit. sect. 1. cap. 4. pag. 55. (d) Comment. rer. Moscov. pag. 5.



runt *Mollerii* in *Diatriba historico-critica: Innocentius Ghiselinus*, & alii. (\*) Lis est apud Authores, sub quo tempore, cæsis idolis, Russia Christo nomen dederit? quibusdam nonô, quibusdam decimô sæculô contenditibus: horum discussis circumstantiis, componendos omnes iudico cum citato *Krook* (e) quem tamen non approbabo in cunctis; ut coniectem (quia demonstrari non potest) à quibus Græcis baptizati & edocti sint *Rutheni*, an à *Photianis*? ut contendit *Possevinus*; anve ab aliis, qui Latino-  
rum socii *Photianas* partes sequuti non essent? ut nititur probare *Papebrochius*. (f) Et nè *Krook* citatus, & cum illo plures ejusdem odii in Catholicos, tam audacter pro *Photianorum* parte resolvat; imò nec *Vejelius* in suo *tractatu de Ecclesia Græcanica hodierna*, ex tempore inferat Græcam Ecclesiam generaliter scissam à Romana (quia fortè non legerunt Eruditissimum Græcum *Nicolaum Comnenum Papadopoli Cretensem*, in *Prænotionibus Mystagogicis*, convincentem, adhuc post *Photii* tempora, perstans commune Ecclesiæ Græcæ & Latinæ suffragium, & refellentem acrimoniam *Photianorum*) siquidem Catholicorum scripta falsitatis accusant, Lutheranos sibi similes audiant in his quæ vera scripserunt.

6. Chronographus Ruthenorum *Nestor* (g) *Petrurski*. p. 1. & ex isto *Herbinus* (h) *de Chrypt. Kiov.* conversiones quinque Ruthenorum tradidit: primam, per *Andream* Apostolum; secundam, annô Chr. 863, sub Imperio Græco *Michaelis 3.* expulsô à Constantinopolitana fede *Ignatiô* per *Photium*; (de qua apud scriptores cæteros nullum verbum) tertiam, circa Annum 880. Imperante *Basilîo 1. Macedone*; quartam baptizatâ *Olha*, vel *Olga*, regnante pro

(\*) omnes apud *Krook*. loc. cit. cap. 4. §. 1. (e) *Krook*. ibid. §. 4. (f) *Papebr.* præfat. ad *Ephemer. Græco-Russicas*. (g) apud *Krook*. ib. pag. 53. (h)

cap. 3. pag. 16.

pro impubere filio *Igoris*, *Swiatoslav*, Constantinopoli, (sub Imperatore *Joan. 1. Zemisce*, scribunt *Annales Russiæ*, (i) unde aliquis erit error in designato tempore an. 958. cum *Joannes* iste Imperium subierit post *Nicephorum 2. Phocam* (k) An. 970. quô jam filius *Olhæ* Russos gubernabat, nè dicamus *Olham*, quam nuptam *Igori*, circa An. 910. regnantem pro filio hærede ab An. 921. ad 945. supervixisse ad An. 970. & ultrâ sub *Joannis Zemiscæ* Imperio; unde credendum est baptizatam fuisse sub Imperante ante *Phocam Romano 1.* (quidquid ex *Stepenna Kniga*, conetur ostendere, *Eruditus Grossius Professor Petropolis*, in manuscriptis *tabulis chronologicis Politico-Ecclesiasticis historiæ Russiæ*, quas fortè luci daturus postea, mihi communicavit, in nonnullis credo corrigendas) Quintam generalem solemnissimam *Russorum* Conversionem, paucis in annis discrimine, notant omnes circa An. 990. vel 989. quô, regnante *Wladimiro prædicti Swiatoslai* filio, secum baptizatus populus totus per *Michaelem Syrum* primum *Metropolitam Kiowia*, refertur in *Stepenna Kniga* (l) (quam *Baronius* ad An. 1008. alii ad An. 1000. hoc factum reducant) numeratô more *Ruthenô* antiquô *Annô mundi* 6497. correspondente 989. *Christianô*: tunc attritis idolis, ac in *Borysthenem* projectis, collustrata *Russia* Evangelium, & ritus Græcos amplexa, continuatis Christianis quoque Principibus servat, inque Mahometanam Tyrannidem totâ Græciâ fortior, septentrionalis murus, & indirectè, etiam Occidentalium munimen, Christi Crucem sustentat. Quare *Maximus ille Czar Joannes Basilewitz 2.* non minùs scriptis in Lutheranos propulsandos, quàm armis gloriosus in alios, hæc scripsit: (m) *Baptizantur nostri (Rutheni) in nomine Patris, Filii, & Spiritus*

(i) *Stepenna Kniga*. *Stepen. 1. Gran. 5.* (k) *Pfaffius* in *Hist. Eccl. tab. Sæc. 10.*  
 (l) *Stepen. 1. gran. 20.* (m) *Ap. Krook. loc. cit. ex respons. ad Confess. Rôbitz.*



*tâs Sancti, nunc, & in sæcula benedicti* (en bene explicatum unum Deum & trinum) postquam primus progenitor beatus ille, & Magnus Czar Wlodimirus divinitus illustratus, nomen Basilii ad mysticam undam nactus est: à quo tempore, usque ad hunc diem, **NON RUSSICA, SED CHRISTIANA APPELLATUR FIDES NOSTRA.** Aurea verba, quibus (n) nulla distinctio Judæi, Græci, aut Latini exprimitur, sed idem Dominus omnium dives in omnes, qui fideliter invocant illum; ut desinant jam Lutherani oblatrare in sibi devios, nomine fidei seu Ecclesiæ Ruthenicæ ipsorum insanô judiciô taxandos. Quomodo ergo in Schismatis partem aliquam trahentur, qui gloriosa tantum Christiani appellatione dignosci volunt? sed de his fusiùs loquuturi postea, quomodo Lutheranos sibi bene notos vitandos sentiant.

7. Ad initia igitur conversionis vertar, ut quales Ministros à Græcia receperit, Lutheranos Lutheranis confutaturus, conjiciam. Kromaierus Lutheranorum Chron-Oraculum ad Centuriam nonam (o) Michaelis 3. tempore Bulgaros conversos supponens, de sequenti Basilio 1. Macedone, scribit: *Russis etiam, quos hodie Moskovitas vocamus, ut Christo nomen darent, author fuit.* Pfafius Christophorea recentior Lutheri columna (nullibi sicut Kromaierus nobis Catholicis non maledicus,) eodem sæculô, affirmat: (p) *Porro Hunnorum, Slavorum, & Bulgarorum gentes, hoc ævô, Christo nomen dedere - CONVERSI, & hoc tempore RUSSI, Indi, Malabares &c. forsan hoc idem Lutherani falsum dicent: quia Baronius noster (q) ante ipsos protulerit?* Insuper: ex Joanne Curopalate, Zonara (tom. 3. pag. 139.) Cedreno, (compend. hist. pag. 589.) refert Schwabe

(n) Rom. 10. 12. (o) Hieron. Kromaierus. Hist. Eccl. cent. 9. pag. 384. 385. (p) Pfafius. inst. Hist. Eccl. Sæc. 9. c. 2. §. 3. pag. 171. 172. (q) Baron. tom. 10. annal. & in append. tom. 7. pag. 815.

be (r) *Joannes*, miraculum illud præstantissimum; quò Archi-Episcopus quidam ab Imperatore *Basilio* missus, prædicans inter Dei portenta liberationem trium puerorum à Babylonico igne, sciscitatusque à Russis æqua in Evangelii accipiendi confirmationem desiderantibus, missò in ignem Evangelii librò, & in Christi nomine à flammis illæsò, veram Christi Divinitatem Ruthenis commendaverit, qui ideo Christianam Religionem amplexi sunt. (Nec mirum, quòd Lutherani plures fidem miraculi hujus, sicut plurium, parvifaciant, qui ad confirmationem doctrinæ, vel errorum Lutheri, nec unum valent ostendere, ex his, quæ in initio probaverunt confingere.) De hoc ipso miraculo audiatur *Krook*: (s) *Miraculum hoc ante Wladimirum contigit, & sub Basilio Macedone factum, non autem Wladimiri tempore; & sic Basilios confudit.* Restat ergo, Lutheranis testibus, credendum (etsi non generaliter, ut postea per *Wladimirum*) jam sæculò nonò, *Basilii 1. Macedonis* tempore, quando *Ruricò* Novogorodiæ Duce, suprà memoratæ *Olhæ* post regnantis Socerò, (t) ædificata fertur *Kiovie* Urbs per tres fratres, *ki Tschek* (aut *Txeck*) & *Choreb*, (aut hispanicè, *Joreb*) conversionem quandam Ruthenorum fuisse, in *Palatinatu Kioviensi*, versùs minorem *Tartariam*, ubi Novogorodienfes Principes haud dominabantur, usque ad annum 896., quò expugnatam cepit *Kioviam*, interfectis *Oskoldò* & *Dirò* Principibus, (u) *Olegus* Tutor *Igoris* Avi *Wladimiri 1.* cum *Olhæ* *Igoris* uxore; de qua conversione meò videri intelligendi sunt *Baronius* & *Papebrochius*. Itaque, sicut sæculò 10. in fine, conversa fertur per *Wladimirum Russiam* tota, tempore *Basilii 2.* Græci Imperatoris; ita sæcu-

B

lò 9.

(r) Joann Schwabe cit. disc. prælim. 2. (s) Krook. loc. cit. §. 3. pag. 51. (t) Ex Stepenna Kniga, Stepen. I. Tabulæ mscr. Grossii, memoratæ. (u) Stepenna I. & Gros. ibid.





num cunctis Concilii definitionibus acquiescerent? quibus annuentibus, damnationique *Photii*, & *Iconomachorum*, (y) *calamis non atramentò, sed Christi consecratò sanguine tinctis*, subscripturis; *etsi rogatus Imperator*, ut ob dignitatem primus nomen apponeret, respondit: *suum non esse subscribere synodo, nisi post Episcopos, exemplò Constantini Magni, Theodosii, & Marciani, se tamen subscribere post Legatos Apostolicæ Sedis, & Patriarchas Orientales, honoris gratiâ sibi à PP. collatâ, non desiniens, sed suscipiens, & consentiens.* Nec negabo post decennium mortuò *Ignatiò*, sub eodem *Basilio*, *Photium* iterum Constant. Sedi præfectum; sed consentiente sequenti Pontifice *Joanne 8.* (addit. laudatus *Petrus Annatus* (z) in tract. de Conciliis) quare, quasi fæmineæ imbecillitatis Pontifex iste viriliter *Photio* non resistens, effæminatî spiritûs dictæria incurrens, locum dedit fabulæ de *Joanna Papissâ*, ab ipsis Lutheranis jam hodie irrisæ, (ut ex *Horatio Tursellino*, novissimè notavit *Burius* (a) vitas describens Pontificum:) *Photium* enim, non semel Constantinopolitanæ Sedis indignum, etiam inviti produnt *Lutherani* (apud citatum *Pfaffum* ad Sæcul. 9. cap. 3. §. 4.) fatentes, eum Anno 888. secundò depositum, & *Stephanò Leonis 6. Philosophi* fratre suffectò, in Monasterium relegatum, sub *Adriano 3.*

Hinc conjici debet, quibus Græcis usâ partum illud 9. lum Ruffiæ minoris dederit Christo Ecclesia: neutiquam enim Photianum credent, cordati, qui Basilium Macedonem photianismum extirpaturum cum Græcis Latinis additis legerunt. Quot sæculis continuârit in Græcia, incepta *Photiò* authore discordia, antequam ferè omnes à Latinis se segregaverint, latet neminem ex Catholicis,

B 2

qui

(y) Ad Longum ap. Petr. Annat. loc. cit. (z) Ibid. in fin. pag. 88. tom. 2.  
(a) *Burius* in vita Joan. 8. ex *Tursellino*, Epitome historiarum.



qui prænominatum *Comnenum* (b) viderint; ex Luthera-  
nisque, qui suis *Kromaiero*, & *Pfasio* supra adductis cre-  
dant: uterque liquidem, Sæculô 11. (ille pag. 453. iste  
pag. 209.) memorat continuatam discussionem capitum  
dissidii, missô per Leonem 9. Constantinopolim *Humber-*  
*tô* Monachô Lotharingô, ubi cum *Niceta* Græco, etsi sine  
non sequutô pacis, in arenam descendit: sicut Sæculô 12.  
uterque pariter scribit colloquia ad tentatam unionem  
nonnulla, *Pfufius*, in Concilio Constantinop. 1168. *Kro-*  
*maierus*, alterum in Cassinensi Cœnobio Italiæ, inter *Pe-*  
*trum* Diaconum, & Philosophum quendam Græcum, præ-  
sentibus *Lothariô* Imperatore Latinô, & Legatis Impera-  
toris Orientalis, ope quorum translata Græcè disputa-  
tionis exemplaria in Græciam missa refert à Patriarcha,  
& Imperatore videnda: alterum Constantinopoli in tem-  
plo *S. Sophiæ*, inter *Anselmum* Episc. Havelberg. & *Nechi-*  
*tem* Archi-Episcopum Nicomediæ, solemnibus ad hoc  
destinatis ab Ecclesia Constantinopolitana Notariis; qui-  
bus liquet, non adeo extinctam fuisse in Græcia Chri-  
stianæ pacis cum Latinis memoriam, ut plurimi non ad-  
essent (& adsint) qui Photianæ nobiscum inimicitiae mor-  
dicus non adhærent. Nec diffitebor, cum sapientissi-  
mis non paucis etiam nunc in *Russia* mihi contigisse com-  
mercium, quorum vix unum dicerem Catholicorum ini-  
micissimum; sed quid si alii dentur, pluribus unitati Ec-  
clesiæ non obstituris, imò hâc Deô permittente non ha-  
bitâ, ipsi gratias, quòd inter Latinos solos Lutheranos &  
Calvinistas æstimant verè heterodoxos, de quò, infra, cer-  
tior faciemus fidem. Quomodo enim *Russia* Christia-  
na, *Photii* dogmata, & Synodorum ipsius acta tueretur,  
quibus nunquam se immiscuit, si nec Græciam nunc hoc  
agere

(b) In præfat. ad prænotat. mystagog. (c) *Pfafs. Sæc. 12. cap. 3. §. 3. pag. 226.*  
(d) *Kromaier. cent. 12. pag. 485. sequ.*

agere, constat ex Responsis Patriarchæ Hieremiæ? (e) quæ  
 nè mihi Lutheranus quidam opponat corrupta, laudiat  
 quid fuit *Kromaierus* (f) responsionem hujus propositu-  
 rus annotet: *Hiscæ septem columnis* (id est septem Conci-  
 liis Oecumenicis): *Sapientiam superstruxisse domum suam*  
*dicunt Græci, nec aliam synodum post hascæ septem esse re-*  
*cipiendam.*

Liquet ergo primos illos gloriosos viros, sub utro- 10.  
 que *Basilio* Imperante 1. & 2. missos in *Russiam*, sive ba-  
 ptizatâ *Olhâ*, & vocatâ *Helenâ*, sive Nepote hujus *Wla-*  
*dimirâ*, vocatâ *Basilîo*, tam remotos fuisse à Photianis  
 tunc cum Ecclesia Romana contentionibus, ut nec ver-  
 bum de hac scissura ad populum convertendum facerent,  
 quem in vera Christi lege, & inconcussis septem Conci-  
 liorum dogmatibus informârunt. Græciæ ardebat ignis,  
 cujus non legimus pertigisse in *Russiam* flammæ. Si tem-  
 poris decursu ille malô nostrô crevit, ut scissura nos in-  
 ter successerit, hanc nec Ruthenâ Ecclesia aluit, nec sy-  
 nodicè in minimo approbavit; licet Græci ritûs tenax,  
 & pia cultrix, Patriarchis quoque Græcis, juxta Sacros  
 Canones (præscindendo à Photii schismate) per plura sæ-  
 cula subdita, quosdam Photianô in Latinos odiô non li-  
 beros Prælatos cognoverit, ex quorum singularibus di-  
 cteriiis, Lutherani millena blateronum scripta repastinant:  
 quia Lutheranâ charitate, etsi Ruthenos ad eorum hæ-  
 reses deflecti despèrent, persuasâ sibi à Latinis discordiâ  
 satisfiunt: nec mendacium profertur solemniùs, quàm  
 ab omnibus ferè Lutheranis asseveratur securiùs, quòd  
 scilicet inter externos, Catholicos Latinos torvioribus in-  
 spiciant oculis, quod etsi quasi novum quid mitigaverit  
*Kroock* (g) novissimus de rebus *Russiæ* Scriptor, dicerent,

B 3

vel.

(e) Patr. Hierem. ad Lutheran. pag. mihi 56. (f) *Kromaier*: cent. 5. de Stat.  
 Eccl. Orient. pag. 281, in nota marginali. (g) *Kroock*. cit. Sect. 1. cap. 4.



vellem, cæteri; solemne aliquod Rutheni unius scriptum in Catholicorum dogmata, sicut plura in Lutheranos infra adducenda; sufficeret *Javorskii*, quem taxat *Author Apologiae pro Lutherò* sibi respondens, velut Romanis additum; ad convincendum contrarium: nusquam enim visus est adhuc Ruthenus scribens (publicè) quem teneamur Latini Catholici dicere Lutheranum, quia calamum in nos strinxerit; qui si fortè esset, teneretur *vel alium se fingere*, vel *Jenam confugere*, nè heterodoxus lapidaretur à pueris, unicum Lutheri errorem professus, quem proscripserunt Græci omnes. Si ea quæ audierim referam, nec unum Ruthenum accusabo, adhuc ex Rusticis, bene de Lutherò loquentem; si quæ vidi proferam, erunt multi, qui Sacro à me celebrato astiterunt, quos in publico nostro templo inter sacra, devotissimos notavi. Dicant tandem Lutherani quid velint, etiam inanimatos citabo testes; campanis publicis ad sacra, *Moskua*, congregamur Catholici; quod nec tintinnabulò permissum est Lutheranorum templis.

- II. Cautiùs igitur *Buddeus* processisset, si personatus non esset: allegat siquidem *Schediasma*, quod ante annos aliquot, de *Ecclesia Romana cum Ruthenica irreconciliabili* ipse protulerat (pag. 2.) & immediatè (pag. 3.) profert: *Ruthenorum non minùs, quàm nostræ (Lutheranorum) Ecclesiæ interesse, ut calumnia ista & obtreptiones (Javorskii) refellantur*. Imò, si dicendum quod res est, graviùs, nisi veritas in apicem producat, Ruthenis, quàm nobis (Lutheranis) imminet periculum, cum *ROMANÆ ECCLESIAE AD-DICTIS* non obscurè blandiatur *Javorskii*, imò ad illorum captandum favorem, certè ad animum erga illos propensum significandum, tam iniquum erga protestantes se præbeat. A nostra autem Ecclesia, ut nullam sibi aut libertati sua metuendi Rutheni habent causam, ità Romanum contrà jam dudum hoc egisse

egisse Pontificem, ut eos sub jugum mitteret, nemini illarum ignotum esse potest. (& concludens.) Hæc si experiri aliquando Ruthenos juvet, credant Javorskiô, detestentur protestantes, colant Romanenses, horumque collum suum tandem submittant jugo. Verba hæc, dicet aliquis, orta ex securitate irreconciliabilitatis, quam fulminavit Schediastra Prognosticon; anve ex timore quô laborat Apologista? Fateor me non vidisse schedam illam, quam quæram, cerno tamen ex nova formidine spiritum alium. (h) Quod timet impius veniet super eum, quia in Schediasmate & similibus, putant Lutherani se habere spiritum (i) Abiæ prædicentis divisionem tribuum, sed ipsos agitat (k) Spiritus ille mendax, qui ad necem Achab, suos exercebat Prophetas. Permittatur mihi eum aggredi ita fortem, qui, se defendente impossibilem reconciliationem dedit, parvipensô pronunc istô, qui Javorskiô procurante reconciliationem jam timet. Si ille Ecclesiam Ruthenam à Græca & Orientali antiqua præscidit, nec Ecclesias novit, & Ruthenis injuriosius ipsos nec Latinis, nec Græcis associat; certè tamen Rutheni non sunt ut Lutherani ab utrisque proscripti. Ex hucusque dictis patet, Ruthenorum à Romana Ecclesia nullum fuisse secessum; sed abstractivam independentiam, quam Patriarchatus Orientales Canonicè stabiliti, secundum antiqua Ecclesiæ jura, immunem ab omni Schismatis nota tuebantur, (ut imediatè deducam;) nec Ecclesia in Russia aliquem unquam fecit ad sedem Romanam recursum; aut ab illa, in administratione Canonica, & Hyerarchica habuit dependentiam, sed à Constantinopolitana, à qua sua habebat initia. Dixisset igitur Schediastra Buddeus; inconciliabilem Ruthenam cum Romana Ecclesia, mendacis Spiritûs vaticinium protulisset; sed irreconciliabilem, cui suô Lutheranorumque votô nunquam concilia-

(h) Prov. 10. 24. (i) 3. Reg. 11. 30. (k) 3. Reg. 22. 22.



ciliata fuit, quis nisi insipiens in titulo operis proferret? Hinc timuisse *Apologistam* conjicio, nè Eruditissimi *Javorskii* ope conciliaretur cum Romanâ hæc Ecclesia, quia legens eam *irreconciliabilem*, conciliatam aliquando supposuit, (in quo, quâ Græca est, verè non fallitur;) aut quia fortè legit apud *Pfadium*, sæc. 16. cap. 2. §. 5. pag. 299. *Ecclesiam Moskoviticam & Russicam, cum Romana unionem inivisse, haud multò post tamen rescindendam*: quod melius invenisset sæculò 15. in Conc. Florent. per Isidorum Metropolitam Moscuæ, sed tunc fecère Rutheni, quod cæteri Græci; quod autem semel fuit, non erit ita mirum si iterum fiat. Vocem igitur *Schediasæ Buddei* correxit sapientissimus *Theophanes* Archi-Episcopus nunc *Novogorodiensis*; cum (in *Oratione* de laudibus emortui Magni Petri I. Imperatoris, quam *Plescoviensis* adhuc Archi-Episcopus dixit in Templo SS. Trinitatis in festo SS. Apost. Petri & Pauli, typisque datam *Revaliæ* 1726. Serenissimis *Holsatiæ* Principibus *Carolo Friderico & Annæ* Conjugibus dicavit) *Schediasam* prædictum in laudem Principis allegavit (pag. 54.) suppressò *IRRECONCILIABILITATIS* nomine, quem sic produxit: *DOCTISSIMUS* ille, qui de *DIFFICULTATE* nostræ (Ruthenorum sc.) cum *Latinis* concordie disputavit. Ubi, quod eum doctissimum dixerit, miror; sicuti quod vocem *irreconciliabilitatis* correxerit, laudo. Legi jam siquidem *Schediasma*, in quo, Opusculo à sapientissimis *Sorbonensibus* pro concilianda *Ruthenorum* cum *Romana* Ecclesia Petro illi Magno præsentato, conatur occurrere, sed, ut sic dicam, insipientissimè: nulli enim aut minimæ *Sorbonensium* satisfaciens rationi, non modicùm notæ pietati Magni illius Principis derogat, cum (in plurimis §§.) *superstitiosa* blasphemiat dogmata Orthodoxa, quibus non additum mentitus Principem laudat. Nèdum eapropter dici debet *INDOCTISSIMUS* *Schediasæ*; sed

sed quoque, & civiliter autoritate *Imperiali*, & canonicè per Ecclesiasticam *Russæ Synodum* à tota *Russia* proscribendus.

*Ruthena*, inquam, Ecclesia, si eam inter particula 12.  
res *Græcas* velimus præscindere, labis omnis experts mansit Constantinopolitano Patriarchæ subjecta: jurgiis enim Patriarchas inter & Pontifices synodicè nîl tulit suffragii, nec *Photium* sequuta, etsi obsequuta Patriarchis Constantinopolitanis semper fuerit. Hoc si probem canonicè, nedum *Ruthenos* ostendam ab omni in Schisma illud influxu salvos, sed alias Græcorum, & Orientalium Ecclesias plures eisdem principiis defendam immunes.

Erectum Christi *non de hoc mundo*, sed, *in hoc mun-* 13.  
*do* Regnum (quod, *Monarchicum* in *Petro* ad *pascendas* finè discrimine *oves omnes* (l) & *agnos* profitemur Latini Catholici) *Aristocratiâ* temperatum (m) stabilientes Apostoli, primas Ecclesias in diversis orbis partibus, quibus parerent cæteræ, fundaverunt: *Petrus*, *Antiochenam*, *Romanam*, & *Alexandrinam* per *Marcum*; *Paulus* non paucas; *Joannes* (teste (n) Hieronymô) *totas Asiæ fundavit*, *rexitque Ecclesias*: determinatis quibusque sitibus, ut velut Supremi in primis urbibus, Præsides Episcopos in Provinciis constituerent, istique Superintendentes seu Episcopos alios, qui Presbyteros cæteros ordinarent, ut sic Hierarchiâ nedum servatâ, sed regimine, in uno corpore, primus, inferiores quoque pasceret per subalternos. Præter istas, in quibus Patriarcharum monumenta servantur, tres *Exarchos*, vel *Autocephalos* constituerat *Joannes*: pro *Asia* *Ephesi*, *Cappadociæ* *Cæsareæ* pro *Ponto*, & *Bizantii* pro *Thracia*; quos Patriarchatus Constantinopolitanus, novæ Romæ sumptô nomine suppressit.

C

his

(l) Joan. 21. 15. (m) Math. 18. 18. (n) S. Hieron. lib. de Scriptor. Eccl.



his fufius authores hiftorici, & (o) Can. 35. Apoftol. ubi *Epifcopi fingularum gentium jubentur recognoscere primum, quem velut caput exiftiment, & nîl præter ejus confenfum gerant, quàm illa fola, finguli, quæ Parochiæ propriæ, & villis, quæ fub ea funt, competunt: -- fic enim unanimitas erit.* His manentibus Metropolitanis per prima fæcula, in Syn. Oecum. Nicæna 1. Can. 4. jubetur ut ordinatis Epifcopis per Comprovinciales, (p) potestas, vel sanè confirmatio, pertineat per fingu- las Provincias ad Metropolitanum Epifcopum. Can. 6. committitur Alexandrino, (juxta morem antiquum) potestas hæc in Lybia & Pentapoli, fuppositâ in exemplum antiquiori authoritate Romani Epifcopi; & Antiocheno, cæterisque Ecclesiis, (certè dictis Asiæ Autocephalis) honor fuus unicuique; taliter, ut sine consensu & voluntate Metropolitanæ ordinatus Epifcopus, pro non Epifcopo habendus, declaretur. Can. 7. Honor Metropolitanæ datur Hierofolymitano, fed fervatâ dignitate, (id eft authoritate) Metropolitanæ Civitatis (Alexandriæ) - - (Hoc forfan à quibusdam neglecto) An. 341. in Synodo Antiochena, (confirmata per sextam Oecumenicam) Can. 9. per fingu- las regiones decernitur Metropolitanis cura totius Provinciæ, cunctaque ad ipfum referri cæterorum Epifcoporum negotia, præter ordinationes Presbyterorum. Nomen Patriarchæ, adhuc Annô 381. in Concil. Const. 1. erat inauditum; tamen in Can. 5. (vel aliis 2.) decretum eft, ut Constantinopolitano Epifcopo daretur honoris Primatus post Romanum, eò quòd fit nova Roma. Malè tulère primi Metropolitanæ, alii Orientales, hunc fibi præferri; quare, his instantibus, Romana Sedes, nunquam hoc acceptavit, non ob propria ablata jura, cujus fempèr fupponebatur Primatus, fed ad antiquiorum Ecclefiarum

(o) Apud Caranza. Sum. Conc. (p) Ap. Caranza, ubi fuprà ad long. fuis loc.

fiarum honorem, sacrosque Canones tuendos. Nec unô verbô circa hoc prolato in Synodo Ephesina, in qua, antequam advenirent *Arcadius, Projectus*, Episcopi, & *Philippus* Presbyter, Legati *Celestini I.* non *Constantinopolitanus Nestorius* ( tunc damnatus ) præsidere tentavit, (q) sed *Cyrillus* præfuit, nedum ut Apostolicus Legatus, sed jure suæ Alexandrinæ Sedis in Romani absentia; unde constat, prædictam Const. Episcopi decretam dignitatem secundi, nullam inter Græcos ipsos habuisse vim: quia *Nestorius*, etsi damnandus, suum obtinisset antea locum; sicut in sequenti Synodo Chalced. sedentibus à sinistris Legatis Romanis, tanquam nobiliori locô, à dextris primus sedit *Dioscorus* Alexandrinus Episcopus (damnandus). *Anatolius* autem Constantinopolitanus post Legatos, unde Alexandrino cedens honorem. Quare in dicta Chalcedonenſi Synodo, jam fortiùs pro Constantinopolitano Episcopo, non contra jura Romani, sed Alexandrini, Antiocheni, & potiùs contra antiquos Asiæ Exarchos sanxere Græci, can. 9. (r) ut recursus causarum inter Clericos fieret *ab Episcopis ad Synodum*, à Metropolitanis ad Prælatos, & tandem *ad Constantinopolitanæ Regiæ civitatis sedem*. Et (s) can. 28. seu A. 16. & ult. jus Patriarchii post Romanam, Constantinopolitanæ Sedi competere, his verbis: (t) *ut his qui de Ponto sunt, & de Asia, & de Thracia Diocesibus, Metropolitanos solos: rursus autem, & QUI INTER BARBAROS SUNT EPISCOPOS PRÆFATARUM DIOECESUM*, (quomodo loquebantur tunc de sibi incognitis septentrionalibus) *ordinari à prædictæ Constantinopolitanæ Sedis Ecclesia; quippe, ut unusquisque Metropolita præfatarum Diocesum, cum Episcopis suæ Provinciæ ordinet suæ Regionis Episcopos, &c.* Hæc ad longum protuli; unde

C 2 *radix*

(q) vide ad long. Petr. Annat. lib. 5. art. 4. & 5. Sectionis 3. pag. 40. sequ. (r) Ap. Caranza, fol. 120. (s) apud Petr. Annat. ubi suprâ. (t) Caranza ibid. fol. 130.



radix petenda est Canonici regiminis continuati, & erecti in Ruthenorum Ecclesia.

14. Certissimum est, nec tunc ejus Vicarios, nec postea Romanos Pontifices hunc Canonem approbasse, usque ad Concil. Lateran. 4. Anno 1215. sub Innocentio 3. Can. 5. (u) concurrentibus Orientis Patriarchis, universisque Christiani Orbis Principum Legatis, ultrâque 1200. Patribus. Sed tamen distinguendum est inter *substantiam*, & modum seu *motivum* Canonis. Substantia erat Ecclesiarum Orientalium administratio, quam semper à Metropolitibus, & Primatibus habitam in Ordinationibus Episcoporum, & Ecclesiarum, nemo ambigit; quàmque solum in casibus hæresum publicarum, Conciliorum convocandorum, sedium deturbatarum, Patriarcharum intrusionem, & alias communissimas causas, ad Romanam spectasse Sedem, nullus dicet, qui ex historia Ecclesiastica aliquid legerit. Motivum Canonis erat, (x) *quoniam Sedi Senioris Romæ, propter imperium Civitatis illius, Patres consequenter Privilegia reddiderunt*; indè Imperiali novæ Civitati reddenda probantes. Hoc Roma retudit directè; cùm à Christo per Petrum Apostolorum Principem, cujus Successor est Romanus Pontifex, Caput visibile Ecclesiæ credamus Latini, & (ex Joan. 21.) convincere me alibi putem, minimè humanò Ecclesiæ Privilegiò Papa, ut Petri Successor, sic creditur; ut Patriarcha Occidentalis, & ut Episcopus Romanus, tenetur Patriarchalibus, & Episcopalibus Canonibus legibus, quarum ipse, ut Ecclesiæ caput, est, locò Christi, dispensator, & custos. Substantia Canonis, nîl Romam attingebat; imò ab anno 451. quò Chalcedonensis Synodus hoc decreverat, usque ad 879. quò Photiana sequuta est discordia, in tribus Synodis Oecumenicis, celebratis, & deinceps, sine

(u) Petr. Annat. ubi suprà art. 13. (x) Caran. ibid.

finè contestatione admissus fuit Patriarcha Constantin. post Romanum Episcopum, omnesque Metropolitæ per ipsum erecti, & ordinati, à tota Ecclesia fuere recepti: solum illud motivum Romanam Sedem ex humano privilegio primam supponens rejectum est; hocque prætermisso à Græcis, in Concil. Lateran. dicto, 1215. cætera fuere plenè confirmata, quia nihil renitentibus cæteris Orientis Sedibus, Ecclesia sic regebatur in pace. Videatur can. 11. Synodi Nicænæ 2. ubi œconomum Ecclesiis assignari, Metropolitæ negligentibus, à Patriarcha Constantinopolitano, decernitur, juxta Can. 26. Chalcedonen, in quo, *Petrus* uterque Legatus, aut *Adrianus I.* nil obstitisse leguntur.

Sic canonicè authorizata Constantinopolis Sedes, 15. ritè ordinavit Episcopos, istique canonicè sibi subduntur, nedum ex eis, quos Thracia, Pontus & Asia habebant, sed ex novis Provinciis Græcorum ope ad Christianam fidem redactis; quas unicuique ex Patriarchalibus attigisse, cui deberetur illius conversio, testatur contentio ipsius Constantinopolitanæ cū Romana Ecclesia circa *Bulgaros*, ad quam nempe attinerent, à cujus scilicet Ministris conversi fuerint; ut in historia Ecclesiastica nemo ferè reticet. Fuerit inter Patriarchas Const. & Romanos Pontifices divisio; proscriberentur illi per Apostolicam Sedem; (y) *væ illi per quem scandalum venerit!* quod, moraliter est necesse ut veniat; nunquam Ecclesia Ruthena scandalo huic opem tulit, quæ nunquam synodicè quidquam contra Romanam Sedem definivit. Jura Constantinopolitana, nusquam tetigit Ecclesia Latina, etsi in Patriarchas judicium tulerit: tenebatur igitur Ruthenos inter fundata per Græcos Patriarchas Ecclesia, Metropolitæ canonicè stabilitis, juxta adductos Canones (præscin-



dendo, ut suprà diximus, à Schismate ) parère, Constantinopolitanamque Ecclesiam Patriarchalem venerari, ad ipsamque in Metropolitaram Confirmatione recurrere, quò veri Episcopi, & Presbyteri cæteri, verum, purum, haud scissum Coetum Ecclesiasticum constituerent, Canonico jure utentes, per quod Constantinopoli subdebantur.

16. Et quia innovata quædam post plura sæcula, possent diſcretici cujusdam pennam acuere, breviter cunctis occurram. Primus (z) *Metropolita Kiovia, Michaël Syrus*, An. Chr. 988. in secunda generali Conſensione, stabilitus, ex Can. 35. Apostol. Antiochen. 9. Const. primi. 9. & 28. adductis, & jure Patriarchali Constantinopolis, ritè creatus supponitur. Post sexcentos Annos, etsi Metropolitas (a) successivos, qui Sede è *Kiovia, Wladimiriam*, & hinc *Moskuan* erectas in Regnantium aulas, transtulerunt; vergente Mundi 7095. Chr. 1587. *Job* (b) priùs Metropolita fuit evectus in Patriarcham, per Patr. Constantinop. *Hieremiam*, qui cum Metropolita uno, & duobus Episcopis Græcis in Moscoviam venit, simulque Patriarchalem Sedem *Moskua*, & Metropolitam *Alexandrum Novogorodie* instituit. Hunc *Jobum* & sequutos, potuit Romana Sedes inconsulta, non Patriarchas agnoscere, sed solos Metropolitas ab indubitato Patriarcha creatos; qui nîl Constantinopoli derogârunt, ex quo Sedis illius Antistites Rusiæ Ecclesiam sibi subiectam independentem fecerunt, quia pro Patriarcha nominando, non tulere leges Canones facri, assumptò hoc titulò in honorem primarum Urbium, qualis nunc inter Christianos est Moskua Caput Christiani Rutheni Imperii: justissimùmque sentirem, si quemadmodum *Constantinopoli*, *nova Roma* dictæ, ob Imperantium

(z) Ex Stepen. 1. gran. 20. Tab. Chronol. Gros. cit. (a) Ordine adducuntur in ejfd. Tab. usq. ad Stepen. 17. gran. 20. (b) Ex Stepen. Kniga 17. gr. 20. Krook. Sect. 1. c. 18. §. 1. pag. 164.

Christianorum aulam secundus Patriarcha datus est ab Ecclesia; ita Russiæ, potiori jure, *novæ Græciæ* nomen tribueretur, & Moscuæ, *novæ Constantinopolis*, in qua, Orientali cessante Imperiô, Christiani Imperantes subsistunt; unde à Christianis Principibus, istis adjudicaretur Orientale Imperium, sicut ab Ecclesia tota, Sedi Moscuensi, Patriarcha, salvis aliorum juribus, honoribus Constantinopolitano non impar: ubique enim, Christiana Ecclesia Orientis pusillus grex gemens sub Turcarum Tyrannide, in Russia verò Imperium inter Europæos majus liberrimè Christum adorat sub Christianis Principibus. Ab Anno 1703. mortuô *Adrianô* Patriarchâ, nec per Imperatorem Petrum I. provisô de successuro, constitutus est celeberrimus iste *Stephanus Javorski* Resanensis & Muromensis Metropolita, vacantis Sedis Patriarchatûs Exarcha & Administrator; an hoc factum ex Patriarchæ Constp. Consensu, non invenio, qui poterat in hanc Ecclesiam nova jura sibi devolvenda prætere; sed nequè auditum est, hunc, aut Metropolitam Kiovienses aut Novogorodieneses qui stabiliti in Dioeceses sibi subjectas (semper præcisô ut diximus schismate) jus habere videbantur, contradixisse; erectisq; jam antea Metropolitae aliis, ut hic *Resanensis*, *Rostov. Casan. Saskiensis*, &c. jam Synodis pluribus nationalibus plura ordinata sunt, quæ consensu expressô aut tacitô Const. Sedis aliter disponunt. Nec dubito in rebus gravissimis, speciali lege non cautis, ad *Patriarcham Const.* recurrere, ut constat, in deponendo *Nicon* Patriarcha, Annô 1667. advocati sunt. (c) tres Patriarchæ Orientales Moskuæ, qui eum in judicio depositum damnavère, substitutô *Josaphat* à Synodo & Czare Alexio. Signum ergo est ratas habuisse Patriarchas Cnsp. cunctas Russiæ in administranda Ecclesia novitates.

Con-

(c) Krook. sect. I. cap. 18. §. 2. pag. 165. &amp; Tabul. Geogr. Gros. cit.



17. Consultius igitur, ( suppressâ Patriarchali dignitate, de quo non ad præsens ) ab Anno 1720. mortuô Javorskiô, Synodô Ecclesiasticâ ( vocatâ sanctâ ) ex diversis Imperii Prælati institutâ, res Ecclesiæ, locò Patriarchæ administrantur. Quam, nec Constantinopolitano reclamante, rectè de rebus Ecclesiæ decernere, ( seclusô itèm schismate ) suadent, Canon 37. Apostol. (d) statuens; *bis in Anno celebrari Episcoporum Synodos, ut inter se invicem dogmata pietatis explorent, & EMERGENTES ECCLESIASTICAS CONTENTIONES AMOVEANT.* Can. 5. (vel. 3.) Nicæn. 1. idem præcipitur, (e) ut Episcoporum gesta examinentur: *rectè visum est, per singulos Annos, in singulis Provinciis, bis in Anno, Episcoporum consilium fieri, ut simul in unum convenientes ex communi Provincia, hujusmodi examinent quæstiones, &c.* -- Can. 9. Calcedon. (f) Si Clericus adversus suum, vel alium Episcopum habeat causam, apud audientiam Synodi Provinciæ conqueratur -- quodsi contra Metropolitanum, pergant ad ipsius Diœcesis Primates, aut certè ad Constantinopol. Regiæ civitatis Sedem, ut eorum ibi negotium terminetur. Lutherani insuper eorûmque focii, qui Ecclesiæ decreta contemnunt, attendant Ruthenorum praxim haud taxatam apud suum Krook: (g) Reliquis (Conciliis, idest particularibus) tantam auctoritatem, (quantam œcumenicis) non esse tribuendam (Rutheni sentiunt) omnem autem illis adimendam, non sinunt credere provocationes ad Concilia particularia non infrequentes. Restat itaque, Ecclesiam Ruthenam (juxta dicta, schismate præcisô) semper Canonicè in regimine processisse, etiam nunc, stabilitâ permanenti Synodô; quæ non *bis in Anno*, sed continuò de Ecclesiasticis rebus judicat, nîl læsis Episcoporum jurisdictione, vel Sedis Constantinop. aut Roma-

(d) Ap. Caranza, fol. 4. (e) Idem fol. 32. (f) Idem fol. 120. (g) Krook. cit. sec. 1. cap. 19. §. 3. pag. 175.

*Romanæ* Canonici Juribus. Hanc eapropter dicemus aut *irreconciliabilem*, si eandem verè dicamus cum Græca, aut *inconciliabilem*, si illam vellemus ab ista præscindere? Pudeat *Schediastas Buddeo* similes vaticinii, nedum spiritûs mendacis, sed stupidi: quia potioribus fundamentis timet *Apologista* possibilem *Conciliationem*, si *Rutheni credant Javorskio*; qui licèt nec unum verbum in favorem Capitalis authoritatis visibilis, quam tuetur Roma, protulerit: dogmata tamen Græcis, Latinisque orthodoxis communia, contra Lutheranos defendit.

Apud hanc igitur Ecclesiam forsan intendent Lu- 18; therani profugi à Romana refugium? Russos, an, Græcæ antiquæ Religionis avidos ad se tentabunt pervertere? Num, sicut *Calvinistæ* (Lutheranis Scriptoribus utor) (h) per *Cyrillum Lucarium*, *Genevæ*, in *Belgio & Anglia educatum*, ex *Alexandrina*, *Constantinopolitanam Sedem* (illorum opibus) *naçtum scriptâ Confessione, reformatam fidem in Ecclesiam Orientalem invehere tentaverunt*, ità ipsi in Ruthenam, Lutheranismi pestem funestâ contage conspergere conabuntur? Haud timens de fructu, sic sentio; sed meminerint vellem de *Lucarii* fine, nè alium ad eundem exponant in *Russia*: (i) *Tantam odium apud Græcos sibi conflagavit* (Lucarius) *ut eapropter ab ipsis coram Vezierio accusatus, laqueò à Turcis interemptus fuerit, & in Synodis duabus Constantinop. An. 1638. & 1642. itémque in Synodo Hierosolymitana, anathemate percussus.* Legant apud *Kromaiærum*; (k) *strangulatò Cyrillò*, Patriarchas duos sequentes in Synodis, *ad confessionem Patriarchæ Hieremiæ, tanquam orthodoxam, provocasse*; nec obliviscantur, hanc ab illo efformatam (l) contra Augustanam Confessionem, à Theologis Tubingensibus (Lutheri tubis) per *Crusium*;

D

an-

(h) Pfaffius ad Sæc. 17. cap. 2. §. 6. pag. 317. (i) Idem 16. (k) Incidenter ad cent. 5. à pag. 290. ad 298. (l) Idem 16. pag. 280.



antecedenti Patriarchæ transmissam. Reminiscantur *Waldensium*; quos, (m) *Joachim Hesterberg*, *Hamburgensis* in Theatrum publicum *Argentorati*, Annô 1668. produxit *Orthodoxiæ Lutheranæ* testes, & socios (ego dicerem Patres) quærantque, (n) à prima in ipsos animadversione per *Archiepiscopum Lugdun. Joannem de Bella-mais, vivente Waldô*; per *Alexandrum 3. in Concil. Later. 1179.* & Sanctum Patrem meum *Dominicum*, ejusque Fratres usque ad *Joannis Huf* tempora, mutatis tot nominibus, quot Sedibus: num profugi illi errantes, per quatuor usque ad *Lutherum sæcula* nullibi ferè non odibiles, minimum saltèm ipsorum tutorem habuerint *Græcum*? Certè iste *Waldensium* Nepos antiquiorem *Lutherô* sobolem jactaturus, scripsit: (o) *quin imò, ex Illyrico in Graciam, Thraciam, & Constantinopolim usque, progressi sunt*: sed (citans *S. Antonin. p. 3. tit. 21.*) addit: *aliquot ibi MARTYRUM coronis insigniti*; en æquè à *Græcis*, ac à *Latinis* exceptos *Lutheri* progenitores: quorum posteris hoc restat solatiũ, quòd si à *Græcorum* filiis *Christianis Ruthenis* eadem *Laureâ* ornarentur, rescripturus hic *Apologista* residuus *Martyres* vendicaret *Buddeanâ* canonizatione colendos.

19. Sat responsum judicarem *Apologistæ* exordio, qui usque ad paginam 11. totus in *Javorskium* debacchatur; cujus scilicet opus *Petrus 1. sive Magnus ad æternas damnaverit tenebras* (pag. 2.) hujus tamen optimi Principis decretum producere impotens. Nîl *Lutheranis* novum mortuis detrudere, sicut de piissimo *Carolo 5.* ipsorum in vita malleo, delirantes confingunt ad eorum declinasse errores; cùm tamen in monasterio *S. Justi in Hispania*, relicto sæculô, sanctè obiisse, nemo ignoret. Miror tamen, quòd immediatè, approbationem *Sapientissimi*

(m) Dissert. cui tit. *Ecclesia Waldensium*. (n) Ibid. Sect. 2. art. 1. §. 4. (o) Ibid. Sect. 1. art. 3. §. 7.

fimi *Theophilacti Lapotinski*, Twerensis Archi-Episcopi, in Scholis subtilissimi à me etiam noti Theologi, in Diœcesi Pastoris Vigilantissimi, in Synodo probissimi Judicis, in tota Russia amabilissimi Prælati, in opus *Javorskii* datam, non sileat: *librum esse utilissimum, summâque rerum Divinarum sapientiâ compositum: non tantum utilem ad confirmandos animos IN DOGMATIBUS ORTHODOXÆ ECCLESIAE, atque ad retundendas blasphemorum hæreticorum blaterationes, sed & valde necessarium!* de quibus loquatur *hæreticis*, explicaverat jam *Javorskius*. Addam: nullum me adiisse doctum in Russia virum, cujus manibus non teratur, judiciò non approbetur, librique Author laudibus à cunctis extollitur. An hi omnes palàm loquentes minoris erunt notæ inter paucos exterorum homunciones, quos alit Ruthenorum politia, sed detestatur Religio, ut dicat Apologista (pag. 4.) *utriusque Ecclesiæ Ruthenicæ, & Lutheranae agi causam* in oppugnando commendato à cunctis *Javorskio*? An quia iste vocat *Lutheranos, & Calvinistas* Hæreticos, *sinè fine, & sinè modo calumnias, convitia, & obtreccationes in Protestantes conjicit?* (pag. 1.) An ex quo, ex relatis (pag. 8.) amicitiam, & communionem cum hæreticis vitandam suadet, ignaris præsertim, obtreccatorem dicemus & Paulum (p) cujus monita memorat? scio quantum hæc vox pungat *heterodoxia*, quotquot hæreticos proscripsit Ecclesia; Legi quoque *Pfaffium*, (q) post alios à se relatos, dissertationem notis illustrandam, sed defœcatam edidisse, de crimine hæretificii; ubi (r) *eum, qui bonâ fide* (ut ait) *errat*, id est, eum, qui adhuc Ecclesiam definientem præ se errâsse judicat - - (s) *eum, qui non habet fidem* (quam blasphematur) *SECTARIAM, quæ ex communibus traditio-*

D 2

nibus

(p) 2. Tim. 2. ibid. 3. 2. Thessal. 3. 14. (q) In fine tract. de instit. juris Eccl. Francofurti impr. an. 1727. p. 465. (r) 16. art. 1. pag. 468. (s) Id. art. 2. pag. 473.



nibus conflatur - - cunctos tandem (t) qui non ex humana quavis traditione (Divinam agnoscit nullam) veritatem pendere, credunt: qui SOLAM SOLAM SCRIPTURAM (à se vel corruptam, vel sinistrè expositam) agnoscit, ab omni hæresi liberat; quâ doctrinâ suppositâ, omnes antiquos SS.PP. hæreticos dicet, cùm nullus quasi fuerit hæreticus, cui *Christus atque Divina ejus verba Lapidibus offensionis non fuerint*, ut optimè notavit Javorskius in operis initio: nullus enim fatebitur *malam fidem*, quâ errat, quâ scripturas corruptit, quâ (u) *Ethnicus alter & Publicanus, Ecclesiam definientem non audit*, quâ (x) *spretis Ecclesie vocibus, spernit Christum, & Patrem, qui eum misit*; si autem *hæreticum constituit pertinacia*, frustra expectaremus damnare Confessos, si nefas esset tales declarare Convictos: quales extitisse *Novum Goliath* à Javorskio Confossum, ejusque Sequaces, infrâ, ex Latina Ecclesia supponens, ex Græca, & Ruthena, imò ex Lutheranis ipsis evincam. Sufficiat pro nunc, nè in Ecclesia novum *hæretificii crimen* invehant, supponere, nullum Cyprianum inter Lutheri affeclas extitisse, de quo S. Augustinus (y) ait: *Non accipio, quod de rebaptizandis Hæreticis, & Schismaticis sentit beatus Cyprianus*: (ponderetur ratio) *quia hoc ECCLESIA non accipit, pro qua beatus Cyprianus sanguinem suum fudit*: qui tamen, (z) supponens hominem, ex ignorantia, cum Photino Syrmienti Episcopo in Illyrico, Divinitatem Christi negantem, si judicet hanc esse Catholicam fidem; *Istum (ait) nondum hæreticum dico, nisi manifestatâ sibi doctrinâ Catholica Fidei resistere maluerit*. Nec Javorskium ergo, nec ejusdem, quos supponit Magistros, nec Ecclesiam in Lutheranorum descriptione vocet *Apologeta* (pag. 2. & 8. 9.) cum adducto *Pfasio, hæreticos*; sed *hæreticos, vel hæretifugas*. Ma-

(t) Idem pag. 476. (u) Math. 18. 17. (x) Luc. 10. 16. (y) S. Aug. lib. 2. cont. Cresconium Grammat. cap. 32. (z) Lib. 4. de Baptismo. contr. Donatum.

*Magistros disciplinæ Favorskii*, insinuatos pag. 2. 8. 20. 95. sed, pag. 114. & sequ. exprimens, *Jesuitas* supponit; contra quos, quasi *Favorskii* Societatem illam Religiosam constitueret, pugnam indicit. Ab *Apologista* convitiis tuendos, infra, eodem cogente, servo; interim vitiosam suppositionem, nec negans veram, redarguo. Cunctos Lutheranismum impugnantes si ex *Jesuitis* concederem, plurimum à cæteris Latinorum Religiosorum sacris cœtibus, circa *Societatis* laudes relinquerem invidendum. Huic gloriandum, quod Ecclesiæ dogmatum, quasi tutrix futura, Lutheranis coæva, paratum fuerit à Deo Ecclesiæ pharmacum, unde viperinum spumabat venenum, novusque dicatur plantatus in Latina Ecclesia hortulus, unde senticosum segregabatur vepretum: (a) *constans enim fuit omnium sensus, etiam Pontificiò confirmatus oraculò, Deum, sicut alios aliis temporibus sanctos Viros, ità Lutherò, ejusdemque temporis hæreticis, Ignatium & institutam ab eo societatem objecisse.* Sed gloriâ hâc celebres, cæteri Religiosi, *Jesuitas* non fatebimur unicos: nam ex singulis numerabiles erunt, qui scriptis in hæreticos decertârunt; nec novum est Lutheranis, à *sanctissimo P. N. Dominico Guzmano* hæredium Prædicatorum Ordinis esse: (b) *capere vulpeculas, quæ demoliuntur vineas; cujus sacri instituti jubar, prælucens tribus sæculis, errorum Lutheri pulsavit nubila, dum scribente Sancto Thoma Aquinate: (c) factum est, ait Pius V.; Omnipotentis Dei providentiâ, ut Angelici Doctoris vi, atque veritate doctrinæ, quâ Apostolicam Ecclesiam illustravit, infinitis confutatis erroribus, ex eo tempore, quò cælestibus civibus adscriptus fuit, multæ, quæ deinceps exortæ sunt hæreses confusæ & convictæ dissiparentur -- quod & antea, & liquidò nuper in sacris Tri-*

D 3

den-

(a) Breviar. Præd. in offic. S. Ignat. 31. Jul. lect. 2. nocturni. (b) Cant. 2. 15.  
(c) Breviar. Præd. lect. 3. noct. die oct. S. Thom.



*dentini Concilii Decretis apparuit. Splendidissimus* (hic juxta Paulum V.) (d) *Catholicæ Fidei athleta*, nostram cumulare gloriam, *Thomas Aquinas*, *cujus scriptorum clypeò, militans Ecclesia, hæreticorum tela feliciter eludit.* Latini igitur & Græci Monachi, qualis fuit *Favorskius* quoque, cuncti hæreticos impugnamus, impugnare didicimus & docemus: (e) *unus est ad hoc cunctorum Magister Christus*, qui nos instruit, vitandos (f) *cùm Ethnicos & publicanos eos, qui non audirent (docentem & corrigentem) Ecclesiam:* (g) *argueréque -- in omni patientia & doctrina, tempore, quò sanam doctrinam non sustineant (quinam? (h) Magistri illi mendaces, qui introducent sectas perditionis. Quid ad te (quisquis sis ó Buddee) quod illis aut aliis usum Magistris noscamus Favorskium? si (i) doctrinam ejus miramini, quid ad vos, Lutherani, quod à nullo didicerit? Respondebitur vobis in Christi Verbo: Doctrina Favorskii, non est ipsius, sed Ecclesiæ & Christi, ut patebit legenti. Orthodoxi, etiam Latini; (k) dicemus, quia bonus est; vos dicetis: non, sed seducit turbas; si hoc putatis probare ex Jesuitico Magisterio; augebitis Præceptorum honorem, quibus gratulamur, haud exauthorantes discipulum, cujus in petra hac Fidei incisa dogmata unanimiter confitemur cum Græcis Romani.*

21. Tangit *Apologista* eos, qui ipsum nec noverant, ut à rationum *Favorskii* vi fugiat, quarum nec minimam frangit. Responsurus Viro Græcis aculeis utenti, in Romanos tela vertit. Ruthenus Prælatus, in Lutheranos anathemata inter Ruthenos vibrat, cui satisfit convitiis in Jesuitas congestis. Estne hoc *Apologistæ* exercitium, an *Apologantis* Apostatæ fabulosum opusculum? (l) *Invi-*  
*de,*

(d) Ibid. Breviar. Ord. Præd. (e) Math. 23. 10. (f) Math. 18. 17. (g) 2. Tim. 4. 2. (h) 2. Petr. 2. 1. (i) Joann. 7. 15. (k) Ibid. v. 12. (l) S. Basil. ap. Arsdek. appar. doct. sacr. v. invidia.

*de, quid suspiras?* (ait S. Basilius) *propriūne malum, an alienum bonum?* Errores Lutheri expressè confundit *Favorskius*, hoc fictæ tuæ Ecclesiæ malum. Romanam Ecclesiam indirectè approbat, dum (quædam) ejus dogmata ab Apostolis, & Græcis & Latinis recepta demonstrat; en alienum bonum, quod Lutheranum pungit; indè suspirat improbus *Apologista*, ob commune bonum uniendæ Ecclesiæ, quod timet, quodque *Favorskius*, etsi exoptans, suo in opere non prævidit, qui oves sibi commissas unicè à tabe Lutherana servandas intendit. Jam liberum in me *Apologista* (alterius vel ejusdem) non mirabor calamum; sed vereor, nè me scribente, in Ruthenos vertatur odium eorum, qui à Rutheno offensi, in Latinos exercuere vindictam. (m) *Ecce ego, quia vocasti me;* respondebo etiam tertiò, si me advoces vivum, si contingat iteratam audire vocem Ruthenis ob dogmata Sacra nobiscum communia insultantium: Deus enim vocat, dum provocat alius, qui dogmata ab ipso Ecclesiæ tradita oppugnat.

Non Ruthenus, sed Hispanus, ex aliis Europæ fini- 22.  
bus, non tam *Favorskii*, quàm operis ejusdem catholicissimè compositi vindex ostendor. Non *Lithuanus* aut *Moskuensis*; sed *Cathalanus*, *Barchinonensis*, cui licuit, cunctorum pace inter Ruthenos vivere, horumque pietatem, contra Lutheranorum scriptorum mendaciâ, visu dignoscere; (de qua, favente Deo, fusiùs opusculum parat, publicandum si necessaria suppetant.) Non *Jesuita*, aut illorum discipulus, licèt horum scriptorum plurium venerator iustissimus; sed *Dominicanus*, cui à pueritia aliam providit Patria scholam; cui à juventute, ante quindenium, Prædicatorum Ordini adscribi, horum Professoribus instrui contigit, instructuròque postea alios, *Angeli*



*lici Doctoris S. Thomæ Aquinatis scriptis, juramentô opus fuit non semel obstringi. Cui tandem, non objiciet Apologista, (sicut imponit aliis pag. 11.) aut pecuniâ corruptum, aut aliô vitæ hujus commodô inductum, Latinorum tenere Castra, aut Græcorum, sive Ruthenorum (orthodoxa quæ fuerint) tueri dogmata: qui imò conqueritur, ex Cathedra tum scholastica, tum Evangelica pulsus; & coætaneis & junioribus inter suos posthabitus; in requirenda forsan justitiâ nec auditus; eò plus fortunâ deferretus, quò amicis præditus; charissimâ sibi Patriâ exul; solâ Celsissimi Domini ejusdem *Excel. Ducis de Liria, Legati* apud Ruthenam Imperialem Aulam *Hispani*, cui in sacris ministrat, singulari miseratione contentus. Vis me (Apologista) clariùs noscere? in hujus opusculi fronte nomen non suppositum lege; in me vertatur calamus, Jesuitis parce, Ruthenis nè irascaris: Catholicus Latinus, Religiosus simplex, indoctus apud suos loquitur, alia nè fingas. Si hic te vocat *hæreticum* non est tibi injurius; à celebratissimo *Barchinonensi* Concive & *Episcopo S. Paciano* hoc didicit, cujus virtutem (n) *Ecclesia*, eloquentiam simul (o) *S. Hieronymus*, zelum in Novatianos (Luthernus licet) *Pfaffius* (p) non silent. Iste, damnatis Novatianis, (q) Romæ per *Cornelium*, in Africa per *Cyprianum*, & Antiochiæ, per Græcorum Synodum, tres Epistolas ad *Simpronianum* Novatianæ sectæ virum direxit, quas in Bibliotheca PP. tom. 4. licet inspicere: in quarum prima diversitatem *Catholicorum* ab *Acatholicis* statuit; in tertia, *Simpronianum*, licet hæreticum, *fratrem* nominat: quia instrui à *Paciano* quæreret; in secunda, conquesto *Simproniano*, quia *hæresis* eum notâset, sic respondet: (r) *Refectum**

(n) Martyrolog. Rom. 9. Martii. (o) S. Hieron. lib. de scr. Eccl. (p) Pfaff. hist. sæc. 4. cap. 1. § 3. pag. 62. (q) Garanza fol. 18. & Krommaier. Cent. 3. pag. 137. (r) Vid. Biblioth. PP. in edit. Lugdun. 1677. tom. 4.

*factum esse te dicis prioribus Epistolis meis, & statim addis: ME CUM AMARITUDINE RESPONDISSE, QUÆ SCRIPSERIM: si amara reficiunt, quid dulcia operentur ignoro, nisi quia, ut medicinae poculis, solet amarum magis, quàm dulce medicari. Sed queso, literæ meæ, an aliquo felice respersæ sint? quid superbum, quid insuave responderim? PLURES ME, ais, HÆRESES NOMINASSE, de quibus nemo quaesierit: AGE, QUID TUA, SI HÆRETICUS NON ERAS? qui cùm de fide nostra moveres quaestionem, & doceri velle te diceres, scripsi, IGNORANTIÆ CAUSAS ESSE MULTIPLICES, QUÆ VOS POTISSIMUM HABERET, ut aperires, nè retexendis pluribus æstuares. Hæretifices num judicabuntur, quilibet Favorskium edocuerint? conviciosus aut Favorskus, quia Lutheranismum appellaverit hæresim? obtrektorésve, opus commendantes Favorskii, dum impingentes Latinos Novatores in petram fidei vocârunt heterodoxos? Absit. Agite, QUID VESTRA, SI HÆRETICI NON ESTIS? --- IGNORANTIÆ CAUSAS ESSE MULTIPLICES, QUÆ VOS POTISSIMUM HABEAT, respondet Barchinonensis Antiquior Ecclesiæ Pater, sæculi 4. in Patrum doctrinâ, nec mordacitate Lutheranâ corrupti, sæculi, inquam, quod (Lutheranô teste) (s) paries integerrimus est, Patres puriores, ab impurioribus discernens. (quis non horret hæc legere?) Addétque Barchinonensis novissimus, Novatorum à duobus sæculis præcipuam IGNORANTIÆ CAUSAM; superbiam, inquam, radicem malorum omnium, cujus (t) initium est apostatare à Deo; ipsa autem initium omnis peccati: hâc, docentes Ecclesiam fallibilem, & præ illa, (u) dicentes se esse sapientes, stulti facti sunt; mirabili jactantiæ genere, ut non possint sapientes putari, quin appareant scelerati (x) dimittentes*  

E legem

(s) Krommaier. Cent. 5. §. status Ecclesiæ. (t) Eccli. 10. 14. 15. (u) Rom. 1. 22. (x) Prov. 1. 8.



*legem matris eorum ; sed quid mirum ? (y) stultus homo despicit matrem suam ; -- filii autem sapientia Ecclesia justorum : -- Dens enim iudicium Matris exquirens firmavit in filios.*

23. Nec prætermittendum igitur, *Apologistæ* inmedium, sed inconsequentissimum stultiloquium. Id (ait pag. 9.) non sine ratione aliquis miretur, quod statim ac de Beato (miserrimo legamus) Martino Luthero loqui incipit (Javorskii) se Ruthenica Ecclesiæ addictum esse, ejusque sacra sequi parum memor esse videatur ; si modò serio illi addictus fuit, & non potius inter proditores ejus atque transfugas numerandus sit. Mira certè hebetudo incapax ad Sophismata ! unde prodicionem infert Javorskii, seu fugam in Latinorum Castra ? audite signum : quia de Luthero hæc protulit : *Novus adversus sanctam Ecclesiam Goliath insurrexit Martinus Lutherus contumeliis laceffens exercitum Dei vivi, & varia convitia, atque probra adversus Sponsam Christi, quasi rugitu suo eructans.* Nunc ostendit ictum (z) lapidis Javorskiani infixi in fronte, cœu in Lutheranorum cerebro, *Apologistæ* ità insanientis stupiditas. Utinam sic possemus inferre : ergo quotquot ex Græcis, & Ruthenis, Lutherum inimicum Ecclesiæ protulerunt, Latinorum seu Romanorum Ecclesiam veram Sponsam Christi fassii sunt, exercitumque Dei vivi, cujus Castra sequuti fuerint ? si consequentiam capit, nullus Lutheranus, hanc Romanæ Ecclesiæ laudem concedet, ad quam, Græcos non desideramus transfugas sed concordēs : nec Græci Latinam, nec Latini Græcam, Ecclesiam Christi diffitemur (nî garulorum paucissimi :) pugna tota fuit & est, circa exercitū hujus Dei vivi, vice Christi Domini (dum (a) abiit in regionem longinquam accipere sibi regnum & reverti) Generalissimum Ducem : vestros cœtus (ô Lutherani) etiam Ecclesiæ nominis indignos sentimus & Latini & Græci : no-

(y) Prov. 15. 20. (z) 1. Rég. 17. 49. (a) Luc. 19. 12.



strorum, retentis ritibus, Sacramentis, disciplinâ modicissimè conciliatâ, *unum* erit, sicut fuit, Corpus mysticum Christi; vestrorum, cum neutris sequi potest consortium, nî recipiscentes, etiam nomen *Lutherani* aut *Calviniste* anathematizetis nobiscum. Nedum non vitantur à nobis Græci, aluntur, educantur Romæ, piis sumptibus, Templis, Collegiis, quorum ministeriô utitur in Pontificali majori officio Papa Romanus; Græci sapientes, Latinos non respuunt, imò horum sacra venerantur, sicut à me celebrato sacro Missæ sacrificio in magno Monasterio Trinitatis (*TROIITZA*) devotissimè assistisse Archimandritam cum pluribus, testabor millies; sicque antè scripsit confrater meus *Jacobus Goar*: (b) *Episcopi, & Enorite*, quos *Parochos* vocamus, si resciverint aliquas è gregibus suis oves ad Ecclesiæ Latine pascua & communionis illius pabula divertisse, non moleste ferunt, imò tacitè commendant, quamdiu non condemnant publicè. Addo, non quod vidi, sed quod ipse feci: manibus meis in omnium præsentia, palàm & in Ecclesiæ conspectu, Diaconis Græcis sacram synaxim sub unicâ specie porrexi; quod ubi intellexit illorum Episcopus nullatenus improbavit (& cætera quæ eleganter prosequitur ex Sapientissimo Cyrillo Archi-Episcopo Trapezuntino, cum quo rem tractaverat) addens post pauca: *Nihilominus tamen* (quod notatu dignum est) quamquam doceant, sumendam sub utraque specie communionem, ut impleatur, aiunt, præceptum Domini his ipsius verbis expressum (Joan. 6. 54.) *Nisi manducaveritis, &c. & propter eandem præcepti virtutem similiter parvulis tradendam asserant* -- putant, illos mandatum Divinum implere, solâ vini consecrati sumptione, quâ, veram recipiunt Communionem, & Corporis sanguinisque Domini participes efficiuntur. Totum igitur Christum, & sanguinem

E 2

sub

(b) Apud Bartoldum Nibesium adnotat, in Dissert. Leonis Allat. de Miss. Præsanct. Annot. 2. in fine apud Allatium, pag. 1659.



sub Panis, & Corpus sub vini speciebus fatentur, ut contendentes adhuc sub utraque sumendum, nisi motivum excuset, nobiscum Latinis sentiunt, qui tantum Calicem sæcularibus interdiximus, quia jam ante *Lutherum* negabatur ab hæreticis vera communio, & vera Christi præsentia nisi in duplici specie, unde transsubstantiatio tollebatur. Sacramenta, hinc, nostra Græci non respuunt, eadem numerant, nobisque, uniuscujusque retentò ritu, in ipsis communicant, nosque cum ipsis. Contingètne id vobis, ô Lutherani, qui *Eucharistiâ* confessâ, ob defectum Ministrorum, carentes, solum *Baptismi* Sacramentum recipitis? Non opus est *Græcorum transfugam* fieri *Javorskium*, aut Romanis accedere, ut Lutheranos *extra veram Ecclesiam*, *veræ Christi Sponsæ inimicos & exercitus Dei vivi*, dixerit, *deserto*: subito *Apologista* hic ineptissimus, ejusque fœderati, audient, quomodo de ipsis Græci & Rutheni omni tempore judicaverint, quin ad Romanam Ecclesiam accesserint: & taliter scripsisse *Javorskium*, *Apolo-*  
*gistam* non latuit, cum ex illius præfatione verba transcribens, (pag. 5. & 33.) insinuatò novò *Goliath* in *Luthero*, prosequitur: scio, *adversarium hunc*, *arcum suum in Papam, & Romanam Ecclesiam intendisse, sed tela ejus venenata & nos attingunt*: suntne hæc verba Romanæ additi Ecclesiæ, an alterius Ecclesiæ se membrum dicentis expresse? Numquid à Græcis dissimulandum est sibi inflitum vulnus per *venenatum telum*, quia *Lutherus*, hoc forsitan non prævidens, *in Papam & Romanam Ecclesiam intendat arcum*? Si Græcos studuisset nil tangere, nec *Goliath* confoderetur ab ipsis, nec à Latinis proscriberetur, sed amaretur ut Græcus: jam verò & Romani, & Græci isti, arcum ejus infringunt: quia utrique *tela ejus venenata* mortiferaque dignoscunt. Hæc timens *Javorskius*, vitanda à suis *Ruthenis* ovibus docuit, quia non Romanus, sed



sed Græcus, in *Luthero* profligando Romanum non horruit foedus, in quo convenient cuncti *Græci Orthodoxi*; nec *Proditores*, nec *transfugæ*, sed dogmata defendentes Universalis Ecclesiæ.

Coacervatâ Græcorum phalange (quorum nec unus 24. *Lutheranos* hæreticos non dixerit) illis, satisfacere putat *Javorskio*, quia Romanæ Ecclesiæ contradixerint, rejecerint, damnarintque ipsam. (pag. 10.) Interrogemus *Apologistam*: an relati, Romanam Ecclesiam taxârunt, quòd *Lutheranos* damnaverit? Nónne illi plura Romanorum dogmata impugnant, quæ adhuc *Lutherani* conservant? Hi omnes Ecclesiam Græcam totam componunt, ut *Javorskius* non bene scripserit, nisi eorum repeteret dictéria in Romanam Ecclesiam? Credo, *Apologistam* hunc nec titulos legisse tractatum quos comprehendit *Javorskius*. Impugnâvere Græci illi (c) *adorationem imaginum*? *Crucis signum*? *sanctorum venerandas reliquias*? *Eucharistiæ realem & solam Christi præsentiam*? *preces pro mortuis*? *Traditiones Ecclesiasticas*? *Sacram liturgiam*? *Jejunia præcepta*? *Bonorum operum meritum*? De his tantum scripsit *Javorskius*, & de his eadem docuere cum Latinis Catholicis quotquot producit *Apologista* contra Romanam Ecclesiam testes. Hæc sustinet Ecclesia Romana, hæc confitentur Græci; hæc contra *Lutherum*, suadet *Javorskius Ruthenis*. Quid igitur *Apologista* testes adducit secum in Romanam Ecclesiam calumniatores? si hujus esset loci, obtrectationes eorum, quos adducit, pro Romana sede retunderem, sed jam alii fecere Græci similiter, quos *pecunia corruptos* accusat (pag. 11.) quidnî de me, pauperrimo etsi, eadem fingeret, aut saltêm ex cupiditate me scribere vendicaret? si *Buddeat* hic *Apologista*, me hujus vitæ

E. 3. com.  
(c) Sunt tituli tractatum, quibus comprehenditur totus *Javorskii Liber: Petra Fidei.*



commodis inducendum judicat, ut Ruthenos à Lutheranismi tabe præservandos procurem, quislibet me noverit, dicet eum deceptum.

## SECTION II.

I. **T**ETram jam Ecclesiæ Romanæ faciem, ut eam repudiata probet, quam negare nequit, vel non audet, antiquam Christi Sponsam, depicturus *Apologista*, conatur persuadere inter *Lutheranos* reformatam, redditam Christo pulchram; quam *Romani* antea fecissent deformem. Hoc *Ruthenis* haud noscentibus, (ut ait pag. 11.) ostensurus, (usque ad pag. 35.) colores triturus, ex Romanæ Ecclesiæ additis scriptoribus (ut ait) plura congerit, quæ vocat *Selectiora Testimonia* inter majoris numeri veritates ab aliis jam Lutheranis collectas. Nec ita Lutheranam Ecclesiam, ut opus erat, depingit, sicut Romanam decolorare adlaborat. Examinatis quibus utitur ad sordidandam veram, dabo sibi colores ex Græcis & Ruthenis, quibus ficta Lutheri Ecclesia depingatur ad vivum. Corruptos mores Ecclesiasticorum, sæcularium, Prælatorum, Pontificum quorundam, objecturus, depinxisse putat Ecclesiam, à Christi thalamo rejiciendam. Putavitne *Apologista*, Ruthenos nescire, omni sæculô in sanctâ Ecclesiâ (d) *permixtos* (ut loquitur *Gregorius*) *malos cum bonis, reprobos cum electis*, fuisse? Non extare in Russiâ, sæculorum antiquissimorum Scriptores sanctissimos, qui semper in grassantia vitia Catholicorum invecti sunt? Non cani in Ruthenâ Ecclesiâ Evangelium præcipientis Christi: (e) *Super cathedram Moysi sedentium, licet Scribarum & Phariseorum, servanda quæcumque dicerent, minimè imitanda mala, quæ facerent?* Ignorant Rutheni, (f) *simile esse*

(d) S. Gregor. hom. 12. in Evang. (e) Math. 23. 2. (f) Math. 23. 2.

esse Regnum cælorum (g) ( præsentis temporis idest Ecclesiam ) decem virginibus , quinque prudentibus , & quinque fatuis ? - (h) sagena missa in mare , ex omni genere piscium congreganti : in quâ ( nè dicar extra scripturam expressam loqui ) separare malos de medio justorum , differtur Angelis , in consummatione sæculi ? Ruthenos latebit damnata in Conciliis , Romano I. & Carthaginensibus pluribus , jam sæculô 4. Donati hæresis ; extincta & perempta per totum terrarum orbem Ecclesiæ , manentis apud solos Donatistas in Africa ? hunc primum illorum errorem ( omisis Catholicis Scriptoribus ) memorat Lutheranus (i) Pfafius : quem iterum contra Joannem Hufs damnatum in Conc. Constantiensi Sess. 15. resuscitavit Lutherus ( testibus ejusdem (k) discipulis ; ) restrinxit ad Prædestinatos Calvinus , pro quibus tantum , Christum esse mortuum deliravit ; limitant Anabaptistæ ( Lutheranorum quoque genimina ) ad perfectos. Etsi itaq; in Romanâ Ecclesiâ fateremur peccata , de quibus nos accusant impostores , quos Apologista accumulât , quid contra veram Ecclesiam inferret ? quam certè non in solo Romano cœtu , deformare voluit , & supersticiosam esse blasphemavit Lutherus , sed in tota Orientis & Occidentis Sanctitate , quâ profitetur dogmata , quæ contra Lutheranos , Ruthenis commendat Javorskius. Leges , Canones , decreta Ecclesiæ oporteret adduci , confessionem à vera fide deviantem ; ut ( sicut Javorskius in Lutheranis demonstrat ) Ecclesia Christi Sponsa non manserit. Neminem reum probant maledici , sed hos congeffit Apologista pro Lutheranâ Ecclesiâ , sperans , hanc videndam , à Ruthenis , aliorum fictis sordibus mundam : nec tamen Rutheni credunt , nec ignorant perditæ fidei Lutheranam foecem , nec dubitant quod utrobique Ecclesia canonibus

Sa-

(g) S. Gregor. hom. cit. (h) Math. 13. (i) Pfafius ad Sæc. 4. cap. 4. §. 3. pag. 87. (k) vid. ad longum Hulfemannum , extens. Breviar. Theol. cap. 17. §. 11. sequi.



Sacris, corruptos mores plurium supponens, curavit corrigere; qui si non defuerint, *pulcherrimam* contemplabuntur Rutheni, nobiscum, *Ecclesiam*; in (l) *areâ*, ubi *cum paleis triticum* -- (m) *agro*, in quo *Sizania* ab inimico superseminata, usque ad messem, *cum bono tritico*, sinuntur crescere -- (n) *ovili*, capiente *hados cum ovibus* -- (o) *domo*, tandem, *magnâ*, in quâ *non solum sunt vasa aurea & argentea; sed & lignea & fictilia*: & *quadam quidem in honorem, quadam autem in contumeliam*.

2. Si allegatos testes ab *Apologistâ* examinemus, ipsis Lutheranis pudor erit, quod homines partim ignotos, partim damnatos, nullum, quod proponit convincentem, adduxerit. Et antequam ex *Romanensibus* (ut ait *Apologista*) defectus individuorum apponat, ipsius *Lutheri* censuram, circa *Ecclesiam Romanam*, tempore suæ reformationis prætensæ, audiat. Videântque sequaces ejusdem, cujus *sponsæ fuerint transfugæ*, sequaces novæ corruptæ *diaboli sponsæ*. *Lutherus* (lib. contr. *Anabaptistas*. tom. 4. *Jenæ Germanicè* pag. 320.) ait: Nos fatemur, sub *Papatu* esse plurimos bonos *Christianos*, imò omne bonum *Christianum*; atque etiam, illinc ad Nos devenisse: quippe in *Papatu* esse veram *Scripturam Sacram*, verum *Baptismum*, verum *Sacramentum Altaris*, veras *Claves ad remissionem peccatorum*, verum *prædicandi Officium*, verum *Catechismus*, ut sunt: *Oratio Dominica*, *Decem Præcepta*, *Articuli Fidei*; dico insuper, sub *Papatu*, veram *Christianitatem*, imò **VEL NUCLEUM ESSE CHRISTIANITATIS**. Unde *Bellarminus* (lib. 4. de notis *Ecclesiæ*. cap. 26.) infert: Si nobis *nucleum* tribuit, certè nil sibi servat, nisi *putamina*, & *corticem*. Mendax igitur ipse *Lutherus*, in sui testimonium, scribit (tom. 8. fol. 114.) *confitemur, quod ab Ecclesia, sub vobis,*

(l) Math. 3. 12. (m) Math. 13. à v. 24. (n) Math. 25. 32. (o) 2. Tim. 2. 20.

vobis, (id est Catholicis) omnia acceperimus. Sed jam ad Romanenses, quibus Apologista fudit, transeamus.

Primus *Guillelmus* ille *Durantus*, qui annò 1311. 3. conscripsisse supponitur; vel parvihabitus fuit in Galliâ ipsâ usque ad duo, & ultra sequuta sæcula, Parisiis annò 1545.; quò aperta *Tridentina Synodo*, Protestantibus frænum mordentibus, luci datum primò dicitur opus sub ejus nomine, *de modo celebrandi generalis Concilii*; vel potiùs in Synodum illam, & Romanam Sedem debacchaturus quidam, ducentorum triginta duorum annorum memoriam à nemine timens, virum illum Illustrissimum se finxit, lutum facturus de illius jam resolutis cineribus. Quidquid fuerit, nîl opus illud detractorium veræ Ecclesiæ obistere, quò, ipsam à *Sponsa Christi* cecidisse probet, ex dictis liquido constat.

Sequitur *Alvarus Pelagius*, (quem illaudabilem nunquam dicam, ob multa, quæ perpeffus sum mala, quia Concionatoris Sacri officiò fungens, ipsius, acrem in milites protulerim aliquando sententiam: nemini ob ea non parco, nec authorem detestor) Eruditissimus hic *Hispanus*, doctrinâ refertus, zelo etiam contingibilia peccata plangens, in omnem statum invehitur; num quando lib. 2. art. 1. & 28. (citatus in *Apologia* pag. 14.) vitia Clericorum exprobrat, Romanam Ecclesiam ista approbare dixit, quam *plangentem* in cunctis defectibus, duobus libris depinxit? An *Clericorum castitatem*, quam labefactam, lacrimis suadet, integram restituit obscenitatum exemplar Lutherus? unum nè sperat, *Apologista*, *Ruthenum*, qui *Lutheri Monachi* scelestum conjugium, & *Catharinæ à Boren Monialis*, non dixerit sacrilegum Concubinatum, & Apostaticum Scortum? Si liber ille duplex de *Planctu Ecclesiæ*, inspiciatur, si consulantur Scriptores illius ævi, constat, Authorem, librum illum composuisse, ut apud



Pontificem, suo *Franciscanorum* Ordini decus reficeret, quod *Petrus de Corbario*, *Minorita* pariter, *Pseudo-Papa*, ope imperantis *Ludovici Bavari*, Schismaticus, quodammodo minuerat. Opus incipit Author, commendans Ecclesiam; Romanæ Sedi obedientiam negatam à Principibus plangendam non minùs demonstrans: hoc si *Apologista* legisset, peccatis individuorum Ecclesiam Romanam corruptam ex *Pelagio Alvaro* non offerret, qui opus ipsum Pontifici Romano direxit. Veram (p) *Sponsam Dei Synagogam*, non negabat *Psalter*, qui tamen canebat (q) *Omnes declinaverunt, simul inutiles facti sunt; non est, qui faciat bonum, non est usque ad unum*: antiquiorque *Alvarô Pelagiô*, *Joannes* (r) sciens, quòd (sub Christo) ex Deo sumus, (addidit) & totus mundus in maligno positus est. Potuit igitur *Pelagius Alvarus*, Ecclesiam peccata plangentem describere, & inde, esse veram *Christi Sponsam* confirmare.

- S. Succedit *Apologistæ* (pag. 15.) *Franciscus Petrarcha*, quin omittatur (pag. 13.) *Dantes Aligerius*. Uterque *Florentinus* adducitur (miror quod *Apologista Nicolai Machiavelli* *Florentini* pariter non meminerit, qui nec Deum noscens, Romanæ sedis & Religionis inter impugnatores caput extollit.) Utriusque illius meminit (r) *Lylius Giral- dus* judiciosus *Scriptorum Censor*. De *Patrarcha*, ita: in hoc, licet, quod temporum vitio scribendum putarim, **JUDICII, MINUS SIT ET LIMÆ**, multum tamen **POETICI spiritus, habere videtur**. De *Dante* sic: in eo, **SALIS ET MORDACITATIS AD FASTIDIUM INTERDUM USQUE**. Quis, nisi mordacitatis amans, profanos Poetas ad seriam Ecclesiæ dignoscendam perfectionem attulerit? Nîl dixerimus *Apologistæ*, si *Bellarminum* scribentem contra *Dantem* objiceremus: quia igitur testes eos adduxit, au-

(p) Psal. 18. 6. (q) Psal. 13. 3. & 52. (r) Lyl. Giral. Synt. Poetar.

audiat de ipso Dante, *Petrarcham* : (s) *Dantes Aligerius*,  
 & ipse concivis nuper meus, vir vulgari eloquio clarissimus  
 fuit; **SED MORIBUS PARUM PER CONTUMACIAM;**  
**ET ORATIONE LIBERIOR:** quàm delicatis, ac studiosis  
 ætatis nostræ Principum auribus, atque oculis acceptum foret;  
 (ecce fidem duorum contestium, quàm Lutheranus Plouen  
 in Censura authorum dedit authenticam) Amborum Saty-  
 ricorum dedit (t) *Paulus Jovius* motivum, dum pro Dan-  
 te scripsit eloquium: *Hunc Florentia, factiosa eò sæculò civi-*  
*tas, protulit - - quæ etiam supremæ potestatis octovirali Ma-*  
*gistratu insignem, mox fatali conversa turbine - - tanquam*  
*sæva, & ingrata Patria proscriberet.* Nemini ignota sunt  
 temporalia motiva, ob quæ *Florentia* bellis ferè obruta,  
 & **FACTIOSA** tunc fuerit; hinc Scriptorum in Roma-  
 nam sedem, illius ævi, ex Florentiâ producet cordatus ne-  
 minem, quos *Patria* ipsa proscribere debuit, ut à bellis in-  
 testinis quiesceret.

Potius urgere *Apologista* voluit, (pag. 17.) cum Jo- 8.  
*anne Charlierio de Gerson*, *Petri Alliacensis* discipulo, cujus  
 auctoritatem Parisiensis Cancellaria commendat, erudi-  
 tionem scripta pandunt, zelum ferè cuncti commemo-  
 rant; sed iste in *Constanciensi Synodo* nimius, potius tur-  
 bavit, quàm pacificavit Ecclesiam, ob quod *Gallis*, præci-  
 puis *Consiliorum Constant. & Basileensis* defensoribus, exo-  
 sus, etiam à Cancellariâ dejectus, Regibus ingratus, *Lug-*  
*duni*, senescens, obiit. Nemo sine nævo, sed nec specio-  
 sus in maculis: nulla talis in *Gerson* notari potest, ut Ro-  
 manam Ecclesiam *Sponsam* Christi negaverit; quippe con-  
 tradixisse non legitur damnationi *sessione 8.* latæ in articu-  
 los *Joan. Wicleff.* quorum 41. talis erat: (u) *non est de ne-*  
*cessitate salutis credere Romanam Ecclesiam esse supremam in-*

F 2

ter

(s) Apud *Plouen.* censura Author. pag. 422. (t) *Paul. Jov.* in *elog. ap. eund.*  
*Plouen.* (u) *Caranza. sum. Conc. fol. 298.*



ter alias Ecclesias. Error est, si per Romanam Ecclesiam intelligat universalem Ecclesiam, aut Concilium generale; in quo, negabat primatum summi Pontificis super alias Ecclesias particulares. De defectibus Ecclesiasticorum, de reformatione Ecclesiæ per universale concilium, quod Gerson scripserit, sustineri poterat: de auferibilitate Papæ, melius tacuisset; sed nîl contra Romanam Ecclesiam intulisse, quis dubitat? Pro Lutheranis fulciendis erroribus, quis somniavit? quanto minùs contra Ecclesiam generaliter Sponsam Christi, quam à Lutheranismò, elaboratâ petrâ fidei, illæsam servare procuravit Javorskius?

7. Quid Petrus de Alliaco Cardinalis Cameracensis, Zabarella & alii (pag. 17.) reformationem, quod procurarint Ecclesiæ? utinam ubicumque mala emmendentur, dicet Javorskius, & respondent Apologistæ huic, Rutheni; sed oportet præcaveri majora. Lutherana dogmata, venenata tela sunt in Ecclesiam totam, his occurri oportet per Ministros Ecclesiæ: Defectibus Romanorum fidelium non polluitur Christi grex per totum orbem extensus, quia si quosdam Roma sustulit, in plurium moribus, hos nunquam cæteris commendavit: nec hos defendit Javorskius, nec accusare ad se attinebat; tantùm dogmata fidei generalia sustinenda curavit. Si Petri hujus de Alliaco nævos, ex Catholico scriptore Apologista audiret, nec crederet: illos sumat, ex Gerardo Joanne Vossio (Authore nunquam Catholico, sed (x) à Calvinismo ad Remonstrantes, transfugâ, iterùmque ad Calvinismum reduce.) Hic de citato teste sic loquitur: (y) mirum, tam turpiter hac in parte dedisse se hominem Christianum; eumque doctissimum, Petrum, dico, Alliacensem, Episcopum Cameracensem, qui in libro suo de concordia historix, & Astrologiæ Divinatricis, eti-

(x) Ex Andrea Riveto. Hugo Grot. pag. 68. apud cit. Ploen. cens. Auth. pag. 971.

(y) Gerard. Joan. Vos. (apud eundem Ploen. pag. 446.) lib. de scient. Math. p. 214. 215.

*etiam diluvium Noë, Natalem Domini, & miracula ejusdem, omniaque prodigia ex Astrologia præsciri ac prædici potuisse arbitratur: -- Quid mirum! omnino Cameracensis fuit Chronologia imperitissimus, ut vel arguit, quod Arianam hæresim cepisse dicat Anno Chr. 700. quam verisimilius tunc extinctam dixisset. Auderet Apologista homines ita audaces contra Dei miracula, in testes producere, si vel ipsos, vel Scriptores sibi venerandos percurreret? Miror quod Cameracensis, Reformationem Ecclesiæ potius ab Astrologis non quæssisset, quam ab Ecclesiæ Prælatiis; aut si hanc in syderibus legere non potuit, quare illam quæsserit ab hominibus?*

*Nicolaum de Clemangiis, quem Catalaunensem ad-* 8.  
dit *Apologista* (pag. 18.) præterirem; nisi nomen expressum Patriæ, Prælatum quendam Ruthenum doctissimum fefellisset, ut, illo, & mihi, & *Cathalonie* meæ *Provincia* exprobraret. Sciant igitur Rutheni, talem virum *Cathaloniam* non novisse; nec *Cathalanos* judicent ita allatrant, ut authorem istum, qui à Papa usque ad minimum Clericum, ferè, bonum invenit neminem, nisi eos, qui partes Schismatici *Petri de Luna* tenacissimè sequebantur ut ipse; nec in undequaque celebri *Principatu* illo ita edocemur, ut ex pravis hominum moribus, *de corrupto Ecclesiæ statu* inconsequenter (sicut Nicolaus iste) scriberet aliquis: scimus quippe Theologi, & credimus omnes, posse corrumpi membra plurima, minimè purissimum Ecclesiæ corpus, quem Christus (z) conservare promissit. Fuit vir iste, ortus (a) in urbe *Campaniæ*, vulgò *CHAALON* (unde *Catalaunum* dicta Latine, non curo) ad rippam *Matronæ* fluvii (*MARNE*) sita: Doctor Parisiensis, Archidiaconus *Bellocassi*, sive *Baiocæ* (*Baieux*)

F 3

Secre-

(z) Math. 16. 18. Luc. 22. 32. Math. 28. 20. &c. (a) Ex Spondano. Anno Chr. 1381. n. 6. & 1398. *Moreri* in addit. ad *Dictionaire*.



*Secretarius Anti-Papæ supradicti Petri de Luna*; qui scripsit de corrupto Ecclesiæ statu, & quoddam aliud opusculum. - Ecce sanctos Ecclesiæ Patres, quos *Lutherani* colunt, vocatos testes veritatis! nescientes distinguere inter Ecclesiam *afflictam*, & *corruptam*. Affligi, concuti, turbari, *cribrari ut triticum* potest Ecclesia ope *Sathanica*, apertis adversus ipsam portis inferi; sed corrumpi non finet assistrix Christi virtus, *usque ad consummationem sæculi*. Nullus igitur Ruthenus talem Nicolaum *Catalanum* credat, quando *Catalaunensem* audit; sicut Catalani non accipimus *Russiam*, quando Lutherani (apud Joachimum Hesterberg. in cit. tract. de Ecclesia Waldensium. Sect. 1. art. 3. §. 2.) scribunt: *Provinciam Ruthenam* quondam *Waldensium heresi infectam*; sed civitatem vulgò *Rodez* (Provinciæ *Tolistobii*, *Languedoc*) cujus incolæ apellari volunt *Ruteni*, sicut *Chaaalonenses*, *Catalauni*. Nè tamen incassum, Nicolaum hunc, testem *Apologista* protulerit, testimonium hic referat de ante adducto *Petro Alliacensi*, ut noscamus ejusdem bonitatis homines, quorum, similis similem quærit. Ille ergo; epistola 2. ad Anti-Papam Bened. 13. ipsi sic consulit: (b) *virum utique, ut breviter dicam* (Petrum Alliac. Card. Camerac.) **TE, TUISQUE MORIBUS DIGNISSIMUM** - *hunc in pacis conciliis adhibe participem, in laboribus consortem, in negotiis omnibus adiutorem. Hunc dilige, cole, amplectere, huic alteri fiducialiter omnia committe, & proculdubio non falleris; nec talem te Ministrum elegisse pigebit.* Sic Anti-Papæ Schismatico consulitur suffragaturus Minister, per contestem, quem ad dignoscendam Ecclesiam *Apologista* prodidit. Pudeat Lutheranos talibus edoceri, ut ab Ecclesiâ verâ recesserint, nam ultimum Authorem ab *Apologista* adductum non memoro, qui nec quisnam fuerit scitur, nec

cu-

(b) Apud cit. Ploven. cens. Auth. pag. 446.

cujusnam, nec aliis quàm Lutheranis notus, quorum malitiâ est cussus.

Ab authoribus privatis, ad Pontifices quosdam, ad 9.  
Synodos, Ecclesiæ quietem, Schismatâque privanda procurantes, provocat *Apologista* (à pag. 22. ad 31.) quibus nec immorari oportet, cum mille farcinata ibi mendacia nutationem ad summum in *Petræ* navi probarent, cessante procellâ sub *Eugenio 4.* in Florentino Concilio. Unde de *Constantiensi*, & *Basileensi* Synodis, notavit bene *Caranza*: (c) *quæ in his duabus Congregationibus Constantiensi, & Basileensi statuta sunt, non habent aliquod authoritatis robur, nisi dumtaxat illa, quæ in Bulla Martini 5. & Nicolai 5. Pontificiâ authoritate probata sunt.* Quievit inter Latinos Ecclesia, cunctis ad orthodoxæ unitatis cymbam redeuntibus, quasi per integrum sæculum, usque ad An. 1512. quò, dissipatâ *Conciliabuli Pisani* levi nubeculâ, cunctisque iterum reconciliatis Ecclesiæ, sperabatur undequaque serenitas. Sed vœ! (d) *suscitatus* (scribit idem) sub Leone 10. *novus hæresiarches Martinus Lutherus* - - nec quievit, donec Germaniam replevit novitatibus, & heresibus. Hunc namque morem habent heretici, quoties unò verbò veritatem contempserint, & à veritatis viâ aberraverint, in multos & varios errores labi. Uniformis enim res veritas, mendacium autem in varia distrahitur. Item: Annò 1525. *Joannes Oecolampadius*, *Basileæ*, & *Zwinglius*, primum omnium scriptis libellis, damnatum (sæculo 11. (e) à *Nicolao 2.* in Synodo Sacerdotum *Lateranensi*, ibidem confessi, & reconciliati) *Berengarii* (*Andegavensis* Ecclesiæ Diaconi) errorem renovarunt; in participatione *Mensæ Dominicæ*, non distribui verum Corpus, & Sanguinem Christi (nisi in signo & figura) tametsi annò  
supe-

(c) *Caranza*, sum. Conc. fol. mihi 308 (d) idem ibid. fol. 321. (e) Idem *Caran.* fol. 283.



superiori, idem hoc odiosum argumentum, insanus homo, Andreas Caroloſtadius, jam antea propoſuerat. Ecce unde durans adhuc novorum nebulonum acies ortum ducit, quæ Latinam Eccleſiam Apoſtaticè deſerens, venenifer Veſparum ſtolus, apud Græcarum, & Ruthenarum examina, murmurillis in Romanam Eccleſiam ſparſis, conatur ſeducere! Cautè igitur venenatos horum, Javorskius, detexit aculeos, Ruthenis Fidei petrâ deſenſis; quia vidit: (f) quoniam Secta parit Sectam, Germaniam divexatam à multitudine Sæctarum & Hæreſeon. Hos extra Eccleſiæ navim ejeçtos, inque errorum pelagus à ſæculis duobus præcipites, exaudiri à Ruthenis intendit Apologiſta, cum illis in Romanam Eccleſiam ululans, in Prælatos, in totum & Eccleſiæ corpus inſaniens. Reſpondebit Bernardus hodie, Ruthenorum nomine, quod olim mellifluus ejusdem Patronus, propoſitâ eâdem Lutherana ſtoliditate, Waldenſibus: (g) Jam verò, qui ECCLESIAM NON AGNO-SCUNT, non eſt mirum, ſi ordinibus Eccleſiæ detrahunt, ſi Inſtituta non recipiunt, ſi Sacramenta contemnunt, ſi Mandatis non obediunt. PECCATORES, inquiunt, ſunt APOSTOLICI, ARCHI-EPISCOPI, EPISCOPI, PRESBYTERI, ac per hoc, nec dandis, nec accipiendis idonei Sacramentis; nunquam duo iſta conveniunt, Episcopum eſſe, & peccatorem, falſum eſt. (En quod ex Waldenſibus Apologiſta repetit. Reſponſum audiat) Episcopus erat Caiphas, & tamen quantus peccator, qui in Dominum, mortis dicebat ſententiam? ſi negas Episcopum, arguet te teſtimonium Joannis, qui, eum, in teſtimonium ſui Pontificatûs, etiam prophetâſſe refert. Apoſtolus erat Judas, & licet avarus & ſceleratus, electus tamen à Domino: an tu de illius Apoſtolatu dubitas, quem Dominus elegit? Nonnè ego, inquit, vos Duodecim elegi? & unus ex vobis diabolus eſt. Audis eundem electum Apoſto- lum,

(f) Idem ubi ſup. fol. 321. (g) S. Bernard, Serm. 66. in Cant. n. 11.

lum, & extitisse diabolium; & negas posse esse Episcopum, qui peccator est? super cathedram Moysi sederunt Scribæ & Pharisei, & qui non obedierunt eis tanquam Episcopis, inobedientie rei fuerunt, etiam in ipsum Dominum præcipientem & dicentem: quæ dicunt facite. Patet ergo, quod quamvis scribæ, quamvis Pharisei, quamvis videlicet maximi peccatores, propter Cathedram Moysi, ad eos quoque, nihilominus pertinet, quod item dixit, qui vos audit, me audit, & qui vos spernit, me spernit.

Nec dubito Apologistam responsurum, se, non ex so- 10.  
lis defectibus Prælatorum & Sacerdorum, probare Ecclesiā, cum qua Luthero res fuit, à Sponsâ Christi cecidisse; sed, his ideò addidit errores & superstitiones, tales quas esse docet & sustinet: quare impudentior prosequitur (pag. 31.) Hæc-  
ce quæ hucusque attulimus testimonia -- qui paulò accuratius ponderaverit, facile perspiciet, Ecclesiam istam Romanam, tot ERRORIBUS, tot VITIIS, omni insuper SUPERSTITIO-  
NIS genere pollutam, atque contaminatam, quā cum Luthero res fuit, adeò exercitum Dei vivi, prout Javorskio videtur, atque Sponsam Christi dici non posse, ut potius nemini vitio verti queat, si eodem quo Javorskius, sed longe justiori zelo abreptus, eam, prout istum in modum corrupta & depravata fuit, EXERCITUM DRACONIS, & SPONSAM DIABO-  
LI, dicendam contendat. Audivimus elatum istum homi-  
nem (h) maledicentem Israël (quem ab initio proposui-  
mus:) nullo opus habemus contra eum Jonatha; jam vir simplex ipse se jugulat. Errores, & Superstitiones, quas Romanensium defectibus, probaturus corruptionem Ro-  
manæ Ecclesiæ, addit, sunt Sacra jejunia; Ecclesiasticas tra-  
ditiones; cultum sanctarum imaginum; quæ in Apologia progressu oppugnat: si has proponit Ruthenis Romanæ Ecclesiæ foeditates, sperat corruptor iste, concessuros sibi

G

Ru-

(h) 2. Reg. 21. 20. & 1. Paral. 20. 6.



Ruthenos Ecclesiam nostram *Sponsam Diaboli*? aut *Dragonis exercitum*? Pulchritudinem hanc *Sponsæ* esse Christi demontrabo inferiùs; Pro nunc sufficiat inferre; quod, juxta *Apologistam*, etiam nolens, Romanam Ecclesiam *Sponsam* mansisse Christi manifestavit *Javorskius*; dum scribens in defensionem *jejuniorum, traditionum, & cultus imaginum*, omnem turpitudinem de quâ Lutheranus hic nos accusat, ostendit *Javorskius*, esse, non *Romanæ*, quam non nominat, sed totius Ecclesiæ veræ decorem. Fraudulentus ille blasphematurus in Ecclesiam totam, non audens Ruthenam expressè sic appellare, ob eâdem motiva de quibus Rutheni gloriantur, Romanam vocavit *exercitum Draconis & Sponsam Diaboli*. Quisnam jam erit Ruthenus nisi ad Lutheranos transfuga, qui *Javorskio* in malum vertat, si Romana Ecclesia comprehenditur in (i) *tota illa pulchra*, cujus dotes, in sacris retentis dogmatibus, opus *Javorskii* commendat? Ipse *Apologista* compertum reddit, quod: *arcum intendens adversarius hic* (totius Ecclesiæ) *in Romanos*, (Lutherus) *venenata tela emisit*, quæ etiam Græcos & Ruthenos attingunt; ut iterum (pag. 33.) ex *Javorskio* repetit. *Philippus Melancthon* (prosequitur *Apologista*) & *nostrates*, non semel arctiorem cum Ecclesiâ Græcâ conjunctionem quæserunt -- habito cum *Demetrio* Ecclesiæ Constantinopolitanæ Diacono, *Wittebergæ*, colloquio, cui tradita fuerit ad *Josephum* Patriarcham Epistola; sicut instantibus *Theologis Tubingensibus*, missâ ad sequutos Patriarchas Lutheranae fidei confessione, per *Hyeremiam* retusâ. Quomodo (siscitor ab *Apologista*) hanc intendistis Lutherani conjunctionem? Vestrum cum Ecclesiâ Græcâ? ô apertum mendacium! Græcorum vobiscum? eô tendebat cogitata vestra in Latinos vindicta, etsi stupida. Legantur (k) Acta ista,

(i) Cant. 4. 7. (k) Impressa Wittebergæ. Græcè & Latîn. in fol. sumpt. hæred. Joan. Cratonis.

ista, triplicis, vestrum ad *Hyeremiam*, istiúsque ad vos repellendos, scripturæ. *Apologista* ipse vos convincit, quando (pag. 34.) subjungit: *Dogmata itaque nostra à Græcorum, & Ruthenorum placitis diversa, uti perquam inique à Javorskio tela vocantur; ità multò minùs venenata dici possunt, nisi hoc ità intelligas; QUOD AD EXTINGUENDOS ERRORES, & SUPERSTITIONEM ENECANDAM VALEANT:* quibus, venenatiora tela charitas Lutherana nequit emittere, quam fidei matricida, avitæ Græcorum veræ Relligionis dogmata, ut Rutheni seducantur, *ERRORES & SUPERSTITIONEM VOCARE.* Hæc est, non *conjunctio*, quàm Lutherani, millies rejecti à Græcis, quærent à Ruthenis, sed *corruptio* horum secum, quam nunquam Deus permittat, nè crassiùs excrementosa crescat *SPONSA DIABOLI*, augeatúrve *DRACONIS EXERCITUS.*

Et siquidem *Apologista*, ex *Augustanæ Confessioni* dato à *Græcis* responso, infert (pag. 34.) istos & *Ruthenos*, à *Romanâ* magis quàm à *Lutheranorum Ecclesiâ* dissentire, potiùsque ad hos, quàm ad nostram accessuros: Liceat, ex responsis *Hieremiæ Patriarchæ*, (non à nostratibus, sed à *Lutherano* (1) *Krommaiero* relatis) ad *articulos, & abusos* Sacro-pravæ illius *Augustanæ Lutheranorum Regulæ*, veritatem elicere; non ut inferatur Græcorum cum Romanis unitas, quæ in tantùm *Lutheranum Apologistam* torquet; sed ut ipsorum à *Lutheranâ* tabe præservata puritas innotescat. (m) *Articulo 1.* unitatem essentiae, & *Personarum Trinitatem in Deo*, Catholicissimè fatemur cuncti. - In *Art. 2.*, *Patriarcha*, peccatum originale à cunctis contractum, per baptismum tollendum, confirmat; sed *Sacramentum Confirmationis, Chrismate sacro, quod*

G 2

Ly-

(1) *Kromaier*, incidenter, *Cent. 5. §. Status Ecclesiarum Orientalium.* pag. 281. sequ. (m) *Augustana Confessio* integra apud *Cunradi Dieterici.* inst. *Cathechet.* à pag. 602.



Lutherani negant, conferendum, subaddit - - In 3. Christi vitæ, mortis, & gloriæ, dogmata fatetur; sed æquè, perpetuam post partum Divinissimum, integritatem virginæ Divinæ illius Matris, ex Traditione de Fide, exprimit, quam Lutherani fide tenendam negant - - In 4. de justificatione per solam fidem; Catholicissimè, Sacramentum Pœnitentiæ, quam, *Subsidium ut extra Baptismum justificemur*, vocat, opponit - - In 5. ultrà Ministerium Verbi, & fidem; ex Sacrà Scripturâ (sicut Romana Ecclesia) opera meritoria requirit - - In 6. iterum, *Pœnitentiâ accuratâ, lachrimis, & aliis spiritualibus lustrationibus*, **QUÆ VERA SATISFACTIO SUNT**, gratiam perditam recuperandam, Lutheranis opponit. - - In 7. Sacramenta vera septem explicat, Lutheranis fatentibus sola duo - - Et in hoc, & - - In 8. Ecclesiam, non ex iustis tantum, sed ex bonis & malis componi docet - - In 9. solis Anabaptistis opponitur dum parvulos baptizandos statuit; (nam pueris dari communionem, potius ad ritus, quàm ad doctrinam spectare quis dubitat?) - - In 10. non solam præsentiam Christi in Eucharistia sacra, *Confessionistis*, concedit; sed *impanationem* Lutheranam rejicit, dum *metabolen*; transmutationem panis in Corpus Christi, sicque transubstantiationem concedit; non descendentem localiter Christo de cœlo in hostiam (ut nobis nungatur citatus *Krommaierus*) sed sacramentaliter, & de novo substantialiter tantum, verborum prolatorum miraculo, ibi præsentem; ultrà quod, monemur (à *Catechismo Romano* cap. 4. part. 2.) fideles; nè curiosius inquiramus, quò pactò ea mutatio fieri possit: (aliàs, fatentibus Lutheranis veram præsentiam, possent Calvinistæ obijcere similem Christi de cœlo in manentem panem descensum, quando inter confratres est jurgium) - - In art. 11. relictâ absolutione privatâ, à *Confessionistis*, rejectâque, velut impossibile.

possibili, individuali peccatorum manifestatione; nonné Patriarcha, hanc, quantum memoriæ absolvendi hominis occurrerit, necessariam objecit, eò, quia Sacerdos est Medicus, contraria, contrariis oppositurus? imò est iudex locò Christi, debens ex confessis ferre sententiam absolvendi aut retinendi peccata, ut resolvit *Tridentinum Concilium*. Sess. 14. cap. 5. *quod iudicium*, (n) à Christo stabilitum) *incognitâ causâ, exerceri non posset.* - - In 12. art. poenitentiam lapsis post baptismum non denegandam, explicat de Poenitentia Sacramentali, quam Lutherani negant: - - In 13. de Usu Sacramentorum, explicat Eucharistiæ administrationem, & usum in Sacris Missis *Basilii & Chrysostomi*, ubi Laudes B. Virginis prædicantur; Sanctorum omnium orationes petuntur; Orationesque pro Vivis & mortuis Deo fiunt: quæ omnia unò ore respuunt Lutherani. - - In 14. *rite vocatos* concedit tantum Ecclesiæ Ministros, ut dicit Confessio Aug. sed addit Græca: & *obsignatos canonicè*, id est ordinatos per verum ordinis Sacramentum, quod Augustani respuunt. - - In 15. approbat omnes Ritus Ecclesiasticos, nullumque ex approbatis peccatum implicare, ut *Augustani* dicebant, affirmat: nec adversari Evangelio, aut Doctrinæ fidei, traditiones Ecclesiasticas institutas ad placandum Deum, ut Sanctorum Cultum, Solemnitatem, Invocationem, Jejunia, ad Satisfactionem pro peccatis, & promerendam Dei gratiam, & votorum Deo factorum adimplerionem: in quæ omnia blasphemat Augustana Confessio - - In 16. adhæret *Confessionistis*, circa civilis Magistratus auctoritatem à Deo præceptam, eidemque, tanquam bonæ, Obedientiam servandam; sed laudans cum eisdem Nuptias, approbat Paupertatem Evangelicam, & Religiosam, in cujus commendationem, contra Luthe-

G 3

ra-



ranos opponit *Christi consilium* (o) *Vade, vende, quæ habes, & da pauperibus, & habebis thesaurum in cælo, & veni, & sequere me* - - In 17. Judicium Christi extremum, bonorum & malorum, fatetur, in quo, nec Lutherani ab Ecclesiâ dissentiunt - - In is necessitatem Divinæ Gratiæ, salvo libero nostro arbitrio, exprimit, quæ est Doctrina totius Catholicæ Ecclesiæ. - - In 18. Deum non esse authorem peccati, Confessionistis consentit: addit tamen neminem naturâ, sed voluntate esse malum, quod non omnes Lutherani (p) concedent - - In art. 20. nedum *inutilia opera*, non vocat & *purilia*, jejunia, fraternitatem aut Monachatum, Peregrinationes, Cultus Sanctorum, Rosaria, & similia (sicut expressè *Confessionista* scripserant, opera licèt Decalogi, necessaria, non meritoria, statuantes) sed iterum bona opera non solum Præcepta, sed etiam Consilii, & Supererogationis, taliter commendat, ut Lutheranos plus quàm ipsis placuerit, taxet - - In 21. tandem fatetur Patriarcha, & Græca, imò & tota Ecclesia, *Latriæ cultum Dei* proprium; sed contra *Confessionistas* (nedum memoriam Sanctorum imitabilium laudat) sed cultum, quem dicimus *Dulie*, id est delatum Sanctis ob eorum virtutes; quas eùm fateamur à Deo participatas, etiam ad Deum reducitur, cultus, quò præcipit Deus (q) *laudari ipsum in Sanctis*; itémque ipsos *Mediatores* ad Deum pro nobis statuit, invocandòsque, ut apud Deum pro nobis tanquam ejusdem amici, & in ipsius jam inamissibili gratiâ, intercedant; ità ut indè, nedum ipsi, sed eorum imagines, venerari, & in ipsis adorari & coli sanctos omnes, & laudet, & persuadeat. - - Ad septem alios articulos, quos circa ceremonialia, tanquam abusus Ecclesiæ, objecit Romanis *Augustana Confessio*, Græcorum mentem

(o) Math. 19. 21. (p) Vid. Kromaler. loco cit. in Confessionis relatione, & Patr. Hyerem. responso, pag. 288. (q) Psal. 150. 1.

tem ità explicuit Patriarcha -- Ad 1. de *utraque specie sumenda in Eucharistiâ*, affirmativè, juxtà Græcorum morem responderet; sed ità alienus à Lutheranorum mente, ut constare potest ex jam à nobis adductis. *Confessionistæ* addunt in fine art. -- *Et quia divisio Sacramenti non convenit cum institutione Christi, solet apud nos omitti processio, quæ hætenus fieri solita est*, (quâ scilicet defertur solemniter panis solus consecratus, in speciali festo Sanctissimi Corporis Christi inter Latinos.) Aliud est negare Christi præsentiam manentis in Sacramento (ut supponunt *Confessionistæ*) sub quavis specie; aliud quod ex præcepto teneamur utramque sumere. Primum est *Lutheranorum* dogma, quod nunquam tenuere Græci; imò integrè transmutari unamquamque, & transubstantiari in Christum, habent ut dogma Catholicum, impertientes pueris unam solam, tanquam integrum Sacramentum, & non reprobantes solam Latinorum hostiam, ut supra adduximus ex fidedignissimo nostro *Francisco Goario*. Secundum habetur inter ipsos ut opinio, quàm servant Græci in praxi; nec contrarium præcepisset Ecclesia Romana (r) cunctis *Laicis & Præbyteris non conficientibus*, nisi ob negatam ab hæreticis veram, sub unâ specie, Sacramenti perceptionem, sicut nunquam Græcis Romanæ Ecclesiæ unitis, usum calicis, & ritum Græcum interdixit. Nec ignoramus Latini Romani, teneri ex præcepto Christi, explicato per Paulum: (s) *Hoc facite, &c.* sub utraque specie Sacramentum conficere: sentimusque, nemini, nulloque casu, dispensabilem integritatem *incruenti sacrificii*, quò, sicut Christus in Cœna, representamus cruentum Crucis, (t) separando non in re, sed in signo Verborum & Sacrorum symbolorum, sanguinem à Corpore, quo-

(r) Conc. Trident. Sess. 21. c. 2. (s) 1. Cor. 11. 24. 25. (t) Tridentinum ibid. & omnes Theol. Catholici cum S. Th. Aqu. 3. p. ad longum.



quomodo realiter facta fuit mors Christi : sumere verò, quomodocunque sit, liberum reliquisse Christum Ecclesiæ, dicimus Latini (u) Catholici, usumque solius *panis* consecrati inter fideles, tempore Apostolorum, non semel, producimus (Act. 2. 42.) *erant autem perseverantes in doctrina Apostolorum, & communicatione fractionis panis, & orationibus.* Act. 20. 7. similiter: solumque *pane* sacro refectam sororem suam *Gorgoniam*, (x) memorat *Nazianzenus*. Nec ideò damnamus usum in Græcis., ritu quoque Apostolicò utramque sumendi speciem, fatentes tamen in unaquaque integrum Christum. Constat igitur, Patriarcham *Hieremiam*, in hoc articulo, Græcorum usum defendisse, *Lutheranam* verò doctrinam, cum Græcis omnibus, reprobasse - - Ad 2. *de conjugio Sacerdotum*: approbat Sacerdotum Græcorum ante Ordinationem celebratum conjugium, quod nemo improbauit hætenus nostrum authorum: nec Ecclesia Latina Presbyteros Græcos conjugatos interdixit à mulieribus; tantum, sicut abstinent à Matrimonii usu diebus proprii ministerii, ità Latinos omni die ministraturos decrevit uxoribus nec copulandos; nemo enim cogitur ad Sacerdotium, unde neque ad castitatem servandam. Progressis Confessionistis ad objurgandum, transgrediendumque ab emittentibus castitatis votum, respondet Patriarcha: qui verò castitatem voverint Deo, laudandi sunt, ad eamque servandam tenentur. Quislibet videat, num nobis, num Lutheranis in hoc docuisse contrarium - - Ad 3. *de Missa*: quis dubitat, Græcos damnaturos Missæ celebrationem, lucri, & quæstus causa? num has approbavimus unquam Latini? sed nec Græci, nec Patriarchæ vitiabunt Missam Sacerdotis privatam, aut eleemosynam datam Sacerdoti ob Missam, ut qui Altari servit, de Altari vivere possit: nec

nega-

(u) Trident. ibid. (x) S. Gregor. Naz. orat. de Gorg. Sor.

negabunt; Missæ Sacrificium satisfactorium esse pro peccatis, ex intrinseco valore infinito veri corporis & sanguinis Christi apud Deum oblatis, contra quæ omnia blasphemabat Lutherana Confessio. -- Ad 4. quam districtè, contra *Confessionistas*, necessariam doceat omnium, etiam mente solâ commissorum, peccatorum Confessionem expressam, sacerdoti fiendam, neminem latet; sed jam superius quoque dixerat. -- Ad 5. *de ciborum discrimine*; rejicit Patriarcha sinistram, *Confessionistarum*, circa sacras traditiones, plurium locorum scripturæ sacræ intelligentiam, commendatque jejunia præcepta, & vitam Monasticam. -- Ad 6. ubi *Confessionistæ*, vota Monastica, docuerunt, mandato Dei opposita, impossibilis observantiæ, solvenda per conjugium, impium Dei cultum, nec in ipsis esse Christianam perfectionem, & plura alia deliramenta similia; quid respondendum erat ab illo, qui nisi Monachus fuisset ad Patriarchatum evehctus non esset? Ex *S. Basilio M.* adducit; Deum ipsum divisisse status hominibus, conjugii, & virginitatis aut coelibatus; ita ut, nemo cogatur ad aliquem; sed qui propriâ voluntate obstrictus est, custodiendus est Deo, velut donum sibi dictum, sacrilegus futurus per oppositum. Cum ipso hoc dicemus cuncti Catholici; interrogabimûsque *Confessionistas*. (juxta verum Dei Verbum) Religiosi viri: num, malè illatam etsi, consequentiam, dicentium Christo: (y) *non expedit nubere*, negavit aut concessit Christus in totum? aut, num præcepit, vel prohibuit matrimonium? An dicens, (z) *non omnes capiunt*, -- *sed quibus datum est* -- sunt, qui se ipsos castraverunt propter regnum celorum, (non carnaliter ut accusatur Origenes, sed spiritualiter) damnavit virginum coelibumque impietatem, ut mandato Dei contrariam, sicut *Confessionistæ* loquuntur? Ibi prædixit Do-

H

mi-



minus *Lutherum*, ipsiusque luxuriosos discipulos, dicens: *Non omnes capere verbum, sed quibus datum est*: vovens enim, & Dei gratiæ præservanti haud resistens, verè *capiet, sibi que dabitur*, quod Deo custodiat illæsus. Mirandumque quòd *Lutherani*, ubicumque Christus dixit *sequere me*, *Petro* videlicet, *Apostolis*, homini etiam, ipsum siscitanti (a) *ad vitam æternam possidendam quid faceret*; non addant in suis Bibliis: *Sequere me, cum uxore*, nè prætergrediaris *mandatum Dei*, cui, juxta *Confessionistas*, coelibatus opponitur; quod forsan explicabunt intellexisse *Lutherum* in verbis Christi: *Si vis perfectus esse*, quorum oblitus, castitatem Deo voverat; & quæ, postea à *diabolo*, quem sequeretur, audivit. Et de hoc satis, nam totum caput 7. epist. 2. ad Corinthios cujus v. 2. pro uxore ducenda, *Confessionistæ* adducunt, ad vitandam incontinentiam; (b) esse in laudem coelibatus, præ conjugio quis dubitat? -- Ad 7. & ultimum de *Potestate Ecclesiasticâ*; ubi *Confessionistæ*, spirituales cum temporali confundunt, ut utramque tollant; ubi iterum cunctas Ecclesiasticas leges, & traditiones evacuant; ubi, festa, jejunia, præces Ecclesiasticas, obligantes conscientiam negant: ubi etiam *Sanctificationem Sabbati*, inter antiquas abrogatas legis Judaicæ ceremonias locant; cum Ecclesia, morale præceptum Divinum supponens, integrum Decalogum servet; diem autem determinatam representantem à creationis opere Deum cessantem, (quòd tantum ceremoniale erat) in Dominicam (ab Apostolorum (c) tempore) transtulerit: cunctis his, *Patriarcha* occursurus, omnes *Traditiones Ecclesie* tenendas opponit.

12. Posset, ex dictis, homo sani capitis, inferre, Græcos plus

(a) Ib. v. 16. & 21. (b) Videantur. versus. 1. 6. 7. 8. 20. 24. 27. 32. 34. 37. 38. 40. (c) Act. 20. 7. & Cor. 16. 1. vocata Dominica: una Sabbati; licet Math. 28. 1. Mar. 16. 2. 9. & Luc. 24. 1.

plus à *Romanis* quam *Lutheranis* distare? ad hoc persuadendum verò, responsum Patriarchæ Hyeremiæ proferre, in quo ex 28. *Articulis Augustanis*, quatuor ferè confirmat, quos Romana quoque Ecclesia approbat; in cunctis verò aliis, eòdem modò ac Romana Ecclesia contradicit? Putavit *Apologista*; inter *Ruthenos* ignorari Patriarchæ hujus, & Græcam fidem, sicut inter Lutheranos suis à loquacibus Magistris deceptos? Meliorem istum, *Luthero*, dedit *Javorskius*: ille, in *Romanam Ecclesiam intendens arcum, venenata tela in Græcos & Ruthenos projecit*; iste, *petram fidei in Lutherum novum Goliath jaculatus*, capita Lutheranorum consaucians, uno istu stupida reddidit, quò arma quibus jugulantur, errores defensuri, nobis committunt. Et ut clariùs hoc videant, jam ad depingendam Ecclesiam eorum procedamus, quòd *Apologista* omisit.

Suppleturus igitur *Apologista* in hac parte defectum, 13. teneor, ut promiseram, *Lutherani* gregis (non Ecclesiæ) formam exprimere, licet superfluum videatur, quibus sufficit novisse sectarium. Horruit, *Apologista*, in hanc arenam descendere; indèque concludere statuit, à *Luthero* restitutam Christo Sponsam; exclusurus, dieteriis, (Latinæ, *erroribus & superstitionibus* imputatis) à Christi consortio, etiam Græcam Ecclesiam. Quod, cum pro latinis scripssisse vix credam, sed *Ruthenis* ut fatetur ipse; respondendum sibi judico, non Latinorum (nisi *Lutheranorum* ipsorum) nomine; *Græcorum & Ruthenorum* de ipsis prolato testimonio, jam ante *Javorskium*: corpusque noscere incipiamus, detecto capite.

*Lutherum*, ecce, quem nominasse tædium ingerit. 14. Hujus facta vasserrima, (ut scripsit *Javorskius*) Apostasia à sacro habitu, à verà fide, Pervasio in Christi thorum libidinis igne, sanctimoniali arreptâ, audacia in Ecclesiæ leges à se traditas materialis flammæ voragini, & alia, sa-



tis comprehendunt; nec mirum, quia: (d) *abissus abissum invocat*. - (e) *impius, autem, cum in profundum venerit peccatorum, contemnit*. Vitam ipsius, *Lutheranos*, si objiciatur, pudet; unde, quidquid *Apologista* (pag. 135.) *Lutherum*, in vitâ, à se defendendum insinuet: de ejusdem doctrinâ sit sermo, quam venerantur ejusdem discipuli. Hanc audiens primus Lutheri Patronus *Georgius Saxonia Dux* Annô 1519 (quo *Lutheranîsmi* jaciebantur adhuc fundamenta) in arce *Lipsiensi*, tum concionante *Luthero*, tum disputante cum *Eckio* (de justificatione per solam fidem, & merito tollendo bonorum operum) hoc protulit de doctrinâ Lutheri judicium: *Hanc doctrinam, non pro viventibus esse, sed pro morientibus*. Quid novi igitur scripsisse *Javorskium* (in admonit. ad *Orthod. Christianos*) *Apologista* conqueritur? (pag. 7.) ex illo referens: *Quid enim ex hac impiâ (Lutheri) doctrinâ (de fide) sequitur? Hoc sequitur: trucidare, furare, adulterare, falsum dic testimonium, fac quæ lubet, ipsi Sathanae equalis fias malitiâ; nihilominus omitte metum; tantum crede. Fides in Christum sola salvat. Ità hi lupi larvati docent*. Primum Ducis judicium, non *Catholicus* Author, non *Jesuita*, commemorat; conqueratur *Apologista*, *Lutheranorum* Centuriatori (f) *Krommaiero*, expressis verbis adductis factum scribente. Interimque, dictum alteriùs magni belliducis cujusdam, *Rutheni* recolant, qui aiebat, se ità exercitum ad pugnam disponere, ac si *Deus non esset*; pugnam autem postea, ità *Deo comittere*, ac si nîl humanum dispositum fuisset: non quod neganda sit fides dum vivimus, imò retinenda, sicut *Dux* ille *Deum* non negabat dum exercitum disponebat, sed, (g) *cum metu & tremore, salutem nostram operemur; Deus est enim, qui operatur in nobis, & velle, & per-*

(d) *Psal.* 41. 8. (e) *Prov.* 18. 3. (f) *Krommaier. Cent.* 16. de Stat. *Eccl.* pag. 574. (g) *Philip.* 2. 12.

*perficere, PRO BONA VOLUNTATE*; postea verò, ità Deo nos committamus, ac si in nobis nil meriti haberemus, solâ misericordiâ Dei innixi; quia, (h) etsi: *nihil nobis consci sumus, non in hoc iustificati sumus: qui autem iudicat nos, Dominus est.* Solâ fide, non iustificabimur; solis operibus, non salvabimur; taliter igitur operemur in vitâ, qualiter iusti simus; talitèrque Deo fidamus in morte, ut ejus misericordia, defectuum immemor, nos salvans, bona opera nostra (i) remuneret, quibus *inquisivimus illum.*

Tantam, in doctrinâ, legimus *Lutheri* inconstantiam, 15. ut non simul Catholicorum dogmata deposuisse, observandum advertit *Pfaffius*, (k) nè oppositio taxetur in ejusdem tomis evolvendis. Tanta inde *Confessionum fidei Lutherana* varietas, ut (eòdem *Lutherano* (l) teste, de colloquiorum, & conventuum *immensa farragine*, quorum ipse ultra 60. numerat, plura tacere dicat. Ex *Confessionibus Lutheri, Augustanâ, Tetrapolitanâ, Witembergicâ, Schmalcaldicâ, Saxonicâ, Pomeranicâ, Borussia, Thuringicâ, Juliâ, Antuerpiensi, Vpsaliensi, Transylvanicâ, Marchicâ, Mansfeldensi, Livonicâ, --- Calvini* verò, *Helveticis* pluribus, *Gallicanis, Anglicanis, Scoticis, Bohemicâ, Polonicâ*, quas omnes uno volumine, comprehendit earum *Corpus & Syntagma, Geneva* impressum; liquidò, constat, tot fuisse fidei corrumpebdæ regulas, quot civitates, oppida, homunciones: imò sola *Wittemberga* *Lutherum* possidens, ità fuit, cum illo, in doctrina fidei, varia, ut idem *Dux Georgius*, dixerit: (m) *Nescio, quid hoc anno credant, quidve annò proximè futuro credituri sint vicini mei Witembergenses.* O! uni-pluralis fidei Ecclesia! audisti Apostolos, (n) *variis linguis loquutos*, sed eadem *magnalia Dei*, quorum ubique, (o) *erat cor unum, & anima una;* (p) *solicitòs-*  
que,

(h) 1. Cor. 4. 4. (i) Hebr. 11. 6. (k) Pfaff. ad sœc. 16. cap. 2. §. 4. pag. 296.  
(l) Idem ib. c. 3. §. 2. & 3. ad long. (m) apud Petrum Annat. in apparat. lib. 1. Art. 10. pag. 49. (n) Act. 2. 4. (o) Act. 4. 32. (p) Ephes. 4. 3.



que, nos esse docent, *servare unitatem spiritus*, quorum una doctrina unam facit Ecclesiam, ob *unicam fidem*. Hinc colligemus apud vos *Christi Sponsam*? Absit; mon- truosa est hæc varietas, quam nutrit discordiæ Pater; ex hac inferre debuerat Apologista *Sponsam Diaboli*. Sed si parum fileant Lutherani testes.

16. Græcis, Lutheranos invisos, demonstravit, *Nicolaus Comnenus*, (q) asserens, vulgus imperitum, injurias in Latinum aliquem laturum, nominare eum *Lutheranum*, in majoris odii signum; sed hunc etsi doctissimum Græcum, diceret *Apologista* Latinis Romanis addictum. Habere, autem Lutheranos pro heterodoxis, est sole clariùs, tum ex triplici Patriarchæ *Hyeremiæ* ad ipsorum propositam fidem responso; tum ex suprâ memoratis Actis contra *Cyrillum Lucarium*, cujus etsi Calvinizans Confessio, in paucis, Lutheranis dissentit. Legant Lutherani opusculum Græcè *Amstelodami* excussum Anno 1706. à Theodoro Henrico Bruin, compositum à *Francisco Prossalenti Corcyrensi*, *Gabrieli* Patriarchæ Constant. dicatum: contra *Benjamin Hudrof* Professore Britannicæ; ubi probat, in dogmatibus, Protestantes esse antecursores, seu *Prodomos Antichristi*, quod in operis Præfatione proposuit. Sicque pro nunc sufficiat de Græcis: quare, nè eadem repetamus, jam indicandum est, quomodo semper inspecti fuerint à *Ruthenis*.

17. Incipiat hic quoque Lutheranus Author fidem facere. *Gudmundus Krook*. (Exercit. Historico-Theol. de statu Eccl. & Relig. Moscoviticæ. impr. primò *Lubecæ*. 1709. cap. 6. §. 2. pag. 65.) Judicium Magni Czaris Joannis Basilidis. 2. de *Luthero*, verbis ipsius expressis, fecit authenticum, scribens: *Basilidis, de Luthero, judicium, qui cap. 1. Responsi ad Confessionem Robitæ; eum accusat: quod impetu facto in Chri-*

(q) In prænot. Myftag. resp. I. Sect. 4. n. 8. p. 22. Col. 2.

stum, ejus doctrinam everterit; Apostolorum Sanctorumque Patrum doctrinam distraxerit, destruxerit, in oblivionem adduxerit, & Sacras Scripturas inverterit, sensumque illis affinxerit, non quem in se habent, sed quem ipsi depravata mens, atque libido suggessisset. In edit. Albin. pag. 14. -- & cap. 9. quod nulla legitimâ vocatione gauisus sit; **SATANÆ ADJUTOR, IN DECIPIENDIS HOMINIBUS.** Legent nè ergo Rutheni novum aliquid in laudando Javorskio? Scandalizabuntur, si Latini invertamus telum, nobis, ab Apologistâ, ob sacras Orthodoxas traditiones, inflatum? Si Russiæ Imperantium Maximus, vocavit eos, **SATANÆ ADJUTORES**, liceat nobis appellare Lutheranorum coetum: exercitum Draconis; & Sponsam Diaboli -- Alium, citat idem Krook (ibid) Russicum Authorem, tract. de Luthero, eum filium Diaboli nominantem. Supponatur tamen, Joannem Basilidus convixisse Luthero, (r) regnavit enim, ab An. 1534. ad 1583. unde Lutheranismi definivit initia. Progressum dicent alii.

Succedet Petrus Mogilas ex Moldavia Ducibus or- 18.  
tus, Metropolita Kiovia, thronique Cplitani Exarchus, qui celebrem illam Confessionem Ecclesiæ Orientalis, occasione vicinorum Lutheranorum composuit, quàm à Græcis generaliter receptam, è Græco in Latinum, Laurentius Normannus (Lutheranus) transtulit. Hic initio sæculi 17. opus componens, oves Ruthenas ab hæreticâ contagione præservaturus; cum scripsisset (part. 1. qu. 91. pag. 146.) nè legantur hæreticorum libri, neque fando blasphemia illorum audiatur doctrina, ab iis, qui in Divinis ac humanis litteris, atque disciplinis inexercitati sunt. Nè sermones cum ejusmodi hominibus conferant; nè ad familiaritatem eorum se se adplicent, juxta scripturæ monita. Psal. 1. 1. & ad Tit. 3. 10. (Quæ verba eadem, repetita à Javorskio, Apologistam sum.

(r) Vid. Stepena Kniga. à Stepen. 15. 16. & 17.



summe cruciarunt, pag 8. & 136. (ut intelligamus de quibus timeret, suo tempore, hæreticis; subjunxit (qu. 98. pag. 153.) *quâ de re* (scilicet de septenario Sacramento-  
rum numero) *pluribus egit Patriarcha Hyeremias, in libro, quem, convertendis Lutheranis, scripsit.* His constat, ut hæreticos habitos esse à Græcis, & à Ruthenis. -- Quæ (sicut totam *Confessionem*) contra *Lutheranos & Calvinistas*, scripta esse à *Mogilâ*, clarius monstrat approbatio & magni commendatio *Nectarii Patriarchæ Hyerosol. ad universos Orthodoxos* directâ, Annô 1662. quam in initio ante *Confessionem*, vertit ex Græco ipse citatus *Normannus*. Ubi, nè totam repetere dicatur molestum, lego: *Petrus Mogilas: commissâ sibi Metropolitana Kioviensis Ecclesiæ gubernacula, quum primùm capesseret, gregem suum NOVIS, quibusdam SECTARIORUM OPINIONIBUS, à genuinâ & antiquâ majorum suorum doctrinâ longissimè abhorrentibus, confusum infectumque offendit. Quocirca -- piissimum, Deoque gratissimum, sibi scopum, mox proposuit, dirigendi, restituendique Ecclesiam Russicam, in eam, quâ, ab ultimis initiis stoluerat, sacrorum dogmatum integritatem, rursûmque, RADICULUS EXTIRPANDI, QUÆ TUM IN ILLIS LOCIS CAPUT ATTOLLERE COEPERANT, NOVITIAS OPINIONES -- & post pauca; Hi igitur, (Porphyrus scilicet, & Meletius Syrigus, Græci, Legati Patriarchæ Constant, ejusque Synodi; & Russi plures, secum in Moldaviâ Synodicè congregati) perpurgatum ab OMNI ALIENA DOCTRINA, ILLAQUE NOVITATUM concretionem, librum, ad optimum hunc finem perduxere. -- Quem -- non Russorum duntaxat, verum universaliori nomine, Græcorum omnium Orthodoxam fidem appellarunt. -- Approbatam jam Confessionem istam Mogilæ, cunctisque Græcis tanquam Orthodoxam propositam, antea, Annô 1643. à Parthenio, & Conspl. Synodo, advertit, idem *Normannus*: his autem*

ver-

bis ab eodem sumptis, brevius Decretum Græcorum adducam. *Parthenius, Dei misericordiâ Archiepisc. Constplis, &c. Medioscritas nostra, una cum præsentē sacrâ summorum Pontificum, Clerique Congregatione, libellum, à GERMANA SORORE NOSTRA RUSSIÆ MINORIS ECCLESIA, nobis transmissum -- vestigiis doctrinæ Ecclesiæ Christi fideliter insistere, sacrisque consentire canonibus; nullâ verò ex parte illis adversari, comperimus -- atque de communi Synodycâ sententiâ, decernimus, mandamusque, pio cuivis, & Orthodoxo Christiano, Orientalis & Apostolicæ Ecclesiæ civi, librum istum sedulò lectitandum, &c. subscriptis decreto; Patriarchis Orientis quatuor; Parthenio Constantinopol. Joannicio; Alexandria; Macario, Antiöchiæ; Paisio, Hyerofolimæ; novem Episcopis; & tredecim Constplanæ Ecclesiæ officialibus & Theologis. -- Quem librum, item, Synodus Hyerofolimitana, Annò 1672. sub Patriarchâ Dositheo, approbat, & pro universâ Ecclesiâ Orientali, de novo recipit; eum referens ( pag. 26. ) scriptum, & in lucem prodeuntem, à sanctissimo Metropolitâ Kioviensi Petro Mogilâ, ante sex septem ad Synodum annos; unde Annò 1630. Hæc, ex Præfat. Normanni ad Confessionem legere possunt Lutherani; inde, suorum testium fide, collecturi, Græcos & Ruthenos semper socios, in dignoscendâ, fugandâ, cavendâque à suis Ecclesiis, Lutheranorum & Novatorum hæresi.*

Nec minùs, decursu temporis, Lutheranis seductio-  
ni Ruthenorum insistentibus, caventes Prælati, eorum  
calliditatem populo detexere. *Adrianus, Patriarcha Moskuæ ultimus, Annò 1696., de noviter edendâ Petri Mogilæ, seu Orientalis Ecclesiæ Confessione curavit, additis duabus S. Joannis Damasceni homiliis de cultu sanctarum imaginum. In præfatione libri, populum cautum simul ac instruendum desiderans ( verbis è Ruslico in Latinum versis, apud Lutheranum adductum Krook, Sect. 1. cap. 2.*



§. 17. pag. 32.) sic scribit: *Martini Lutheri discipuli, postquam invenissent litteras Slaveno-Russicas pulchras & puras, & in linguam puram Slavicam transtulissent causas, & EXPLICATIONES FALLACIUM ILLORUM DOGMATUM, typis ediderunt in lucem VENENO PLENOS LIBELLOS, unum in quarto, in urbe Nesvizinâ Annô 1562. alterum brevioris & minoris, Holmiæ An. 1628., vocantes hosce libros, Catechesis, vel doctrina, quid homini, ante omnia sciendum & discendum: QUI LIBER, QUALIBUS, & QUOT SORDIBUS REPLETUS sit, nunc facile dici non potest. Quid mirum igitur, sic, succedentem loqui quoque Javorskium? maximè cum plures intra Russiam, vocatos ad humanas artes edocendas, noverit, & forsitan audierit, extra Philosophiæ metas egressos, circa Ecclesiæ dogmata, incautæ plebi Lutheranismum suadere; superstitionesque, errores, idololatriam vocare (etiam me teste) non veritos, avitam pietatem Ruthenorum in jejuniis, cultu, cæterisque piis operibus? Ex istorum consortio, timuit Prælatatus ille, quorundam charitatem frigendam, cui fovendæ, Prælati cæteris exemplum dedit, venenum, Sordes, heterodoxiam, & fallacias, Lutheri; discipulorumque ejus detegere; quo, & Lutheri cœtus patefieret, & Ruthena Ecclesia illi resisteret; utinam, simul ac omnes doctrinis instruxit, zelo eruditos Ruthenos edoceat.*

20. Quid jam sibi *Lutherani* ab istis desiderent, nescirem, nisi *Calvinistæ* illorum Socii, erga Græcos eandem importunitatem monstrassent. *Mirror*, (scribebat eruditus *Panajotta* Græcus, Turcarum Domini ad Portam Ottomanam Interpres): (s) *Mirror*, cur non pudeat Calvinianæ hæreseos sectatores; post tot Ecclesiæ Orientalis contra eos factas demonstrationes, post tot actus Synodales typis vulgatos, post

(s) Epistola Panagiottæ ad March. de Nointel Legat Galliæ ad Port. 20. 10. br. 1671. integrè relata à citato Normanno. in Præfat. ad Confess. Orient. Eccl.

post Cyrillianæ Confessionis damnationem . - post denique sepe memoratæ Ecclesiæ fidei suæ Confessionem, omnium ferè Antistitum suorum unanimi consensu , & confirmatione nuperrimè publicatam ; TAM IMPUDENTER, & PERTINACITER, hanc Ecclesiam in consortium PERNITIOSARUM HÆRESEUM SUARUM advocare. - Si querunt, quid de verà & substantiali Jesu Christi servatoris in Divino Eucharistiæ mysterio præsentia, Græci credant ; inspiciant paulisper (homologia) & perlegant orationes, quas quilibet sacerdos, ante & post Sacramentorum assumptionem tenetur absolvere. Si de intercessione Sanctorum, quid sentiant instrui cupiunt, lætitent 12. libros (Ton Minologicon ke Tin Paraclitikin) ex quibus clare patet, eos, nil magis, quam sanctorum intercessionem efflagitare : Sique de Sacramentorum numero hæsitant, contemplantur libros Rituales, (Euchologia) intitolatos. Intelligent enim, Græcos, cum sancto Areopagitâ Doctore suo, septem numero Sacramenta profiteri. Si denique de Imaginibus & jejuniis sanius sapere student (To Triadion) perlegant. - Hac scrutentur Calvinistæ, & invenient veram Orientalis Ecclesiæ Confessionem ; & non à Cyrillo, ob perversa sua dogmata, sede expulso, occiso, & damnato. - Credo, domi meæ, Constantino- poli ; Gennadii Patriarchæ Const. DE TRANSUBSTANTIATIONE panis & vini, in Eucharistiâ, orationem elegantissimam, ac doctissimam me habere ; hæc omnia, curabo, quamprimum, submitti, ut omni diligentia, pio & sancto zelo inser- viam, & permaneam. Excellentie V. &c. - Adrianopoli, &c. Hunc Panajottam sic scribentem, non ex Romanis, sed ex Protestantibus, Normannus commemorat ; ipsum, (t) Legatus Galliæ de Nointel, Regi Ludovico XIV. Epistolam transmittens, testatur ; gnarum & peritissimum doctrinæ Ecclesiæ Orientalis, illius etiam se PATRONUM gerentem, in propugnandis articulis, qui illam ab occidentali disjungunt ;

(t) Apud eundem Normannum, in ead. Præfat.



nè Romanenses Authores, sibi nos opponere, *Lutherani* dicant. Relinquant isti Ruthenam Ecclesiam; nè tot istius testimoniis non contenti, audiant ab istis, quod Calvinistæ à Græcis: *mirum, scilicet, esse, TAM IMPUDENTER & PERTINACITER, (Ruthenam) Ecclesiam, in Consortium PERNICIOSARUM SUARUM HÆRESUM, ADVOCARE.* Nec ex *Javorskio* repetiisse sentiant, quod de ipsis, semper, & cuncti, Græci ac Rutheni, iudicium tulerint; dum sibi, nunc, *Panajotta*, verba retorquent.

21. Initia Lutheranismi, ipsius asseclæ explicarunt; agmen compleat *Lutheranus* pariter, qui semel non maledicus, nec audens de præsentī proferre, iudicium tulit, quasi Vates, *Lutheranæ Ecclesiæ* de futuro. Hoc non omitamus, quia meretur, etiam ex etheredoxo, verum audiri. Scribens *Christophorus Matthæus Pfafius* Tubingensis scholæ Cancellarius, nulli Lutherano non celebris, in omni ferè, tum hystoriæ, tum juris, tum Theologiæ materiâ scriptor audacissimus, qui nuper decedens, mordacitatis, plusquàm eruditionis monumenta reliquit. Scribens inquam de Disciplinâ Ecclesiasticâ primitivæ Ecclesiæ, circa administrandam poenitentiam; ex administratâ nunc inter Lutheranos, præfagire dixit quod actu videbat. Verba refero: (u) *Utinam hæc (Primitivæ Eccl. praxis) iterum reduceretur, quam longe sanctius exerceri posset CLAVIS SOLVENS, quam pro præsentī: UBI BLASPHEMI, PERJURI, ADULTERI, SCORTATORES, FURES, AVARI, modo adeant Pastorem, & EX FORMULA RECITENT CONFESIONEM PECCATORUM, etiamsi ne minimam compunctionem in corde sentiant, multo minus quod lacrimæ excidant ex oculis, statim absolvuntur à peccatis. Quis hic non lugeat ingentem abusum clavis solventis? Talis absolutio, nec in Cælo rata est, nec peccatorem juvat, sed*

(u) *Pfafius. institut. jur. Eccl. part. 2. de iure circa Sacra. cap. 20. pag. 228. 229.*

potius gravat: nec Ministro Ecclesiæ commissa, sed prohibita est: ut ita totus actus talis absolutionis sit **LUDRICUS, ABUSIVUS, IMPIUS**, non in ædificationem, sed in destructionem animarum tendens: nam ex tam facili & promptâ absolutione, peccata pro re levi erunt: de his nunquam seriò contristabuntur, sed ad quamcunque occasionem, ad vomitum, & pristina peccata redibunt, dum putant, intra trium mensium spatium, si iterum ad Confessionarium accedant, cum priore **FORMULA**, eadem iterum facilitate peccata commissa remitti. En Lutheranam praxim cœterorumque Protestantium, individuâ peccatorum explicatione sublatâ, formulâ communî utentium, qua Minister clavium, dignos, ut solvat; indignos, ut retineat, cognoscere nequit. Sequitur immediate authoris iudicium. **QUARE, NOBIS EA SEDDET SENTENTIA, ECCLESIAM NOSTRAM** (Lutheranam intellige) **NON POSSE, NON IN PEJUS ABIRE, & TANDEM, IN COETUM MALIGNANTIUM DEGENERARE, NISI DISCIPLINA ECCLESIASTICA SERIO REVOCETUR.** Nescio quid virum istum detinuerit, nè de præsentî assereret quod per infallibilem consequentiam inferebat. Fallitur, asserens, disciplinam Ecclesiasticam esse, peccata numeraliter exponere, est enim expresse à Christo jussum, instituente tribunal sacrum, in quo clavigeri, ligandi, & solvendi, non ad libitum, sed juxta pœnitentis dispositionem, acciperent potestatem. Antiquos canones publicè pœnitentium revocasse Ecclesiam, fas fuit; quæ juris Divini non erant, & ex quibus inconvenientia sequuta ad præsens non attinent: confessionem privatam auferentes Ecclesiæ Protestantium, ordinariâ utentes **FORMULA**, audiunt à Lutheranis necessarium exitium; à **RUTHENIS** igitur tolerant sibi dici: (x) *odivi Ecclesiam MALIGNANTIUM*, quorum cœtum dicit



Lutheranus ipse, *futurum*, & Ecclesia proscripsit jam factum. Hanc, quam *Apologista* vocat *Ecclesiam*, pro qua defendendâ, calamum, in *Javorskium*, plusque in Latinos, strinxit, *Sponsam Christi* adhuc si Lutherani recanant; metricè *Rutheni* reponent:

*Quisquis amat ranam;*  
*Ranam putat esse Dianam.*

## S E C T I O III.

I. **J**AM *Apologista*, hucusque extra chorum canens, ad *Javorskii*, tractatum oppugnandum se cingit; diminutè licet & inordinate, acuens tria tantum *venenata tela*, ex undecim illis *Lutheri*, quæ *Javorskius*, *Fidei petra* retrudens, fecit inepta. Contra *jejunia Ecclesiastica*, contra *Imagines*, *sacrasque Traditiones* insurrecturus; infrænabili crapulâ bellum incipit, quam *Javorskius decimo tractatus sui Dogmate*, jejunio præcepto, impugnaverat: sed neque hoc mirum, quod ventri tribuant, pugnaturi, præcedentiam, illi, quos (y) vocavit *flens* Apostolus, *inimicos crucis Christi*; quorum *finis interitus*; quorum *Deus venter est*: illud mirandum, quod in cœlibatus votum Monasticum, crapulæ sociam non produxerint quoque libidinem, talis est enim modus pugne solitus in *Lutherano* cœtu, quem *Apologista* tuetur, ut duplicem causam habeant quam *Aristoteles* limitavit pecubus: pro duobus scilicet *pugnare*; pro cibo, & coitu.

2. A pagina 35. ad 48. non jejunia, (ut fictè *Apologista* prævenit) sed præceptivam ad illud Ecclesiæ auctoritatem, rejecturus, antiquiorem *Luthero* ipso hæresim refricat; sed *Orthodoxis* cunctis, scripserat Paulus: (z) *rogo autem vos Fratres, ut observetis eos, qui DISSENSIO-*  
*NES,*

(y) Philip. 3. 18. (z) Rom. 16. à v. 17.

NES, ET OFFENDICULA, PRÆTER DOCTRINAM, QUAM VOS DIDICISTIS, FACIUNT; & *declinate ab illis. Hujusmodi enim Christo Domino nostro non serviunt, sed SUO VENTRI, & per dulces sermones, & benedictiones, seducunt corda innocentium. VESTRA enim OBEDIENTIA, in omnem locum divulgata est. Gaudeo igitur in vobis. Obedientiam siquidem fidelium, ab initio Ecclesiæ, in jejuniis, eorumque modo, jam præstitam, præter ea quæ in Javorskio Apologista non legisse simulat, ostendam pluribus.*

Quadridens ergo *venenatum telum*, contra, & Græcorum, & plus Latinorum; jejunia, jaculatur his verbis (pag. 35.) *jejunia, si rectè instituantur, ceu ad vitæ sanctitatem custodiendam admodum utilia & salutaria, vehementer commendamus: ita SUPERSTITIOSA, contra, HYPOCRITICA, HISTRIONICA, COACTA, jure meritoque rejicimus, ac detestamur. Si ampliùs blasphemasset, nil Lutheranis plaudendum attulisset, quorum cathechesi solà, ad impudentiora instruuntur, (a) additis vocibus, Pharisaica, verbo Dei contraria, aliisque vilipendendis calumniis. Quæ priusquam repellantur, scire optarem, jejunia ab ipsis Commendata, an apud ipsos servata credant, qui in eorum coetibus, unum vix, servandum audiant, servatumve ( merito temperantiæ rejecto ) prædicent? Vix unum dixi; itaut jejunium generalitèr indictum inter Protestantes Batavos, semel in novitatum publicarum relatione nuper audivimus, tanquam singularissimum factum: nec in illo vim placandi Deum, aut satisfaciendi pro poenâ peccatis debitâ, vel meriti cujusdam, aut obligationem jejunandi sub culpâ ( ex arriculo 15. Augustanæ confessionis ) hi novi inter Latinos hæretici fatebuntur; unde nesciet quisquam, quo fine ab Ecclesiâ indicuntur, aut quare, calamitatis publicæ tempore, persuadenda*

(a) Ap. Cunradū Dietericum, institut. ad Cathechism. Lutheri, Instit. 134. pag. 478.



denda sint, si Deum placari sperare non possimus in illis. Cautiùs, etsi inconsequenter, eadem jejunia (in Tabulis Kalendarii) servavit *Anglicana* Ecclesia, ac habuerat sub *Romanâ*, asserens (art. 34. confes. fidei) publicè corrigendum eum, qui ceremonias & traditiones Ecclesiæ receptas violaverit; non levem esse quoque Dei offensam, (b) voluntariam disciplinæ Ecclesiasticæ publicæ transgressionem: cum tamen (art. 20.) addat, nil ab Ecclesiâ præcipi posse tanquam necessarium ad salutem. Liberrimè ergo *Apologista* (praxi Lutheranorum forsân inassuetus) scribit pag. 38., de solemnibus apud eosdem indictis jejniis: *atque ita ad exemplum primitivæ, cum primis Apostolicæ, nos componimus Ecclesiæ. Jejunia enim in eâ non erant infrequentia*: Quomodo enim, rarissima, si quæ nam sunt inter Lutheranos, jejunia, componentur in exemplum *Apostolicorum*, ut fatetur, *non infrequentium*, dicente Apostolo: (c) *exhortamur, ne in vacuum gratiam Dei recipiatis, sed in omnibus exhibeamus nos sicut Dei ministros*, (inter plura alia) *IN JEJUNIIS* &c. Hæc in magno numero à se servata repetit idem: (d) *in vigiliis multis infame, & siti, in jejuniis multis*, quæ, nedum à se, sed à totâ Ecclesiâ custodita, leguntur in (e) Apostolorum Actis non semel. Credemus, indè, *Apologista*, Lutheranos dicenti jejunare secundum Apostolorum exemplum? Absit ut vel talem præsumant Lutherani laudem, vel tantam Apostolis irrogemus injuriam.

4. *ibid.* Nostraque in præcepta jejunia, allatas ab *Apologista* contumelias repellamus. *Superstitiosa* dixit ea, primò, quia homines *gravibus peccatis immerfi*, nūlque de emendatione solliciti, jejuniis Deum placare, omnémque in jejuniis Dei cultum constituunt. Quis non rideat ad ineptias tales? quis

(b) Vide Præfat. ad Liturg. Eccl. Anglic. §. de cerem. n. 1. in fine. (c) 2. Cor. 6. à v. 1. (d) 2. Cor. 11. 27. (e) Act. 13. 2. 14. 22. & alibi.

quis credet *Lutheranos* omnes sine peccato aliquo, si aliquando jejument? an non potius, contra, cum semper in peccato sint, quod ideo non jejument? Legere num *Apolo-  
logista* potuit talem errorem in doctissimo, quem impu-  
gnat, *Javerskio*? Somniavit nè unquam Græcus aut Latinus aliquis, Deum placari ab homine malo, qui de vitæ emmendatione non curat? Scimus cuncti (f) *eligi* (à Deo) *magis*, jejunium, quo, *dissolvat* homo *colligationes impietatis*, operaque perfectæ charitatis exerceat; doce-  
mus omnes, in peccatore, sine Divinâ gratiâ, omnis meriti principium erga Deum deficere; cunctos instruxit *Chris-  
stomus* (hom. 4. in Gen.) *nè existimemus, in ediam usque ad vespertas*, (quomodo abstinebatur ejus tempore) *ad salutem nobis sufficere*, quia sola abstinencia corporis quantalibet sit, non facit perfectos. Sed, *superstitiosum* esse opus ab intrinseco bonum, etiamsi ab homine peccatore elicitum; *peccaminosumve* exteriorem Dei cultum, etsi internâ charitate non habitâ imperfectum; incepit delirare quidam *Bugaurius* nomine; prosequutus est *Lutherus* viti-  
ans omne opus bonum *in reprobis & gentilibus*; roboravit *Calvinus*; recoxit *Michael Baius*; sustinent *Jansenista*; quorum nec minimum errorem admittunt Græci: si enim peccator eleemosynarius peccaret subveniens pauperi, melius ageret hoc omittens, quod nemo dicet; imò malè consulisset Nabuchodonosori, Daniel: (g) *peccata tua eleemosynis redime & iniquitates tuas misericordiis pauperum: forsitan ignoscet (Deus) delictis tuis*: similiter etiam, qui proximum, adhucque Parentem, posset à morte casuali, vel injuste illatâ liberare, si in peccato esset, vel ad id non obligaretur, vel teneretur peccare; quæ, nisi *Lutheranus*, aut hæreticus alius, nemo sustinere poterit nefanda deliria. Sic (Exod. 1.) laudantur, etsi infi-

K

deles

(f) Jsa. 58. 6. (g) Dan. 4. 24.



deles, mulieres obstetrices Hebraorum, Ægyptiæ, quod muerint Deum, & non fecerint juxta præceptum Regis, sed conservaverint mares -- &, quia timuerunt Deum, edificavit eis domos. Ideò Christus Phariseos alloquens, & de peccatis redarguens, (Luc. 11. à v. 39.) subjunxit: *verumtamen, quod superest date eleemosynam, & ecce omnia munda sunt vobis.* Et quis non legit, (Act. 10.) Cornelio, Centurioni cohortis Italicæ, gentili, convertendo per Petrum, dixisse Angelum: *Orationes tuæ, & eleemosynæ tuæ, ascenderunt in memoriam in conspectu Dei?* Ex quibus, sine gratiâ, & sine adhuc fide, posse opera quædam bona moralia ab hominibus exequi, demonstravit S. Thomas 2. 2æ. qu. 10. art. 4.: atque, nedum ex objecto, sed ex fine bonum agendi, laudat Hieronymus, (in cap. 1. Gal.) multorum, sine fide & Evangelio, opera salubriter & sanctæ perfectæ: S. Augustinus quoque (lib. 5. de civ. Dei cap. 15.) latum Imperium Romanorum, suadet à Deo datum, in remunerationem eorundem bonarum virtutum; & (Epist. 163.) supponens, quod ope *Xenocratis*, factus erat *Polemon* ex libidinoso continens, ait: *quanquam ergo non fuerit Deo acquisitus, sed tantum à dominatu luxuriæ liberatus, tamen nè idipsum quidem, quod melius in eo factum est, humano operi tribuerim, sed Divino:* Tandem (lib. de Spir. & lit. c. 26.) ait: *impiorum, verum Deum, nec veraciter, nec justè colentium, quædam facta legimus, quæ, secundum justitiæ regulam, non solum vituperare non possumus, sed meritò rectèque laudamus.* Putant igitur Rutheni, & omnes juxta præceptum jejunantes Catholici, hominem in peccato existentem, posse (sine merito quidem) plura præcepta Divina, & humana adimplere, per actus bonos moraliter, etsi non perfectos, quia sine imperante charitate informes. Nec solis Lutheranis loquor, qui rejectâ fide, veræ valedixerunt Theologiæ; scientificè igitur distinguam inter actus præ-

præceptos, alios, de quorum substantia est charitas; & alios, quorum, charitas, est solum modus; seu (ut loquitur (h) Apostolus) finis præcepti, quia finis omnis legis est homines facere virtuosos: Primi generis est Dei dilectio super omnia, & proximi, quæ ab homine peccatore adimpleri non potest; secundi generis sunt cætera, quæ à charitate imperantur & ad ipsius incrementum tendunt, ut honorare Parentes, quod est exequibile ab eo, qui nec charitatem, nec pietatem habeat; qui, peccare poterit contra charitatem, & pietatem, satisfaciens præcepto de honorandis Parentibus, ut, Duce *S. Thoma Aquinate*, (i) docent Orthodoxi Theologi. Hinc leges, etiam Ecclesiasticæ, circa actus humanos, quoad substantiam, seu bonitatem eorum materialem, ut, audire sacrum, succurrere indigenti, jejunium, & similia, adimplibiles sunt sine charitate & gratiâ sanctificante; imò, peccans, ob vanam gloriam, potest præceptis hujusmodi satisfacere: leges verò illæ, quæ hominem ad interiorem cordis rectitudinem directè dirigunt, ut dilectionis Dei & proximi, pœnitentiæ, contritionis, & similium, sine interiori cordis munditie impleri non possunt. Jejunans igitur potest peccare ob vanam gloriam; superstitiosus esse, si putaret absque gratiâ & charitate justificari per jejunium; sine peccato verò, valet servari istud, intendendo ad impletionem præcepti Ecclesiæ, itaut perfectum & meritorium non erit, ex non imperante charitate, sine quâ destrueretur (k) *modicum illud fermentum, quod totam massam corrumpit*; si tamen, ex verò corde jejunium offeratur à peccatore, ad hunc finem ut convertatur, absque dubio Deum movebit ad sibi conferendam gratiam, quâ à peccato resurgat.

K 2

Hy-

(h) 1. Tim. 1. 5. (i) S. Thom. Aqu. 1. 2æ. qu. 100. art. 10. ad longum. (k) 1. Cor. 5. 6. Gal. 5. 9.



14.

*Hypochritica*, prosequitur probare *Apologista* (pag. 36.) nostra jejunia; ob singularem sanctitatis conciliandam opinionem, & ostentationis causâ, instituta, & servata, qualia reprehendit *Christus* (Math. 6.). Auditus nè est unquam talis scrutator cordium, qui imperantium & obsequentium vanum hunc penetret finem? Hypochrita, quod jejunare fingat non abstinens, quodvè *vultum suum deformet*, ut appareat hominibus jejunans, quis negat? sed quod omnes in Ecclesiâ sint tales, quis nisi audacissimus dicet? Si igitur, (ut *Apologista* delirium appareat) omnibus generaliter est indictum jejunium, quam singularem manifestabit in eo quislibet sanctitatem? In jejuniis voluntariis, non in preceptis, ostentatio locum habet, aut Hypochrasis, nisi modus addatur *exterminandi faciem*, ut strictiùs jejunasse manifestetur hominibus; neque talem dixit *Christus* generalem omnibus ex lege jejunantibus, sed limitavit quibusdam hypochritis, sicut ibidem, modum publicè faciendi eleemosynam non correxit in cunctis. Si ergo hæc, *Christi*, contra hypochritas jejunantes correctio, exiliandum probaret præceptum jejunandi, ut *Apologista* contendit; reprehensio ejusdem antecedens in facientes jactatam eleemosynam, auferendum probaret hujus fiendæ præceptum, quod nemo dixit. Hypochrasis ubique vitanda, sed utrobique, (l) sic luceat lux nostra coram hominibus, ut videant opera nostra bona, & glorificent Patrem nostrum, qui in cælis est: nam non debet omitti opus bonum, ut vitetur hypochrasis, sed ut notavit *Gregorius*: curare, (m) ut sic sit opus in publico, quatenus intentio maneat in occulto. - - (n) Lucernas quippe ardentes (quales (o) docuit *Christus*) in manibus tenemus, cum per bona opera, proximis nostris, lucis exempla monstramus.

Væ

(l) Math. 5. 16. (m) S. Gregor. hom. II. in Evang. (n) Idem homil. 13. (o) Luc. 12. 35.

Væ autem illis, qui jejunia, cæteraque bona opera rejicientes, maluerunt, Duce *Luthero*, pessimi omnes ostendi, nè contingeret quorundam hypochrisis.

*Histrionica*, addit *Apologista* ridiculus, jejunia, in quibus, prohibitis cibis nonnullis, succedunt alii non minus pravæ cupitates irritare apti, quibus jejunantes ventrem replent. Si iste homo, eique similes, scirent distinguere jejunii differentias, non ita ineptirent in ejus diversas secundum tempora observantias. Aliud est jejunium *Naturæ*, quod est, negatio omnis cibi & potus, ad nullam virtutem pertinens, cum temperantia mediocritatem in cibis intendat. Aliud jejunium *Spiritus* idest abstinencia à peccatis, & hoc perfectissimum dicitur, methaphoricè, jejunium ( Jsa. 58. ), per exemplum jejunii corporalis. Aliud est *virtutis*, & istud consistit in mediocritate exercitâ à virtute temperantiæ, quæ, una non potest præfigi pro cunctis. Aliud est *Ecclesiæ*, quod est abstinencia à cibo, juxta regulam ab Ecclesiâ præscriptam, pertinens ad virtutem abstinentiæ, ordinata ad finem honestum, tum reprimendi concupiscentias carnis; tum elevandi mentem ad contemplationem cœlestium, exemplo *Danielis* ( Cap. 10. ); tum satisfaciendi Deo pro peccatis, ( Joel. 2. v. 12. & 15. ) ut explicatur diffusè à Theologis cum S. Thomâ 2. 2æ. Q. 147. art. 1. & 2. Ad jejunium virtutis, tenentur omnes, juxta unicuique necessariam temperantiam, tum in cibo tum in potu, cujus regulæ sequendæ sunt, juxta diversas hominum conditiones. Ecclesiæ ergo ( suppositâ autoritate ferendi leges, de quâ postea ) nec strictissimum vivendi genus præscripsit, nec electioni particulari cujusdam cibos reliquit, sed cunctis in unitate viventibus unâ regulam jejunandi designavit, quam, sicut introduxerat, mutare, limitare, restituere, tollere, secundum tempora & personas tacito vel expresse consensu, mitigare potuit.



Attendit Ecclesia ( ut advertit cit. S. Th. ib. art. 8. ad 2. )  
 ad id quod communiûs accidit , quale est, esum carniûm  
 esse delectabiliorem , vim nutriendi majorem habere, ma-  
 gis ad venerea provocare, plus humano corpori confor-  
 mari, ab ipsoque appeti, & alias rationes, ob quas *Lu-  
 therani* respuunt non esse carnivori: Legem ergo statuit  
 communem abstinendi à carnibus, ab eisque proceden-  
 tibus rebus, ut, ovis, lacticiniis: strictiorque alicubi mos in-  
 valuit, ut piscibus quos sanguis animat abstinentes, ad-  
 hucque aridorum usu, aut *Xerophagiis*, compleant jejunia  
 plures Greci. Ubicunque igitur approbavit Ecclesia, i-  
 mò & jussit ciborum delectum, ( ut dicemus ) inter Lati-  
 nos nunquam ita rigidè ac inter Græcos, ut videbimus  
 postea. Sciant ergo fideles, in modo jejunandi quemli-  
 bet satisfactorum, si morem communem servet suæ Eccle-  
 siæ; ad hunc autem adstringi: inter Lutheranos enim, si  
 semel jejuniò indicto, unicuique maneat designanda re-  
 gula; quislibet quem velit imitabitur, aliûs jejunare fin-  
 get, aliûs jejunabit ut *Grecus*, aliûs ut *Romanus*, aliûs ut  
*Ethnicus*; unde eorum jejuniû, non *Histrionicum* dicâ, sed  
*MIMICUM*. Stupiditatem aliam, quâ, *pisces, carnes es-*  
*se*, in eorum Catechismo majori ( p ) aliûs probare vo-  
 luit, ex Levit. II. II. *carnes eorum*, ( scilicet piscium )  
*non comedetis*; & I. cor. 15. 39. *alia caro pecorum, alia*  
*volucrum; alia autem piscium*; inter quamplurimas, ali-  
 bi, agens de Rathenorum jejuniis, latiûs detego; qui enim  
 ita arguunt ex codice sacro, nil mirum si dixerint in *arca*  
*Noë* inveniendos binos ex omni specie piscium delendo-  
 rum, quia coram Deo ( q ) *venerat finis universæ carnis*.  
*universa quippe caro corruerat viam suam*, indeque dilu-  
 vium, non aquâ solum, sed alio piscibus mortifero com-  
 pletum; & similia: Nec capiam, quare alimenta piscium  
 car-

( p ) Cunrad. Dietericus. institut. Cathéch. Lutheri. inst. 134. pag. 478. ( q ) Gen. 6.

carneis coæquantur, aut ( ut *Apologista* loquitur ) æquam vim ac carnea, ad libidinem & pravas cupiditates excitandas, habentes cibos in Catholicorum jejuniis, ita respuerint, ut ob ea ab Ecclesiâ Romanâ Apostataverint : nec ipsi dicent, quare crapulaturi, toties, ab Ecclesiâ Romanâ transfugæ, apud Græcos, jejuniis rigidiores, recursum quaesierint. Si ergo contra nos insultaturi, eandem dicant *carnem piscium, ac pecorum*, quia Paulus carnem vocavit, etsi dicens *aliam* ( partem intelligens, præ ossibus spineis comestibilem ; ) aliud adhuc obtineant Lutherani sibi paratum obsonion, in *Isaia* dicente : (r) *omnis caro FOENUM.*

*Coacta*, concludit effrenatus *Apologista*, præcepta 7.  
per Ecclesiasticas leges jejunia ; non distinguens inter præcipi, & *Cogi* ; improbans, ut ait ( pag. 37. ) coactionem præcepti, cum enim cultu spontaneo & libero Deus delectetur, quidquid coacti, ac inviti, homines faciunt, illi non displicere nequit. Plus mente captus ostenditur hic, quam calamo capiendus. Si enim coactio per præceptum, quam 8.  
supponit, nedum meritum tollat, sed displicens Deo opus constituat, ut imprudenter Lutherani Theologizant, omne præceptum Divinum, antiquum & novum, morale, ceremonialia, Evangelica, adhucque civilia, pariter in conscientia obligantia, cogerent homines, operaque Deo displicentia faceret, quicumque præcepta adimpleret. Præcepta obligare verum est ; cogere, falsissimum : obligatio provenit ex subjectione, quâ legibus parere tenemur : coactio & violentia est ab extrinseco agente, cui etiam volentes non possumus resistere, ut explicatur à Theologis, cum S. Thoma ( 1. 2æ. qu. 6. art. 5. ) tollitque voluntarium, sicque non infert meritum, aut demeritum. Clarissimum exemplum est in Virgine, obligatâ, non coactâ, ut liberè oninino pudorem conservet ; hæc si cogatur ad stuprum, modo



modo defuit omnis consensus, nunquam peccabit, quia actus cui nequivit resistere fuit involuntarius; tantum autem deficit nec cogatur à lege, quantum plures liberrima stupra contra illam committere doleamus. Supposita ergo lege ad quam tenemur, ex charitate provenit quod illam adimpleamus, quatenus noscentes bonum tum in re præcepta, tum in præmio quod ex ea speramus, ad illud ex amore supernaturali accendimur; aut noto malo in culpa, & pænâ futura, ex timore Dei, ad illud vitandum resolvimur. (s) *Hilarem itaque datorem diligit Deus*; quia etiam opera, etsi præcepta, à nobis expectat voluntaria; sicut ex sperato bono jubemur libentiùs offerre Deo ea ad quæ tenemur: (t) *in omni dato hilarem fac vultum tuum, & in exultatione sanctifica decimas tuas - quoniam Dominus retribuens est, & septies tantum reddet tibi*. Nec voces itaque percipit *Apologista*, confundens *coacta* jejunia, ea quæ liberè Christianus exequitur, etsi obligante lege præcepta.

8. Antiquiùs *Apologista*, imò & ipso *Luthero*, erraverat seculo. 4. *Aerius*; cujus sectarii, jejunandum esse nunquam negarunt, sed asseriebant, non teneri ad hoc ex præcepto Ecclesiæ, cui, auctoritatem ad jejunia sub peccato præscribenda non concedebant, testibus *Epiphanio* (hær. 23.) & *Augustino* (hær. 63.) hanc hæresim refellentibus. Generaliùs autem omnem auctoritatem condendi leges in conscientia obligantes, negaverant *Wiclevita*, & *Hussita*, contra quos Consilium Constanciense (sess. ult.); hosque sequutos *Lutheranos* & *Calvinistas* damnavit Consil. Trident. (sess. 7. can. 8. de Baptismo) dicens: *si quis dixerit, baptizatos liberos esse ab omnibus sanctæ Ecclesiæ præceptis, quæ, vel scripta, vel tradita sunt, ita ut observare non teneantur, nisi se sua sponte illis submittere voluerint; anathema sit*. Auctoritatem autem condendi leges in

(s) 2. Cor. 9. 7. (t) Eccli. 35. 11.

in conscientia obligantes, ita persuadet *Scriptura*, ut hæc convicti Lutherani novissimi, plenè non audeant eã dene-  
 gare Ecclesiæ, sicut contra sacram traditionem fecere pri-  
 mi; ut *Christianus Chemnitius* (adnot. in Catech. Cunrad.  
 Dieter. loc. de adiaphor. contro. 2. pag. 115.) dicat: *adia-*  
*phora, antequam introducuntur, adiaphora sunt & libera;*  
*sed quando introducta sunt, induunt naturam necessitatis,*  
*nec nisi cum consensu totius Ecclesiæ abrogari possunt, ut patet*  
*exemplo exorcismi.* Et ipse *Cunradus* (instit. Catech. Lu-  
 theri de bapt. instit. 40. pag. 526.) exorcismum baptizan-  
 dorum (contra *Calvinistas*) servandum defendit; sicut  
 (instit. 41. pag. sequ.) Paternos, more antiquissimo Eccle-  
 siæ, adhibendos non negans, etsi nec consentiens, intro-  
 ductos fuisse per *Higinium*, Græcum, Romanum Pont. sæcu-  
 lo 2., cujus Decreti meminit *Gratianus* (de consecr. dist. 4.  
 cap. 99.) & noster *Caranza* (in not. Marg. ad *Higin.* pag.  
 13.) etsi precesserit Apostolorum exemplum, orantium an-  
 te administrationem baptismi, sicut ante impositionem  
 manum, ut fideles Spiritum S. reciperent; adhibitósque  
*testes & Sponsores* in Cathecumenorum baptismo narret  
*Dionysius Areopagita* (lib. de Eccl. Hierach. cap. 20.) Quo-  
 modo autem hæc inficiari possint non video; (u) *qui enim*  
*Ecclesiam non audit, ut Ethnicus vitari debet, ex ore Chri-*  
*sti; qui Ecclesiæ Prælatos spernit, (x) spernit Christum &*  
*Deum, qui eum misit:* evidens autem habemus, ab Apo-  
 stolis præcepta fuisse imposita; (y) ut de *sanguine, & sus-*  
*focato* non comedendis, aut, *immolatis simulacrorum;* qua-  
 lia (z) *perambulans, Paulus cum Silâ, confirmandis Ecclesiis,*  
*præcipiebat custodiri præcepta Apostolorum & Seniorum;* cla-  
 rissimèque ipse Paulus, (a) nuptis, à se invicem non dis-  
 cedere præcipiebat, non ipse, sed Dominus; ceteris autem,  
 L ipse

(u) Math. 18. 17. (x) Luc. 10. 16. (y) Act. 15. 29. (z) ib. v. 41. (a) 1. Cor.  
 7. 10. 12.



*ipse dicebat, non Dominus: (b) confidens (Thessalonicenses) quæ sibi præceperat servaturos - (c) monens quoque Timotheum, ut, secundum instructionem sibi traditam, fidelibus præcipiat & doceat. Quod igitur Disciplina Ecclesiastica, ad quam pertinet jus ferendi leges in sacris, pertineat, etiam post Apostolos, ad Ecclesiam, nedum sub cruce persecutionis trium seculorum, sed etiam postea, ipsamque rectè exequutam, licet protestantes, docuere plures quos forsam Apologista non legit; ut Professores Leidenses (disp. 48. Thesi 17.) & alii. Nè autem dicat Apologista, à nostris, sive Latinis Catholicis, sive Græcis, hanc sibi doctrinam obijcere, legat citatum sibi celebrem Psa-fium (institut. jur. Eccl. 2. p. cap. 15.) hæc scribentem: Quod Disciplina Ecclesiastica, in quantum pro fundamento habet jus clavis ligantis atque solventis, pertineat ad Ecclesiam, id penè apud omnes in Confesso est; PETRO enim à REGE SUPREMO ECCLESIAE, hoc est à Christo, primitus commissæ sunt illæ claves, & postmodum OMNIBUS Apostolis. Non autem Petro, aut Apostolis traditæ sunt, ut Personis singularibus: sed ut rectè docet Alphonsus Tostatus de Madrigal Episcopus Hispanus (Abulensis): Originaliter Ecclesiæ: Nam si Petro traditæ essent ut Personæ, sequeretur illud inconveniens, quod, mortuo Petro, non ampliùs superessent, quod inconveniens etiam obtinet, si Apostolis traditæ dicantur; nam & illi obierunt. Ecclesia itaque accepit claves à Christo, tanquam Corpus immortale, & Apostoli tanquam Ministri Ecclesiæ habent potestatem illam spiritualem secundum originem & radicem, Sacerdotes autem secundum usum, Quare, Magistratui Politico, quæ tali, neque in radice, neque in usu & exercitio, Potestas clavium, seu disciplina Ecclesiastica in eâ formâ Competit. Certè hic Lutheranus accerrimus non prævenit, se immediatè (cap. 17.) suffragaturum Magistra*

stratui politico pro auctoritatè ferendi leges in sacris; quãdo hîc, talem, *Petro, Apostolis*, istorumque successoribus, in perpetuum, *originaliter Ecclesiæ traditam DISCIPLINAM ECCLESIASTICAM*, ex nostro *Hyspano Episcopo Abulensi*, & docuit & convicit; etsi enim, ipse, *solutionem & remissionem peccatorum* forsan intenderit, integrè, etiam nolens, totam *Disciplinam Ecclesiasticam* comprehendit.

Sicut igitur Apostoli legem tulerunt de sanguine & suffocato non edendo; quæ postea, ( ut alibi ostendam expressè tractans de Ruthenorum jejuniis ) cessante fine, cessavit; sicut diem *Dominicam*, loco *Sabbati Judeorum*, celebrandam statuerunt, ut docet *Catechismus Romanus*, iussu *Pii. 5.* editus ( par. 3. cap. 4. ) cum constet ( ex Act. cap. 20. 7. ) *unâ Sabbati convenisse ad frangendum panem* ( Sacrum, ) Fideles, quod servatum est ab Ecclesiâ, & retentum; sicut *Paschæ* diem, à 14. Luna, in *Dominicam* sequentem transferendam ab Apostolis accepisse, tenet sanior Orthodoxia, quæ omnia in leges sacras obligantes in conscientiâ assumpta sunt; ita jejunia, certis diebus & modo peragenda, præscripta fuisse; eandemque auctoritatem pro hac disciplinæ Ecclesiasticæ parte in Ecclesiâ viguisse, quis dubitat? Quisve sanè orthodoxus, sentiens, leges, adhuc civiles, in conscientiâ obligare si justæ sint, ut cum Apostolorum ( d ) Doctrinâ didicimus, negabit, sub peccato teneri ad leges, quas stabilivit Ecclesia? Solum ille hoc faciet, qui, sicut *Apologista*, Ecclesiam Matrem præcipere impotentem docens, non recognoscit, quare sibi intulit *Augustinus* ( e ) quod neq; Patrem Deum habeat, qui sponsam ipsius Matrem non respicit - - Sic & Græci & Latini, vehementer suspectum de hæresi judicant eum qui jejunia usu solvit, nec emmendatur correctus; quia inde suspicantur, ad ipsum obligandum, auctoritatem.

L 2

Ec.

( d ) Rom. 13. 5. 1. Pet. 2. & alibi. ( e ) 3. Aug. Lib. 4. de Symbolo. Cap. 10.



Ecclesiæ non agnoscere ; ut ex Latinis pluribus advertit Fr. *Philippus Maria Grossi* (Tom. 3. opor. moral. pag 49.) ; antequam ipsum, Canonistæ plures, ut ( f ) *Franciscus Peña*, & Author in ( g ) repertorio, apud ( h ) *Farinacium* : ex Græcis vero, non minoris numeri authores apud *Nicolaum Comnenum Papadopoli Cretensem*, ( resp. 4 mistagog. sect. 2. n. 11. fol. 229. )

10. Hac autoritate ( invito *Apologista* ) supposita, duplex ipsius maledicentia, in nostra jejunia, facile corruet ; dum scribenti ( pag. 38. ) : *certos dies jejuniis destinatos . . ciborumque discrimen observatum , nullo testimonio, nullo exemplo probari posse ;* siquidem superbit quod omnia legerit, opponere teneor plura, ut noscat quantum ex utrâque parte ignoret. Et primò, circa *Certos dies*, optimè finget *Apologista*, *Javorskium* Ruthenicè scribentem non capere ; in eo siquidem ( titulo seu dogmate 10. de jejunio, Ruthenicè *POST* ) legisset, quod sibi non teneremur repetere ; nec me compelleret, ut *Javorskium*, interprete usus, explicatum audissem, ut *Apologistæ* alia adderem. Audivi, ante citatos Canones 48. & 50. *Laodiceos*, quorum, *Apologista*, sibi postremum obijciens ( pag. 45. ) nec ex eo legem latam concedens, imò ad liberum jejunandæ *Quadragesimæ* morem sæculo 4. introductum ( quam fatuè, dicam postea ) confugit : audivi, inquam, citari canonem 19. *Gangrensem*, in quo lego : ( i ) *Si quis eorum qui continentie student ( si Apologista, Christianos omnes hic non intelligit, erit convictus, incontinentie reus ) absque necessitate corporeâ, TRADITA IN COMMUNI, JEJUNIA, ET AB ECCLESIA CUSTODITA, superbiendo dissolvit, stimulo suæ cogitationis impulsus ; anathema sit.* Fuit

( f ) *Peña* ad director. p. 2. ad cap. 1. de hæret. fol. 87. ( g ) Repertor. v. cognoscere. vers. sed an judex. ( h ) *Farinac.* de hæresi qu. 178. §. 2. n. 89. ( i ) apud *Garauza*. fol. 46.

Fuit nē Canon iste qui jejunia imposuit, aut supposita roboravit? Si verba, *TRADITA, CUSTODITA, Apologista & Lutherani* non capiunt, legant (apud suum Pfasium sæcul. 4. pag. 84.) damnatum hac in synodo *Eustachium*, seu *Eustathium Sebastenum, Ponti* Episcopum (apud *Socratem* lib. 2. hist. cap. 24.) ; cujus errores inter, (in Epistola (k) seu Argumento aperiendæ synodi narratos) habetur: *jejunia quæ in Ecclesiâ prædicantur, contemnenda asseruisse*. Et infra, de *Eustachii* discipulis: *unusquisque, per tales institutiones, AB ECCLESIASTICO CANONE RECESSIT*, tanquam, *PROPRIAS LEGES sibi met condidisse præsumens*. Constat ergo, ante sæculum quartum, *leges & Canones* circa *jejunia* extitisse, quorum inobedientiam synodus damnans, commemorat.

Unde nūl conviniceretur *Apologista*, si cum *Javors- II.*  
*kio*, sibi repeteremus sanctorum testimonia ; *Cyrili Hyerosol.* qui ad annum 386. vixit ; *Basilii*, qui, 378. ; *Gregorii Nazians*, 390. ; *Ambrosii*, qui 397. ; *Chrisostomi* qui, 407. ; *Augustini* qui 430. ; *Cyrilli Alexandrini*, qui, 444. ; *Theodoreti*, qui, 460. ; *Dorothei*, *Cassiani*, *Ephrem*, & aliorum: quibus omnibus, nedum utilitatem, sed & obligationem jejunandi in quadragesimâ & aliis diebus, prædicantibus, reponet (ut pag. 45.), à sæculo 4. hanc jejuniorum consuetudinem invaluisse. Ad antiquiora recurrendum est, ut *Lutberani* videant, ab Apostolis exisse Traditionem hanc, quam Consilium *Gangrense* sæculo 4. supponit.

Præter *S. Ignatium Martyrem*, qui *Joannis* Apostoli <sup>12,</sup>  
discipulus, Annō <sup>111.</sup> pro Christo occubuit ; quem (epist. ad *Philippenses*) memoratâ *quadragesimâ*, post *Passionis Dominicæ hebdomadam*, feriis *quartâ & sextâ*, jejunium à nemine negligendum, scribentem, *Javorskius* adduxit ; alios addamus, ut nedum de praxi, sed de continuatâ Traditione



one quoque confet. Primus (sæculo 3.) sit *Urbanus I.* Pont. Rom. (An. 225.) qui, apud *Gratianum* (dist. 76.) supponens ea in usu apud Latinos, statuit, ut *jejunia quatuor temporum*, HOC ORDINE celebrentur; Primum initio *quadragesimæ*; secundum in hebdomadâ *Pentecostes*; tertium in *Septembri*; quartum in *Decembri*, MORE SOLITO fiat. - Secundus, Græcus, *Clemens Alexandrinus*, (qui (l) A. 220. obiit) cap. 2. *Padagogi*, *jejunia & Xerophagias ex Christianâ consuetudine* commemorans, adque eorum observantiam obligans. - Tertius, *Callixtus I.* Rom. Pont., (an. circiter, 220.) (m) Hic (epist. 1. ad *Benedictum* Episc., apud *Gratianum*, eâdem dist. 76.) ex Apostolicâ traditione receptum jejunium quatuor temporum, ob fructuum terræ abundantiam, quâ replemur à Domino ad alenda corpora, servandum commendat, ut ad alendas animas repleamur jejunio; exemplo Ecclesiæ Mosaicæ, cui (*Zachar. 8. 19.*) præscribitur, *jejunium quarti, & jejunium quinti, & jejunium septimi, & jejunium decimi*: quibus jejuniis, Latini, præter præparationem ad Ordinationes Ministrorum Ecclesiæ, ordinariè juxta Canones his temporibus fiendas, gratias Deo reddimus; pro receptis segetibus, in *Pentecoste*; pro vino, in *Septembri*; pro oleo, in *Decembri*; pro renascentiâ arborum, ante verem. - Quartum, *Tertullianum*. - & Quintum *Iræneum*, (in fine sæc. 2. & initio 3.) siquidē Apologista pro se eos allegat (à pag. 41. ad 45.) infra adducam, resolvendo quid senserint; sufficiat pro præsentī, jam ipsos de jejuniis communibus & certis loquutos; Traditionem potiùs continuatam confirmare, quam jejunandi praxim refellere. - Sextus *Telesphorus* Græcus, Rom. Pont. (circa Annum 140.) decrevit (epist. ad universos, dist. 4. cap. *statuimus.*) jejunandam *Quadragesimam*.

(l) Vide Petr. Annat. apparat. lib. 4. de sacris Eccl. PP. (m) Vid. *Caranza* fol. 15. & *Burium* pag. 26. in vita ipsi.

gesimam, septem plenis ante Pascha hebdomadibus; ubi, etsi apud *Caranza* (fol. 12.) videatur, solis Clericis *abstinentiam à carnibus* præscribere, quia *discreta esse debeat vita Clericorum à Laicis*; cunctis (n) tamen jejunio indicto, sicuti ab Apostolis constitutum erat, strictius ad Clericos attinere, tanquam exemplum cæteris daturus, asseruit. - Septimus sit *Clemens* Romanus ipsius *Petri* discipulus; qui (lib 5. Const. cap. 17.) ultimis sex Quadragesimæ diebus, solum, suo tempore, permitti fidelibus esum *Panis, Olerum & Aquæ*, scribit, ut adveniente Passionis Christi memoriâ rigidius jejunaretur: quem laudabilem morem legimus in *Epiphanio* (hær. 75.) continuatum. Nec obstat, constitutiones Apostolicas à pluribus haberi ut *Apo-chriphas*, & *S. Clementi* suppositas; nam hoc non tollit quin ex illis jejunatum jam illis temporibus inferamus. Tandem *Canon 68. Apostolicus* (licet verò ab Apostolis Synodaliter non statuti dicantur à pluribus, in his tamen, quæ fidem & mores concernunt, (o) à Pontificibus, à Consiliis, ab ipsorumq; interpretibus, venerabile Apostolorum tempus probatur ex Canonibus illis) in quo *deponitur Clericus & communione privatur laicus*, qui (*præterquam si imbecillitate impeditur corporis*) *Sacram quadragesimam Paschæ, aut quartam feriam, aut Parasceven, non jejunaverit*; clarissimè demonstrat, jam illis temporibus, jejunium in praxi obligans, & tanquam mortalis peccati reum transgressorem (aliàs non fiendum) puniri gravissimâ anathematis poenâ; continuarique postea, sæculo 4. in *Gangrensi*, Can. 19.; & sæculo 7. circa dimidium, in *Toletano* 8. Can. 9. - Si his antiquitatis monumentis, Lutherani non consentiant, cùmque eorundem Novatori-

(n) Vid *Burium* in Thelesphoro pag. 13. & 14. (o) Vid *Zepherin. Pap. epist. ad Episc. Sicil. ap. Gratian. dist. 16. circa an. 210. Synod. Trullan. can. 2. Leo 9. contra epist. Abbatis Niceti. & alios.* -



bus, *nullo testimonio, nullo exemplo jejunii legem comprobari posse* ( cum arroganti *Apologifta* ) adhuc dicant : satis est, quod Orthodoxi roboremur ex dictis.

12. Circa delectum, deinde, ciborum, ad quem à jejuniiis evellendum, *Apologifta*, sacra *Pauli* Oracula ( à pag. 38. ) *Epiphanii* ( pag. 46. ) & *Theodoreti* dicta confudit; monere teneor ipsum de *Encratitis*, *Marcionitū* & aliis, quos ipse ( pag. 44. ) commemorat; insuperque de *Ebionitū*, quos *Epiphanius*, ( hær. 30. 50. ) *Eustachianis* ( apud *Socrat.* lib. 2. cap. 33. ) & *Apostolicis* sæculo 12. reviviscen-  
tibus, ( apud *S. Bernardum* Ser. 66. in Cant. ); sicut apud *Augustinum* ( hær. 25. ) *Encratitis*; quos omnes univer-  
sa semper Catholica proscripsit Ecclesia, eò quia, certa ciborum genera, abominanda & ex naturâ suâ mala, detestabantur; de quibus, si *Lutheranum* Authorem *Apologifta* desiderat, adeat *Pfaffum* ( ad sæc. 2. cap. 5. §. 1. ) *Satur-  
ninum* accusantem, circa abstinentioniam ab usu anima-  
torum; *Tatianum*, quod vinum damnans, etiam à Sacrifi-  
cio Eucharistico expulerit; quare *Hydroparastatæ* dicti  
sunt; & *Encratitas*, usum matrimonii, & *animatorum ci-  
bum* proscribentes ( §. 7. pag. 45. ) insuper, idem de *Mar-  
cionitis* asserentem ( §. 8. pag. 46. ) quod cibos in se ma-  
los existimaverint: sed neque prætermittat *Apologifta*  
( apud eundem sæc. 2. §. 6. pag. 45. ) accusatos *Gnosticos*,  
quod *jejunia* improbaverint; sicut ( ad sæc. 4. cap. 4. §. 2.  
pag. 84. ) *Jovinianum Monachum*, eò, quod nullam tribuerit  
*prærogativam jejuniis, aut abstinentioni à certis cibis* - - acer-  
bè capropter à *Hyeronimo* (p) *refutandus*.

13. His quoque, & Catholicis, & Sectariis testibus, fa-  
teatur *Apologifta*, quod: *cecidit in Syllam, cupiens vitare  
Carybdim*: alia siquidem fuit hæresis de immunditie na-  
turali, & abominandâ ciborum, contra quam Concilium An-

Ancyran. Can. 14. in Clericos legē tulerat circa An. 308. ; alia de non abstinendo à certis cibis, jejuniorum tempore; utrāque grassante, valde jam ante sæculum quartum, quasi ipsâ Apostolorum ætate: in utrāque incursum *Eustachium*, profert Gangrense Consil. (q) *Jejunia, quæ in Ecclesiâ predicantur, contemnenda asservisse -- etiam cibos carniū, tanquam illicitos reputasse: contra secundum errorem definiens, (Can. 2.) si quis, carnem edentem -- cum religione & fide condemnat, velut spem propter hujusmodi perceptionem, non habentem, anathema sit* (ubi, non abstinere in jejuniis, sed semper immundam & illicitam secundum fidem carnem dicere, condemnatur; sicut Can. 50. & 52. Apost. idem legitur; ) contra primum (Can. 2. allato) jejunia *TRADITA IN COMMUNI, & AB ECCLESIA CUSTODITA* servanda decernens. Damnavit semper, itaque, Ecclesia, cibos vitare tanquam immundos ex fide; laudavit eos, qui semper abstinerunt à carnibus ex devotione; præcepit, ab Apostolorū tempore, jejunia certis diebus servari solita, ciborū delectu. Detestandum errorem, habemus ex hucusque adductis: imitandam devotionem, suademus exemplo *Danielis* (cap. 10. ;) *Baptistæ* (Math. 3. 4. ;) *Christi*, nunquam, præter esum agni Paschalis, carnibus utentis, piscibus pluries (Luc. 24. Joan. 21. ;) *Petri Apostoli* (Nazianz. in orat. (r) de pauper. amor. ;) *Mathei* (Clem. Alex. lib. 2. pædagog. cap. 1. ;) *Jacobi* (Euseb. lib. 2. cap. 22. ;) *Antonii* (Athan. in vit. ;) *Hilarionis* (Hyeron. in vit. ;) aliisque prætermissis, sanctissimi mei Patris *Dominici* (Eccl. in ejus offic.) qui abstinentiam à carnibus, cum totâ Communitate nunquam à Prælato dispensabilem, in suo Sacro Prædicatorum Ordine servari voluit. Præceptum, juxta usum, & Tra-

M ditio-

(q) Epist. cit. aperiendo Conc. Gangr. præposita. ap. Caranza fol. 44. (r) Apud *Commenum* pag. 229.





*Ut moriens modulatur Olor, sic Candia, eidem,  
Non moduli, at gemitus, causaque mortis erat.*

Imò, idem Comnenus, inter plura Pontificia decreta 15.  
(penes (x) Allatium) jubentia usurpari à Græcis com-  
mendabiles ipsorum mores & ritus, hæc addidit. (y)  
*Mores nostri, Romæ, hoc sæculo, publice usuveniebant,  
ex diplomate (num. 62.) Urbani. 8., donec ad evitandum  
incommodum alumni Collegii nostri, peculiari privilegio  
indultum est, moribus Latinorum ut vivant, Græcos mo-  
res iterum accepturi, postquam Greciam redierint, nec actu-  
ri unquam, ut ad Latinum ritum transire illis liceat, ex  
præcepto ejusdem Urbani 8. (dipl. n. 15.); ad cujus in-  
star, alumni iidem, etiamnum, se se voto ac jurejuran-  
do solemniter obligant, (infr. -) scilicet, sede Apostolicâ  
approbante, in JEJUNIIS, A CIBIS, QUOS SANGUIS  
ANIMAT, abstinemus. &c. concludit autem: Romæ, Epif-  
copo Græco olim petenti, ut sibi, quod alumni Græcis ex  
Apostolicâ benignitate licet, liceret, ut nimirum jejuniorum  
more Latino peragendorum potestas fieret; graviter responsum,  
eam ob rem, à sede Apostolicâ, Græcum Romæ Episcopum de-  
tineri, ut EX GRÆCIS INSTITUTIS VIVENS, MORES-  
QUE PROBATISSIMOS GRÆCORUM PROFESSUS,  
Schismaticorum refellat calumnias, asserentium, mores Græ-  
corum à Romanâ Ecclesiâ damnari. Sic venerantur Latini  
Catholici, antiquam Græcorum in jejuniorum cibis tem-  
perantiam: sic detestantur & proscribunt Gnosticam re-  
novatam in Lutheranis ingluviem: Sic Apologistæ mor-  
dacis infringitur veneniferum in sacra jejunia telum.*

16.  
Quid enim, iste, (pag. 38. 39. & 40.) duplex illud,  
jam diu à Lutheranis detorto sensu corruptum, contra nos,  
repetit Apostolicum testimonium: Si eâdem pag. 39. asse-  
rit, in primo (1. Cor. 10. 25. 27.) distinguere Paulum, ido-  
lōbita à cibis cœteris; in secundo verò, (Colos. 2. 16. 20.)

M 2

ad-

(x) Leo Allat. lib. de interst. à pag. 5. ad 29. (y) Idem Comn. loc. cit. n. 8 pag. 117.



addit, cavisse à *Cerinthianorum* erroribus? Nec pudet eum, qui se Doctorem, & Professore publicum Theologiæ jactat, ex testimoniis, extra rem, juxta ipsum, adductis, negativo hocce argumento fidere (pag. 39.) *Si tamen certo tempore, certisque diebus, Christiani, ab hoc aut alio ciborum genere se abstinere debuissent, haud dubiè, exceptionem quandam, aut restrictionem addidisset Apostolus, nec dixisset. Omne quod in macello venit manducate.* Parcatur mihi quod etiam imërenti respondeam; (z) *sapientibus, enim, & insipientibus debitor sum.* Quis equidem inter nos tyro, ad refellendum præceptum, quod nemo Græcorum aut Latinorum vocavit unquam *Divinum*, sed omnes fatemur *Ecclesiasticum*, auderet arguere; ex eo quod verbo Dei scripto non habetur expressum? Vapularis meus calamus non videatur injustus desipienti Scholastico; quia non adaptatur hîc censura Doctori. Satis fuit demonstrasse *ex verbo Deo scripto*, quod teneamur *parere Ecclesiæ*, sicut supra fecimus; ut continuâ sæculorum serie manifesto hujus præcepto & praxi adductis, cōvincamur de lege. Hinc, discant, & *Lutherani* obedire, & *Apologista* arguere. Prohibitis idolothitis; non prohibebātur, cœtera quæ Judæis, evacuatâ lege, jam licita, contra prænominatos hæreticos, Apostolū docuisse, communis est SS. PP. consensus, & *Apologista* fatetur; dum ait; *omne quod in macello venit manducate*; Si hoc præceptivè dixisset, malè edocuisset Romanos (14. 21. :) *bonum est non manducare carnem, & non bibere vinum.* Si, quemadmodum *Apologista*, vellem arguere, dicerem, quod Paulus, in primo loco, *restrictione* nullâ usus, præceperit, semper edendum *ex macello Corinthi*; consulueritque, *Romæ*, à Macello abstinere; sed absit aliud inferre, quam; consuluisse abstinentiam; evacuatam asseruisse legem Mosaicam in cibis; nil autem derogasse

rogasse juribus præcepturæ Ecclesiæ jejunia per ciborum delectum. Pro secundo, quem adducit, loco Apostoli. ( Col. 2. 16. ) *nemo vos judicet in cibo, aut potu, aut in parte diei festi, aut Neomeniæ, aut Sabbatorum*; miror, Apologistam non prælegisse, ( v. 8. ) *videte, ne quis vos decipiat per Philosophiam, aut inanem fallaciam, secundum traditionem hominum, secundum elementa mundi, & non secundum Christum*; ut Traditionem Ecclesiasticā, cum inani antiquorum fallaciā confunderet: certè timuit retorquendum sibi telum pro Lutheranorum commentis: legit ( in ipsâ Biblicâ capitis paraphrasi; ) *hortari, Apostolum, ut caveant ne ullis, aut persuasionibus, aut imposturis Philosophorum, seu LEGEM ( Mosaicam ) INDUCERE VOLENTIUM, seducantur à Christi fide*: ideò Cerinthianos ( pag. 39. ) vitandos fassus, motivum finxit, ob quod ipsos confutasset Apostolus. Scribit ita: *quum non deessent ex hæreticis, qui in ciborum discrimine singularem sanctitatis laudem quærerent, istudque obtrudere aliis adniterentur; acriter eos reprehendit Apostolus; &, ut ab iis ( Cerinthianos ut admodum est verosimile innuens ) sibi caverent, Colossenses admonet &c.* En peiorem historicum, quam antea prævum Scholasticum; sed pessimum dicamus Confictorem. Cerinthi hæreses, cum Ebione, ex (a) Ireneo, Epiphanio, & Augustino, forsitan Apologista non crederet: Lutheranum Pfasum repetat; ut qui (b), *in Philosophiâ hebræorum*; ad Valentinianorum Æonum indagandam sæculo 2. originem, celeberrimum Jenensium Theologum Joannem Franciscum Buddeum, Gratis sibi datâ laureâ, præconizat; ejusdem momini & qualitatum Apologistam, circa primi sæculi historiam, edoceat. Cerinthiani ( inquit Pfasius ) & Ebionæi, contra quos Evangelium suum scripsisse dicitur veteribus Joannes, Christi divinitatem præcipuè negavere, **NECESSITATEM**

M 3

ITI-

(a) In libris istor. de hæresibus. (b) Pfasius sæc. 2. cap. 5. §. 4. pag. 42.



*ITIDEM SERVANDÆ LEGIS MOSAICÆ, statuerunt.* Est ne hoc, *querere sanctitatis laudem* in delectis jejuniis cibis, seu *ciborum discrimine*; aut legem Mosaicam, in ciborum quorundam prohibitionem perpetuam servandam, statuere? Secundum docebat *Cerinthus*, & proscripsit Apostolus; primum, sine Hypochrissi, ut legem Christianam servemus, exequimur Catholici: primum cum secundo confundit *Apologista*, ut gulosos prodat, & indoctos seducat.

17. Secundô (pag. 41.) *Iranicum* producit; qui epist. ad *Victorem* Rom. Pont., verbis ex *Eusebio* sumptis (lib. 5. c. 24. pag. 192.) videatur, certa in Ecclesiâ jejunia, in fine secundi sæculi, denegare. Sed si *Apologista* verba Irenæi rectè perpenderet, & motivum, non reprehendendi, ut ipse ait, sed consulendi *Victoris*, melius inspexisset, hunc S. Ecclesiæ Doctorem non memorasset. Verba, sicut *Apologista* scribit, refero: *Neque enim de die solum* (scilicet Paschatis) *controversia est, sed etiam de formâ ipsâ jejunii* (Pascha antecedentis.) *Quidam enim existimant, unico die sibi esse jejunandum, alii duobus, alii pluribus; nonnulli etiam quadraginta horis diurnis, ac nocturnis computatis, diem suum metiuntur.* Atque hæc in observando jejuniis varietas, non nostrâ primum ætate nata est, sed longe ante apud majores nostros cæpit, **QUI NEGLIGENTIUS, ut verò simile est, PRÆSIDENTES, EX SIMPLICITATE, & IMPERITIA, ORTAM CONSUETUDINEM, POSTERIS TRADIDERUNT.** Arma nobis dedit; in ipsum *Apologistam* vertantur. Ergo **JEJUNIUM ANTE PASCHALE** ab omnibus servabatur; *varietasque in OBSERVANDO* (igitur præcepto) **JEJUNIO**, nedum tunc, sed **LONGE ANTE** (sæculo vix completo post Apostolos) **IRENÆUM**, ex his, qui **NEGLIGENTIUS PRÆSEDERUNT,**

ex

ex eorūque *SIMPLICITATE & IMPERITIA* orta, increpanda *consuetudo* provenerat, & vitiata *Traditio*. Indoctior noscet, illationem hanc, nullā ex parte inficiandam; *NEGLIGENTIA* enim *PRÆSIDUM* Ecclesiæ non augeter jejunia, sed minueret; eodemque modo, *observanda* ea quæ fierent prædicasse, si lex non obstrinxisset, non *NEGLIGENTIA* fuisset, sed *zelus*. Nec capio, quomodo, si tantum verba calleret, hinc negare legem duorum illorum sæculorum prætenderet, quando malè *OBSERVATA*, & ex *NEGLIGENTIA* devians, *ORTA CONSVETUDO* supponitur.

Neve Apologistæ, aut Lutherano cuicumque, restet 18. effugium, inspiciatur *Irenæi* motivum. Lis inter *Asiaticos* cum *Policrate* Ephesino Episcopo, & ferè omnes reliquos Christianos, fuit directè circa celebrationem Paschæ, indirectè verò circa *jejunium*, non quando incipiendum, sed *quando solvendum*; quia etsi istud ex *negligentiâ, & imperitiâ* diversimodè servaretur, æquè, etsi diversâ die, terminabatur in Paschate: signū ergo est, quod major erat differentiâ, in solutione jejunii, propter Pascha, quam in illius initio; nam ex diversitate Paschatis & interpolatorum dierum in jejunando, primitus, in particulare Ecclesiis, venisse nomina *Septuagesimæ*, (d) *Quinquagesimæ, &c.* est certissimum; quatenus Septuagesimâ die ante *Pascha* incidente, indicebatur jejunium, ut per decem hebdomadas (non jejunatis Sabbatis & Dominicis ex Can. 65. Apost., & feriis 5. ex decreto (e) Melchiadis in honorem Ascensionis Dominicæ, quod antea observabant plures Ecclesiæ) fieret Quadragenarius dierum numerus; indeque mansit Dominica in Septuagesimâ, idest immediata post diem Septuagesimam ante Pascha, sicut Sexag. Quinquag. & Quadragesima; anticipando, aut post-

(d) Vldè *Burium. Onomasticon.* ver. *Quadragesima*. (e) apud *Garranza.* fol. 27.



ponendo initium jejunii, juxta incidentiam Paschæ, diversimodè per particulares Ecclesias. Hinc nata differentia dierum jejunii; quæ (quin dicamus suppositia *Irenæi* verba adducta, etsi ex *Eusebio* sumpta, sicut de tertio fragmento epistolæ ad *Victorem*, ex *Bibliothecâ Taurinensi* desumpto, convicit eruditus (f) *Scipio Maffei*) potuit, ex negligentia *Præsulum*, in quibusdam Ecclesiis, talis devenire, ut ad paucos reduceretur dies, jejuniû. Etsi forsân loquatur *Irenæus*, (& est veròsimilius) de ultima hebdomada diebus, in quibus rigidiùs jejunari, ex *Clemente*, & *Epiphanio*, supradiximus, qui, ex diverso *Paschatis* die, incerti erant ad unum, duos, vel plures. Quod clariùs patet; nam litigasse *Victorem* & præcepisse, nedum circa *Paschatis* diem, sed circa solvendum jejunium, ut ex *Eusebio* ipso expressè scribunt (g) *Caranza*, (h) *Annatus*, (& ex *Lutheranis Krommaierus* Cent. 2. pag. 203.;) offendit, sæculo secundo, jejunio Antepaschali supposito, curâsse Romanos Pontifices, *Anicetum*, *Soterum*, *Pium I.*, *Eleutherium*, (ut *Krommaierus* numerat;) acriùsque, minato Anathemate, *Victorem I.*, ut correctâ negligentia præsulum, idem esset *Paschæ* præmittendû, à cunctis jejuniû. Insuper, (*Pfaffo*, & expressius *Krommaiero*, *Lutheranis* testibus, ibidem) ferè omnium, præter *Assiaticos*, unitas in *Paschate* & jejunio, certiore dat Ecclesiæ ab Apostolis latam legem, quam eam tollat consuetudo *Assiaticorum*, orta (juxta *Irenæum*) ex *Præsidentium negligentia simplicitate*, & imperitiâ. Catholicis credentibus, prætermitterem; sed *Lutheranis*, sui *Krommaieri* verba rescribam. Quare, sex concilia Provincialia super hac causâ fuerunt habita; Romanum, à *Victore*; *Cæsariense*, à *Theophilo*; *Gallicum*, ab *Irenæo*; *Ponticum*, à *Palama*; *Achaicum*, à *Bachilo*; & *Assiaticum*

(f) Epist. ad Abbat. Bachinim, prima in Tom. 16. secunda tom. 26. Giornale de letterati d' Italia. (g) Caran. fol. 14. (h) Annat. Lib. 4. art. 11. pag. 292.

cum à Polycrate. In quibus tamen omnibus Synodis (excipere debebat Asiaticâ) communiter decretum est, ne liceat, nisi in die Dominicâ, in quâ Dominus resurrexit, & in quâ mundus conditus est, Dominicum Paschæ celebrare mysterium; **ATQUE IN HAC SOLA, JEJUNIUM PASCHALE ESSE SOLVENDUM** - - morem gesserunt hisce decretis, Orientium nonnulli (dicere debebat ferè omnes;) qui verò ritui à majoribus accepto tenaciùs adhaeserunt, odioso & schismatico Quartadecimanorum nomine fuère ostentui habiti, donec tandem in Concilio Nicano, inter œcumenica primò, major pars minorem ad se pertraheret. Definitam enim fuisse in Concilio Nicano I. celebrationem Paschæ fiendam ab omnibus Christianis die Dominicâ, quartamdecimam lunam insequente, etsi non habeatur inter vulgaria Synodi illius decreta, legitur tamen apud historiâ tripartitam Theodoretî lib. 2. cap. 12. in Epistolâ Concilii illius ad Alexandrinam Ecclesiam & fratres per Egyptum & Lybiam & Pentapolim constitutos: *Evangelizamus vobis, & de consonantiâ sanctissimi Paschæ, - itaut omnes Orientales fratres, qui cum Judeis primitus celebrabant; - - consonè cum Romanis (Pascha) debeant custodire.* Ecce constans totius Ecclesiæ praxis, in Paschate celebrando, & **SOLVENDO JEJUNIO**; ut jam secundo sæculo, soli Asiatici ex negligentia præsulum errantes, in Ephesinâ Polichratis Synodo, contra reliquos, errorem sustinere voluerint. Irenæus autem, qui Smyrnensis (i), cum Florino, Polycarpi discipulus, unde Lugdunum venerat, rerum Asiæ gnarus, defensionem illorum sumpsit ab Anathemate, non quia non errarent, sed quia error eorum ortum haberet ex ignorantia imperitiâ, & negligentia Præsulum. Hinc ad Blastum, Presbyterum Romanum, Gnosticum, Valentini Sectarium, & Florinum condiscipulum, utrumque ob Quartadecimanorum schisma à Victore depositum, fertur, (k)

N

ace-

(i) Vid. Petr. Anat art. II. cit.

(k) Annatus ibid.



acerrimè *Irenaeum* scripſiſſe , quia iſti non ex ignorantia , ſed ex malitia , pretextu ritus Paſchalis , Judaïſmum in Eccleſiam inducere cogitabant , quibus validè ſe oppoſuit ; dum ignorantiam Aſiaticorum corrigens in Lugdunenſi Synodo , à *Victore* minimè puniendam conſuluit.

19. *Tertullianum* , tertio , opponenti nobis *Apologiſta* , reſpondere fas eſſet , quod *Hieronymus* (l) ipſum citanti *Helvidio* : *Tertullianum* , hominem Eccleſiæ non eſſe ; cujus , jam Montaniſtæ , (m) conſequens error ( juxta *Hilarium* ) ſcriptis probabilibus detraxit auctoritatem : ſolum verò dicemus , *Gelaſium I. Rom. Pont.* , in Synodo quadam Romanâ , opuscula *Tertulliani* dixiſſe Apochrypha , cautèque legenda , nedum ea quæ contra , ſed plura pro Eccleſiâ conſcripta ; eodemque modo , ſcripſerat (n) *Hieronymus* , evolvenda , ſicut opera *Origenis* , *Novati* , *Arnobii* , *Apollinaris* , &c. Non igitur dicam , cum *Nicolao Comneno* (o) citato , adducenda verba *Tertullianum* ſcripſiſſe , reſponſurum pro *Chriſtianis* , calumniam eandem ſuperſtitionis , ac jaſtantiae paſſis ab *Ethnicis* , quam nos ( Orthodoxi præſentes ) patimur à *Novatoribus* : nam certiffimum eſt , quod *Apologiſta* dixit ( pag. 42. ) Montaniſtam jam fuiſſe *Tertullianum* de jejuniis ſcribentem , cauſamque *Montani* contra *Catholicos* agere , ( ut videat *Apologiſta* , nos , etiam ab ipſo objectam , veritatem fateri : ) ſcripſit ſiquidem librum hunc de jejuniiis , adverſus *Psychicos* , ideſt *animales* , quo nomine vocabat *Catholicos* , *Pauli* dicto abutens , (p) *animalis homo non percipit ea quæ Spiritus Dei ſunt* , quia negantes *Catholici* mentitum illum *Montani Paracletum* , rejicientèsque *Montaniſtarum* doctrinas , ſeveritatem jejuniorum illius non ſequebantur , ſecundas nuptias cum ipſo non damnabant , & alia. Noviter ergo docuerat *Montanus* , cele-

(l) Hieron. ad Helvidium. (m) Hilar. com. in Math. (n) S. Hieron. Catal. ſcr. Eccl. (o) Comn. reſp. 4. Sect. I. n. 9. pag. 217. col. 1. (p) I. Cor. 2. 14.

celebrandas esse tres in Año quadragesimas; nempe ante Pascha, post Pentecosten, & ante Dom. Natalē; contra quem scribebat *Hieronymus* ad *Marcellam* (epist. 54.) : nos, unam quadragesimam, secundum Traditionem Apostolorum, tempore nobis congruō, jejunamus, illi tres in Annō faciunt Quadragesimas, quasi tres passi sint Salvatores : non quod & per totum Annum, exceptā Pentecoste, jejunare non liceat, sed quod aliud sit necessitate, aliud voluntate munus offerre. Hoc scripsisse *Hieronymum*, secundum Latinorum ritum, nemo dubitat, qui sciat, ex immemorabili sacrā consuetudine, *Græcos* lege adstringi, præter magnam Quadragesimam ante Pascha, ad tria diutina alia jejunia, scilicet ab octavā die Pentecostes, ad festum Petri & Pauli ; à prima Augusti, ad festum Assumptionis B. M. V. ; & à 14 Novembris, ad Natale Dominicum ; quæ, abstinentiā non æquā, (permissis scilicet piscibus, in jejniis Festum Apostolorum præcedentibus, *Goario* (q) teste, inter Ruthenos integrè adhuc ) fervari, explicabo ( alibi de eorum moribus tractaturus ) diffusius. Unde nedum credam impugnatum à *Hieronymo* ( & ab aliis, ) (r) *Montanisticum* jejunium, quia necessariam triplicem assereret quadragesimam, alias distinxisset sine dubio *Græcos*, quorum mores non ignorabat *Hieronymus* ; sed quantū conjicio, ob ejusdem, & plus *Tertulliani*, motivum. Accusatur à pluribus *Montanus*, cum *S. Augustino* ( apud Petrum Anatum lib. 7. art. 4. §. de Montanistis, pag. 308. ) quod se *Paracletum* doceret ; vel ab aliis, quod ita se, præ Apostolis ipsis, Spiritu Sancto afflatum specialiter dixerit, ut *Montanistæ*, sibi, non *Apostolis*, cum Spiritu *S. gratiarum plenitudinem*, infusam esse crederent, & docerent. Hæc, per quendam *Proclum*, delusus *Tertullianus* infaniā, Romā pul-

N 2

sus,

(q) *Goarius* in *Eucholog. Græc.* (r) *Rigaltius* in *paradoxa Tertulliani.*



*sus, Carthaginemque rediens, ( ut præter (s) Hieronymi, Baronii, pluriumque Catholicorum testimonia, verba (t) Krommaieri dem propria ) Paracletum quoque nominavit Montanum: distinguant etsi nonnulli, inter Montani Paracletum, & Tertulliani ( seu Paracleti vocem: ) Hunc, voce Paracleti, Spiritum S. singularium revelationum Authorem; illum verò ( Montanum ) majorem Spiritus Sancti plenitudinem, quam que fuit in Apostolis intellexisse, imò seipsum Paracletum dictitasse. Quisquis ergo legerit Tertullianum ipsum ( lib. de jejun. cap. 15. ) dicentem: DUAS IN ANNO QUADRAGESIMAS Xerophagiarum, nec totas, exceptis scilicet Sabbatis & Dominicis, offerimus Deo, duas jam celebriores quadragesimas, Paschatis, & Pentecostes, innuentem: non nè inferet, Tertullianũ & Montanistas, secundâ Quadragesimâ, celebrasse Spiritus Sancti in Montanum confictum descensum; istamque præceptivè inter Montanistas impositam? Scimus, ( ut omnia ex Tertulliano ab Apologistâ objecta jam complectamur, ) Tertullianum non vitasse cibos, ad despicienda opera Creatoris ( ut pag. 44. citatur ex lib. de jej. cap. 15.; ) cujus erroris liberum dicit Paracletum, idest Montanum. Sed quoque scimus, nec Montanum tres, nec Tertullianum duas præcipere potuisse Quadragesimas; unde justè Apollonius citatus ( pag. 43., ex Euseb. lib. 5. cap. 18.; ) sibi objicit: quis est novus ille Doctor? opera ejus & doctrina satis aperte produnt. Hic est, qui nuptiarum dissidia docuit, qui jejuniorum leges ( ultra scilicet Ecclesiæ ) imposuit. Aut, conjecto quod in honorem missi in Montanum Paracleti jejunaverit, nemo non dicet superstitionisissima jejunia, & sacrilega.*

20. Hæc sibi opposuisse Catholicos, probant verba ipsa Tertulliani apud Eusebium lib. 5. hist. cap. 24., ab Apologisti-

(s) Petrus Annatus lib. 4. art. 12. pag. 293. (t) Krommaierus, Cent. 2. de statu Eccl. pag. 96. in nota marginali.

*logistâ* ( à pag. 42. ) nobis objecta, sed contra ipsum & Lutheranos cōvincentia; quæ sic repeto: *Arguunt nos* (Catholici) *quod JEJUNIA PROPRIA custodiamus*: non ergo communia Ecclesiæ observare accusabantur. *Certè* (pluribus interjectis) *in Evangelio, illos dies determinatos putant* (Catholici) *jejuniis, in quibus ablati sunt Sponsus*: verè advertit ipse *Apologista* significari *Antepaschale jejunium*, receptum, non ex Evangelio, sed ob ablationem Sponsi, quam habemus ex Evangelio. *Et hos esse solos LEGITIMOS* (dies) *jejuniorum Christianorū*: igitur ante Paschalia supponebantur *LEGITIMA*, seu obligantia. *Itaque, de CÆTERO, jejunandum ex arbitrio*: si ex arbitrio jejunabatur de *CÆTERO*, ante Paschale jejunium erat de præcepto. *SIC, & Apostolos observasse, NULLUM ALIUD IMPONENTES JUGUM certorum & in commune omnibus obeundorum jejuniorum*: Quid clarius, ut impositum ab Apostolis *jugum illud certorum jejuniorum Quadragesimæ in commune omnibus*, inferamus; non verò *ALIUD jugum*, quod ficto Paraclete Montani, sine Authoritate & ob motivum sacrilegum, imponebatur? Lutheranos ratiocinantes vellem in iudices, num deliret *Apologista*? verba hæc producens contra jejunia præcepta & communia, quæ potius inferuntur ex ipsis.

Stupidiûs ( pag. 45. ) moto dubio contra se, ex 21. can. 50. *Laodicensi Consilii*, negare jam impotens, sæculo quarto, *Quadragesimæ usum, aridisq; vesci Christianos in diebus jejunio sacris*; non fuisse tamen *legem omnibus impositam*, sed doctrinam pro his qui liberè quadragesimam jejunare voluerint, nè feria quinta postremæ hebdomadæ jejunium solveretur, debonestareturque sic quadragesima tota, ( ut Canon loquitur ) conatur suadere ex adonationibus Græci Theodori Balsamonis ad Canonem istum. Non dicamus tantum, hic,



*Apologistam* stupidum, sed mendacissimum. Balsamon siquidem nulli Græcorum aut Latinorum jurisperito non patens, ita oppositum adnotat; ut (tum ad citatum Can. 50. Laodic. tum ad Can. 69. Apostolorum) dicat, (u) *nè in mortis quidem confinio, licere, nisi piscibus vesci.* (x) addens; *nunquam, vel in mortis periculo, quartâ, & sextâ feriâ, quadragesimæque jejunio, ægrotis, carnes permitendas esse.* Putavit proculdubio *Apologista*, *Balsamonem* à cœteris ignorari, sicut ab ipso, ideo, illo teste, credidit mendacium confirmare: vel forsân, sciens, *Balsamonem* ita Latinis infensum, ut (in suis *Notis ad Nomocanonen Photii*, & alibi) Latinos à Græcorum sacris arcendos, scripserit, utque hæreticos habendos; cumque nec legerit, hunc, ab aliis Græcis, etiam Latinis non addictis, confutatū, ut ex *Demetrio Chomateno* Archiepiscopo *Bulgariæ*, habetur in (y) *Jure Græco-Romano*, putavit, Ruthenos, sibi *Balsamonem* istum falsò citanti, nec comperiendâ veritate, credituros: Sed, taliter dicam *Apologistam* deceptum, ut ex citato *Balsamone* ortum duxisse putem austeritatem illam nimiam, nedum in majori Rutheni populi parte servatam, sed etiam à viris aliâs litteratissimis (me teste & redarguente) sustentatam veluti legem; quâ, nec in ipso mortis pervigilio, ægrotis, consulente Medico, carneum jusculum fumere, Quadragesimæ tempore, licitum dicant; quomodo in ipsâ nostrâ Legati Hispani domo, cuidam morienti Rutheno, etsi me contrarium procurante & suadente, consultum à Parocho & Monacho Philosophiæ Professore publico, & ad mortem usque ab ægrotato servatum, vidi. Originem rigidæ hujus observantiæ quæsiturus, eruditiores adiens, audiavi duplicem; sed ut-

(u) Apud Nicol. Comnenum. resp. 1. Sect. 3. n. 2. pag. 12. col. 2. (x) Apud eund. resp. 4. Sect. 1. n. 9. p. 218. col. 2. (y) Tom. 1. lib. 1. respons. pag. 311. sequ. & 322.

utramque infirmam. Alius, sic sentire dixit cum aliis *Balsamonem*; sed hunc, legem non facere, immò in lege explicandâ errasse pluries, Græci ipsi reliquere convictum. Alius, rationem adduxit, sed falsam: nullibi, dixit, inventurum me *canonem* Ecclesiasticum ægrotos à lege jejunii dispensantem, unde dispensatos inferre potuerim: nullibi tamen Canonem directè de jejunio decernentem, qui infirmos non excipiat, ad tollendos ignorantium scrupulos, repetam; siquidem mecum sensisse jam plures sapientiores in Russiâ, dicam: nam, Can. 68. Apostol, decernentē deponendum Clericum; & cōmunionē privandum laicum, non jejunantes sacram *Quadragesimam Paschæ, quartam feriam, & Parasceven*, hæc addidisse lego (z) præterquam si imbecillitate impeditur Corporis - - Canone 19. Gangrensi; *anathema* dicitur ei, qui (a) *SINE NECESSITATE CORPOREA* (quam, ægritudines, & exercendos graves labores popularium, intelligunt cuncti) *Superbiendo, & stimulo suæ cogitationis impulsus, tradita in Communi jejunia, & ab Ecclesiâ custodita, solvit.* - Canone. 9. Toletanæ Synodi. 8. clariùs: (b) *Quisquis, sine inevitabili necessitate, atque fragilitate & evidenti languore, seu etiam impossibilitate ætatis, diebus Quadragesimæ, esum carniū præsumpserit attentare.* - Item, illi vero, quos, aut ætas incurvat, aut languor extenuat, aut necessitas arctat, non ante, prohibita violare præsumant, quam à Sacerdote permissum percipiant. His, & Græcorum, & Latinorum, Apostolicisque præscriptis, noscent Rutheni, *Balsamonem*, ægrotos ultra leges stringere; nec justè respondere, sicut auidi à prædicto Monacho; nobis Sacerdotibus, non attinet ægrotos à lege liberos dicere, sed ipsis non abstinentibus juxta legem, ignoscere; nam ignosci non debet, ubi non est culpa, nec culpa est, ubi lex ipsa excipit. Sed his edo-

ai

(z) Apud Caranza. fol. 70. (a) Idem fol. 46. (b) Idem fol. 202.



ſi Rutheni apertiùs noſcent, Apologiſtam, aut deſi-  
 pientem, aut deceptorem, dum *Baſamonem* prodit tan-  
 quam contra ſanos injuſte pium, quem potius dixerim in  
 ægrotos crudelem. Hoc noſtrum ſapientiſſimum *Javors-*  
*kium* ipſum, non latuit; cujus in *Patriarchali Moſkue*  
*Exarchatu* Præfecti, litteras, circa cibos in jejuniis, di-  
 ſpenſatorias, ad celſiſſimum Principem *Boriz Joannidem* de  
*Kurakin* directas; quas, Ruthenicè, mihi, ab ejuſdem  
 Filio Pr. *Alexandro*, porrectas, originales; ita Latinè ver-  
 to - - *Deſcriptio ex libro. KORMCHIA* (ſeu formulario  
 Episcoporum juxta Synodos) *de jejuniis ſanctis* - - - *Ex-*  
*cerptum, & confirmatum ex ſanctis Patribus, & ex ſupra-*  
*dicto libro, KORMCHIA* - - - *Et in ipſo libro KORMCHIA*  
*(habetur) Canon Sanctorum Apoſtolorum 69. Folio 19. typis*  
*expreſſum: - - - Si quis Episcopus, aut Præſbiter, aut*  
*Diaconus, aut Subdiaconus, aut Lector, aut Cantor, in*  
*Magno jejunio (ideſt Quadrageſſimâ) non jejunaverit, &*  
*per totum annum, quamlibet feriam 4. & Paraſceven, de-*  
*ponendus eſt: niſi impediatur corporali morbo. Infirmo enim*  
*diſpenſatio permittitur, juxta vires, butyrum ut ſumat,*  
*& vinum. Si autem Laicus homo non jejunaverit, ſegrege-*  
*tur à communionem fidelium - - Synodi Particularis Gangren-*  
*ſis Canon 18. in fol. 59. - Si quis ex abſtinentibus (hoc eſt*  
*Chriſtianis) abſque neceſſitate corporeâ, ſuperbierit, & tra-*  
*dicta iu comuni jejunia, & ſervata ab Eccleſiâ diſſolverit,*  
*cum plenâ advertentiâ; Anathema ſit - - Sexti Oecumeni-*  
*ci Conſilii, canon. 56. in folio 195. - Armeni, in S. Magnâ*  
*Quadrageſſimâ, caſeum & ova comedunt, quolibet Sabbato.*  
*Præcipit ergo Synodus, ab his abſtinere. Si autem aliquis*  
*huic non obedierit, ſegregetur; ſi verò Eccleſiaſticus, depona-*  
*tur - - Canon 14. S. Archiepiſcopi & Mart. Petri Alexan-*  
*drini, in folio 262. Feriam 4. & Paraſceven jejunemus, ſiqui-*  
*dem feria 4. eſt honoranda, quia, in illâ, conſilium habi-*  
tum

tum est, ad Christi venditionem: die Parasceves, salutaris Passio - - - Thimothei Archiepiscopi Alexandrini, Canon. 10. folio 270. - Qui usque ad extremum vitæ morbo infirmatur, etiam hebdomadâ ante Pascha, comedat butyrum, & bibit vinum - - His extractis, ex canonibus sanctorum, de jejuniis Ecclesiæ Orthodoxæ Orientalis; Ita placuit Spiritui S. & Nobis - - - Siquidem V. Excel. manifestavit nobis vestram infirmitatem, & talem constitutionem, quod prorsus nequeat haberi salus sine esu carnum, in quo, & Medici experti testimonium vobis dederunt, & præscriptionem regularis vitæ; & V. Excel. petiit à Nobis dispensationem pro tali cibo: laudamus hanc pietatem vestram, quia, uti filius Ecclesiæ sanctæ, sine benedictione Pastorum Ecclesiæ, non audeas hoc in posterum facere, & de antea actis absolutio- nem petis. Ideò jurisdictio Nostra; gratiâ, dono, & potestate sanctissimi & vivificantis Spiritus, collata à Salvatore N. Jesu Christo Divinis ipsius Apostolis & discipulis, ligandi atque solvendi peccata hominum, dicente ipsis: Accipite Spiritum S.; & quibus dimiseritis peccata, dimittentur eis, & quorum retinueritis, retenta erunt; & : quæcumque alligaveritis in terrâ, erunt ligata & in cælis; & quæcumque solveritis in terrâ, erunt soluta & in cælo - - - Hujus Gratia, & potestatis Spiritus Sancti, siquidem & ego indignus, à Christo & Apostolis, successivè, particeps factus sum: ideo, Tibi, Filio meo spirituali, Principi BORIZO, potestate, mihi à Christo datâ Archiepiscopali; remitto præteritam comesturam carnum in jejuniorum tempore: & PROPTER CONSERVANDAM SALUTEM, NOSTRO IMPERIO VALDE NECESSARIAM, IN POSTERUM DISPENSO circa eundem cibum; & , nomine Domini, benedico: Cum hac admonitione, tamen; quod in magno jejunio ante Pascha, & etiam feriæ 4. & die Parasceves, omnium jejuniorum, propter Commemorationem Passionum Domini, abstineas te à car-



nium esu. Si autem prorsus impossibile fuerit, & necessitas extrema infirmitatis urserit; dispensamus, & in istis diebus, parum aliquid de carnibus sumere, sed non ad satietatem: quia & hoc, infirmis, & debilibus, imputabitur pro jejunio, quando esurientes, cibis non utuntur ut satientur, nec satisfaciendo appetitui usquedum satisfiat. Cætera verò, pietatis vestrae, juxta Ecclesiasticos canones, in quantum fieri possit, prudenti recomendo observantiæ; ut ita saluti corporis consulens, animam servis integram; & de vitâ temporali curam habens, non amittis æternam. -- (Supscriptio) Humilis Stephanus Metropolitæ Resanensis, & Maromensis - - Petropoli. Anno 1720, Die Augusti. 22. - - (Sigillum Archiepiscopale: Manus, ad se cruce signandum, Ruthenæ Ecclesiæ more, parata) - - Hæc de verbo ad verbum versa transcripsi; ne nimietati credatur Balsamonis in jejunii lege; neque scrupulis tereantur ægroti.

22. Prodiit quintò Apologista, Epiphanium (ut ipse advertit pag. 46.) disputantem contra, Apostolicos vocatos, hæreticos; qui, teste Epiphanio ipso, hæresi 61. *Apostatid*, hoc est renuntiatores vocati sunt, eo quia bonorum possessionem docebant illicitam: iidem porrò à Tattiani dogmatibus propagati, hoc est, ab Encratitis & Catharis (idest Continentibus & puris) quos, nuptias, cibosque carneos tanquam in se malos detestasse, diximus supra, etiam ex Lutheranis authoribus. Quid ergo commune istorum cū Orthodoxis, qui nullum cibū, quia ex se malum, vitandum dicimus, etsi diebus jejunii vetitas carnes & à carnibus procedentia doceamus? Eodem modo scripsit Epiphanius (ibid): *Habet quidem renuntiationem Ecclesia, sed non ideò detestandas nuptias existimat. Habet bonorum inopiam, sed non adversus illos insolenter effertur, qui ea justè possident*: ac immediatè subjunxit; ad hæc

*hæc, à ciborum usu temperant multi (idest semper; sicut Monachi, vel alii; voluntariè, aut ex voto) sed non contra eos, qui illis utuntur (extra jejunia) superbè se gerunt (c) Qui enim manducat, non manducantem non spernat; & qui non manducat manducantem non judicet. Sicut ergo, nuptias illicitas, aut bonorum justam possessionem, nefas statuere, ita cibos naturâ malos dicere, semperque idèò vitandos, hæresis Apostolicorum fuit, contra quos arguens Epiphanius, cibis pro libertate uti, aut abstinere, Catholicos docuit. Certorum autem jejuniorum præcepta à carnibus abstinentiæ contradixisse Epiphanium, non amplius Lutherani contendunt: vixit enim (d) ab anno 288. ad an. 403., cujus ultra sæculum vita, coætaneos habuit Patres Consiliorum Gangrensis anno (e) 324., & Laodicensi (f) an. 364. (vel apud Apologistam, 367.) quorum decreta non ignorans; illorum (Can. 19.) anathematizantium solventes jejunia; istorum (Can. 50.), Xerophagia, seu esum aridorū præcipientiū; absq; dubio Epiphanius sicut Apostolicos hæreticos reprobasset. Desistantque aliquando, erroribus veritatem confundere, nam apud non ignaros, potius hi miseri homunciones proprias Conspurcāt charitas, quam Sanctis Patribus Ecclesiæ detrahant.*

Nil ergo respondendum restat, his, quæ (pag. 47. 23. & 48.) ex Theodoretò, Socrate, & Sozomeno, Apologista subbaddit. Theodoretus siquidem, relatas in quatuor libris, *Hæreticarum fabularum* hæreses, confutat, quinto superaddito libro; in cujus cap. 29. (ut idem Apologista notat) de his *qui à vino, esuque carnum, tanquam abominandis, abstinendum esse docebant*, sermonem repetit: hos autem, incipiente (tempore ipso Apostolorum) *Ebione, cum*

O 2

Azi.

(c) Rom. 14. 3. (d) Vide Petr. Annatum. lib. 4. art. 22. pag. 379. tom. 1.  
(e) Carranza fol. 44. (f) idem fol. 62.



*Azimis*, alteram partem mysterii in solâ aquâ, conficere; continuasseque sæculo secundo, in *Tatianis* & *Encratitis*, vocatis eapropter *Hydroparastatis*; præterquam ex (g) *Epiphanio*, diximus supra ex *Lutheranis* acceptissimo (h) *Pfaffo*. Quis igitur non horreat, cum Christianâ primorum sæculorum in jejuniis pietate, fabulosas hæc à *Theodoreto* profligatas hæreses, confundere? Similiter, quod ipso sæculo, 5. scribat *Socrates*, discrepantias in jejunando, *Romæ*, *Alexandriæ*, per *Achaiam*, & *Illiricum*, quis mirabitur? Sed quid inde contra nos concludetur, qui (supra ut vidimus) jam sæculo 2., *Irenæi* tempore, plures varietates, ex negligentia, simplicitate, & imperitia in particularibus Ecclesiis introductas fatemur? Quid quod *Sozomenus* hos varios jejunandi usus, sæculo eodem confirmet? Hinc, de hac re, concludetur, quod, nemo præceptum scriptum profferre possit, ut (ex *Socrate* lib. 5. histor. cap. 22.) *Apologista* conatur, inferre? Si *Apostolicos* dictos *Canones*, non dicamus ab *Apostolis* scriptos, veneramur, pro maiore parte, ab *Apostolis* traditos; cætera, Pontificum, Consiliorum, Sanctorum Patrum, adducta jam testimonia, nos edocent; praxis Ecclesiæ ipsa Apostolica, sequenda nobis proponitur: *Lutheranis* non detrahemus, si de ipsis dicamus, quod de *Eustachio* Pontici Episcopo ( præter *Gangrensem* adductam Synodalem Epistolam ) scripsit ipse (i) *Socrates*, quod scilicet *Arianis* adhæserint: qui, teste etiam *Augustino* (hæresi 53.) præter in *Arianorum* hæresim lapsum, propria dogmata, feruntur, addidisse nonnulla, inter quæ, nec statuta solemniter celebranda esse jejunia; sed, cum quisque voluerit jejunandum, nè videatur esse sub lege: quem errorem, innovatum, & damnatum à Synodo *Gangrensi*, in *Euchstachio*, *Luthe-*

(g) Epiphani. hæc. 30. (h) Pfaffius hist. sæc. 2. cap. 5. §. 7. pag. 45. (i) *Socrates* lib. 2. hist. cap. 24.

therani redintegrarunt, ut antiquissima jam ab Ecclesiâ proscripta deliramenta repastinent. Hos vitantes Orthodoxi, hanc tandem audiant, circa hucusque dicta, Augustini sententiam (k) *aliis diebus jejunare, remedium est, ut præmium, in quadragesima non jejunare, peccatum.* Rutheni verò, qui in jejunando, Græcorum sustinent morem, seniculi Imperatoris *Andronici*, relatum à *Nicephoro Gregora* (l) imitentur exemplum; cujus jam senescentis valde, sic narrat servatum jejunium: *apposita erant omnia testacea, propter jejunium illorum dierum; post quæ, cum merum bibendum fuisset, quo, vetulus stomachus, ad duriorum illum cibum conficiendum firmaretur &c.* Siccis quippe & aridis cibis, vescentibus, merum, ad roborandum stomachum, bibere, nemini dicam illicitum; suadebo tamen omnibus, (juxta (m) *Sobrietatem*, quam Apostoli præcipiunt), temperatum.

## SECTION IV.

**A** Patrocinio crapulæ, transit *Apologistæ* calamus ad I. atram lituram Sacrarum Imaginum (à pag. 48. ad 75.,) tamque contra veneratas oblatrat imagines, ut nec umbram rationalis hominis referat. Si mendacia, apud Lutheranos jam pridem contra nos inventis, non adderet, nec ita diutius, ut nunc oportet, nostrum calamus detineret. Pro stabilito dogmate cultus imaginum, legere debebat ipsum, quem impugnabat, laudandum *Javorskium*; qui *Dogmate I.*, quinque Paragraphis, illud, ex *Scripturâ*, ex *Consiliis*, ex *SS. Patribus*, ex *Historiâ Ecclesiasticâ*, & ex *miraculis*, ad colendas imagines, à DEO patra-

O 3

(k) August. ser. 62. de temp. (l) Gregoras lib. 9. hist. cap. ult.  
(m) 2. Tim. 4. 5. Tit. 2. 12. - 1. Petr. 5. 8.



tratis, convincit. Si Ruthenum *Javorskii* dialecton Apologistæ Lutherani non capiunt, non in ipsum Latinè invehant, quod millies à Latinis legere oppugnatum. Inter Latinos plures, *Beellarminum* (n) offero, qui extensissimâ Controversiâ, *Lutheranorum* (& plus *Calvinistarum*) profligavit etiam somnia. Mirandū tamen, quod, qui *Jesuitarum* tot Authores, ad Sacræ horum *Societati* maledicendum, in *Apologia* decursu, percurrisse se jactat; Eminentissimi hujus opera (quæ nec in *Russiâ* desunt) aut non videris, aut non vidisse fingat; nè obmutesceret, eo nominato, qui *Lutheranorum* plurium ora jam clausit. Vocat nos *Apologista* deinceps, ut, ipso invito, *Jesuitarum* pietas fulgeat: interim, siquidem ipsē nos compulit, diffusè circa à se tacta cuncta, & ultrâ, nos audiat.

2. Non cum primis, *Idoli*, quorum nos adoratores, & *Idolatras*, audet adhuc repetere, in *Lutheranos*, & hæretico cunctos, vibravit Hieronymus (o); *Idolum* hæresi comparans, cum *Idolum* sit *falsa imago*; hæresis verò *falsa imaginatio*; de hæreticis explicans, DEI minas: (p) *Disperam nomina idolorum de terra, & non memorabuntur ultrâ & pseudo-prophetas*. Ultra *falsam imaginationem*, utinam aliquando relinquunt Lutherani impudentiam nobis impingendi *idololatriam*, quasi, ut scribit *Apologista* pag. 49.) ; *cultum illum, & honorem soli Deo debitum rebus aliis deferamus*, qui, nedum post *Lutherum*, sed prius jam *Iconomachis*, explicavimus, in Synodo generali 7., utius Ecclesiæ Religiosum nostrum in imagines cultum: (q) (Accione 2.) *Nos - - imaginum picturas, secundum præsentem Patrum Traditionem recipimus, & has desiderio nostro adoramus, UT IN NOMINE CHRISTI DEI NOSTRI,*  
EI

(n) Tom. 2. controv. 4. lib. 2. per totum. (o) S. Hyeron. in cap. 2. Habac. & 13. Zachariæ. (p) Zachar. 13. 2. (q) Apud Caranza fol. 244. sequ.

DEI-PARÆ, & OMNIUM SANCTORUM, FACTAS. SED APERTIS VERBIS TESTAMUR, NOS DUMTAXAT IN UNUM DEUM VERUM, LATRIAM, hoc est cultum & fidem nostram, REPONERE. Et, (Actione 4.) ex lib. 4. *Athanasii contra Arianos*, infertur, quod: *omnis honor imagini exhibitus, ad prototypum refertur*. Sicut ex cap. 7. *Basilii ad Amphilochoium*, de Spiritu S.: *Colligitur; falsum, & stultum esse axioma, quod falsa Synodus* (id est antecedens sub Copronimo) *sparserat; quicumque imaginem adorat, in duo Christum dividit*. Clariusque Act. 5. (objectis ex parte hæreticorum testimoniis, Exod. 20. & Levit. 6., de non fiendis, aut adorandis, *sculptilibus*) explicat Synodus: *Si facimus hominum piorum similitudines, non tamen ea sunt, ut adorentur ut Dii, sed ut eas videntes, ad imitationem facinorum illorum irritemur*. Si verò *Similitudines Christi facimus, sanè, non propter similitudinem adoramus, sed quo mens, per ea quæ conspexit, sursum volet*. Non idem igitur, DEUM & IMAGINEM dicimus, sed Deum cognoscentes, *similitudinem in imagine dispensationis illius humanæ figuramus*. Gentiles autem errantes, *similitudines, Deos esse arbitrantur*. Hæc sunt, quæ, ab octavo (imò (1) & septimo) sæculo, per decem sequuta, *Lutheranis Ecclesia Catholica docet; hæc, Tridentinum* (sess. 25.) *repetit; hæc Orthodoxi omnes, tam Latini, quam Græci, protestamur; quin fictæ imaginationi Iconomachorum, velint finem facere Lutherani, quorum atramento, rudi ipsorum plebeculæ, renovetur Idolum irrogatæ nobis Iconolatriæ*.

Hanc eapropter, ab *Apologistâ* renovatam, deletus 3. turus, repetere teneor differentiam, inter *Idolum*, quod est similitudo, sed *falsa, rei quæ non est; & Sacram imaginem, quæ est; similitudo vera, rei quæ est*. Non istam stabiliam



biliam ex *Bellarmino Jesuitâ* ( cui tamen Calvinistarum scriptor *Amesius* (s) differentiam hanc nequivit impugnare convictus ) ut dicamus, nec idola imagines esse, nec è contra ; neque duas species sub genere similitudinis, quia ubi res non est, nec similitudo aliquid est. Diversitatem hanc Hæbreis *Propheta* tradidit, & Christianis renovavit *Apostolus*. Ille : (t) *Quid prodest sculptile, quia sculpsit illud fictor suus, conflatile, & IMAGINEM FALSAM ? quia speravit in FIGMENTO FICTOR EJUS, ut faceret simulachra muta, ( idest, nîl significantia ).* Iste (u) : *Scimus, quia nihil est idolum in mundo.* Eandem primis *Lutheranis* objecit, è *Russiâ*, *Petrus Mogilas*, in *Confessione Orientalis Ecclesiæ* ( parte 3. qu. 55. pag. 326. ) cujus verba ipse *Apologista* transcribit, ( pag. 50. ). Sic, falsa veneratos Gentiles respuimus, qui, etsi veros homines, & res alias adorarent, falsam tamen divinitatem, aut perfectionem, in figuris, aut Symbolis exprimebant. Sic Nos colendos depingimus sanctos, in quibus participatam bonitatem Divinam, (x) *Deumque in ipsis laudandum*, legimus ; sic *Christum* Redemptorem, in quocumque nobis noto opere instruentem : sic *Angelos*, sicut *DEUS* præcepit, ad exteriorem fidelium cultum, formari in *propitiatorio* ( *Exodi. 25. 18. & 37. 7.*  ), & insuper, modis quibus *DEUS* ipsos remittit, ut (y) *volantes*, (z) *juvenes*, quorum quoque *festivæ vestes*, ( ait (a) *Gregorius* ) *splendorem nostræ, denuntiant, & Christi, solemnitatis.* Sic Deum ipsum, etsi perfectè incomprehensibilem & inexplicabilem, pingimus, eo modo, quo *DEUS* ipse pluries apparens nos docuit ; fatissimusque similitudine illâ imperfectâ, quâ *DEUS* est usus, cum *Adamo, Caino, Noë, Abraham, Moyse,*  
*&c. :*

(s) Erbermannus in vindiciis ad Bellarmi. lib. 2. cap. 5. contr. 4. (t) Habac. 2. 18. (u) 1. Cor. 8. 4. (x) Psal. 150. 1. (y) Isa. 6. Apoc. 14. 6. (z) Mar. 16. 5. (a) S. Gregor. hom. 21, in Evang.

*Ec.*: prostramurque ante eum representatum, sicut, *Abraham* (b) adoravit pronus in terram; *Loth* (c) ante Angelos in humanâ formâ; in templis coram imaginibus, (d) sicut *Israëlitæ*, ante *Arcam*, *Cherubinos*, &c. Sic & sanctissimam *Triadem* in Linteo exprimimus, sicut: (e) in *Convallè Mambre*, *Abraham*, in his, qui sibi apparuerunt tres *Viri*, *DEum* singularissimum adoravit, & dixit: *Domine -- Patrem*, inquam, concipimus, & exprimimus (cum (f) *Augustino*) apud *Danielem*, (g) in throno ubi, antiquus dierum sedit: *Spiritumque Sanctum*, (h) sub *columbæ specie*, & (i) *igneis linguis*, quomodo non semel est visus: quia cuncta spiritualia, *anologicè*, ut dicimus, & imperfectè, ab ipso Deo ostensa depingimus, & per similitudines à nobis factas, finem, quem Deus habuit colendi ipsum sic manifestatum, & in (k) *Sanctis mirabilem*, intendimus. Exulet igitur idololatriæ nomen, & pudeat *Lutheranos* eam nobis objicere, post tot nostræ pietatis allatas Confessiones; recolantque cum primis *Iconomachis*, sibi, jam sæculo 8., datum ab œcumenicâ *Nicænâ Synodo* responsum; (l) ubi postquam facti sunt *Patres* *Divinam naturam* perfectè inexprimibilem, minimè vetantes adducta *Scripturarum sacrarum symbola*, concludunt: *non in materiâ, aut in coloribus honorem constituentes, sed per hoc, officium nostrum, quod ipsis, à Deo, quorum typum imagines gestant, debemus, impartientes; cum sciamus, juxta Basilii M. sententiam; quod, imagini honor exhibitus, ad ipsum prothotypum referatur.*

Nec originem *Iconomachiae* audebo (cum *Bellarmino*, citato, cap. 5.,) ad *Hebræos* reducere, etsi in novo eorum *Thalmud*, sæculo 5. invento, legatur, (Ord. 2. tract.

P

1. dist.

(b) Gen. 18. 2. (c) Gen. 19. 1. (d) 2. Paralip. 7. 3. (e) Gen. 18. 1. 2. & 3. (f) Vide August. lib. 2. de Trin. cap. 11. pro totâ Trin. & cap. ult. pro Patre. (g) Dan. 7. 9. (h) Math. 3. (i) Act. 2. 3. (k) Psal. 67. 36. (l) Act. 3. ap. Caranza fol. 246.



1. dist. 2. ; ), Christianorum Ecclesias esse idololatriæ domos ; nam ob Christum adoratum hoc asserere perfidos illos, est citra dubium. Neque Hebræos crediderim jam sæculo 8. ità potentes apud Imperatores, ut eorum instantiis motus *Leo Isaurus*, imagines è Christianorum templis delendas decreverit ( sicut ex *Cedreno*, *Zonarâ*, & aliis, tradit loco jam citato *Bellarminus*. ) Ad veram itaque impiæ hujus Sæctæ radicem inquirendam, quædam ex Historiâ Ecclesiasticâ referam ; & Lutheranis, Lutheranos etiam testes producam.

5. Natum sæculo 7. ; seductamque maximam orbis partem per ejusdem deliria, tempore Imperantis *Heraclyi*, *Mahumedem*, neminem latet. Hic , (m) ex Christianismo, Hæbraismo, & Gentilismo, jactatis revelationibus, *Alcoranum*, fabulis ineptiisque refertum, edidit : interque istas, docuit ( cap. 15. & 17. . ) DEum solum, rejectis omnibus imaginibus, esse colendum & adorandum : Cujus tamen, eodem sæculo, sequutum interpretem (n) *Hali*, amplexati sunt *Perse*, etsi Mahumetistæ, recipientes in eorundem templis imagines ; ob quod, à Saracenis odio inextinguibili habentur. Eodem sæculo damnatis *Monothelitâ*, in Synodo œcumenica 6. , ( quorum Sæctatores, (o) *Heraclyus* & *Constans* 2. , Imperialibus decretis, errorem radicaverant ; primus, illum stabiliens decreto, quod vocavit *Ectesim* ; secundus, ipsum impugnare prohibens : ) successit Annô 711. , *Philippicus Bardanes*, qui ( ô Lutherani, ultra Catholicos Scriptores, vestrum (p) *Kromaiorum*, vel delete vel audite ) inter *Iconomachos* PRIMUS delevit imagines, & è templis ejecit. . . . Concilii sexti œcumenici decreta impugnavit, & Monothelitarum Patrocinium suscepit. Verum post vix biennium ( in Imperio ) conjectus fuit in

car-

(m) Pfafius Sæc. 7. cap. 6. §. 1. pag. 153. (n) Kromaierns Centur. 7. §. de statu Eccl. pag. 344. (o) Vid. ultra Annatum lib. 5. art. 7. Pfafium cit. cap. 4. §. 3. (p) Cent. 8. initio.

carcerem, & propter incommoda plurima, quibus *REMPUBLICAM & ECCLESIAM AFFLIXERAT*, exclusis oculis in exilium pulsus. Solas, item, imagines Patrum qui Consiliis æcumenicis prioribus interfuerant, odio in illos, qui, in sexto, *Monothelitas* damnaverant, eiecisse *Philippicum*, scribit (q) *Pfaffius*; fatetur tamen, eapropter à Papâ *Constantino* damnatum; sicut postea à successoribus, *Gregoriis*, 2. & 3., *Zachariâ*, & aliis, cum Græcis Orthodoxis clamantibus *Germano* Constantinopolitano, *Georgio* Cyprio, & *Joanne* Damasceno, damnatos legimus *Leonem Isaurum*, & *Constantinum Copronimum*. Hinc con-jicere licet, unde *Iconomachia* pullulaverit: quamvis enim tribus primis Ecclesiæ Christianæ sæculis daremus nullum fuisse in Templis usum imaginum, (cujus contra-rium demonstrabimus,) fatente tamen *Apologistâ*, (pag. 61. & 68.;) à sæculo 4., templis eas illatas (etsi adora-tas in cassum negare, videbimus); mirum esset, quod tri-bus sæculis integris, nec Synodus aliqua, nec Patres, *ido-lolatriam* nobis objecerint; usque dum, ad *Mahumedis* exemplum, *PRIMUS* (ut Lutherani fatentur) inter *Ico-nomachos* delevit imagines, & è templis eiecit, *Philippi-cus*; quem imitati sunt, sæculo octavo, alii *Iconomachi*, post Synodum tamen Nicænam 2. ità quieverint, ut usque ad *Lutheri* tempora, adoratarum imaginum sacrarum usus accreverit, postque ipsum, constanter à Græcis & Lati-nis, etiam inter Turcas, dogma servatum Orthodoxorum permanserit. Fateantur *Iconomachi*, etiam inviti, *Mahu-medanum* se sequutos exemplum, quod introduxit *Philip-pici Monotheliticum* odium; & contra pietatem Catholi-cam toties sibi explicatam, desinant idolum fingere, jux-ta adductum *Hieronimum*, aut idololatriam & cultum ob-latrare Gentilicum.



6. Misèrum subinde corrui, *Apologista* allatum ( pag. 49. ) effugium ; quo , inter *Calvinistas* exilantes à Templis, & *Catholicos* adorantes in ipsis imagines, putat, se medium invenisse ; quo in templis permittantur, adorari verò, aut cultu religioso prosequi, illicitum ducat. Falsam, inde infert à *Javorskio* irrogatam Calumniam, dum scripsit : *Verba Dei : nè facias tibi imaginem, aut ullam similitudinem ; ipsi Luthero, lapis offensionis fuerunt. Inde rejecit sacras imagines ex sancta Ecclesia.* Putavit materialissimus vir iste ità obtusum *Javorskii* calamum, sicut ipse ostendit hîc proprium ? Aut æquê hebescentia Lecturorum Catholicorum ingenia, sicut similibus argutioris fit plebecula Lutherana ? Sciant igitur, hi, quibus scribit *Apologista*, vidisse, ante me, *Javorskium*, præter scripta hæc, plura Lutheranorum templa, in quibus (etiã *Moskue*, tam in veteri, quam novâ, ut vocant, Lutheranorum Ecclesiâ) sacræ imagines inspiciuntur quam plurimæ. Scribens ergò, *Lutherum* in Verbi DEI lapidem imegisse, ut *sacras imagines rejiceret ab Ecclesiâ sanctâ*, non de ejectione materiali, sed de sacrâ veneratione eis debitâ intellexit : sic populus *Regem* petens, dicitur (r) *abjecisse Dominum*, sibi que, quia Dei providentiæ non meminisset, ducentis *Israëlem* ex *Ægypto*, dixit *Samuel* : (s) *vos projecistis hodie Deum vestrum* : satis enim ille abjicitur, cui honor debitus denegatur.

7. Fatendum est, gravius peccare *Calvinistas*, qui sacras imagines contriverunt ; sed æque Lutherani, eas dîsteriis inhonorant ; nec enim gravius, meo videri, est imaginem delere *JESU Christi*, in quâ, Verum DEum adoramus in signo ; ac eam *Idolum* dicere, quod nunquam aliud significavit, quam *fictam* representatam *Divinitatem* ; nec verè liceret conservare, si *Idola* essent, in locis

(r) I. Reg. 8. 7. (s) I. Reg. 10. 19.

cis sacris : sicut legimus in Ecclesiâ : (t) *quod sanctus Bonifacius Papa Quartus, à Phocâ Cæsare impetraverit donari Ecclesiæ, Templum Romæ, quod ab antiquis Pantheon vocabatur. In hoc, igitur, ELIMINATA OMNI SPURCITIA* (idest, Gentilium Idolis) *fecit Ecclesiam sanctæ Dei Genitricis, atque omnium Martyrum, ut, EXCLUSA MULTITUDINE DÆMONUM, plebs universa; ad Ecclesiam, in honorem Omnium Sanctorum consecratam, conveniret. Saneque; sicut legens Lutherus; (u) non adorabis ea, neque coles; in sculptili, & similitudine, de quibus loquebatur Deus, intellexit sacras imagines, etiam JESU Christi, nè sibi in eis daretur cultus, quem exhibitum Lutherani vociferant superstitiosum, & idololatricum ( ut Apologista pag. 49. 51. &c. )*; Ità Calvinus legens antea : *non facies tibi sculptile, neque omnem similitudinem; intellexit, ne utiquam in sacris ædibus conservandas. Ex Grammaticali quoque cortice litteræ, inferre potuerat uterque; nedum adorationem, cultum, & conservationem, sed etiam formationem interdici imaginum, quam nemo damnavit hucusque, sicut cuncti damnamus ( cum S. Th. 2. 2æ. qu. 169. art. 2. ad 4. ) fabricare Idola, imò & infidelibus ea vendere, quos scimus ea adoraturos, nè idololatriæ per se sequendæ concurramus. Mirorque, Lutheranos non asserere, DEum, cum præcepit : (x) Non facietis vobis sculptile, ( addiditque ) nec titulos erigitis, nec insignem lapidem ponetis in terrâ vestrâ, ut adoretis eum; reprobasse religiosum opus Jacob, qui in monumentum promissionis sibi factæ, & in signum, quod (y) vere esset Dominus in loco illo ( Bethel ) -- Surgens, tulit lapidem, & erexit in titulum; fundens ( exteriori utique cultu ) oleum desuper : in quo, Deo sibi representato, votum vovit, offerre deci-*

P 3

mas

(t) Breviar. Ord. Præd. in Officio Omnium SS. (u) Exodi 20. 4. & 5.  
(x) Levit. 26. 1. (y) Gen. 28. 16. sequ.



mas omnium, quæ DEus esset *sibi daturus*; tantum autem abest, nè DEus id male tulerit, ut legamus, (z) DEum ipsum, Jacob pietatem laudantem, novaque beneficia pro eo retribuente: quem tamen audimus, ingressuris Judæis in terram *Chanaan*, præcepisse: (a) *confringite titulos, & statuas comminuite* -- (b) cæterisque gentilium regnis occupandis: *aras eorum subvertite, & confringite statuas, lucosque succidite, & sculptilia comburite*; quod sæpiissime (c) repetit. Quâdam ergo distinctione à DEO Ipso instruhimur, ut cavendâ idololatriâ, statuas confringamus Gentilicas; in signis tamen exterioribus, DEum pro beneficiis nobis exhibitis recolentes, ipsum ejusdemque sanctos adoremus (modo infra explicando.) *Verboque Dei*, patebit; num istud, potius *Luthero* fuerit *lapis offensionis*, quo, *sacras imagines* (à cultu signi & respectivo) *rejiciens*, in sacrilegium rueret, (ut justissimè dixit *Favorskii*; quam nobis, (sicut *Apologista* objurgat) ut præcipiti lapsu, in superstitionem, & idololatriam incidisse censeamur.

8. Quia ergo, *Apologistæ*, (sicut caterorum Lutheranorum) opuscula, in Religiosum Orthodoxorum cultum, pluribus erroribus scatent, quam lineis, suo ordine hujus ineptias percurramus -- *Græcæ non minùs, quam Latine Ecclesiæ* (prosequitur eâdem pag. 49.) *superstitione & idololatriâ suppositâ; tolerabilior est, in quibusdam, illius, quam hujus sententia.* Primam, ecce, rationem quam assignat. -- *Græcos, nimirum (ait) imagines non sculptas, utpotè, quas tanquam idola fugiunt, sed pictas tantummodo habere, constat.* Acutissimè nonne Lutheranorum Theologi! Ecquis, nisi Lutheranus ineptiens *tolerabiliorem diceret idololatriam* (quam, etsi falsò, supponit)

(z) Gen. 31. 13. (a) Num. 33. 52. (b) Deuter. 7. 5. (c) Deuter. 12. 2. - 16. 22. & alibi.

nit) in simulachro *picto*, quam *sculpto*? Scio, ferê omnes ejusdem sectæ scriptores de rebus *Russæ*, hujus erroris taxare *Ruthenos*; addidit Apologista, cunctos comprehendere *Grecos*. Est nê idem, imagines (Si daremus) habuisse pictas, ac damnasse sculptas? Quis non rideat? Si *Confessionis Ecclesiæ Orientalis*, quest. 55. *Apologista* legisset integram, invenisset (pag. 328.) *Quemadmodum enim, cherubim, qui tabernaculum fœderis inumbrarunt, genuinos ipsos cherubim, qui in Cælo Deo apparent, representabant, & adumbratos tamen illos ADORABANT Israelitæ, & venerabantur - - eodem modo, cum Judei tabernaculum fœderis venerabantur, convenientique honoris cultu excipiebant (2. Samuel. 6.) eo nil peccabant, neque hoc Decalogi præceptum irritum faciebant, quin potius eximîâ Deum gloriâ honorabant. Pari ratione, nos etiam sacras imagines venerantes &c.* Itaque, non pictos Cherubim ibi præcepto DEI appositos, meminisset, sed (d) duos Cherubim aureos, & *PRODUCTILES - - utrumque latus propitiatorii tegant, expandentes alas, & operientes tabernaculum*: Unde, Græcos, imagines sculptas, tanquam idola fugere, non delirasset. Quid enim quod, rusticis credituris, Patriarcham Alexandrinum *Metrophanem Critopulum* adducat Apologista sic sentientem? Hic, juxta sapientissimum Græcum (e) *Nicolaum Comnenum Papadopolî*, istud, sicut alia axiomata, ab amicis & hospitibus suis *Lutheranis* didicit: quique (asserens, in *Antipanopliâ* cap. de confessione mysticâ: cum peccato deleri & pœnam peccati, ut pœnas pro illo à justis luendas post mortem, neget); (f) impudentior in *Antipanopliâ* & in *Epistolis*, quibus, blanditurus amicis suis hæreticis, nîsus est, hæresum *Arctoarum* coloniam in Græciam deducere. Idem (g), elapso

sacu-

(d) Exod. 25. 18. (e) Nicol. Comn. resp. 1. Misitag. Sect. 8. n. 10. pag. 50. Col. 1. (f) Ibid. n. 2. (g) Idem Comn. resp. 3. Sect. 6. n. 4. pag. 184.



*saeculo, nundinatus longâ pregrinatione ( in Germaniam ) pestilentissima dogmata penes Lutheranos, quæis mox Alexandrinæ insulas mercaretur; in senectute perfidiosâ, apud ignorantem plebeculam potens, ausus est, Stoicam Sectam Christianis ingerere, pariaque peccata omnia, superciliosâ temeritate docere. Sic scribit (orat. in eos qui omnia innovant) (h): æquè delinquit qui minima despicit, & qui maxima: Quid nova vocabula, nobis, peccatorum, ingeris, dicens, QUÆDAM LETHALIA, QUÆDAM VENIALIA? simpliciter omnia mortem animæ inferunt &c. Sunt nê verba hæc ipsissima Lutheranis, & Calvinistis communia? Etiam ad usuram, horum accepit doctrinam, cum isti graviora peccata concedant; Chritopulus, æquè peccare dicat, qui minima despicit, & qui maxima: cujus oppositum, præter mille Græcos authores ( quibus Comnenus utitur ) ex ipsâ Ecclesiæ Orientalis Confessione, Orthodoxê creditum habetur; quæ, (i) diviso peccato in mortale, & non mortale; ait (k): peccatum non ad mortem, QUOD ET VENIALE aliis quibusdam nominatur, illud est; quod non adimit gratiam Dei, nec morti æternæ reos addicit &c. Quidni idem Chritopulus, imagines cunctas damnare in Græciâ incapax, Lutheranis blanditum dicamus, sculptas, idola dicentem, ut impostor Apologista, contra Græcos, illius adduceret testimonium? Quod, ut, nedum in doctrinâ, sed in factio quoque videatur falsissimum; legatur primò Confessio Orientalis Ecclesiæ, Quam totam qui percurrerit, nec minimum hujus erroris fundamentum inveniet: Secundò; in Confessione quam Magnus CZAR Joaões Baslidis, Lutheranis noviter ortis objecit, legitur: (l) divinis imaginibus; Jesu, Domini & servatoris nostri - purissimæ Genitricis ejus - - quæ est mediatrix salutis hominum,*

(h) Ap. Comnen. ibid. n. 3. (i) Part. 3. qu. 17. pag. 278. (k) Qu. 63. pag. 304. (l) Baslides resp. ad Confess. Rohitæ. cap. 13.

num, ac per eam placatus est nobis Deus - - potestatum celestium, Sanctorumque omnium; qui, salutis nostræ opitulantur ( sive pictæ, sive sculptæ sint ) cultus præstandus asseritur. Tertiò, testes adduco quotquot Ruthenorum Ecclesias frequentaverint, qui, etsi hæresi obcecati, imagines sculptas *Jesu Christi*, ibidem se vidisse dicent, nedum super altare in sacrificii loco; sed extra ad populum ostensas; in Ecclesiæ *Uspenie* ( idest, Assumptionis. B. V. ) Moskuæ, supra omnes picturas, portæ sanctuarii eminet talis, ut magnitudinem viri cujuslibet æquet. Quartò, legant Lutherani laudatum ab ipsis D. de Meiersberg. Legatum *Leopoldi Cæsaris*, ad Czarum *Alexium Michaelovitz*, Serenissimæ nunc imperantis *Annæ Avum* ( Anno 1661. ) qui etsi à *Gallis*, imò & *Germanis* ipsis, & (m) Lutheranis, censeatur nimis in *Moskovitas* injurius; hæc scribit: (n) Sculptas imagines, præterquam in Ecclesiæ altari, *Moskovitæ* respuunt: sentit igitur, jam suo tempore, licet maledicus, eas in altari habitas, & adoratas. Etsi ergo, antiquitus, non in usu communi essent, minimè detestandas sculptas imagines apud Græcos fuisse, sed æquè adoratas, ac pictas, ex dicendis patebit ampliùs.

Secundam tolerabiliorem, Græcorum, præ latinis, sententiam, causam, in Theodelirante Apologista ( pag. 50. ) Legamus: licet Christi, & Sanctorum, Angelorumque, prout in humanâ formâ apparuerunt, imagines, in pretio ( Græci ) habeant, ipsius tamen Dei, apud ipsos imaginem non reperiatis; utpotè, quem ceu spiritum infinitum, effigie quâdam, aut coloribus pingi posse negant: imò, sine crimine, id fieri non posse, asserunt. Contra mendacium, hic,

Q

quo-

(m) Vide Gudmund. Krook. de Stat. Eccl. & relig. Moskov. Sec. I. cap. I. s. 9. pag. 9. (n) Meiersberg. itinerar. pag. 27. in versione Italica Neapoli 1697. pag. 86.



quoque, prædictos oculares, mecum proffero testes, qui Ecclesias *Sanctissimæ Triadi* dicatas visitaverint. In istis & aliis, *Trinitatem*, tum in tribus *Abrahæ* apparentibus viris, tum in antiquo viro Filium Christum in sinu habente, supraque volitante columbâ, expressam viderunt: in supramemoratâ *Uspenie*, unâ ex pulchrioribus Moskuæ, ad pedes sculptæ Crucifixi imaginis, formosissima offertur major depicta tabula, Patrem æternum cum Filio, simul, adextris, B. Virginem coronantes, suprapictâ columbâ, spiritus Sancti typo, ostendens: imò generalissimum fuit, supra Ruthenorum templorum sanctuarii altaria, pendere sculptam columbam in Spiritus Sancti typum, in cuius vacuo sinu, venerabile Eucharistiæ Sacramentum asservatur. Contra errorem, verò; quòd, *sine crimine hoc fieri nequeat*, quis negavit, nedum decipi, sed stupidum esse eum, qui, Deum in similitudine creatâ *perfecte* vellet exprimerê? Nec Deum posse finitam speciem impressam creare, ipsum intellectibus Beatorum representantem *perfecte* & *clare*, docet (o) sanior Theologia; sed ut *clare* percipiatur, ipse, sine specie distinctâ sit eorum mentibus præsens: Quomodo ergo Deum exterius figurabimus? aut; (p) *cui similem fecimus Deum? aut quam imaginem ponemus ei?* Perfectam, quam Deus ipse non fecit, externam, impossibilem supposuit (q) sacra Synodus 7. quam sequimur, instructi, quod (r) *Deum nemo vidit unquam*: imperfectam tamen, quomodo *Deum apparuisse* Prophetis & Patribus, notumque ab ipsis sub exteriori figurâ legimus toties; nec Synodus interdicat, nec exemplo Dei contrariam credimus, ut ex sacrâ historiâ depingamus. Ne autem *Lutherani* amplius id nobis objiciant, non ad ipsorum primos Theologos, hoc idem

(o) Thomistæ omnes Tract. de visione Dei. (p) Isa. 40. 18. (q) Act. 6. Tom. 4. ap. Caranza fol. 251. (r) Joan. 1. 18.

idem docentes ( ut post primum , secundum *Chemnitium*. loc. de lege sub Decalogo. Controv. 3. in adnot. ad catech. Dieter pag. 646. ) sed ad Catechesim ipsorum illustratiorem ( quam , ut video , *Apologista* ignoravit ) eos advoco (s) *licet nē* ( interrogat ) *imaginem Dei Patris, & Filij, & Spiritus Sancti, depingere ? Deus* ( respondet ) *in essentiâ, & naturâ suâ, quâ Spiritus invisibilis & infinitus est, effingi, aut depingi, nec debet, nec potest. Quia verò Deus Pater ANTIQVI DIERVM IMAGINE* ( *Danielis* 7. 9. ) *itemque, VIRI INSIDENTIS SOLIO* ( *Isa.* 6. 1. ) *se manifestavit ; Spiritus. S., verò, in specie columbæ apparuit* ( *Matth.* 3. 16. ) *sine impietate ullâ tales apparitiones depingere licebit.* En Quomodo, *tolerabilioris*, Græcorum, quam Latinorum, *Theologiæ*, *Apologistæ* Lutherani iudicium ferent, qui propriam *Catechesim* ignorant.

Tertiam, quam, ad idem, rationem dedit, *stupidius* 10. ipse *Apologista* revocavit; dum ( pag. 50. ) minùs Latinis deficere Græcos, probat, quia *cultum quem Duliam vocant, imaginibus tantum deferendum docent, neutiquam autem, eum qui LATRIA adpellitur, quive soli tantum debetur Deo: Sui tamen oblitus* ( pag. 53. ) scribit: *Parumque fœliciter, per distinctionem inter DULIAM ET LATRIAM, IN ROMANÆ quoque Ecclesiæ Scholis satis frequentatam, hinc* ( idest ab idololatriâ ) *se expedire adnituntur.* Si enim, etiam terminis ipsis Græcis utimur soli Deo, sanctisque præstandam; *intolerabilior* fit *Apologistæ* oppositio, quam superstitio Latinorum, præ Grecis; ex quorum unanimi, etiam in vocibus, consensu, *tolerabiliorem*, in Græcis, ipsam Latinorum *sententiam* infert. *Duliam & Latriam* directè non distinguimus ob-

Q 2

jectis

(6) Cunradi Dieterici. institut. Catechet. è Lutheri catechesi depromptæ. de Decalogo. inst. 42. pag. 73.



jectis & imaginibus, sed Deo & sanctis: id autem *Apolo-*  
*gista* confudit, quia neque quod Græci, neque quod  
 Latini dicimus, capit. *Latria*, & *Dulia*, distribuntur  
 objectis; & propter ista, pariter diversificantur in signis.  
 In objectis est excellentia, suprema in Deo, cui per *La-*  
*triam* subijcimus; & participata in sanctis, quibus reli-  
 giosè submittimur, per *Duliam*. Inter hos, & eorum  
 signa, discrimen est aliud; quod signis, secunda-  
 riò, non propter se, sed *propter prototypos*, adorationem  
 damus, (ut ex Nicæna Synodo. 2. (Act. 3.) jam diximus)  
 Et in *Tridentinâ* (Sess. 25.) clarius explicatur, cautiusque  
 prævenit Confessio Orientalis Ecclesiæ (qu. 55. cit. in fi-  
 ne) dicens: *illud modo curandum nobis, ut cuique imagini*  
*sua addita sit inscriptio, quæ, cujus sancti imago sit, in-*  
*dicet; ut eo faciliùs intentioni animoque adorantis satis-*  
*fieri possit;* sicut de facto fit in Russiâ, tum in Eccle-  
 siis, tum in privatis domibus. Eundem ergo cul-  
 tum, etsi diversimodè, præstamus imagini, ac ob-  
 jecto quod recolit; sed illi transitivè, & propter istud;  
 strictiùsque loquendo, nec *Latria* datur imagini Christi,  
 nec *Dulia* sacris Sanctorum: voces hæ siquidem, sonant  
 interiorem submissionem erga eum qui adoratur, quam  
 nunquam imaginibus, sed prototypis deferimus: Im-  
 propriè autem & respectivè, sive *Latriam*, sive *Duliam*,  
 imagini præstamus, quatenus exteriùs signum exhibe-  
 mus submissionis internæ, quâ Deum & Sanctos adora-  
 mus: itaut imagini Christi, ut signo, major adoratio  
 (*Latriæ* scilicet) impertiatur quam cuilibet Sanctorum,  
 qui ob excellentiam propriam adorabiles, etsi ad imagi-  
 nem sint Dei, sola *Duliâ* colendi sunt, ut advertit. S.  
 Thomas 2. 2. qu. 103. art. 3. ad 3. & 3. p. qu. 25. art.  
 3. quia idem est motus ad imaginem, & in rem imagi-  
 natam. Hoc docent Catholici, sive Latini sint, sive  
 Græ-

Græci. Hoc docuit *Javorskius*. Hocque neganti *Luthero*,  
verbum Dei lapis fuit offensionis.

Idem sensit jam ipse *Apologista*, qui (ne aliâ quo- 11.  
que culpâ vacaret) sanctos quoscumque adorandos ne-  
gavit, ut imaginibus redditum cultum, *idololatriam* re-  
peteret. Quod ut suadeat, plus superbix, quam per-  
spiciacix ostentat. En ejusdem verba (pag. 52.): *ado-*  
*randos tamen, colendosque esse (Sanctos) eo magis abnu-*  
*mus, quominus, ipsi, probaturi essent, si nobis suam decla-*  
*rare possent sententiam: (Sanctorum animum, etiam non*  
*loquentium, comprehendisse se jactat; & prosequitur)*  
*cumque, quod rerum nostrarum conscii sint (Sancti) aut pre-*  
*ces nostras, vota que audiant, atque cognoscant, probari ne-*  
*queat; nonne vanus est, omnis ille cultus, irritusque? &c.*  
Jam Orthodoxos percepisse hic exprimit, quod imagines  
ob prototypos adoremus; sed in novam labitur hæresim, &  
detestabilem arrogantiam. Quid Sancti de nobis eos ado-  
rantibus sentiant, dicit inflatus iste homo, se noscere;  
negans, Sanctos *nostrarum rerum esse Conscios, precesque no-*  
*stras & vota audire, aut cognoscere*. Plus blasphemaverat  
*Calvinus*, scribens. (t) *Quis, eòsque longas, sanctis, es-*  
*se aures revelavit, que ad nostras voces porrigantur? - Imò*  
*& Lutherus*, dicens: (u) *pro meritis S. Petri, ne unum*  
*quidem obolum darem ut me adjuvarent, quia seipsum ju-*  
*vare non potest: Sed Apologista plus superbit, dum, San-*  
*ctos è coelo nos audire æque negans, ipse, è terrâ, sanctos*  
*se comprehendere jactat.*

Si his opponerem *S. Thomam* (2. 2. qu. 83. art. 4. 12.  
& 3. p. qu. 10. art. 10.) *docentem, sanctos è coelo, vel*  
*in Divinâ essentia clarè visâ, vel speciali sibi à Deo factâ*  
*revelatione, preces & vota nostra percipere; altiore, sibi*  
*que insipidam proponerem Theologiam; quam, ut*

Q 3

solent

(t) *Calvinus*. institut. lib. 3. cap. 20. §. 24. (u) *Luther*. in art. 4. qu. 6.



solent, nē ludibrio vocent *Thomisticam*, eam legant cap. 13. decretorum fidei, in Consilio *Senonensi*; ubi damnandis hæreticis, sanctos orationes nostras capere negantibus, dicitur: *quam id falsum sit, eum facili intellecturum, qui non ignorat, sanctis pervium esse Omnisforme Divinitatis speculum, in quo, quidquid eorum interfit, illucescat.* Clariùsque in *Divinâ sapientiâ*, seu in verbo, quam in terris cognoverint, sine verbis sonantibus, pluraque à Beatis percipi, docuerat *Augustinus*. lib. 11. de civ. Dei. cap. 7. & 29. Si *Hieronimum* adduco asserentem; (x) *Vigilantium*, ob similem *Lutheri* Doctrinæ, de barathro sui pectoris, *Cœnosam* evomuisse *spurcitiam*; acrem sed justam audirent censuram. Si *Augustinum* repeto, jam (y) contra *Faustum Manicheum*; noscent unde ducant *Originem*. Si *Litanias*; si *Liturgias Basilii* & *Chrysostomi* recolo; dicent, totam Ecclesiam per 14. sæcula clamasse in vanum. Si memoremus hæreticis (z) *Ambrosium* (a) *Augustinum* & alios; nec verentur in omnes sæculi 4. SS. PP. nævum superstitionis impingere. Si *Cyprianum* (b) rogantem Papam *Cornelium*, ut quem contigerit primum Deo frui, post mortem, pro alio, pro fratribus & sororibus (hic manentibus) non cessare ab oratione ad Deum flagitet: Si eundem (c) hoc ipsum à coeteris fidelibus expetentem: Si *Origenem*, (d) cum, nec dubitandum asseruit, orationibus nos juvare sanctos antiquiores, opponamus: forsân corrupta, sæculorum 2. & 3. monumenta audierimus. Si Pontificem Romanum *Felicem* 1. dicamus, ordinasse, (e) celebrandas Missas super sepulchra Martyrum, aut ubi ista non essent, poni sub altari eorum reliquias (anno 272.) quod (notat *Caranza*) destruxisse *Lutheranos* ip-

(x) Cap. 3. advers. *vigilantium*. (y) Aug. lib. 20. c. 4. 15. (z) Orat. de præparat. Sacerdotis ad Missam. (a) Lib. meditat. cap. 40. (b) Epist. 57. (c) Idem Cyprian. Lib. de laude Martyr. ad Moysen & Maximum, &c. num. 68. & 88. (d) Origen. hom. 23. in Numer. (e) *Caranza*. fol. 20. & *Burius* pag. 39.

*ipſus tempore.* Si Pium I. (anno circiter 160.) addamus, (f) *Novati Thermas, in Templum S. Potentianæ dedicaffe: Domum ſcilicet Pudentiſ Senatoris, Sanctarum Pudentiæ & Præxedis Patris, in quâ Petrus Apoſtolus Romam ingreſſus hoſpitio receptus fuerat; nec Romano Martyrologio fidem dabunt hæretici, ubi (die 26. Julii) de ejusdem Pontificis Fratre legimus: Romæ, Sancti Paſtoris Præbiteri, cujus nomine titulus extat in Viminali apud S. Pudentiānam.* Si *Novatoribus* iſtis negantibus fuiſſe ſub Imperatoribus Ethnicis, ante *Conſtantinum Magnum*, certa Templum vel Locum determinatum, quò, ad Sacra, Chriſtiani convenirent; adjungimus, *Evariſtum & Anacletum*, ex Græcis, Romanos Pontifices immediatos ad Sanctum *Clementem*, Apoſtoliſ ferè coetaneos, de ſacris locis decreviſſe; (g) *Anacletum*, præcipiendo in illis celebrari; *Evariſtum*, diſtribuendo Præbiteris & Diaconis determinatis domos Divino cultui mancipatas: Si tandem erectam in Hiſpaniâ, *Cæſar-Auguſtæ*, per *Jacobum Majorem* Apoſtolum, ſervatam adhuc, in Columnæ æquæ marmoreæ ſummitate, Beatiffimæ Virginis, uſque adeò, è toto ferè terrarum orbe peregriniſ confluentibus, cultam imaginem; ex traditione totius Hiſpaniæ, *Barchionenſique* (h) *Annaſiſtâ Flavio Lucio Dextro* (cujus, ejusdemque Patris *S. Patiani* meminit *S. Hyeronimus*; in ſibi dicato libro de ſcriptoriſ Eccleſiaſticiſ) reproducimus: nec antiquiſſima monumenta, nec Canonica (i) Eccleſiæ jura, dicent, Lutheranis noviſcioliſ præponenda. Quò ergo me veritam, ut homineſ, cuncta præter ſe ſpernenteſ convincam? Dum ſuæ ſectæ authorem, in hoc pariter à me citò producendum ſpectant (ſiquidem ut in Sanctorum memo-

(f) Iidem Authoreſ ad Pium I. (g) Iidem Authoreſ, & alii. (h) *Chronicon Flav. ad An. Chr. 38.* (i) de conſecratione diſ. I. cap. *Episcopuſ Deo. ex Epiſt. I. Anacleti.*



memoriam, *titulos* seu Ecclesias dicatas negent, *Lutherani*, nullas ante *Constantinum M.* fuisse, dicunt ) explicatum mihi vellem loquendi modum ( in *Actis S. Silvestri* (k) expressum ) sub *Constantino M.* fide jam publicâ: **TEMPLA CLAUDANTUR, ET ECCLESIAE PATEANT;** nisi supponantur enim Christianorum, vocatæ, *Ecclesiae* ( sicut gentilium, *Templa* ) etsi occultæ, ubi persecutio aliter non permetteret, potiùs dicendum erat, *erigantur, sacrentur*, quam *PATEANT*, quæ supponuntur occultæ: Nec minus dicam, Christianos ante *Constantinum* fervidos; ad pro domo Christi subeundum Martyrium; quam pro liberandis à Tyrannorum manibus Ecclesiæ thesauris, ob quæ (l) pauperibus erogata, per eorumque manus ad coelestes thesauros præmissa, vivicomburio assatus, Christi Hostia fuit, *Xisti Secundi* Diaconus, noster Hispanus *Laurentius*. Sicut, itaque, primi Christiani, collectos ex devotione fidelium Ecclesiæ thesauros occulte servabant, ab Apostolorum (m) tempore, per ministros Diaconos, ad Ecclesiæ, & pauperum usus; ita occulta habebant loca, Deo, & in Sanctorum honorem dedicata, ubi ad sacra conveniebant; quomodo *Pium I.* legimus *S. Pudentianæ* dicasse Ecclesiam, anterioresque Pontifices, ad sacra, elegisse sepulchra Martyrum & Sanctorum; tum ad ipsorum cultum, tum ad eorundem circa nos Patrocinium implorandum: jamque sæculo 2. *Angelorum* aureas imagines, ad Laudem DEI & Gloriam habitas, testatur *Patriarcha Methodius* (orat. 2. de Resurrectione.)

Jámque, ad hunc à primitivâ Ecclesiâ probandum præstitum cultum in imagines & sanctos, istorumque creditam, & invocatam intercessionem, Lutheranis *Luthera-*

(k) Apud *Burium* in *vita Cleti* Pontif. pag. 5.  
 (m) *Act.* 6. & alibi.

(l) *Eccl.* in *Offic.* 10. Aug.

lutheranum producamus Authorem. Et quidem ( cum in fine quarti sæculi , jam fateatur *Apologista* ( pag. 54. ) in templis toleratas imagines , non tamen antea ) tam ratum firmumque , dicit , & extra omnem dubitationem positum manere , donec qui dissentiunt , vel unico *EXEMPLO* , vel unico *TESTIMONIO FIDE DIGNO* , secus se rem habere , demonstraverint : Nec dubito , inter alios , hoc ipsum legisse apud sibi & Lutheranis cunctis *FIDE DIGNUM PFAFIUM* , scribentem : ( n ) sæculum hoc ( quartum ) multis jam superstitionibus fuit maculatum ( inter quas ) reliquiarum venerationem hoc ævo cœptam - - peregrinationes religiosas ad sepulchra Martyrum : - Invocationem Sanctorum . Cœptus quoque hoc sæculo sub finem fuit Imaginum usus , Crucisque veneratio . Est ne ( Lutherani Theologi ! ) fidedignum hocce testimonium ? Audivimus , pro vobis , raucifonum hunc *Tubingensis* vestræ *Academiæ* calamum : audite eundem , & vos , pro nobis , aliter antea ( sæculis tertio & secundo ) usque ad vestrum fastidium personantem ( o ) De cultu religioso , Angelis , sanctis , imaginibus , reliquiis , Cruci , Eucharistiæ , præstito , silent omnia hujus ævi ( sæculi 3. ) monumenta ( quæ non potest afferre negantia ) etsi memorie Martyrum , & Sanctorum annuæ , & oblationes pro Martyribus , jam celebrarentur ; *CREDERETURQUE ILLORUM PRO VIVIS INTERCESSIO* . Item ( p ) Ritus Ecclesiastici , hoc sæculo , mirum , quantum aucti fuere . Inveniuntur hic jam *ALTARIA* - - certa domus congregationibus sacris destinata , Græcè , Kiriaka , ubi nempe ob persecutiones fieri poterat , ut Christiani , certis in ædibus convenirent . Insuper : ( q ) queis ritibus , addimus , sæculo *SECUNDO JAM NATOS , DIES FESTOS , Dominicam , Pascha , Penthecosten , DIESQUE MARTY-*  

R  
RUM

( n ) Pfafius sæculo . 4. cap. 3. §. 9. pag. 77. & 78. ( o ) Pfafius sæculo . 3. cap. 2. §. 2. pag. 48. ( p ) Ibid. §. 3. ( q ) Ibid. §. 4. pag. 50.



**RUM ANNIVERSARIOS.** Sæculo quoque sæcundo dixerat (r): *Loca conventus Christianorum, non fuere templa, qualia tunc nondum extabant, sed Domus private, cœnacula, balnea, porticus, CHRIPTÆ denique & COEMETERIA MARTYRUM* (Si hæc fateamur, sepulchra Martyrum habebantur ad cultum) *In conventibus* (prosequitur) *vero hisce peragebantur* - - *septimò, commemorationes MARTYRUM.* (subticuit, religiosæ) Rursus: (s) *Festa hujus sæculi 2. fuere, dies Dominicus, Pascha, Penthecosten: QUEIS & ADDI POSSUNT ANNUÆ MARTYRUM COMMEMORATIONES. CRUCIS SIGNUM,* jam hoc obtinuisse tempore, nemo facile negabit. Est nè Martyres & Sanctos colere; oblationes pro eis, & memorias celebrare, credentes, eorum intercessionem pro vivis? Hoc si negant Lutherani ex (sæculi quarti) scriptoribus, Athanasio, (t) invocante Mariam Virginem; Gregorio Nazianzeno, (u) orante S. Athanasium; Hyeronimo, (x) rogante ad S. Paulam; & aliis: suum consulant Pfsium, quem sic sæculo 2. & 3. scribentem, pro inventis in fine sæculi 4. imaginibus, dicent *FIDEDIGNUM.* Certe, item, *domus destinatæ sacris agendis; seu Kiriaka, aut Latinè DOMINICÆ,* nonne erunt Ecclesiæ? *Altaria* insuper erecta; *DIES FESTOS, ANNIVERSARIIS MARTYRUM dicatos;* in his, *sacræ commerationes ipsorum;* in usuque *Crucis signum,* dubium relinquent, *Sanctorum, reliquiârum, imaginisque crucis Christi adhuc non inventæ;* cultum Religiosum? Si *Academia Jenensis,* pro tuendo suo *Apologistâ Buddeo,* *Pfsium non fidedignum* pronuntiet; *Tubingensis,* hunc ejusdem *Cancellarium* sustinebit;

(r) Idem sæc. 2. cap. 4. §. 1. pag. 31. (t) Ibid. §. 4. pag. 35. (s) Arthanas. ser. in Evang. de Annunc. B. M. infine. (u) Nazianz. orat. in S. Athanas. in fine. (x) Hyeron. in Epitapho S. Paulæ.

bit, quô, pro ipsius inconsequentiis mutuô Lutherani pugnabunt.

Sed quid, humana, in veneratos, invocatos, intercedentesque pro nobis Sanctos, producimus testimonia? Si cum (y) *Hyeronimo* arguamus; *potius* orandos, intercessurosque (sine *Christi mediatoris* offensâ, 1. *Timoth.* 2.) inferemus eos in cœlo, quam (sine eâdem) *rogabat Paulus* viventes (z) *ipsum adjuvare*, *orationibus pro illo ad Deum* - - utque, nedum pro seipsis, sed (a) *simul pro nobis* (ipso Paulo scilicet) *orarent*, etiam *Thessalonicenses* (b) monet: sicut, (c) *orare pro invicem ut salventur*, instruit cunctos *Jacobus*. Clariûs tamen, rogaturum se, *Petrus*, (d) pro mansuris in vitâ, *post ejusdem obitum*, obtulit, dum adhuc in terris scriberet: intercedentesque de facto, *Oniam*, (e) & *Hyeremiam*, *pro omni populo Judeorum, & universâ sanctâ civitate* legimus, (plurimaque omittentes) invocandos didicimus à *Jacob*, *Angelos*, & sanctos; cum benedicturus *Filis Joseph*, protulit: (f) *Angelus qui eruit me de Cunctis malis* (scilicet à *Laban* (g) & *Jacob*) *benedicat pueris istis: ET INVOCETUR NOMEN MEUM SUPER EOS, NOMINA QUOQUE PATRUM MEORUM, ABRAHAM, ET ISAAC*: quorum merita, nè DEUS deleteret populum, à *Moyse* sibi proposita, aspexit, (h) *placatusque est Dominus*. Et quomodo possent habere (i) *Gaudium in cœlo super uno peccatore pœnitentiam agente*, plus, quam super nonaginta novem justis, qui non indigent pœnitentiâ, si justorum & peccatorum res in viâ, Sanctis non constarent in Patriâ? Parum dicerem, Si *Lutheranis* præsentibus insolubilem ex *Jacob* adductâ deprecatione pro orandis Sanctis, ratio-

R 2

nem,

- (y) Cap. 3. contr. *Vigilantium*. (z) *Rom.* 15. 30. (a) *Colos.* 4. 3. (b) 2. *Thessal.* 3. 1. (c) *Jacob.* 5. 16. (d) 2. *Petr.* 1. 15. (e) 2. *Machab.* 15. 12. & 14. (f) *Gen.* 48. 16. (g) *Gen.* 31. 29. & 32. 2. (h) *Exod.* 32. 14. (i) *Luc.* 15. 7.



nem, assererem: nullam, etiam nascituri, dare valebunt, nisi frivolam, evasionem.

15. Neque *Apologista*, ex non præstitâ sanctis ipsis adoratione, contendens eandem istorum imaginibus denegandam; etsi (pag. 54.,) fassus, sæculo 4. imagines in templis introductas, minimè adoratas; ausus jam est eisdem argumento fidere; ut sæculo, quarto & deinceps, sanctos, nec religiosè adhuc cultos assereret, quò, nec adoratas imagines æquè inferret: timuit siquidem, nos sibi reproducturos, Templum, *S. Epiphania*, ab ejusdem discipulis dedicatum, imagine ipsius in eodem expositâ; sicut Iconomachis opposuere Patres in septimâ Synodo (Act. 6.). Templorum autem dedicationes, impotentes hæretici negare fuisse cultum, blasphemant, jam in sanctissimis sæculi 4. Patribus superstitiosum. Idemque respondebunt ad Religiosum *Constantini* factum relatum à (k) *S. Damaso Papa*, locantis in Ecclesiâ *Lateranensi*, *argenteas, Christi, duodecim Apostolorum, & quatuor Angelorum imagines*: sicut in Ecclesiis per ipsum in *Palestinâ* extructis, ubi maximam, ex auro & argento, imaginum copiam posuisse, refert (l) *Eusebius*. Nec minùs insultabunt in (m) *Basilium* laudantem pictorem, qui in exprimendâ *Barlaami* manu pro Christo combustâ, ipsum *Basilium* in Templo concionantem superaverit; unde potius fortitudinem Christianam persuaderet pictura, quam verba: & in ejusdem fratrem (n) *Gregorium Nisenum*, sacras picturas in Ecclesiâ laudantem, quia solet *pictura tacens, in pariete loqui, maximèque prodesse*: in cunctos, item, sequutos *S. Sylvestrum*, Pontifices, quos (o) *Adrianus I.* refert, templa sacris imaginibus exornasse, quos omnes, nedum contra *Calvinistas*, servandas, sed & con-

(k) Damascus in vita *Constantini*. (l) Euseb. lib. 3. & 4. de vita *Constantini*.

(m) Basil. orat. in *S. Barlaam*. (n) Orat. in *Theodorum*. (o) Libr. pro imaginibus.

contra Lutheranos, adorandas intellexisse, clariùs explicaverat (p) *Basilius*: (contra *Julianum Apostatam*, etiam in sacras imagines debacchatum) *quapropter, imaginum illorum historiam*, (scilicet Christi, Mariæ V., Apostolorum, & Martyrum) *HONORO, & PALAM ADORO, HOC ENIM, à SS. APOSTOLIS NON EST PROHIBITUM, SED IN OMNIBUS ECCLESIIS NOSTRIS, EORUM HISTORIAS ERIGIMUS.* Quibus, nedum exulat omnis, in colendis sanctis, religiosèque veneratis imaginibus, superstitio; sed constans Apostolica suadetur traditio.

Quid autem rationabilius ( ut ad rationes obi- 16.  
ter me vertam ) quam Templum militantis Ecclesiæ, domus æternæ Dei imaginem, externis, tum Christi, tum cæterorum cœli incolarum, quoque similitudinibus representari? Quid iustius, quam, qui venerationem Principi debitam, civilem, ejusdem imaginibus ad hunc finem, ubi præsens non adest, expositis, præstare didicimus; ipsiusque Ministros, salvâ supremâ dignitate Regiâ, interpellemus: Deo verò, dum differtur ejusdem visio, erubescamus, sacrâ adoratione, in imagine, sensibilibus ut signo quodam, prosterni; ipsiusque Ministros Angelos, & ab eo *valde honoratos* amicos colere & rogare propter ipsum DEum, à quo habent ut talibus honoribus digni fierent? Quidque concordius, ( ut cum Patribus sacræ (q) septimæ Synodi loquar efficacius ) quàm, qui, sicut ex auditu, in amorem Dei, per ipsius Verbum accendimur; ex visu quoque, picturâ non minùs motivâ, ad præstandum Deo honorem debitum inducamur? Verba Synodi repetam ut vim rationis ostendam: *Videmus, quod ante sacras sex Synodos, & post has etiam, sanctorum picturæ in Ecclesiâ traditæ fuerint,*

R 3

(p) & habetur in Syn. 2. Nic. Act. 4. (q) Act. 6. Tomo. I. apud Caranza fol.



erint, non aliter ac sacra Evangelii lectio. Nam quæ leguntur, ubi ad aures venerint, ad animum deinde legamus, & transmittimus: & quæ oculis videmus in picturis, ea quoque, mente complectimur: atque per duo ISTA INVICEM CONSEQUENTIA, LECTIONEM, & PICTURAM, unam cogitationem acquirimus, quâ ad recordationem rerum gestarum pervenitur. Unde ex duobus istis sensibus, in Canticis Canticorum (2.4.) invenire licet efficacem conjunctionem; sic enim dicitur: ostende mihi faciem tuam, & me audire fac vocem tuam. Sicut igitur Evangelium audientes, singulariter, detecto capite, erecti, ipsum exosculantes, idem, & Christum in eo loquentem adoramus; ita imagines, & in ipsis objecta sacra, modo superius explicato religiosè colimus. Vel propriùs: sicut is, qui Evangelium non audiens, sed apud se immotis labiis legens, sacram historiam litteris expressam adoraret sibi representatam per visum: quare alius quislibet, idem objectum in picturâ sibi ostensum, eodem religioso cultu adorare non poterit?

17. Sed pariter nunc confundamus novos istos Iconoclastas ad hominem. Et primo; non latet *Calvini* impudentia scribentis: (r) *plusquam ridiculi sunt Sorbonici Sophistæ, (cuncti Orthodoxi debuisset dicere) qui ex præsentis loco: in nomine Jesu omne genu flectatur; genuflectendum esse colligunt quoties nomen Jesu pronuntiatur: quasi vox esset Magica, quæ totam in sono vim haberet inclusam.* (Prescindamus de materiali genuflexione; adorationem enim in ea non consistere, sed in quolibet signo externo, quo submissio exprimitur interna, docemus cuncti Catholici; nec aliud sapientes Sorbonici, ac cæteri, inde, quam nomen *Jesu* adorandum colligimus. Ab *Antilogiâ* tamen liberum *Calvinum* nemo dicet, qui in ipso defenden-

(r) *Calvinus* in cap. 2. Epist. ad Philipens.

dendo infudet.) Legitur enim in eodem: (s) *Ità reputanda est nobis, in hoc nomine JESU, Divina Christi Majestas, ut reverentiam apud nos obtineat, QUÆ UNICO DEBETUR & ÆTERNO DEO.* Num reverentia æterno Deo debita, vera sit *ADORATIO*? etiam *Calvinistæ* respondeant, qui nec aliam sanctis concedunt. *Lutherani* liquidem, audito *Jesu* nomine, inclinato capite, vel externo adorationis signo, *Majestatem religioſe adorationis* ex passionis merito Christo debitam, exterius profiteri posse, non negant. De quâcumque verò, sive exteriori, sive internâ, loquatur *Calvinus*, sic infero in ipsius sequaces: Ratio signi *Jesu Christi*, ob quam tantum, nomen *Jesu* est adorandum, non minus est in picturâ, aut quavis ipsius notâ imagine, quam *in voce*: igitur, illi, æquè ac isti, erit adoratio tribuenda. Quemvis (*Calvinum* ipsum, & *Lutherum* si viverent) illationem inficiantem, ad tyrocinia Dialecticæ remitterem, ut inter signa *vocalia, mentalia, & scripta*, quandam, ignotam usque adeò, differentiam formalem, novo *SOPHISMATE* somniaret. Imò: nomen *Jesu* (etsi pluribus (t) commune) ex appropriatione signi ad *Christum D.*, statuitur reverentiâ soli Deo debitâ venerabile: ergo imago (ad minus, istius) *Christum* Redemptorem & Salvatorem æquè significans, eâdem adoratione digna censetur.

Unicum Primitivæ Ecclesiæ factum, clarissimè ab 18. *Eusebio* (u) asseveratum; à *Sozomeno* (x) confirmatum; à *Damasceno* (y) Creditum; à *Theophilato* (z) narratum; nullo non *Icomomacho* non verum; impotens *Apolo-gista* negare, conatur, mixtis additiunculis, ferèque incognitorum etherodoxorum glossis, eludere (à pag. 54. ad 60.

(s) Calvin. in Math. I. v. 23. (t) Josue. I. Zachar. 3. (u) Euseb. lib. 7. Hist. cap. 18. (x) Sozom. lib. 5. c. 20. (y) Damasc. lib. 1. de imaginibus. (z) Theophilaetus in Math. 9.



ad 60. ) Factum est : Imagò Salvatoris in urbe, quondam *Dan*, postea *Paneada*, tandem *Cæsareæ Philippi*, miraculum sanatæ à fluxu sanguinis mulieris exhibens; continuo prodigio, etiam in signo, inexhaustam Christi misericordiam ostendens. Hoc ut exemplum eludat; *Eusebium*, ex aliis, quid *relatum* (*aiebant, ferebant*) scripsisse, affirmat: cumque, ipsum *Eusebium*, *se vidisse* statuam illam, civitatem ingressum, asserere, non taceat; additum ab alio, *Apologista* tanquam depositarius antiquitatum pronuntiat. Prævenit, se convincendum, in *Eusebio* referendo, falsarium; meretricumque mutuatus impudentiam, antecessit, aliis proprium imponere vitium, Integrum caput 18. *Hystoriæ Eusebii* lib. 7. Latinè vertam, sicut sapientissimus *Mr. Cousin Parisiis an. 1686.* Gallicè offert legendum. Postquam cap. 17. miraculum à nobili Romano *Astyrio* patratum, tollendæ superstitionis causâ in civitate *Paneada*, retulerat; natan- te ejusdem orationibus in *Jordanis* fluvio Victimâ, quæ, quotannis à civibus oblata, ope Diaboli, subitò absorbe- batur à flumine: Cap. 18. sic scribit: *Occasionem itaque nactus, ut de hac civitate loquar; credo non omitendum, notabilissimum id, quod in eâ ASPICITUR. Mulier, quam Salvator quondam à fluxu sanguinis sanavit, erat inde orta. VIDETUR adhuc ejusdem domus, & ante januam, monumentum quoddam ejusdem sanationis, & gratitudinis. Istud est, Columna quædam Lapideæ, binas statuas æreas sustinens: unam, mulieris, flexis genibus orantis; aliam, Salvatoris stantis, amicti diploide, manumque ad mulierem protendentis. GRESCIT ad hujus plantas ignota quædam herba, ad ejusdem usque simbriam assurgens; à quibuscum- que morbis sanandi vim habens. EGO IPSE HANCCE STATUAM VIDI. Nec mirandum, Gentiles, talem me- moriam beneficiorum quæ à Christo receperant, conservasse* sole-

*solebant enim posteritati relinquere hac gratitudinis ipsorum signa, versus eos, qui beneficiis ipsos obstrinxerant. IPSE, QUE VIDI QUAMPLURIMAS, SALVATORIS, PETRI quoque & PAULI, IMAGINES, HOC MODO, AD NOSTRAM ÆTATEM USQUE, CONSERVATAS.* Sunt ne hæc ex relatione aliorum ab *Eusebio* relata, aut à seipso visa? Ubi, nec per somnium, leguntur verba, *agebant, ferebant*, quæ *Apologista* confingit? *ASPICITUR - - CRESCIT - - EGO IPSE VIDI*: sunt assertiva, nè, ex visu, an relativa ex auditu? *IPSE QUE VIDI QUAMPLURIMAS - - ad nostram ætatem usque Conservatas*, antiquissimum imaginum usum primorum Ecclesiæ sæculorum vertent in dubium? Unde inferet *Apologistâ* (pag. 56.) hanc à consuetudine Gentilicâ derivatam consuetudinem, Christianæque Ecclesiæ minimè probatam (plura in *Eusebio* verba farciens); cum *Eusebius* tantum dicat: *nec mirandum esse quod beneficiorum receptorum à Christo piam memoriam, etiam Gentiles permiserint?* Tot, insuper, *Salvatoris, Petri, & Pauli* imagines, à Gentilibus dicemus erectas; an inter ipsos, fidelibus, venerationi permissas? Si adhuc, falsâ devotione mulieris, ipsam, in erectione *Statuæ*, cum *Apologistâ* (Ibidem) vocent Lutherani *mulierem Ethnicam*: sicut insolentiùs *Calvinus* (a) ipsam asseruit, in tactu *simbriæ Christi, supersticiosam*; Christum ipsum audiant, (b) *fidem ipsius quæ eam salvam fecerit, prædicantem*; ipsamque in pace dimittentem; (c) *ut cognosceret seipsam à peccatis mundatam*, (ait *Scholias* *Chrysostomi*.) Nec *Martham Magdalena* Sororem, dicam hanc, cum (d) *Ambrosio*; nec *Veronicam*, Christo occurrentem Crucifigendo, eique linteum offerentem, cui impressa effigies Christi fuerit deterensâ facie, credam, ex

S

Apo-

(a) Calvinus. ap. Corn. à Lap. in cap. 5. Marci. (b) Mar. 5. 34. (c) Scholias, Chrysost. ibid. (d) Ambr. lib. de Salomone cap. 5.



Apocripho *Nicodemi Evangelio* : sed piam foeminam, ex profluvio sanguinis afflictam, verâ fide Christum quaerentem, & comprobato miraculo, amorē Christi accensam, dimissamque, nedum sanam, sed justam.

19. *Non cultus, aut venerationis causâ, sed in beneficii recolendi memoriam, (Apologista balbutit adhuc) statuam illam fuisse erectam. Faveat quilibet denuð legere (cap. 19. sequenti,) ipsum Eusebium : Hyerosolimis (ait) Fideles, apud se adhuc retinent sedem Jacobi dicti Fratris Domini, à Salvatore & Apostolis ejusdem civitatis Episcopi constituti : EANDEMQUE MAXIMA VENERATIONE CONSERVANT. Quod clarè demonstrat Christianos, ÆQUE TRANSACTIS SÆCULIS, ac NOSTRO (erat initio 4.) QUAM MAXIME, OMNI TEMPORE, SANCTOS HONORASSE, ob amorem quo ipsi in Deum ardent. Eusebium advocavit; Eusebium audiat. Ipso, quo usus est teste; nedum Imagines, sed & Sanctos, eorumque reliquias, religiosâ veneratione cultas, à primis Christi sæculis, discat.*

20. *Quod si Sozomeno (e) juxta Apologistam (pag. 57.) credamus; statuam hanc religiosè cultam, non tantum ex loco sacro in quem translata refertur, postquam ope Juliani Apostatæ fracta fuit; sed etiam ex motivo Imperantis illius Luciferini, amplius convincemus. Julianum, in Christum, contemptim Galileum vocatum, ferali odio furem, statuam hanc dejecisse; Ethnicoque more, inter Divos, adhuc vivus, referri cupientem; supra eandem columnam, loco dejectæ Christi imaginis, suam constituisse effigiem; quam fulminis ictu defiliisse, Cœlum decreverit; (f) est compertissimum. Quidni adorari Christum in illâ statuâ Julianus viderit; qui effigiat*

tus

(e) Lib. 5. hist. cap. 21. (f) ex Sozomeno ibid. & ex histor. Tripart. lib. 6. cap. 19. ap. Cornelium. ubi sup.

tus ibidem, Christo major adorari voluit? Quique, juxta *Cyrillum Alexandrinum* (lib. 6. contr. Julianum) reprehendit Christianos, quod Jovis arma cessaverint adorare, interimque Crucis lignum adorent, *imagines illius in fronte, & ante domos, pingentes*; Taceamus, quod à Christianis Imago Christi resecta, in Templum translata fuerit, nè, *Philostorgium*, Philo-stupidus alius *Apologista* confingat; cui nævum de non adorandis imaginibus *Vallesius* detegat, vel addat, sicut *Apologista* noster talibus *Ecclesiæ Lutheranae* Patribus usus putat (pag. 58.) doctissimis *Catholicis* Scriptoribus *indissolubilem* texuisse *nodum*. Certè non crediderim, Catholicos Scriptores similium homuncionum erroribus anxios; quos, primos *Iconomachos*, in *Synodo septimâ*, nec memorasse legimus. Quid quod *Eunomianus* fuerit, quidve quod Novatores *Iconoclastam* quoque ipsum producant? Fateor, apud (g) *Pfassium*, inter Scriptores 5. sæculi, legisse me, Historiographum hunc *Philostorgium*, sed pluribus Græcorum Authorum tabulis recensitis, nec nisi illaudandum legi in aliquâ nominatum: unde, quem Græci quondam ad *Iconomachiam* Pseudo-Synodicam non noverunt, in nonnullo *Lutheri* archivio, novi *Iconomachi* conservarunt. Apud ipsum *Henricum Vallesium*, (præfat. in *Philostorg.*) hunc, *Autorem Deo invisum*, ex *Nicephoro Callixto*, audient; ex *Photio* Patr., hominem impium, *minimæque fidei in Catholicos*, cujus affectatus Stylus Poesim plus sapiat, quam historiam: Plurimum hæreticos laudantem, lacerantem ad extremum usque Catholicos; in *S. Athanasium* injuriosissimum (addit in *Dictionary. Morérius.*) *Arianus*, ergo, & *Eunomianus*, quid ad nos, quod verè, vel fictè, fiat à *Lutheranis Iconomachis*.

Rationabiliùs meminerimus, (h) *Evagrii* (qui sæ- 21.

S 2

(g) *Pfassius* sæc. 5. cap. I. pag. 102.

(h) *Lib. 4. cap. 26.*



culo 6.) *Joannis* (i) *Damasceni* (qui 8) & *Simeonis* (k) *Metaphrastes* (qui sæc. 10.,) referunt patratum *Edeſſæ* miraculum, ad imaginem ibi conſervatam à Chriſti tempore, in linteo facie Chriſti impreſſâ, miſſam ad Regem *Agabarum*; cujus translationis, ab *Edeſſâ* *Constantinopolim*, diem feſtivum ducebat illa Patriarchalis Eccleſia. Aut *S. Athanaſii*, (l) (ſivè Authoris ſibi Coævi, sæc. 4.,) qui (juxta Synodum 7. Act. 4.,) imaginem memorat Chriſti, à *Nicodemo* factam, à Judeis miraculoſo manante ex ea ſanguine crucifixam, innumeris prodigiis claram. Nè referam cunctos Scribentes, *S. Lucam* plures *B. Virginis* depinxiſſe imagines: *Ambroſium*, (m) noſcentem in viſione ſanctum *Paulum*, quem antea in imagine ipſius pictâ viderat pluries & oraverat; & alios plurimos: quibus clareſcit allata *Baſilii* ſententia, *adorandi imagines*, pietate *traditâ ab Apoſtolis*. Iconomachiam ſiquidem *Caroli Magni* inſinuatam (pag. 59.), inferiùs ubi *Apologifta* eam repetit, vindicabimus.

22. Ex *Tertulliani* (jam *Montaniſtæ*) iteratâ Confefſione (lib. de pudicitia cap. 7. & 10.,) depictæ imaginis, ſuo tempore, perditæ ovis, quærentisque & eam reducentis ad ovile Paſtoris, in ſacris calicibus: ſicut ille fateri noluit ſignificatum Chriſtianum hominem in perditâ & reductâ ove, ſed Ethnicum; nè poenitentiam lapſis poſt baptiſmum utilem, contra *Montaniſtas* concederet: ità *Apologifta* (pag. 61.) Chriſtum in Paſtore expreſſum, negari poſſe concedit. Ratio audiatur: quia *Tertullianus nec dicit, nec ex verbis ejus colligi poteſt. Evangelicos* eſſe audebunt Lutherani amplius venditare; an *Tertullianiſtas*? Legunt in Evangelio, Chriſtum ſe affirmantem Paſtorem (n) *bonum* - - (o) *non veniſſe, niſi*  
ad

(i) Lib. 1. de imagin. (k) In vita Conſtanti M. (l) Lib. de Paſſione Imag. Dni. cap. 4. (m) Epiſt. de invent. corp. SS. Gervafii & Prothaſii, apud *Su- rium*. (n) Joan. 11. (o) Math. 15. 24.

ad oves, quæ perierant domus Israel - - (p) potius ituros jubentem Apostolos, ad oves, quæ perierant - - (q) &, sicut oves antea errantes, conversos, (ait Petrus) ad Pastorem, & Episcopum animarum, fideles : in Christi autem depicta (r) parabola : Pastorem Christum non esse contendit, quia Tertullianus non dixit? Non minori, (certius ego dicam) sed majori scelere, negat Apologista, in Pastore, Christum; quam in ove, negavit Tertullianus lapsum Christianum peccatorem : hic enim adminus Ethnicos fatetur à Christo reductas oves : ille, Pastorem negans Christum, cunctas ipsi adimi consequenter inferet. Sed Tertullianum, (verbis ab Apologistâ adductis) audiamus : (s) ipse picture calicum vestrorum (idest Catholicorum) si vel in illis perlucebit interpretatio pecudis illius, UTRUMNE, CHRISTIANO, aut ETHNICO peccatori de RESTITUTIONE conliniet. Sive Christiani, sive Ethnici, RESTITUTOR, posset, nisi ab Ethnico, negari Christus, ut dicat Apologista, ex verbis Tertulliani, Christum, in Pastore restituente, colligi non posse? Christianum semel post baptismum lapsum, negabat Tertullianus reduci; pro Ethnico tamen perduto ad ovile Christi restituendo, supponebat Christum Pastorem - - quem, ex Orthodoxâ doctrinâ penitentia secunda; hæreticus infert : (t) prostitutorem Christiani Sacramenti; & moechiæ asyllum post calicem sequuturæ. Ex verbis igitur, quibus Tertullianus blasphematur, Apologista ineptit.

Esto verò (prosequitur) dicatur, fuisse Servatoris imaginem; num statim inde sequitur, eo tempore, imagines, in TEMPLIS, AUT LOCIS in quibus SACRORUM peragendorum CAUSA Christiani conveniebant, positas fuisse; & quidem, ut cultus quidam aut veneratio iis exhiberetur? (Bone DE-

S 3

(p) Math. 10. 6. (q) 1. Pet. 2. 25. (r) Luc. 15. 5. (s) cap. 7. de pudicitia. (t) Ibid. cap. 10.



DEus ! ) Utentur *Lutherani* Calicibus, in *Templis*, an in cauponis? *Calicum* nê usus, de quibus *Tertullianus* loquitur, negat *Apologistâ*, fuisse in locis, ubi *Sacrorum peragendorum causâ Christiani conveniebant*? Potiùs dubitari potest, num ipse sit *Christianus*. Neque melius exprimi poterat *cultus & adoratio exhibenda* imagini; quam locando illam *Christi Pastoris*, ovem perditam recuperatamque reducentis, in *Sacerrimo* nunquam satis adorabili *Calice* continente verum sanguinem, quem pro ove redimendâ & sibi *Lucrandâ* *Divinus ille Pastor* effudit. Nê igitur putet *Apologistâ*, *Orthodoxos*, *Tertulliani* tempore, calices sacros ita vulgariter exposuisse, sicut *Lutheranorum Fratres Bohemos*; qui (u) in vexillis bellicis, plateis, & muris, eos pingebant, inde *Calixtini* vocati; de quibus metricê:

*Tot pingit Calices Bohemorum terra per urbes,*  
*Ut credas Bacchi Numina sola coli :*

*Sacratius*, *Vasa* *Divino Sacrificio* destinata, in loco *Ecclesiæ* dicto *Diaconio*, fervabantur, in quo, simul repositam statuam *Christi Paneadensem*, refert ex *Philostorgio* ipse *Apologistâ* (pag. 57.) male inferens mansisse extra *Ecclesiâ*; *Vasa sacra* siquidem, apud *Græcos* servari in *Ecclesiâ*, ad sinistrum latus sanctuarii, nullus qui *Ecclesias* viderit ignorat. Usus vero calicis, in *Ecclesiâ*, & cum summâ adoratione fieri, negabunt illi qui (x) *bibent de manu Domini Calicem iræ ejus*, nisi *Divinus Pastor* eos ad veri ovilis calicem sacrum gustandum reducat.

24. *Parviharitis* iterum, à quarto sæculo, sanctis *Ecclesiæ* *Patribus*, quorum doctrinam sibi obijciendam confundere impotens, blasphemiat erroneam (pag. 62.): positivê prohibitam tribus primis sæculis ut probet  
 ve-

(u) Vide *Historicos*, etiam *Lutheranos*. *Kromaier*. Cent. 15. pag. 557. *Psalium*. sæc. 15. cap. 3. §. 2. pag. 282. (x) *Isa*. 51. 17.

venerationem imaginum, vel adminus, in usu fuisse nullo: ad Nationalem *Hispaniæ Synodum Eliberitanam* (aliis *Illiberitanam*) anno 305. à Christo nato Celebratam provocat; ubi (Can. 36.) dicitur: *placuit, picturas in Ecclesiis esse non debere, nè quod colitur aut adoratur in parietibus depingatur.* Præsto sum, ut Religiosissimos Synodi hujus Patres in meo *Cathalonie* (y) Principatu, (Urbe nunc *Colliberis*) convenientes, à nefandâ *Iconomachiâ* defendam. Nec ad hoc dicam *supposititium canonem*, aut tantum pro *Bethicâ* (melius *Cataloniâ*) *Provincia* decretum; aut solas *imagines Dei aut Trinitatis* comprehendere; aut *contra Synodum illam furorem effundam*; sicut, fecisse Catholicos authores accusat *Apologistâ* (pag. 63.) Nec tandem, prohiberi picturas in parietibus, ne temporis decursu deformarentur aut decolorarentur, ut frivolè tangit Hispanus (z) *Chronographus Mariana*; nam contingens earum destructio nil obest, quin Catholicorum, & plus Græcorum Ecclesiæ, pictis ad parietes imaginibus exornentur. Secundam (a) *Nicolai Sanderi* repetam, & confirmabo rationem: ne à *Gentilibus*, in persecutionibus, contumeliosè tractarentur. Hanc forsàn *Apologista* legit, Sed eam subticuit; nè, sacrilegis Protestantium, in *Galliâ, Belgio, Helvetiâ, Angliâ, & alibi*, insultibus, compelleretur fateri verissimam. Quam, priusquam fusiùs solidiùsque suadeam: noto, *Apologistam*, verba Canonis fideliter relata in initio, postea invertisse, cum (pag. 64.) scribit: *tumque ratio additur (nè picturæ sint in Ecclesia) quod nefas sit, adorare, aut Colere, id quod in parietibus depingitur.* Nil mirum, Lutheranum authorem Lutheranos sic volentes seducere; absit tamen ut transpositis verbis Orthodoxis me-

(y) Pujades *Chronica de Cataluña.* (z) Mariana. *hist. de España.* lib. 4. cap. 16. (a) Sanderus lib. 2. de cultu imag.



metum incutiat. Quis extremum non Capiet discrimen inter hæc duo : ne *QUOD COLITUR, AUT ADORATUR, in parietibus depingatur*, quod Canon expressit : & : *nefas est adorare aut colere, quod in parietibus pingitur*, quod Apologista transvertit ? Primum, aliquid adorandum supponit, quod Cavet *depingi* : secundum, *picturem* supponit, cujus adorationem vetat. Primum decernit Canon, *quod colitur de facto, aut adoratur*, supponens : secundum, fingunt *Inconomachi* ; quô adorationem signorum prohibitam somnient, ex verbis ipsis quæ adorationem supponunt.

25. Utque clariùs patefcat motivum canonis adducti, attendi debet ad statum Ecclesiæ in Hispaniâ, tempore Synodi illius. Etiam si daremus, habitam istam post *Nicænam* 1. immediatè, sicut sentiunt quidam, pace jam Ecclesiæ datâ per *Constantinum M.* : certum est tamen ex historiographis, Imperium Romanum non ita pacificè possedisse tunc Hispaniarum regna, ut Gentilitatem inde *Constantinus* funditùs extirpaverit : effrenes siquidem, *Gothi, Wandali, Alani, Silingi, Suevi, & Salii*, Europam, sæculo. 3., nedum armis in Romanos motis, sed idololatræ veram Religionem Christianam respuentes, agitarunt ; itaut, tempore *Decii*, etsi priùs devicti (b) *Gothi*, usque in Italiam penetrantes, ipsum, ejusque filium oppugnarent & interficerent ; usquequô, tempore *Flavii Claudii*, (c) cum *Herulis* ad trecenta hominum millia extensi, in *Mysiâ & Macedoniâ* dispersi, ab isto oppressi sunt. *Hispania* itaque, tot nationum tunc afflicta sedes, (d) sustulit, in *Galleciâ Suevos* ; in *Lusitaniâ Alanos*, in *Betica, Silingos, & Wandalos* ; & licet *Celtiberi* Romano Imperio pro majori parte parerent ; *Gothi*,

(b) Kromaler. Cent. 3. pag. 120. (c) Idem pag. 123. (d) Mariana lib. 4. cap. 1.

*thi* tamen versus *Pireneos* montes confedentes, tandem fortiores, cœteros debellantes, totam *Hispaniam* occuparunt. Nec Gothos usque ad sæculum 4. Christianam legem amplexos, legimus, Baptizato eorum Rege *Alarico*: imò eisdem Christianos Doctores petentibus, invenimus (e) missos à *Valente*, *Valentiniani* fratre, & Imperii consorte, *Ariano*, ejusdem sectæ homines, à quibus eodem toxico inficerentur; usque ad *Reccaredum* (f) Regem, qui sub fine sæculi. 6. in Synodo *Toletana* 3. ex *Ariano* Orthodoxus declaratus est. Sicuti ergo *Gothorum* anterior Ethnicismus, ita *Arianismus* (g) consequens valde conturbavit *Hispaniam*. Quarum nationum mutuae tunc temporis clades, visæ sunt *Ambrosso*, (h) Signa, ex Christi sententiâ (Luc. 21. 10.) mundi finem antecessura: *surgendi gentem contra gentem, & regnum contra regnum*. Verosimilius tamen judicant authores, synodum *Elibertinam*, celebratam, circa annum 300. vel 305. (apud *Tillemontium*, in notis ad Tom. 7. not. 1. ad *Ossum*. pag. 714.) unde vigente in Hispaniâ idololatriâ.

*Hispaniam* itaque, etfi per *Jacobum* Apostolum fi- 26.  
de Christi dicamus illuminatam; (i) quibusdam per eum conversis, ex quorum numero, septem postea *Episcopi* à *Beato Petro* ordinati, in *Hispaniam* primi directi sunt: non tamen ibi taliter quievit Ecclesia, ut persecutionibus Imperatorum, Gentiliumque ibi dominantium, motis, innumerabilium illic Martirum sanguine irrigata non cresceret, usque ad fines sæculi 4. & amplius. Primum, fusiùs ostendi, in oratione sacrâ, quam in Festo *S. Jacobi*, in Templo Catholicorum Moskuæ, anno 1729. à me dictam: (sub titulo: *Nomenclatura Boanêrgica*) Mag-

T

næ

(e) Vide *Kromaier*. Cent. 4. ad *Valentinianum* pag. 174. (f) apud *Caranza* pag. m. 170. concil. *Tolet.* 3. (g) Vide *Mariana* lib. 4. cap. 1. (h) lib. 9. in *Luc.* 21. (i) *Breviar. Rom.* in festo *S. Jacobi* lect. 2. noct.



*nae Britanniae, Scotiae, & Hiberniae Regi dicatam, Typis Petropoli editam, jussu Praesidis Academiae D. de Blumen-  
drosdt; receptis pro 100. Exemplaribus, scutis quadragin-  
ta per ejusdem Academiae Bibliothecarium, D. de Schu-  
macher; duobus tantum clandestinè ex typographiâ ha-  
bitis, & ficto impressionis loco (Romae &c.) prænomi-  
natorum fraude, nunquam nobis tradi, (scio, quod po-  
tentioris Proceris ope) siverunt. (Nec mirandum, Lu-  
therani siquidem omnes sunt, de hac eorundem justitiâ,  
& fide, etiam civili; hoc sentiendum, quod tales alat,  
& honoret viros, Monarchia Ruthena.) Secundum, præ-  
ter communiore historias, notavit Augustinus; (k) cu-  
jus tempore (Sancti Episcopi (quidam) de Hispania pro-  
fugerunt; prius plebibus, partim fugâ lapsis, partim peremp-  
tis, partim obsidione consumptis, partim Captivitate disper-  
sis: sed, multo plures, illic manentibus propter quos mane-  
rent, sub eorundem periculorum densitate manserunt.*

27. Quis igitur dubitabit, afflictam tunc in Hispania  
Ecclesiâ, congregatis 19. Episcopis, cum celeberrimo Osio;  
quos inter, pro fide passi, membro quodam corporis ca-  
rentes non deerant; quosque Orthodoxos, Sanctos, & pe-  
nè non Martyres, fatetur Græcus (in Latinos injuriosissi-  
mus) Georgius Coressius Chius, Medico Theologus, novis-  
simus elapsi sæculi scriptor (Prolegom. ad synopsim  
Nili cap. 4.); quorumque laudes insinuat Tellemontius,  
tom. 7. tit. de Osio art. 2. pag. 303.; quis inquam dubi-  
tabit, istos, sanctissimo zelo canones illos edidisse sem-  
per à viris sapientibus magni habitos, magnique roboris  
in Latinâ Ecclesiâ? Viguisse tunc idololatriam Gothorum,  
cæterarumque Gentium, constat ex Can. 1. ipsius Syno-  
di, decernente contra eos qui post baptismum idolatra-  
verint; & Can. 17., contra eos, qui Sacerdotibus idolo-  
rum

(k) S. August. Epist. 180. ante medium.

rum filias matrimonio junxerint. Igitur, P. P. timen-  
tes illic persecutiones Gentilium, sacras imagines (quas  
*adorandas* supponunt) *non depingendas* statuerunt, non  
absolutè, sed *in parietibus*, quomodo, à Ludibriis ido-  
lolarum advenientium liberari non poterant: hoc-  
que sonant Canonis verba: *nè quod adoratur aut colitur,*  
*in parietibus depingatur*: sicque, extra parietes, siue pi-  
ctæ, siue sculptæ imagines, tunc essent, ut casu requi-  
rente, Gentilium sacrilegiis non manerent expositæ, si-  
cut Iconomachorum insultibus visum est sequentibus  
sæculis. Quisquis *Hispanias* peragraverit, propheticum  
illorum Patrum spiritum dicet: millena ibi inveniet  
erecta sanctuaria in honorem inventarum imaginum,  
hîc miraculosè designato loco, illîc casu reperto, ubi  
sepultæ jacebant. Has, tum lapideas, tum luteas, tum  
ligneas, sepelierant Christiani ab inculcaturis Gentilibus,  
noviterque Mahumedanis, defendendas. Inter cunctas  
(etiam nonnullas nostro tempore repertas) eminet Bea-  
tissimæ Virginis statua ad 7. à *Barcinone* miliaria, in ferè in-  
accessibili *Monte Serrato*, miraculosè manifestata, ubi *Bar-*  
*chinonensium* quondam *Comitum* pietate, ex antro, quo  
delituerat, in Magnificentissimum Templum translata,  
à ducentis Monachis, diurnis & nocturnis laudibus co-  
litur; dispersis inter præruptas illas saxneas pinnas exem-  
plarissimis Eremitis invocatur; convenientibusque è to-  
to ferè terrarum orbe peregrinis, continuatâ Miraculo-  
rum praxi, sanctissima Deipara, in imagine adoratur.  
Constat igitur, ex motivo, Canonis *Eliberitani* sensus,  
qui nullatenus contra imagines fuit, quas *adorandas* as-  
ferit; sed ad ipsarum Cavendas contumelias, imminen-  
te persecutione Gentilium, pictas in parietibus non si-  
nere decrevit. Vanissimè, inde, *Apologista* (pag. 62.)



ad *Agobardum Lugdunensem* recurrit ; virum , ob seditionem contra *Ludovicum pium* , ab Episcopatu synodicè depositum ; etsi postea , sub *Lothario* , cujus Imperium vivente *Ludovico* Patre procuraverat , restitutum. Hunc , imaginum cultum non damnassee sustinent *Galli* , sed earum venerationem ad prototypos referendam docuisse. Quidquid de ipso sit ; nil auctoritatis præstare vir hic poterat *Iconomachis* , si malè intellecto Canone *Eliberitano* , contra Orthodoxam imaginum adorationem scripserit. ( Vide plures apud *Moreri* in Dictionario. )

28. Mirum tamen est , *Apologistam* , dum Sanctorum ipsorum adorationem , ad eosque directas preces , invocationesque , evigilans *Vigilantium* ( quem , *Dormitantium* potiùs apellandum , sensit (l) *Hieronymus* ) antea improbaverat ; Canonem 34. prædictæ Synodi non adduxerit : (m) *Cereos , per diem , placuit in cæmiterio non accendi. Inquietandi enim Sanctorum spiritus non sunt ;* quo , sicut Lutherani , supersticiosam accuset pietatem colendi , & sanctos , & eorum imagines , accensis in eorum honorem luminibus. Sed jam sibi responsum scivit , Christianos noviter ex Gentilitate conversos , inter istius reliquias , non plenè purgasse errorem illum , quo , defunctos inter Divos relatos putabant luminibus & clamoribus evocandos : quomodo inter Hæbreos extitisse Pythonem habentes , qui fallente Diabolo , fingebant fuscitari & respondere mortuos , constat ex (n) muliere illâ , quam consuluit *Saul* ut fuscitaret *Samuelem* , qui eodem usus est vocabulo Regem increpans : *quare INQUIETASTI me , ut fuscitarer* , quo , Canon decernit , *inquietandos Spiritus Sanctorum non esse*. Fuerit enim Phantasma , ope demonis *Samuelem* adumbrans , ut sensere (o) plures ;  
vel

(l) Hyeron. lib. advers. *Vigilantium*. (m) Apud caranza. pag. m. 39.

(n) 1. Reg. 28. (o) Theodoretus , Tertulianus , Rupertus , Beda , & alii.

vel ipsa *Samuelis* anima in assumpto Corpore, ut veriùs judicant (p) alii ( juxta sacram litteram, Eccl. 46. 23. ) suscitante Deo *Samuelem* antequam mulier magicè eundem evocaret : increpatur tamen *Saul* conatus , quo , postquam *abstulerat magos & ariolos de terrâ*, Pytonissam *inquietaturam Samuelem* consuluit : eadèmq; Magia Gentilica, aut error, dicto canone prohibetur. Quod si de Sanctorum honori dicatis accensis luminibus , repellant Lutherani, cum *Vigilantio* : magnum honorem præbent hujusmodi homines beatissimis Martyribus, quos putant de vilissimis cereolis illustrari - - Respondebit Hieronymus ( Acut *Vigilantio* ) : *confiteor* ( si hoc judicant de substantiali gloriâ Martyrum ) *zelum Dei habent, sed non secundum scientiam.* Addet tamen idem : *causabantur quondam & Apostoli, quod periret unguentum ; sed Domini voce correpti sunt.* Neque enim *Christus* egebat unguento, nec Martyres lumine cereorum ; & tamen illa mulier in honorem *Christi* fecit, devotioque mentis ejus recipitur : & quicumque accendunt cereos, secundum fidem suam, habent mercedem ( & infra ; distinguens pietatem ritus Catholici, à superstitione Gentilium & idololatriâ ) *illud fiebat Idolis, & ideo detestandum est : hoc fit Martyribus, & idcirco recipiendum est.* Confundatur hinc insolentia Lutheri, quâ hæreticis antiquissimè abominatis, Sanctos PP. Ecclesiæ postponere, discipulos suos edocuit, scribens ( in postillâ exaltat. S. Crucis : ) *Si adhuc Vigilantii monumenta superessent, quemadmodum Hieronymi etiamnum extant, facile crediderim, eum multò Christianius super hoc ( de veneratione SS. in Sacris reliquiis ) quam ipsum Hieronymum, scripisse.* O, impudentia ! sed de ipsâ fatis - - - Quod, si de cereis, ad cæmeterium *Bustetumve*, sepeliendis *Christia-*

T 3

(p) Ambros. in Luc. 1. Hieron. in Isa. 7. August. lib. decura pro mort. Lira Cayetan. & alii.



stianorum cadaveribus, accensis, male intelligantur Canonis verba; sicut ( Catholicus etsi ) ut Synodum reprobareret, intellexit Græcus *Nicolaus* (q) *Comnenus* ( infra eapropter redarguendus ): Respondebunt, *Gregorius* (r) *Nissenus*; comitasse funus *S. Macrinæ*, plures, qui *cereas lampades haberent præ manibus*; & *Hieronymus*, (s) idem, in *S. Paulæ* funere referens: ideóque, nîl istorum damnavit Synodus, sed superstitiosam mortuorum evocationem, quam diximus à Gentilibus & Judæis relictam.

29. Nec, itaque, à tuendâ sacrâ illâ Eliberitanâ Synodo desistam, quin Catholicis quoque Scriptoribus eam minus veneratis satisfaciam. Injustè siquidem *Comnenus* idem addit; reprobata esse Synodum illam quoad plures ejusdem Canones decernentes, *nec in fine vitæ dandam communionem* pluribus gravius delinquentibus; per Synodos, *Ancyranam*, Can. 6.; *Nicænam* 1. Can. 12., ubi Eucharistia, cunctis, etiam sceleratissimis, in morte, vocatur *necessarium vitæ æternæ Viaticum*, ideoque decernitur, neminem eâ defraudandum; *Agathensem* Can. 11.; & alias. Injustiúsque, *Bellarminus*, (t) *communione* illic negatam, intellexit de veniâ & reconciliatione cum Ecclesiâ, quam à peccatis in foro interno nunquam negavit Ecclesiastica disciplina rigidior, ut videbimus. Supposito igitur, ( cum *Alexandro Natali*, Tom. 6. pag. 667. 679. & 687. & aliis, utilissimos & disciplinæ Ecclesiasticæ illius temporis valde consonos Canones ipsius probantibus ) Synodum *Elibertinam* negandam *in fine Communionem Eucharisticam* decrevisse, Can. 1., ei, qui post baptismum idolatraverit; Can. 2., Sacerdotibus, præter moechiam, idololatri; Can. 6., malefico, qui Diabolum coluit

(q) Nicol. Comn. Resp. 5. mystagog. Sect. 4. n. 8. pag. 315. (r) Nissen. in vit. S. Macrinæ. (s) Hieron. in vit. S. Paulæ. (t) Tom. 2. Controv. 4. lib. 2. cap. 9.

coluisset ; Can. 7. , relapsis , post pœnitentiam primæ , in secundam moechiam ; Can. 8. , fœminis , quæ alteri nupserint marito superstite ; Can. 12. , Parentibus , pro filiis , lenocinium exercentibus ; Can. 17. , nubentibus filias cum Idolorum Sacerdotibus ; Can. 18. , Episcopis , Presbyteris , & Diaconis , in ministerio , scandalose moechantibus ; Can. 63. , filios ex adulterio conceptos occidentibus ; Can. 65. , Clericis moechari uxores facientibus , vel moechantes non relinquentibus ; Can. 66. , privignas in uxores ducentibus ; Can. 71. , puerorum stupratoribus ; & , Can. 75. , falsò accusantibus Episcopos , & Presbyteros , horum crimina probare impotentibus : Non negabo *Commæno* fuisse Patrum illorum *rigidissimam severitatem* ; sed nec concedam ab aliis Synodis *reprobata* , etsi aliter fiendum postea senserint : fateborque in Græciâ , & Oriente , benignius semper datum *Viaticum* , quin Patres reprobaverint , aut mentionem fecerint moris Latinorum , *rigidius* , sceleratissimis , in fine vitæ Communionem negantium ; mitioraque postea jura circa hoc statuentium. Nam Synodus *Ancyra*na ( si *Caranza* fidelis est Author ) habita Anno 308. in *Ancyra* urbe *Galatiæ* ( aliàs *Gallogræciæ* ) ad Latinos nîl attinebat ; *Nicena* verò , dato , quod per *viaticum necessarium* , Eucharistiam dandam explicet , ( de quo est lis inter *Canonistas* , quorum plures pœnitentiam Sacramentalem intelligunt , apud *Petrum Annatum* Tom. 2. lib. 5. sect. 3. art. 2. not. 7. pag. 35. & *Bellarminum* supracitatum : ) morem tamen Latinorum non increpavit , ut videbimus ex *Innocentio I.* Aliæ Synodi sunt valde posteriores. Eucharistiam , in voto , necessariam *simpliciter* , *necessitate mediæ* , ad salutem , ( u ) docemus omnes Catholici : in re autem suscipi , *necessarium* ( x ) adultis *necessitate præcepti* , nedum *Ecclesiastici* , sed

( u ) S. Th. 3. p. qu. 73. art. 3. ( x ) Idem qu. 80. art. II.



sed & *Divini*, (Joan. 6. 54. & Tridentinum ses. 13. cap. 3.) Cum tamen Christus, salvâ Sacramentorum substantiâ, plenariam potestatem in istorum administratione Ecclesiæ contulerit; potuit ista, & adhuc posset, ad horrorem quorundam criminum altius animis imprimendum, sacri viatici Communione licitè privare; sicque jure Ecclesiastico usos PP. *Eliberitane* Synodi docent (y) Authores non pauci, nec tantum *Hispani*. Nec per hoc dicam fuisse non benè consultū postea, mitigatâ antiquorum severitate; imò, *Pium V.*, (z) legimus, An. 1569. correxisse consuetudinem Hispanorum, reis morte plectendis Eucharistiam eòusque denegantium: ex quo tempore (a) non excusabuntur plures belli duces apud DEum, qui milites, & alios, in fragranti deprehensos, in proximâ arbore, subitò, absque Communione suspendi jusserunt.

30. Sicut, ergo, injustè dixit (ubi suprâ) sapientissimus *Comnenus*, ( & certè miror de tanto Viro, in jure, tum Græco, tum Latino, celeberrimo ) *Acta septimæ Synodi abrogasse Canonem hunc 36. Elibertinæ*, quo, supponit quasi damnatas ab istâ imagines: æque indebitè addit, *reprobatos prædictos Canones de non dandâ in fine communionis*, per alias Synodos. Dixisset *mitigatam severitatem rigidissimam*, & subscriberem: *reprobata* tamen; ut noscant cuncti quantum deliquerit; audiatur sanctissimus & eruditissimus Romanus Pontifex *Innocentius I.* sanctorum *Hieronymi* & *Augustini* cocetaneus; ab illo (b) mirificè laudatus, in Romanâ Ecclesiâ (c) sanctis annu-meratus, nemini ob sacras sanctiones non celebris. Hic, Epistola ad *Exuperium* Tolosanum Episcopum, cap. 2. sic

(y) Vide Isambertum ad qu. 80. S. Th. disp. 4. & Abelli Episc. Ruthenensem. Medul. Theol. Tom. 2. Tract. 1. cap. 4. Sect. 9. n. 3. pag. 83. & alios. (z) Wigan-  
d. Tribunal Confessarior. Tract. 12. exam. 4. n. 49 (a) Idem ibid. (b) Hieron. Epist. ad Demetriadem. (c) Breviar. Rom. die 28. Julii.

sic scribit : (d) *Quæsitum est , quid de his observari oporteat , qui post baptismum , omni tempore , incontinentia voluptatibus dediti , IN EXTREMO FINE VITÆ SUÆ , pœnitentiam simul , & reconciliationem COMMUNIONIS exposcunt. De his , OBSERVATIO PRIOR DURIOR , POSTERIOR , interveniente misericordiâ INCLINATOR est. Nam CONSUETUDO PRIOR tenuit , ut concederetur Pœnitentia , sed COMMUNIO NEGARETUR. Nam cum illis temporibus crebræ persecutiones essent , nè communionis concessa facilitas , homines de reconciliatione securos non revocaret à lapsu : NEGATA , MERITO , COMMUNIO EST , CONCESSA POENITENTIA ; nè totum penitus negaretur ; & durior remissionem fecit temporis ratio. Sed postquam Dominus noster pacem Ecclesiis suis reddidit , jam depulso terrore , COMMUNIONEM DARI OBEUNTIBUS placuit , & propter Domini misericordiam , quasi VIATICUM PROFECTIONIS ; & nè Novatiani heretici negantis veniam , asperitatem , & durtiem subsequi videamur. Tribuitur , ergo , CUM POENITENTIA , EXTREMA COMMUNIO , ut homines hujusmodi , vel insupremis suis , permittente salvatore , à perpetuo exitio vindicentur --*

Hinc corrigendus Bellarminus , qui , *Communione* , in Canone *Elibertino* , & *reconciliationis* , in adducto decreto *Innocentii* , nominibus , intellexit *VENIAM* : quam clare dicitur semper fuisse datam ; *Communione* autem , seu sacrum Viaticum , obeuntibus , antiquitus denegatum. Parcendumque Clarissimo Græco Comneno , quod reprobata scripserit sanctissimam nostram *Hispanensium Cathalanam Synodum* , quia , etsi durius , (ut ait *Innocentius*) merito tamen , *negata Communio est , concessa pœnitentia : nec abrogasse Synodum 7. Elibertine Canonem de imaginibus* , scripsisse debuerat ; sed definisse adorandas istas ,

U

quas

(d) Apud Caranza fol. 91. & apud plures.



quas à Gentilium opprobriis *Elibertina* Synodus Caverat. Ignoscendum tandem mihi, ex amore Patriæ, quod diffusius, nedum ab Heterodoxis, sed & ab orthodoxis, Synodum hanc fartam testam contenderim. Fuisse enim *Illiberis*, urbem *Iberiae*, (non *Granatam*, ut contendit *Mariana*) nomen ipsum probat, compositum ex *Ilion*, (Græcè *Urbs* & inde Latinè *Ilium*) & *Iberis* - - quasi antiquitùs dicta: *Urbs* in ingressu *Iberiae*. Videatur tamen *Pujades* in *Chronicis Cathaloniae*. l. c.

31. Ad S. *Epiphanium* convertendus, cujus, & factum, & Doctrinam, simul nobis objecturus (pag. 65.) *Apologista* rememorat: Absit à nobis insolens ignorantia *Alphonfi de Castro* (verbo *Imago*) Sanctissimo huic Ecclesiæ Patri tribuentis principium *Iconomachiae* (quam à Mahumedanis potiùs ortam jam diximus), etsi conati ipsum ab hæresi liberare, quia tunc non esset veritas definita. Semper etenim fuisset error gravissimus *Epiphanii*, à Patribus sæculi ejusdem (quos jam introduxisse in Templum imagines fatentur Lutherani, ut vidimus) sine dubio taxandus; & sæculo 8. ab *Iconomachis* in Synodo. 7. objiendus; quod minimè factum legimus. Neque ab illis, neque ab *Apologistâ* memoratur *Epiphanus*, quod (hæresi. 79.) hæreticos dixerit, quosdam, qui B. Virginis *Mariæ* imaginem colentes, circumferebant: quos, *Collyridianos*, reprobant, & justè, quia Dei Matrem habuerunt pro Dea, eidemque sacrificium offerebant. Sicuti *Irenæus* (lib. 1. cap. 24.) inter errores *Carpocratis*, ponit, quod imagines coleret *Christi*, *Petri* & *Pauli*, quas, inter Gentilicas *Homeri*, *Pithagoræ*, *Platonis* &c. superstitiones & idololatricæ cultas, collocaverat. Citatur igitur Epistola *Epiphanii* ad *Joannem* Hyerolosolomitani Episcopum, in quà narrat; se ingressum in Ecclesiam *Anabla-*  
*then-*

*rhensem, ut oraret, aspexisse in velo ad fores pendenti imaginem depictam, QUASI CHRISTI, VEL SANCTI CUIJUSDAM* (irridenda stupiditas illius qui corrumpit Epistolam!) *non enim memini satis* (ait.) *cujus imago fuerit. Cum ergo* (prosequitur) *hoc vidissem, in Ecclesia Christi, contra auctoritatem scripturarum, hominis pendere imaginem, scidi illud &c.* Et infra, promittens pro sarciendo damno aliud novum velum mittere ait: *præcor, (Te) deinceps præcipere, in Ecclesiâ Christi, ejusmodi vela, quæ contra religionem nostram veniunt, non adpendi.* Rusticissimi inter *Lutheranos* ipsos, & vetulæ, Doctorem hunc *Jenensem* irridebunt, quod laudet S. *Epiphanium*, non *Lutheri*, sed *Calvini*, & *Carolstadii* Patronum. Ex Epistolâ, quam (corruptam ad minus) enarrat ipse, verbisque *Epiphanii* ab ipso adductis, nec minimum quid inferri valeret adoratam fuisse imaginem, sed in velo foribus Ecclesiæ appenso depictam: imò, viros illius Ecclesiæ, ut scribitur, nihilò duxisse laceratam imaginem, solum de veli scisurâ conquestos, dixisse, *murmurantes: si scindere voluerat, justum erat, ut aliud daret velum, atque mutaret.* Quod cum audisset (*Epiphanius*) se daturum esse, pollicitus est; sicque sedata fuit tota conquestio. *Apologistâ* igitur, qui (pag. 49. 69. & 72.) imagines (non adoratas) in Ecclesiâ servandas permittit; qui, & pag. 68. Circa finem sæculi 4., immages illatas in Templis lubenter concedens repetit; Quomodo insequentissimum factum *Epiphanio* impositum laudat? Vel *Carolstadii* discipulum se dicat, (e) qui, inscio equidem *Luthero*, primus imagines è Templis in Germaniâ abstulit, ab istoque graviter propterea reprehensus fuit: Aut *Calvino* (f) subscribat, cum; *insanire, garrulat, eos qui simula-*

## U 2

(e) *Cochlæus* de dictis & factis *Lutheri*. (f) *Calvin. lib. 1. instit. cap. 11.*



mulachra Dei & sanctorum, exemplo cherubim, defendere conantur: Sive Helveticorum incorporaretur cœtui, dicentium (g) reijcimus, non modo gentium idola, sed & Christianorum simulachra: Qui omnes, ( ultra Orthodoxam Græcorum & Latinorum damnationem, apud Tridentinam, & (h) Constantinopolitanas, Hyerosolimitanamque Synodos ) Lutheranorum omnium meruere censuram.

32. Sed si Apologistâ velit Lutheranus persistere, ipsum, non ut *Barcinonensis* Doctor, sed, ut Catechista rusticum, alloquar; (i) verbis è *Catechesi Lutheri* depromptis. Putasne, interrogatur, citra hunc finem cultus, adorationis, & superstitionis, imagines fieri, & factas tolerari posse? Omnino, docetur. Primò, quia cessante fine, cessat & ratio finis. 20. quia Deus ipse imagines fecit, & alios, ut facerent iussit, & factas toleravit, quod, historia & exempla *Vet. Test.* testantur. 30. quia, nec Christus, nec Apostoli, easdem in *nov. Test.*, simpliciter uspiam improbarunt, multò minùs abrogarunt. 40. Quia IN PRIMITIVA ECCLESIA, IMAGINES, CHRISTI, MARIE, CRUCIS, APOSTOLORUM, MARTYRUM, DOCTORUM, PASSIONIS DOMINICÆ, & alias, passim depictas, etiam IN PUBLICIS TEMPLIS, habuerunt. Quæ, cum *Dietericus*, ex *Sacra. scr.*, *Augustino*, *Basilio*, *Chrisostomo*, *Tertulliano*, *Niseno*, & aliis confirmasset, (infra. instit. 40. pag. 71.) addit: Errant igitur *Carolstadii*, qui imagines ex templis deturbant: Vide *Lutherum in c. 1. Mich. tom. 4. latinè, JENÆ, fol. 534. b. seq. Ubi, NON SOLUM BARBARIEM, SED INSIGNEM QUOQUE INSCIENTIAM* judicat, quod in multis locis, etiam Christi, & Apostolorum, imagines, sine discrimine, è Templis ejectæ sint &c. Hæc Lutheranorum Cateche-

(g) Confessio Ministror. Eccl. in Helvet. cap. 4. (h) Vid. Pfafium, sæc. 17. de gestis contra *Girillum Lucarium*. cap. 2. §. 6. pag. 317. 318. (i) Apud *Cunradum Dietericum*. instit. cateches. 38. de 1. tabula Decal. pag. 69.

techesis. Quæ, quomodo tamen (infr. instit. 41. pag. 72.) ut *Calvinistis* fiat mitior, doceat; *abrogationem*, seu *ejectionem earundem*, esse *rem adiaphoram*, & (adhuc *seclusâ* adoratione) *Magistratui politico liberam*; quam antea, ex *Luthero*, dixerat, *non solum BARBARIEM*, sed *INSIGNEM INSCIENTIAM*? Querendus erit *Dotor alius JENENSIS*, *Apologista* non impar, qui amborum inconsequentias approbet. Mihi sufficit, *Lutheros* convincere, quod teneantur; vel corruptam *Epiphani* epistolam, nobiscum fateri; vel *Epiphanium* pro hoc facto laudare non posse; vel adorationem imaginum ipsius tempore jam in usu; si somnient, *Epiphanium*, hanc in Ecclesiâ alienâ, voluisse corrigere.

Quia nihilominus *Apologista*, pag. 67. *rationes ju-33. stas, & pregnantis*, (ait.), ut probemus corruptam epistolam illam, requirit: antequam eas audiat, scire vellem unde *pregnans* ejusdem calamus genuinum *Epiphani* esse foetum ostenderit? Quia (addit tantum) eam *Hieronimus in linguam Latinam transtulit*: & hoc *Apologistam* asseverasse, sufficit. *Parturierunt (Jenæ) montes*; sed obstetricante *Buddeo*, *natus est ridulus mus*. Quare compellit nos iterum sibi *reparturire*, quæ *Baronius*, *Bel-larminus*, *Possevinus*, (k) et alii jamediderunt in lucem? Rationes adferunt: 1. quia *S. Hieronimus* totam ferè recitans hanc *Epiphani* epistolam (in suâ ad *Pamachium*) à se latinè versam; nec tamen hujus scisci veli, ibi, unum memorat verbum. 2. quia *Iconomachi* in Synodo. 7. *Epiphanium* aliundè pro se producentes, nil tale ex eodem objecerint, quod sine dubio non omisissent. 3. quia *Gregorius M.* (epist. ad *Serenum Massiliensem*, quam infra *Apologista* (l) citat) non supponeret, ipsum *Serenum*,

U 3

pri-

(k) Vide Petrum Annat. tom. 1. lib. 4. de SS. Ecel. PP. art. 22. de S. Epiphanio. pag. 381. (l) ex lib. 11. indict. 4. epist. 13. pag. 1100.



primum confractorem imaginum, dicens: *dic. frater, à quo factum Sacerdote aliquando auditum est, quod fecisti? Si non aliud, vel illud te non debuit revocare, ne despectis aliis fratribus, solum te sanctum, & Sapientem esse crederes?* Quod tamen, si Epiphanius à se factum scriptis jactasset, Gregorium non latuisset. Quartam addamus: *Ecquis tam stupidus, ut Epiphanium credat in serio facto illo sic obliviosum, ut; an Christi, vel sancti cujusdam imago fuerit, se scribentem dixerit non satis meminisse?* Nugas istas miscerè non horruit hæreticorum malitia cum doctrinâ sanctorum; sed fœces ita crassæ non extinguunt lumen quod hi accenderunt oleo Sapientiæ Divinæ. Legisset *Apologista*, in ipsâ Epiphanii editione quam allegat, *Epistolam ad Lectorem, Dionisi Petavii*, in Tom. 2., ibi invenisset: *Ultimi Epiphanii tractatus* (inter quos Epistolam hanc ad Joan. Hyerol. Episc. postremò collocat) -- *supposititii sunt libri, atque SPURII* (ecce prægnaus verbum, quod *Apologista* quærebat) de quibus addit. *Horum, ducit agmen, ille de vita Prophetarum, quem spurium esse, SEXCENTÆ MENDACIORVM NVGÆ* persuadent, quibus ille refertus est; quem, velut secutor quidam, Joachimus Zehnerus, excepit, ex *ILLA LVTHERANA, & PASTORIALIA FOECE, &c.* (Quidni, Lutheranis idem corruptificium in cæteris debeamus?) Jam orationes illæ (addit Petavius) quæ Epiphanii nomine *FVCVM JAM DV. DVM FACIVNT*, satis, cum stilo ipso, tum aliis quibusdam indiciis, alterius, vel Epiphanii, vel Authoris, se esse declarant: -- Epiphanius, enim, fuisse quamplures, Cypri etiam Episcopos, observatur. Alter, cujus nomine in Syn. 6. Act. 18. subscripsit Theodorus Episc. Trimethuntorum; alter, cujus extat Epistola ad Ignatium Patriarcham, &c.

Epi-

*Epiphanium*, igitur, in aliquo sibi afficto *commenta-* 34.  
*rio*, ab hæreticis in Synodo 7. productum; quod pariter *adulterinum* Synodus novit; constat (ex (m) *Act. 6. Tom. 5.*) ab omni *Iconomachiæ* suspicione declaratum & demonstratum liberrimum; tum, ex hoc quod ipse, cum omnes hæreses scribens confutasset, *procul dubio*, & *eam posuisset*, quæ de imaginibus, ab istis (*Iconomachis*) fertur, si alienam à Christi religione hanc existimasset. Tum quia, omnes SS. PP. illius ævi, quos tum Græcos, tum Latinos exprimit, opus *Epiphanio* impositum non agnoverunt. Unde *Synodus* concludit: *Apagè cum istà impià, & intolerabili editione. Neque, hic, linguas suas acuunt, & exerceant, vaniloqui isti accusatores recte sentientium; quasi illi qui antiquam Ecclesiæ traditionem recipiunt, Beato Epiphanio adversentur. Nequaquam; Commentarium enim illud rejicimus; Beatum Patrem Catholicæ Ecclesiæ Doctorem cognoscimus. Nihil ad nos; si Lutheranis, non prægnantes, videantur rationes adductæ: justæ adminus erunt in Epiphanii corrupticolas allatæ censuræ, quibus inuruntur Iconomachi antiqui, & plus, novissimi.*

Jam, *Gregorium I. M.*, addit *Apologista*, ex duplici, 35.  
 ad *Serenum Massiliensem* Episcopum directâ Epistolâ, *Iconomachis* eum favere, contendens. Gaudendum, quod, contra invocationem sanctorum, hunc, Lutherani non producant; qui (n) *Breviarium Romanum* (cum sanctorum officiis) in ordinem redegit; qui, in *Canonæ Missæ*, ad orationem: *Libera nos - - intercedente B. Virgine, cum Beatis Apostolis tuis, Petro, & Paulo*; addidit: (o) atque *B. Andreâ* (cui propensissimus, Romæ, in propriis ædibus, Ecclesiam & Monasterium ædificaverat,) & omnibus

(m) Vid. Caranza fol. m. 252. 253. (n) Historici cuncti in ejus vitâ; novissime, *Burius* in Rom. Pont. notitia. (o) Idem ibid. ad *Gregor. I.*



*bus Sanctis*; qui, festum (p) *Commemorationis S. Pauli*, die 30. Junii, instituit; nè Pontifex, sicut antea, eâdem die 29. teneretur, utrâque in *Basilicâ* (mutuò valdè distanti) *Petri & Pauli*, quibus commune est festum, munia Pontificalia exercere; qui, (q) *Litania*s majores, & minores, (quæ, in Dei, Sanctorumque omnium invocatione consistunt) singulis Annis fieri decrevit; quique, quamplurima in sanctorum cultum confirmandum scripsit. Hunc ergo, ex eo quod, *Serenum*, quia sacras imagines fregerat, correxerit, adorationemque superstitionis vitandam docuerit, *Iconomachis* favisse *Apologista* (pag. 68. sequ.) putat; cum, *zelum intempestivum Sereni* confrigentis imagines reprehendat; quod tamen eas adorari, aut coli noluerit, laudet. Tædet jam, ad cunctas *Apologistæ* fraudes aperiendas, *Lutheranos* Authores, quos sibi objiciamus, revolvere; siquidem cunctos rejecturus erat, qui *Gregorium* tueantur, *Orthodoxos*. Audiatur tamen ipsis celeberrimus *Krommaierus*: (r) *Sæculum præsens* (ait de sexto) quod concernit; non tantum abrogatâ doctrinâ *Catechetiâ*, imagines, *Laicorum Biblia*, à *GREGORIO M. FUERE SUBSTITUTÆ*: Sed & (quod infra explicans, addit): (s) quod, circa initium, ulcus tetigimus, *Ecclesiam*, variis ceremoniis & traditionibus humanis, (*Gregorius M.*) obruit. (Qualibus? ecce:) *luminaria cultui Divino* adjecit; in peragendis sacris, splendido *Ministros* ornatu induit; *jejunia* auxit; *Missas pro defunctis* introduxit; *Purgatorium ignem* insufflavit; *cælibatum Ministrorum*, quantum in se fuit, propugnavit; *INVOCATIONEM SANCTORUM*; & *IMAGINUM CULTUM IDOLOLATRICUM* (*Orthodoxè Religiosum*) *APPROBAVIT & DEFENDIT*. Cuinam, heu!

(p) Idem ibid. & in *Onomasticon*. v. *Commeratio*. ex *Micrologo*. cap. 42. & *Prudentio*. himno 12. de SS. *Petr. & Paul.* (q) Idem *Onomast.* v. *Litania*. (r) *Cent.* 6. pag. 319. (s) *Ibid.* pag. 321.

heu ! ex *Lutheranis* credemus ? Quem *Doctor Lipsiensis* Centuriator plangit *Iconolatram* ; eundem *Apologista Jenensis* *Iconomachum* prodit ? Uterque mendax ; neutri fidendum. Correxerat *Gregorius*, *Severum*, quod imagines fregerit ; Cavit nè adoratio indebita eisdem daretur solius Dei propria : laudat quod adorari sine respectu ad objecta significata *Serenus* non siverit, sicque ait sibi : (t) adorari vero imagines, modis omnibus veta ; non quod modis omnibus adorari, vetetur ; sed malè adorari vetatur omnibus modis ; solumque, ex visione rei gesta, ardorem compunctionis percipiant fideles, & in adoratione (supremâ) solius omnipotentis Sanctæ Trinitatis humiliter prosternantur : unde in alia Epistola, sibi fiendum consulit : (u) ut populus, in adoratione picturæ (quam fieri non prohibet) minimè peccaret. Medium intendit *Gregorius*, ut religiosè, sed sine peccato, detestatâ *Sereni* *Iconomachiâ*, venerarentur imagines, cultis objectis in ipsis ; quomodo fiendum, suprâ explicavimus. Hoc modo, ipse *Gregorius*, ad Religiosissimos viros, *Januarium Calaritanum* Episc., & ad *Secundinum*, mentem suam aperit, ne *Lutherani* ipsius verba detorqueant. Ad illum (x) jubens, ut crucem, & B. V. imaginem, ex Synagoga Judeorum extrahat ; his hortamur assatibus, ut sublata exinde, CUM EA, QUA DIGNUM EST, VENERATIONE, imagine, atque Cruce, debeatis, quod violenter ablatum est reformare. Eypressiusque, *Secundino* imagines remittens, quas petierat : (y) imagines, quas, tibi dirigendas per *Dulcidum* Diaconum rogasti, misimus. Unde, valde nobis tua postulatio placuit ; quia illum toto corde, totâ intentione quæris, cujus imaginem præ oculis habere desideras - - Scio quidem, quod imaginem Salvatoris nostri non

X

ideq̃

(t) Lib. 11. Epist. Indi&. 4. Epist. 13. (u) Lib. 9. Indi&. 2. Epist. 105.  
(x) Lib. 7. epist. 5. (y) Lib. 7. epist. 54.



ideò petis , ut *QUASI DEUM COLAS* ( ecce errorem , quem ad *Serenum* scribens caverat ) sed ob recordationem *Filii Dei* , in ejus amore incalescas , cujus , te imaginem videre desideras . Et nos quidem , non quasi ante Divinitatem ante illam prosternimur , sed *ILLUM ADORAMUS* , quem *PER IMAGINEM* , aut natum , aut passum , sed & in throno sedentem , recordamur . Et dum nobis ipsa pictura , quasi scriptura , ad memoriam *Filium Dei* reducit , animum nostrum aut de resurrectione letificat , aut de passione demulcet . Ideoque , direximus tibi surtarias duas , imaginem *Dei Salvatoris* , & *Sanctæ Dei Genitricis Mariæ Beatorumque Apostolorum Petri & Pauli* continentes , & unam *Crucem* , clavem etiam pro benedictione à sanctissimo corpore *Petri Apostolorum Principis* , ut per ipsum à maligno defensus permaneat , cujus signo munitum te esse credis . Ita sanctissimus *Ecclesiæ Doctor* explicat , vitari idololatriam omnem , adoratis objectis in sacris imaginibus memoratis ; item nedùm *Salvatoris* , sed *Sanctorum* imagines quoque , venerabiles , sicut ipsos , esse ; & ita , ex contactu *clavis* ad *S. Petri* sepulchrum , ostendit religiosè ipsam habendam ; sperandumque à Deo , per imagines , & reliquias *Sanctorum* , non parum *salutaris munimenis* .

36. Tandem , rejecturus *Apologista* ( à pag. 70 ) sacram Synodum *Nicænam* . 2. *Oecumenicam* 7. , quâ , adamussimè discussum dogma de adorandis imaginibus stabilitur : ad conciliabulum sub *Constantino Copronimo* ; & Synodum ferè inauditam *Francofurdensem* , fictosque Christianissimi *Caroli Magni* libros vulgo *Carolinos* , contra imagines , provocavit . Satis , Sinodus *Oecumenica* 7. , antecedens conciliabulum illud explofit ; sicut *Adrianus* 1. libros illos *Caroli M.* nomine publicatos . Idem hîc eve-

evenit *Iconomachis*, quod quondam factum legimus ab *Arianis*. Reiciebant hi Synodum *Nicænam* 1. plures alios hæreticorum cœtus opposcentes: (z) *Cæsareæ* & *Tyri*, an. 335.; *Antiochenum*. 2. anno 341. *Tertium*, an. 345., *Syrmiensem* 3. & 4. an. 352., unam *Ariminensem*, ob quam ingemuit (ait *Hieronimus*) orbis terrarum, & se *Arianum* esse miratus est; & alias: sicut *Eutybiani*, respuunt *Oecumenicam* quartam Synodum *Chalcedonensem*, huic, præcedens Conciliabulum *Ephesinum* ab ipsis habitum opposcentes. Solum in hoc, *Lutherani* *Arianos* excēdunt; quod post *Nicænam* Synodum, isti, *Filium genitum non factum* concedentes; *consubstantialē* tamen & *Omoūson*, tanquam vocem in scripturā non habitam, negantes, *Semi-Ariani* sunt dicti. *Lutherani* verō, ultra *Iconum*, *Sanctorum* cultum quoque respuentes, non *Semi-Iconomachi*, sed *Sanct-Iconomachi* apellandi sunt. Nullam, ex oppositis per hæreticos Synodis, œcumenicam esse, etsi aliqua abusivē dicatur *Generalis*, docemus (a) *Catholici*; (tenenturque *Lutherani Ariani* obiiicere) *Generale* siquidem Concilium erit, concurrentibus, aut saltem vocatis ex toto terrarum orbe *Episcopis*; *Oecumenicum* vero non erit, nisi a tota Ecclesia, sit ut tale receptum; quod nec *Ariani*, nec *Iconomachi* dicent, quorum Synodos semper rejecit Ecclesia. Immo *Constantinopolitanas*, pro *Iconomachis*, nullum habuisse Patriarcham, adhuc Orientalem; præter *Catholicos* aucthores, fatentur *Centuriatores* (b) *Magdeburgenses*; licet in secunda, sub *Copronimo* anno. 755., ejecto vero Patriarchā *Germano*, alius ab eisdem hæreticis iussu fuisse fuerit. Sicut ergo constanter Ecclesia Synodum *Nicenam* retinuit, derogatis *Arianorum* cœtibus; & *Chalcedonensem*,

X 2

re.

(z) Vide *Pfaffium* cit. sæc. 4. cap. 5. §. 2. pag. 89. 90. (a) Vide *Petr. Annatum*, tom. 2. lib. 5. sect. 1. art. 1. pag. 5. (b) *Cent.* 8. cap. 9. col. 551.





tum ex Legatis (i) *Adriani, Petro Archi-Præsbitero, & Petro Monacho Abbate S. Sabæ, Tharasio* Cœterosque Synodi Patres bis fiscitatis num litteras *Adriani* reciperent, quibus respondentibus, *suscipimus, sequimur probamus &c.* resolvitur *Actio 2. Synodica*; tum ex subscriptione Legatorum, ordine primorum, in fine Synodi: jura quoque Romani Pontificis, ibidem asserta, Lutheranis non favent, qui cuncta illius judicia, immò & totius Ecclesiæ, spernunt. Pro Synodo *Francofurdienfi*, quamvis ab authoribus paucis memoretur; nec *Caranza*, inter consilia approbata quæ collegit, eandem nominet, aliquid addam. Tantam lego Prælatorum illorum in Germaniâ (licet quodam zelo motam) levitatem; ut, nec spectatis (Synodorum in Græciâ, maximè *Nicænæ 2. septennio antehabitæ*) exemplaribus, contra id quod de ipsâ audierant (sine dubio ab Iconomachis) tulêre judicium. Audiantur (Canone 2.) (k) *Allata est in medium questio DE NOVA GRÆCORUM SYNODO, in quâ scriptum habebatur, ut qui imaginibus Sanctorum, itaut DEIFICÆ TRINITATI, servitium, aut adorationem non impenderent, anathema judicarentur: qui suprasanctissimi Patres nostri (idest sancti,) omnimodis adorationem renuentes contempserunt, atque consentientes condemnaverunt.* Hinc, eos errore facti deceptos evincit *Annatus*; sed ego dicerem precipitanter decernere. Certè Iconomachi post Synodum. 7., hanc indebitæ adorationis notam imposuerunt Orthodoxis; sicut, post *Tridentinam* clarissimè explicantem adorationum gradus, caventemque, (l) *ut omnis superstitio, in sanctorum invocatione, Reliquiarum veneratione, & Imaginum sacro usu, tollatur, obgannire non desistunt, dari à nobis, Sanctis, & horum imaginibus, adorationem soli Deo*

X 3

debi-

(i) Idem ibidem. (k) Apud Petr. Annatum ubi supra, pag. 78. (l) Sessio-  
ne 25. decreto de invoc. & venerat. S. S.



*debitam*: contrâ quod, licet cuncti protestemur contrariû, quidquâ intelligere, imò audire nolunt. Causâ autem non melius discussâ, contrâ Synodum resolvissè Patres Francofurdienses, supponentes factum falsissimum, à levitatis gravissimæ notâ salvari nequit. Tantum autem abest, nè Francofurdienses PP. Lutheranis faveant, quantum deest adorationi quam damus sanctis, & imaginibus, ne sit *Latria* soli Deo debita, quam aliis, nisi Deo, datam rejicimus omnes, sicut allatæ Synodi Patres. Nec nisi stupidis suadere tentent *Lutherani*, contra imaginum cultum decreturam Synodum, cui præfuisse (m) legimus Legatos Papæ *Adriani i.*, qui *Nicenam* Synodum adunaverat & confirmaverat, cujus responsum habetur ad libros *Caroli* nomine ab Iconomachis evulgatos. Quod si daremus, dictis non obstantibus, *Francofurdiensem* synodum contra Orthodoxos decrevisse; quid contra Synodum Oecumenicam, particularis quædam, etsi dicatur Episcoporum plurium, cujus confirmationis, sive à Pontifice, sive ab Ecclesia in Concilio generali aliquo datam, nemo meminit? Imò refutatio librorum *Carolinorum* ab Adriano i. emanata, pariter Synodum oppositam reprobaret.

14. Ut igitur noscant Lutheranis, quam vanê, ad renovandam Iconomachiam in Græcia desudent, & plus in Russiâ, ubi (Deo gratias) Turcas adjutores non habent sicut in Græcia, pro rejiciendis Iconibus: narrabo (permittatur tandem) mirificum Dei opus, mediâ B. Virgine in imagine cultâ & invocatâ; quo patebit, plusquam Lutheranis destruant scriptis, Deum, Ecclesiam ædificare miraculis. Devenerat, anno currentis sæculi 13., ad Maximum Monasterium SS. Trinitatis (vulgo *Troitza*)

(m) Vide *Arsdekin.* tom. I. Theol. tit. quest. reliquæ de Conciliis, s. 3. artit. 4. pag. m. 86.

*Troitzæ*) Sexaginta miliaribus (Ruthenice *VORSTS*) versus septentrionem, è Moskuâ dissitum, septennis puer miserrimus, *Cosmas* nomine, brachiis retrorsum inflexis, manibus ad os sacrum junctis, digitis utriusque, invicem complicatis, itaut, nec per vim, sine fractione disjungi possent. Recepit eum Religiosa Monachorum charitas, ut in (*Bolnichæ*) Infirmorum loco, cum ægrotis cœteris, aleretur. Didicit hic in adolescentiâ, legere, decursuque temporis idoneus, receptus est ad numerum Lectorum Ecclesiæ. Fuerat circa Infirmaryam, jam ab antiquo, locata Imago B. Virginis *ad lapidem incisa*, nomineque Smolenskenſis Imaginis venerata, quam, pridem, Monachus quidam exteriùs occluserat, nè populum à concursu ad Ecclesiam diverteret. Crevit, Juvenis, cum ætate, devotio; quâ Beatissimæ Virginis Patrocinio, sanandum se credens, occludi imaginem illam, cui salutandæ inclinabatur, ægrè ferebat; illi tamen continuò præces fundere non destitit, optans, propriis manibus operimentum destruere quod alius miserat. Post annos 17., quibus, ab omnibus notus, impedimento manuum laboraverat (*menſe Julii decurrentis anni*) dum (*Icoſſi*, scilicet, *Acatheſſos*) Laudes B. V. secundum *Alphabetum Græcum*, in Ecclesia caneret, sibi viſum est vocem audire dicentem: Eja Cosma! preces tuæ exauditæ sunt, ut curationis recipias gratiam: Cumque, ex hoc, aliquid sentiret in digitis, advocavit adstantes, quibus, quid audisset & sentiret, retulit. Videntibus igitur cunctis, cœperunt digiti disjungi; inde, brachium sinistrum in naturalem situm & motum veniens poterat solitum signum crucis, à capite ad pectus & humeros, formare; sed ut sensibiliùs videretur manus Domini, mansit adhuc per plures dies, *Cosmæ*, immobilis dextera. Paulatim, ut vulgaretur ampliùs, hæc quoque usui resti-



stituitur, itaut cuncti qui eum inhabilem ad hæc nove-  
rant, ambidextrum, ad solutê formanda Crucis signa  
jam videant. Opus esse illius, qui, in mundo conversa-  
tus, (n) *extendi* jussit hominis *manum aridam*, fatemur,  
cum sanato hoc viro, cuncti. Sed ipse qui facultatem  
(o) *piscinæ probaticæ* contulerat, *Jerosolimis*, ut multi-  
tudi *claudorum, cæcorum, & ARIDORUM*, motû per  
*Angelum aquâ*, succurreret; ligatas manus non habet, ut,  
intercedente nunc *Angolorum Reginâ*, miseris æquê subve-  
niat. Et, sicut illi qui, (q) *claudû ex utero Matris in spatio-*  
*sâ portâ templi* annis pluribus viderant, sanatum tamen  
per *Petrum*, in *Jesu Christi nomine*, mirabantur; ita, cum  
illo, *Cosmas* hic, *laudans Deum*, nos invitat, ut nêdum  
*intendamus in Petrum*, sed & in Beatissimam Apostolorum  
Reginam; quæ, virtute præsens & in imaginibus culta,  
Dei movet misericordiam, de cujus beneficiis gratule-  
mur - - Nec non valde notandum; quod, simul ac  
opus *Apologistæ* contra imagines evulgatum est *Moskua*;  
miraculo isto, potius quam humanis calamis, Deus il-  
lud everterit.

## SECTION V.

VIX, opusculum prosequi, infirmitas in me bimestris  
distulerat; cum ecce, inopinatus hinc discessus cum  
Domino meo Legato, mihi insinuatus, supervenit. Sed,  
ut amicis hoc fiscitatis, & piis Ruthenis viris non pau-  
cis, satisfacere ostendam; quantum dierum permittat  
prescisio, brevi calamo (extensurus forsitan quando si  
tandem quies aliqua in terris mihi concedatur) responsum  
istud ad finem perducere non desistam.

Bre-

(n) Matth. 12. 10. 13. (o) Joan. 10. (p) Act. 3.

Breviorem quoque, *Apologista*, (à pag. 75. ad 88.) I. contra sacras Traditiones exercuit pugnam; citius quoque celebremus à vera fide reportatam victoriam. Nullus *lapis lydius*, inter sacros Ecclesiam stabilientes, vivacius etherodoxiam detexit unquam, quam *Divinarum Traditionum* examen adhibitum. Cuncti, ante Moysen scribentem, fideles, *scripto verbo Dei* carentes, nullam certitudine Divinâ credendam veritatem novissent, si re-jectis *Traditionibus* à majoribus ad posteros propagatis, ad scripturam provocare debuerint: Pauci siquidem erant quibus loquebatur Deus, & per quos fides in Christum futurum diffundebatur ad cœteros. Quod argumentum hæretici qui conantur eludere, ita ineptiunt; ut Deum mutum videantur credere, ex quo incepit datam legem *Moysi* in tabulis scribere. Cœperunt ergo (ex his quos legimus) *Sadducei*, ut suos errores tuerentur, solâ lege *Moysi* scriptâ retentâ, (teste (a) *Iosepho*) *Patrum Traditiones rejicere*, dicentes, *sola ea quæ scripta essent valere, non scripta vero nullius auctoritatis esse*. *Arianos*, & *semi-Arianos*, ad negandum *Omonion* Filio Dei (juxta omnes SS. PP., qui contra ipsos surrexerunt) ad scripturas provocasse, in quibus nusquam legeretur talis dictio, *Traditione rejectâ*, nemo ignorat. *Macedonianos* & *Eunomianos*, de eodem accusant (b) *Basilius* & (c) *Athanasius*; *Nestorianos*, (d) *Cyrilus*; *Euthichen*, (e) *Mameas*; *Lutheranos* & *Calvinistas*, ipsa eorundem soboles, repetitis, hic, ab *Apologista*, mutuatis ipso- rum blasphemiiis. Sicut ergo, à *Nicæna*, cœterisque Sacris Consiliis, antiqui; ita à *Tridentino* (ses. 4.) proscribuntur novi inter Latinos hæretici: cum hæc veritas, & disciplina (Christi)

Y

libris

(a) *Iosephus* lib. 3. antiq. cap. 18. (b) *Basil.* lib. 1. contr. *Eunomium*, & lib. de Sp. S. cap. 25. (c) *Athan.* lib. 3. de Trin. (d) *Acta Ephesin.* Synodi (e) *Consil. Chalcedon.* act. 1.



libris scriptis, & Traditionibus sine scripto, contineatur; quæ Traditiones, ex ipsius ore, ab Apostolis acceptæ, aut ab ipsis Apostolis, Spiritu Sancto dictante, quasi per manus traditæ ad nos usque pervenerunt; Orthodoxorum PP. exempla sequuta; (S. Synodus) Omnes libros tam veteris, quam novi testamenti, (cum utriusque unus Deus sit author) nec non Traditiones ipsas, tum ad fidem, tum ad mores pertinentes, tanquam vel ore tenens, à Christo, vel à Spiritu S. dictatas, & continuâ successione in Ecclesiâ Catholicâ conservatas, **PARI PIETATIS AFFECTU AC REVERENTIA**, Suscipit, ac veneratur - - Justissimè igitur, contra Lutherum, Javoskius intulit, quod plangens Apologistâ commemorat: *Verba Christi: abrogastis præcepta Divina, per Traditiones vestras, Luthero, lapis offensionis fuerunt, inde rejecit Traditiones: constanter enim (f. Orthodoxa Ecclesia Orientalis, (cum Occidentali) fatetur: gemina Ecclesie dogmata, alia divinis sacre scripture libris comprehensa; alia vivâ voce ab Apostolis tradita - - binisque hisce fundamentis fides superstructa extat.*

2. Incipiens itaque *Apologistâ*, certamen init (pag. 76.) Lutherano motu solito, ex Apostolo (Ephes. 2. 20.) *Fundatam*, scribente, *Ecclesiam supra fundamentum Apostolorum & Prophetarum* - - Et ex Jesu Christo, scrutandas scripturas, de seipso testimonium perhibentes (Joan. 5. 39.) audiendosque *Moysem & Prophetas* (Luc. 16. 29.) prædicante. Sed vana hæcce Lutheranæ pugnæ tornea-menta delusere omnes ante Javorskium. Ubi enim profertur exclusiva dictio in sacris litteris jubens *solas* scripturas scrutandas; aut *Moysem & Prophetas*, solum, legendos; non (per alios) loquutos audire eosdem, quibus dixit Christus per Lucam (cap. 10. 16.) *qui vos audit, me audit?* Quis Catholicorum *Verbum Dei scriptum* lege-

legere refugit ? Sed quid hinc, ut *verbum Dei* pariter *verbo revelatum*, non audiendum Lutheranus inferat ? Si (quod Deus avertat) arte à *Luthero* traditâ, pro illius tuendâ pecude, loco *Apologistæ* pugnaturus essem; nil responsurum me fateor; si *Jobi* uxor (g) *quasi unam ex stultis mulieribus*, se loqui audiens; aut si Apostoli, justè (h) *visa ante eos quasi deliramenta verba mulierum* resurrexisse jam Christum nuntiantium, contenderent; mihi subadderent: etsi Deo revelante, dicant se, tum *Job*, tum sanctæ illæ foeminæ, loqui; non credimus, quia *verbum istud Dei, scriptum* non videmus. Similiter primi Apostolorum auditores assumpto in Cœlum Christo, veritates Evangelicas, *nuntiatas* quia (nisi post annos plures) *non scriptas*, respuentes, sine culpâ (i) *increduli vocarentur*; etsi tradentes eas Apostolos persequuti: improprièque loquutus (*Lutheranorum censurâ*) damnaretur Apostolus, scribens: *fides ex auditu, auditus autem per verbum Christi*: cum *verbum auditum Dei* si scriptum non fuerit non sit certum. Potius increpandi sunt isti scripta necessariò quærentes pro credendo Dei verbo; quam illa, à Christo vocata, (k) *generatio mala, & adultera*, quæ ut crederet, *Videre signum à Christo* quærebat. Et, nè dicatur argumentum hoc à me inventum; audiatur *Irenæus*, qui sæculo 2. hæc scripsit (l): *Quid autem si Apostoli neque quidem scripturas reliquissent nobis ? Nonne oportebat ordinem sequi Traditionis, quam tradiderunt iis quibus comittebant Ecclesias ? Cui ordinationi assentiunt multæ gentes Barbarorum, eorum qui in Christum credunt, sine chartâ & attramento, scriptam habentes per Spiritum in cordibus suis salutem, & veterem Traditionem diligenter custodientes.* Quæ, verbo tantum, tem-

Y 2

(g) Job. 2. 10. (h) Luc. 24. 11. (i) Act. 14. 2. (k) Matth. 12. 39  
(l) Irenæus. lib. 3. cap. 4.



tempore *Irenai* pluribus communicata Ecclesiis, esse, ultra ea quæ scriptis sacris expressa sunt, plura alia, infra cum eodem *Irenæo* videbimus. Satis nunc inferetur, quod *verbo Dei*, non scripto etsi, credere debeant Christiani; cui etiam Judeos credidisse infra patebit.

3. (q) *Traditione* Ecclesiæ haberi, has sacrorum Bibliorum scripturas esse Verbum Dei ab Apostolis & Prophetis expressum, nec Lutherani negare jam audent: etsi enim dicatur in scripturâ, (m) *Deum loquutum fuisse Patribus & Prophetis*; hoc tamen scripsisse *Paulum* sicut Prophetas repetentes: - *loquutus est Deus* - *Dixitque Deus &c.* certò non sciremus, nisi Ecclesiæ Traditione, constanter servatos libros illos Prophetarum & Apostolorum nomine crederemus. Non Video, ergo, qualis à cordato viro danda sit ratio; quare hæc ad scripturarum ipsarum fidem Traditione necessariò supposita, quam ab Apostolis ad Nos soli debemus Ecclesiæ; non credi debeant quoque cœtera quæ ab Apostolis æquè recepisse testatur eadem. Quam enim fallere, dicent *Lutherani*, in proponendâ re quadam credendâ; cur, in proponendis his numero sacris libris, pariter non dicent fallibilem? Sed de hoc, quia egere jam plures; nec *Apologistâ* aut alius potuit hanc rationem infringere; dicamus nil amplius. Videatur inter alios, (n) *Bellarminus*.

4. Tertio jam motu arma parans, dicit *Apologista* nil novi. Christum obijcit, contra *Phariseos* loquentem; (o) *in vanum Deum colere, docentes doctrinas & præcepta hominum*. (Quid hîc, quæso, contra nos, asserentes, *Traditiones Ecclesiæ*, esse *verbum Divinû*?) Item obijcit: *Bene irritum facitis præceptum Dei, ut traditiones VESTRAS servetis*. (Quidvê isthîc contra docentes, *Traditiones*, non

No-

(n) Tom. 1. lib. 4; de Verbo Dei non scripta. (o) Marc. 7. 4 v. 6.

*Nostros*, sed *Christi* per quondam loquentes Apostolos?) Dixi nil attulisse *Apologistam* novæ cujusdam artis in pugna: fuisse quippè hæc verba *lapidem offensionis*, quo calcato ruit *Lutherus*, jam vidit *Javorskius*. Et quid *Lutherus*? Antiquiorem *Lutheranæ* hujus pugnae Magistrū in *Maximino Ariano*, detexit & devicit jam *Augustinus*: (p) *hæ voces* (ajebat ille) *quæ extra scripturam sunt, nullo casu à nobis suscipiantur, cum Dominus moneat, & dicat: sine causâ me colunt, docentes doctrinâs, & mandata hominum.* (q) Vituperasse *Christum*, in *Phariseis*, Traditiones cum Verbo Dei scripto pugnantes, v. g. illâ de (r) non honorandis Parentibus, fatetur *Apologista* (pag. 78.): aliæ autem quas ibidem *Christus* increpat, etsi viderentur de re indifferenti, & *Mosaicæ* legi non oppositæ, sicut ablutiones *urceorum & calicum*, & alia his similia, in duobus vitiabantur; tum quia veluti Traditiones *Divinæ* divulgabantur, ab his qui Dei revelationibus indigni erant: tum quia, curabant *Pharisei* istas adimpleri minutias, veræ *Divinæ* legis neglectâ observantiâ. Unde, *irrita facientes præcepta Dei*: redarguuntur, pro primis; & *relinquentes mandatum Dei*, pro secundis. Hocque explicuit *Christus* ipse, (s) alibi, dicens ipsis: *duces cæci, excollantes culicem, camelum autem deglutientes: Vae vobis - quia mundatis quod de foris est calicis & paropsidis, intus autem pleni estis rapinâ, & immunditiâ.* Corrigendi essent, igitur, similiter *Christiani*, qui Traditione servatâ, adhuc *Divinâ*, legem *Christi* scriptam omitterent, qui procul dubio peccarent. Absit autem, ut Traditiones *Ecclesiæ Christi*, Verbo Dei scripto dicantur oppositæ: sicut enim apparentem verarum scripturarum dissonantiam, inda-

Y 3

(p) Aug. lib. 1. contr. Maximin. Arianum. (q) Verba hæc citantur à *Jodoco* in suo thesauro Catholico. tom. 1. lib. 6. art. 32. (r) Marci 7. 10. (s) Math. 23. 24.



gato vero earum sensu, concordamus; quia, veritati veritas nequit opponi: ita, contrarietatem quam in sacris Traditionibus cum verbo Dei scripto conatur somniare *Lutherana* malitia; Ecclesia, & sacri Doctores plenissimè dissolverunt. Sit exemplum. Arius, ut negaret *consubstantialitatem* Filii intelligendam in Christi verbis (t) *ego & Pater unum sumus*; alia ejusdè apposuit: (u) *Pater major me est*. Usque alia omittā. Quis negabit, dicturum *Arium*, si vixisset, solidius fundamentum quæsiisse, quam postea *Lutherum*: ille siquidè, verbo Dei scripto verbum Dei scriptum opposuit: iste autem, multiplici verbo Dei Tradito impugnando, non aliud scriptum, non traditum adduxit; negativo argumento usus, quod scilicet scriptum verbum Dei non esset. Inde, jejunia (e. g.) rejecit determinata, & plura alia. Verum sensum Scripturarum, quando *Lutherani* verbum Dei scriptum de non adorandis sculptilibus producant (idola scilicet detestanda esse) cū verbo tradito de adorandis imaginibus non pugnare, demonstravit Ecclesia: sicut antea satisfecerat Arianorū objectis. Deo deinde comittendum, si *Lutherani* amplius recalcitrant. Nec, Verbo Dei tradito sacram scripturam postponimus (sicut Apologista pag. 78. nos accusat): sed, *PARI pietatis affectu, & reverentiā, utraque suscipimus ac veneramur* (cum Synodo Tridentina tandem) Latini - - *Binisque hisce fundamentis, fidem superstructam, se confiteri*, explicat Græca Ecclesia. Nec aliud intenderunt ii authores (x) Romani, qui Ecclesiā, sine verbo Dei scripto, substituisse, solo tradito fidem præstantem, ab Adamo ad Moysen; nunquam verò (supposito scripto per Moysen) caruisse tradito, docuerunt. Quibus, in re ita compertā, subscribo.

Jam-

(t) Joan. 10. 30. (u) Joan. 14. 28. (x) Vid. Bellarm. loc. cit.

Jamque ad ostendenda plura quæ *Apologista* (pag. 5. 79.) desiderat, transeamus. Quænam, interrogat primò, *Traditiones sunt*, à scripturâ sacra diversæ, seu regula quedam, & norma *DOCTRINÆ AC VITÆ*, admittenda? Interroganti, interrogationibus respondebo. Unde habent Lutherani; libros Divinos esse, quos ut *Canonicos & sacros*, amplectuntur? Unde, integritatem *B. Mariæ* post partum perpetuam? (quam, in concipiente Christum, explicat scriptura, *Isa. 7. 14. & Luc. 1.*). Unde, non rebaptizandos hæreticos? (quamvis enim, *Ephef. 4. 5.* legatur: *unum baptisma*; non explicatur à quo conferendum). Plura igitur, tum ab aliis relata, tum, à me, de jejniis, & cultu imaginum ac *Sanctorum*, supradicta; quæ ex *Traditione* Catholici credimus, omit- tens; seriò interrogo. Unde habetis (O Lutherani) Pœdobaptismum? Non quæro, Baptismi, ut pueri sal- ventur, necessitatem; hæc siquidem clarissimè legitur in testimoniis quæ adducitis, licet eandem in pueris Christianorum sine baptismo decedentibus negetis: sed cum scriptum sit (*Math. ult.*): *qui crediderit, & bap- tizatus fuerit*; unde habetis, quod, non obstante inca- pacitate naturali ad actum fidei, baptizari possint infan- tes? aut baptizatos salvari? Rationem genuinam, (nè amplius Lutherani Doctores, in coercendis scripturæ di- ctis, insudent) dabo ex Catechesi ipsorum. Contra *Lu- theri transfugas, Anabaptistas*, sic loquitur (y): *Ratio sexta* (præmissis aliis ex Scriptura, verè non convincen- tibus) *ab exemplo, & praxi Apostolorum: quæ tamdiu in- concussa stabit; DONEC ANABAPTISTÆ CONTRA- RIUM PROBABUNT, in domibus scilicet & familiis ab Apostolis baptizatis* (Act. 16. & 18.) *aut non fuisse infan- tes,*

(z) Institutiones Catechet. ex Luthero. Cunradi Dieterici. de Baptismo. instit. 37. pag. 519.



tes, aut non fuisse baptizatos. Probabunt autem ad diem Febr. 30. ( Et vos Lutherani ; quando probabitis utrumque, quod Scriptura S. flet ? Ad Kalendas Græcas. ) Ut Clarius tamen discatis, Traditiones negantes, Traditione in vestros Schismaticos *Anabaptistas* impugnandos, uti ; audite quod sequitur in vestra Catechesi. (2) *Septimò* ; quia denique, *baptismus infantum*, inde, à temporibus Apostolorum, in Ecclesiâ semper observatus est. ( Quam rationem, sic inferius explicat *Catechista Dietericus* ) : Ratio septima, à testimonio humano primitivæ Ecclesiæ Apostolicæ. Quo nomine, *PÆDOBAPTISMUS, TRADITIO APOSTOLICA NOMINATUR ; QUAM, ECCLESIA, AB APOSTOLIS ACCEPIT.* ( *Origenes lib. 5. sup. 6. ad Rom.* ) SEU, *QUÆ A DOMINO, PER APOSTOLOS, MANAVIT.* ( confer *Cyprian. lib. 3. epist. 8. & Aug. lib. 3. de pec. mort. cap. 5. & lib. 4. contra Donat. cap. 23.* ) Hucusque Catechesis Lutheri. Tam itaque verum est, nil contra *Anabaptistas*, de *Pædobaptismo*, ex scripturis clare convinci, sed Traditione ( quæ malè à Catechistâ dicitur *testimonium humanum*, quia verbum Dei est, juxta eundem, *A DOMINO PER APOSTOLOS manans* ) ut (a) *Schwenfeldius* ( lib. 2. epist. 21. pag. 299. ) Lutheranis opponat, esse *baptismum Traditionarium, & humanum*, sicut idem *Catechista* fatetur. Catholicorum quorumlibet, verba eadem Lutherani rejicerent ; sed è *Lutheri Catechismo* deprompta ( ut *Dietericus* loquitur ) damnare non audebunt. Et quia Catholici cuncti, infantes sine baptismo etiam inculpabiliter decedentes, à regno & hæreditate Christi exclusos docemus ; cum in providentiâ nobis notâ : (b) *nisi quis renatus fuerit denuò, non potest videre regnum Dei* : ex quibus Christi verbis, *Confessio Orientalis Ecclesiæ*, et si de

(2) Ibid. ap. *Dietericum*. (a) apud eundem pag. 520. (b) Joan. 3. 3.

de his infantibus verba determinata non faciens, intulit (b): quo (baptismate) quisquis non tinctus est, ille, nondum ab hoc peccato (Originali) expiatus est; sed ira Divina, æternique supplicii reus manet prout dictum est: nisi quis renatus &c. Non tamen eosdem, sine personali culpâ, æternis pœnis addictos dicimus: justissimus Deus siquidem decernit: (c) quantum glorificavit se, & in delitiis fuit, tantum date illi tormentum: in quo, Dei, absoluti Domini, qui, regeneratis tantum, hæreditatem promittit (secundum Augustinum) attendenda est ratio, qui: (d) cum nondum nati fuissent, aut aliquid boni vel mali egissent, - - Jacob dilexit, Esau autem odio habuit: Dicerent nobis, optamus, Lutherani: unde, nedum nos, sed & Calvinistas proscribant (in citata (e) (Catechesi) quia non certò & indubitanter, sed probabiliter dumtaxat, de salute infantium è vivis (sine baptismo) evocatorum, sperandum esse docent? Numquid Pater, apud quem (f) non est voluntas, ut pereat unus ex pusillis istis (unde Lutherani ibidem arguunt) non est idem ille (g) qui omnes homines vult salvos fieri, & ad agnitionem veritatis venire? Sicut inquam ex his, adultis plures (quod de Lutheranis & Calvinistis simul, fœns dico) permittit Deus deperdi; nonne, idem poterit & ex illis? Litigent hoc Calvinistæ, qui probabiliter tantum suadent, idipsum quod Lutherani, sine verbo Dei scripto, nec adhuc tradito, illud volunt certum; ut nedum negantes, sed & opinantes circa traditum à Luthero dogma, proscribunt.

Interroganti secundò Apologista: unde nobis constet, 6. Traditiones ab Apostolis esse profectas? Millies responsum est, unde sibi constet contrarium? Sed solidius dicam: Constat nobis eodem testimonio, ac, quod scripturæ

Z

(b) Parte. 3. qu. 20. fol. 281. (c) Apoc. 18. 7. (d) Rom. 9. 11. (e) institutione 38. pag. 523. (f) Matth. 18. 14. (g) 1. Tim. 2. 4.



turæ sacræ à Deo revelatæ fuerint : utrumque enim testatur Ecclesia. Traditiones, insuper, Apostolicas esse aliquas, etiam ex scripturis habemus : Nam primò, *Christum* plura reservata habuisse, (h) quæ Apostoli portare non poterant, edocendi per *Spiritum veritatis* promissum, dubio caret. (i) *Ipsis*, se præbuit vivum post passionem suam, in multis argumentis per dies quadraginta apparens eis, & loquens de regno Dei (ait Lucas) : Apostolos ultra ea quæ scripserunt plura docuisse, memorat *Paulus*, tum, ad *Thessalonicenses*, (k) memorans, & traditiones, & epistolas; tum ad *Timotheum*, cui comittit servandum (l) doctrinæ depositum - - (m) edocereque alios ad magisterium idoneos, ea quæ ab ipso audivit - - tum, circa Ecclesiarum regimen, scribens ad Corinthios, ultra ea quæ scribebat : (n) cætera cum venero disponam. Ubi igitur legere Lutherani (sicut pro ipsis Apologista hic loquitur) ista fuisse eadē quæ Apostoli scripta reliquerunt? Hoc nē habent in verbo Dei scripto? an in proscripto verbo *Lutheri*? Et siquidem arroganter scribit (pag. 79.) *nil solidi* sibi responderi posse; quid, nec frivolum adhūc, ipse adduxerit, non video, illaturus; Apostolos, nil aliud in Ecclesiā loquutos fuisse, quam ea quæ scripserunt. Ad hæc non verebitur *Lutheranus* quislibet author, Patres post 4. sæculum scribentes, erroris fulmine in creditis Traditionibus aggredi, sicut *Apologista* calamus (pag. 84.) solitum ignem fatuum in eosdem emittit. Ex permissis igitur quatuor primorum sæculorum sacris Doctoribus, quosdam audiat.

7. Incipiat *Epiphanius*, qui integro. 4. sæculo vixit; Permittamque, hæreticum quemlibet, in Virum hunc Sanctissimum debacchari, si ejusdem autoritate posthabitā

(h) Joan. 16. 12. (i) Act. 1. 3. (k) 2. Thesal. 2. 15. (l) 1. Tim. 6. 20. (m) 2. Tim. 2. 1. (n) 1. cor. 11. 34.

habitâ; rationum vim, quibus in necessariô fatendis Traditionibus utitur, solvit: (o) Cum nuptis (ait) præcepta daret (Apostolus): dico autem innuptis & viduis; bonum est ipsis, si maneant ut ego; quomodo igitur istud usurpavit: alligatus es uxori, noli quærere solutionem? Nonnè contrariam Domini sui legem statuere videtur (Luc. 14. 26.): qui non relinquit Patrem & Matrem, & Fratres, & UXOREM, & Filios, & Filias, non est meus discipulus. Ad hæc; qui honestam conjugem, Patremque relinquere jubet, quomodo idem in alio loco dicit: honora Patrem & Matrem, hoc enim est primum, in promissione, mandatum; Et: quod Deus conjunxit, homo non separet? verùm, Divina omnia verba, non ad Allegoriam referenda, seu ut se habent, accipienda sunt; consideratione, ac sensu opus habent, ut argumenti cujusque vis, ac potestas intelligatur. SED, TRADITIONE, quoque OPUS EST: NEQUE enim EX SCRIPTURIS PETI POSSUNT OMNIA; idcirco, ALIA SCRIPTO, TRADITIONE ALIA, SANCTISSIMI APOSTOLI RELIQUERUNT. Quod ipsum, ita Paulus affirmat (1. Cor. 11. 2.) quemadmodum tradidi vobis. Item in alio loco (1. Cor. 15. 3.) ita doceo, & ita tradidi in Ecclesiis. Item (Ibid. v. 2.) Si meministis, nisi, frustra credidistis. Jam verò, ab Apostolis, Sancta Dei Ecclesia TRADITUM accepit; post decretam Virginitatem, ad nuptias se conferre, scelere implicatum videri. (ecce rationem totam ob quam rejecit Traditiones Lutherus) Etenim Apostolus scripsit: Si nupserit Virgo non peccabit. Quidnam igitur? Ambo hæc inter se Consentiunt? sed nimirum, de ea virgine loquitur, quæ Deo virginitatem suam non addixit - quod autem, ita se res habeat, ejusdem Apostoli testimonio constat, cum ait: (1. Tim. 5. 11.) adolescentiores viduas, devota. Cum enim luxuriata fuerint in Christo, nubere volunt. Habentes

Z 2



damnationem, quia primam fidem irritam fecerunt ( quia scilicet, antea, cœlibes manere Deo obtulerant. ) Si solida ista non sunt, audiant adhuc Lutherani, saltem æquæ claram ejusdem sententiam. (p) Ecclesia, necessario, hoc perficit ( scilicet orare pro mortuis ) TRADITIONE à Patribus acceptâ. Quis autem poterit, statutum Matris dissolvere, aut legem Patris? velut Salomon dicit (Prov. 1.8.) audi Fili sermonem Patris tui, & nē repudies statuta matris tuæ: ostendens, per hoc, quod IN SCRIPTURIS, ET SINE SCRIPTO, docuit Pater, hoc est Deus, & Unigenitus, & Spiritus sanctus. Mater autem nostra Ecclesia, habet statuta in se posita indissolubilia, quæ dissolvi non possunt. Non video, quomodo ab his Epiphani argumentis recursus maneat, ad dubitandum, Verbum Dei non scriptum traditumque Ecclesiæ. Quod probat S. Doctor; tum ex hoc, quia sine ipso, verba Apostoli cum Christi verbis; istiusque dicta mutuō, coherere non possent; tum ex maternâ curâ, quam Deus ut Pater Ecclesiæ contulit, cui perfectissimæ, & edoctæ sponsæ, non opus erat omnia scribere; pluraque, satis erat revelare. Confirmat id clarius, eodem sæculo, ex Latinis Hyeronimus: (q) etiam si scripturæ auctoritas non subesset, totius orbis in hanc partem consensus, instar præcepti obtineret. NAM ET MULTA ALIA QUÆ PER TRADITIONEM IN ECCLESIIIS OBSERVANTUR, AUTHORITATEM, SIBI, SCRIPTÆ LEGIS USURPAVERUNT &c. Si SS. igitur Ecclesiæ Patres, hujus sæculi percurrerem, plura, sed non efficaciora, repeterem.

8. Inquirendâ tertiî sæculi doctrinâ, agmen ducat Origenes: scribens (r) in Ecclesiasticis observationibus sunt nonnulla hujusmodi, quæ omnino facere necesse est, NEC TAMEN RATIO EORUM OMNIBUS PATET. Nam - (inter alia plura)

(p) Idem Epiphan. hæc. 75. (q) Hyeron. Dialogo contra Luciferianos. cap. 4. (r) Orig. hom. 5. sup. Numeros.

ia) - Eucharistia, sive percipiendæ, sive eo RITU QUO GERITUR explicandæ. - quis facile explicet rationem? Et tamen, omnia hæc operta & velata portamus super humeros nostros; cum, ita implemus ea, & exequimur, UT A MAGNO PONTIFICE, ET FILIIS EJUS, TRADITA, & commendata, suscipimus. Si dicerem, loquutum Originem de ritu gerendi Eucharistiam in Ecclesiâ servatam, ad percepturos ægrotos; suffragium, ( etsi Lutheranus ) adhiberet Psalus; qui scribit: (s) mittebatur ( unde, aliundê consecrata ) jam hoc sæculo. 2. Eucharistia ad ægrotos. ( quæ, nisi permanente, in eâ extra usum, Jesu Christo, non delata fuisset. ) Idem Origines ( lib. 1. in Math. apud Eusebium lib. 6. hist. cap. 25. ) ex Traditione didici, Ecclesiam, per totum Orbem dispersam, sola 4. Evangelia recipere: 1. Matthæi - 2. Marci - 3. Lucæ; 4. Joannis. Ex Latinis, verò Cyprianus, (t) circa Eucharistiam pariter: admonitos autem nos scias, ut in calice Domini OFFERENDO, Dominica Traditio servetur, ut calix qui in Commemorationem ejus offertur, mixto vino offeratur. Sed quid ad Lutheranos, quod Cyprianus, hanc Traditionem DOMINICAM dixerit? Ita in catechismo (u) citato insolescunt, ut dicant: Dato, esse factum ( Christum scilicet, vinum aquâ dilutum consecrasse ) pro more regionis illius, ob vina fortiora factum, & sic est indifferens. Gustavit, nê omnia Jerosolimitana vina cæuponarius hic Catechista Lutheri, ut omnia fortia, diluendaque perceperit? Fœlix in potando, natio; quæ, nê aquam vino misceat, nec in Sacramento, Christi morem servandum decernit. - Nec omittenda plura, quæ de Clemente Alexandrino, scribit (x) Eusebius: Clemens Alexandrinus (inquit)

(s) Psalus sac. 2. cap. 4. §. 3. pag. 34. (t) Lib. 2. epist. 3. (u) Dictericus, cit. institut. Catech. 21. de cœna Domini, pag. 550. (x) Euseb. lib. 6. hist. cap. 13. ex versione Gallica Mr. Cousin, quem ad manus habui, latine transl.



in libro de Paschate celebrando, ait: se rogatum fuisse ab amicis, ut Traditiones scriberet, quas à senioribus didicerat. Et: sunt & alii octo libri institutionum Clementis, in quibus tradit, & explicat Traditiones, quas Panthenius ipse Magister à majoribus acceperat. - Fuit Panthenius hic, ad prædicandum missus in Indiam; ubi Evangelium à Matheo scriptum, reperit: Magisterque Catecheticus seu verbo docens, Alexandriæ, ante ipsum Clementem; (ut scribit Pfsius, ad sæc. 2. c. 2. §. 2. pag. 27. 28.) Item: in primo libro Stromatum, loquitur de seipso, testaturque; successoribus immediatis Apostolorum quasi convixisse. (En rationem, quare, ab ipso veritates ab Apostolis traditas requirerent cæteri; scriptas enim in libris sacris, ejus tempore, habebant cuncti.) Nil solidius pariter repeterem, si sæculi hujus monumenta subadderem: etsi enim Lutherani recurrant ad hoc, quod Patres, de Traditione loquutos, eandem ex sacrâ scripturâ volebant elici (ut loquitur Pfsius), satis contrarium evincunt adducta testimonia. Quod si, Traditiones (Scripturæ sacræ contrarias) rejecisse addat: circumlata tunc Evangelia Apochripa rejecta fatemur, qui hoc apud Eusebium legimus.

9. Ad 2. sæculum, si transimus, monet Apologista (pag. 83. 84.) Irenaum & Tertullianum; quos falsus Traditionum mentionem fecisse; fingere volens, eosdem Traditionibus usos ad ipsas veritates quæ in sacrâ scripturâ extabant confirmandas, verba eorum non est ausus adducere. Solùm Irenaum dicentem (apud (a) Eusebium) cuncta quæ à Policarpo audierat, scripturis fuisse consona, Commemoratur. Sed num consonum, & idem, sinonima sint? interrogo: & Traditiones quas docebant hæretici plures illius temporis (duce (b) Valentino) sacris

(y) Sæc. 3. cap. 2. §. 2. pag. 47. (z) Idem ibidem. (a) Lib. 5. histor. cap. 20. (b) Vide Pfsium. sæc. 2. cap. 5. §. 4.

cris scripturis *dissonas*, æquè reijcio; sicut & humanas quasdam, ex Orthodoxorum quorundam simplicitate ortas, ab Ecclesiâ tamen sæculorum serie rejectas, nec unquam in totâ Ecclesia acceptatas: qualem fuisse dicam, illam, de futuro in terris *Christi Regno millenario*, quam, tanquam fabulam, à *Papia* (viro Apostolico, aliàs, ac piissimo) inventam, irridendamque, noscebat Ecclesia (c) ante *Eusebium*: imò de Authore, addidit iste: *Quod Papiam credidisse, suadeor, quia veritates ab Apostolis sub figuris traditas, non comprehenderit, ipsius enim mediocre fuisse iudicium, ex ejusdem libris patet.* Unde (siquidem *Apologista*, ab eo, quasi infallibiliter sibi videtur arguere) ex *Eusebio* inferet, de facto *Traditas* ab Apostolis veritates, etiam *sub Figuris*. Quas si easdem cum scriptis adhuc repetat, alibi ipsum *Eusebium* legat: (d) *Moyſes (ait) in tabulis inanimatis; Christus autem in mentibus vitâ pradtis, perfectâ novi Testamenti documenta descripsit: ejus vero discipuli, ad magistri sui nutum, auribus multorum, doctrinam suam Commodantes - - partim litteris; PARTIM SINE LITTERIS, QUASI JURE QUODAM NON SCRIPTO, SERVANDA Commendarunt.* Error igitur, si quispiam in *Papia*, ex malè intellectâ doctrinâ Apostolicâ, sequutus fuit, hanc non potest evertere; quia non ad *Papiam*, sed ad Ecclesiam spectat, veras Traditiones à falsis discernere.

Sed jam ad verba Tertulliani & Irenæi, quæ Apo- 10.  
logista proferre non audet; num, *Traditione*, eandem doctrinam sacræ scripturæ commendaverint, inquisituri, deveniamus. *Tertullianus*, (primò) plura, & ferè integra capita libri *de coronâ militis*, in *Traditione* suadenda percurrit; aliqua liceat inde secare, quæ clarius scri-

(c) Ex Eusebio lib. 3. cap. 39. (d) Euseb. lib. 1. demonstr. Evangel.  
cap. 8. apud Joſoſum. cit.



scribit. (e) *Facile est* (arguit ex hæreticis) *statim exigere*, ubi scriptum sit, *ne coronemur*? (respondet) *At enim, ubi scriptum est ut coronemur*? *Expostulantes enim scripturæ patrociniū in parte diversâ, præjudicant, suæ quoque partī scripturæ patrociniū adesse debere. Nam si ideò dicitur, coronari licere, quia non prohibeat scriptura; æquè retorquetur, ideò coronari non licere, quia scriptura non jubeat. &c.* (Audiant Novatores; & in omni, quam negant, Traditione, sic arguant si vim illationis attingunt.) - Item: (f) etiam in Traditionis obtentu, exigenda est, inquis, auctoritas scripta. Ergo queramus, an, & TRADITIO NON SCRIPTA non debeat recipi? Planè negabimus recipiendam, si nulla exempla præjudicent aliarum observationum, quas, SINE ULTIUS SCRIPTURÆ INSTRUMENTO, SOLIUS TRADITIONIS TITULO, exinde, consuetudinis patrociniū vindicamus. Denique, ut à baptismo ingrediar, aquam adituri, prius contestamur, nos renuntiare diabolo, & pompæ, & Angelis ejus. Dehinc, ter mergitamur, AMPLIUS ALIQUID respondentēs, quā Dominus in Evangelio determinavit - oblationes pro defunctis, pro natalitiis annuā die, facimus. Die Dominico, jejuniū nefas ducimus. (& post alia) - Ad omnem progressum, atque promotum; ad omnem aditum & exitum; ad calciatum, ad lavacra, ad Mensas, ad luminā, ad cubilia, ad sedilia, quæcumque nos conversatio aliqua exercet, frontem, Crucis signaculo terimus, &c. - Tandem: (g) harum, & aliarum similium disciplinarum, SI LEGEM EXPOSTULES SCRIPTURARUM, NULLAM INVENIES. TRADITIO TIBI PRÆTENDETUR AUCTRIX, Consuetudo, confirmatrix, ET FIDES OBSERVATRIX. Rationem, Traditioni, consuetudini, fidei, patrocinatoriam, aut ipse perspicies, aut ab aliquo qui perspexerit, discēs, &c. His exemplis, renuntiaturum erit, posse ETIAM NON SCRIPTAM TRADITIONEM,

in

(e) Tertul. lib. de corona militis, cap. 2. (f) ib. cap. 3. (g) ibid. cap. 4.

*in observatione defendi*, CONFIRMATAM CONSUE-  
TUDINE, IDONEA TESTE PROBATÆ TUNC TRADITIONIS, EX PERSE-  
VERANTIA OBSERVATIONIS. Cuncta Tertullianus intulit,  
cuncta prævenit: si de Traditionibus non scriptis non fa-  
tis clarè percipitur, clariùs infertur Lutheranorum cæ-  
citas.

Accedat Irenæus, sed brevior; quia de ipſius II.  
doctrinâ, parùm jam tetigimus antea. Apud Eusebium,  
(h) ab Apologifta productus, audiatur. Irenæus videns  
eum (Florinum) in Valentini errorem lapſum, ſcripſit lib-  
rum de Ogdoadæ. (En ocaſionem ſcribendi, confutare  
ſcilicet fabulas Valentini, tanquam fictas Traditiones cum  
veris miſcentis.) Ipſe (proſſequitur Eusebius) in diſto libro,  
teſtatur, ſe recepiſſe primam Traditionem Apoſtolorum - - Item:  
ipſe (epiſtola ad Florinum) teſtatur, ſe, antea cum Poli-  
carpo familiariter converſatum; en ejusdem verba (Irenæi)  
Hæc Doctrina, Florine chariſſime, ut, quò mitiùs poſſum,  
dicam, ſana non eſt. Ipſam - - Presbyteri qui nos anteceſſe-  
runt, quique ipſorum Apoſtolorum diſcipuli fuerant, tibi  
minimè tradiderunt. (Et recolens cum Florino ipſo habi-  
tam ſodalitatem apud Policarpum eorundem Magiſtrum,  
addit): Memini, & adhuc referre poſſum, verba Policarp  
ad populum habita; narrata etiam ipſius colloquia cum Jo-  
anne, aliisque, qui Dominum viderant; cunctorumque, quæ,  
de Doctrinâ & miraculis Chriſti, ipſum edocuerant: IN  
QUIBUS, NIL ERAT, NON VALDE CONSONUM, HIS QUÆ IN  
SACRIS SCRIPTURIS LEGIMUS (quæ tamen ab his diſtincta  
ſubdit) Deus mihi hanc contulit gratiam, ut cuncta at-  
tentiffimè audirem, IPSAQUE SCRIBEREM, NON IN CHARTA,  
SED IN CORDE; eaque continuò repetam. Ultra ſacram, er-  
go, Scripturam, quam certè Irenæus ſcriptam habebat  
in chartâ, alia Florino memorat, ab Apoſtolis per Po-  
licar-

A a

(h) Lib. 5. hiſt. cap. 20. ex verſione Gallica. Couſin.



*licarpum* habita, & in corde servata; quæ, scripturæ sacræ valdè consona, *Valentinianis* fabulis sacræ scripturæ dissonis, ut *Florinum* corrigeret, opponebat. Et quis credet, *Apostolos*, *Policarpum*, cœterosque quotidie concionibus applicatos, præter Divinæ scripturæ Lektionem, nil addidisse? Divini verbi Lectio, in *Calvinistarum* Ecclesiis, ei qui scit vix legere committitur; postque hanc, Concionator (etsi *Minister verbi Dei* vocetur) orationem, secundum scripturas ut ipsi dicunt, textit, & profert; sed artificiosam, & à seelaboratam, die unaquaque diversam; quarum, quasdam me audivisse à *Ministro Genevensi*, *Moskue*, non spernendas, justè testabor, nec unquam verbo uno circa dogmata ipsorum mixto, solâ doctrinâ morali refertas. Sic *Lutheranorum* Ministri quoque, ultra scripturam sacram, plurima docent: & hoc de *Apostolis* dubitabunt?

12. Si *Areopagitam Dionisium*, primi *Apostolici* sæculi scriptorem addiderim, asserentem: (i) *primi illi sacerdotalis muneris duces, cum ex summâ supersubstantialique Deitate, ipsi sancti muneris plenitudinem percepissent, & idipsum propagare, à Divinâ bonitate missi essent, - - summa illa, & supersubstantialia, PARTIM SCRIPTIS, PARTIM NON SCRIPTIS INSTITUTIONIBUS SUIS (juxta quod sacræ definiunt leges) tradiderunt; Respondebunt Lutherani (cum (k) Psa-fio) non illius, sed alterius (quem Pseudo-Dionisium vocant) quarti sæculi scriptoris, opus esse; imò quinti sæculi diceret forsan Apologista cum aliis. Quidquid isti novi critici dicant, Græci omnes, saniorque Latinorum pars, eundem *Areopagitam Pauli* Discipulum ut authorem recognoscit, citatum à sexta synodo generali, Act. 4. & 8. contra *Monothelitas*; & à Synodo 7. contra *Ico-*  
*noma-**

(i) Lib. de Ecclesiastica hyerarchia. cap. 1. (k) Sæc. 4. cap. 1. §. 3. pag. 61. 62.

*nomachos*; de quo, criticum non interest ad præsens ferre iudicium.

Inde, plusquam opus erat, satisfiet Apologista 13. quærenti tandem; quâ ratione, continuâ successione in Ecclesiâ propagatæ sint Traditiones? Si enim à quarto sæculo, fatetur Apologista (pag. 85.) istas retentas; cumque aliis erroribus (oblatrat) hunc quoque, quo, Traditionibus, plusquam decebat tribuerunt, irrepsisse; demonstratâ sibi eâdem antecedentium sæculorum doctrinâ, tenebuntur Lutherani, aut fortiùs insanire, aut obmutescere. Et si enim nobis illusurus addat (ibid pag. 79.) ; quosdam ex Romanæ Ecclesiæ additis putare, se rem acu tetigisse, dicentes, eam traditionem esse Apostolicam, cujus certa assignari origo nequeat: audacior ostenditur Donatistis, quorum ullum nescimus insultantem Augustino contra ipsos scribenti: (1) *Quod universa tenet Ecclesia; nec Consilii institutum est, sed semper retentum, non nisi auctoritate Apostolicâ traditum, rectissimè creditur.* Ubi, ut una capiatur, bina addita attendi debet conditio. Ponitur, non esse Concilii statutum, sic enim, esset *Traditio* merè Ecclesiastica & mutabilis ob diversa motiva; unde, Ecclesiasticam rei cujusdam nescimus originem, licet de eâdem loquatur Consilium aliquod, tanquam de re antiquiori. Ultra istud, ergo, aliquid esse debet, quod *universa, & semper, Ecclesia* (etiam hæreticis insultantibus) *tenuit*; sic enim non fuisse errorem suadetur. Nec aliud intendit *Orthodoxa Ecclesiæ Orientalis Confessio*, dicens; (m) *eadem ab Apostolis, vivâ voce tradita fuisse postmodum à consiliis, sanctisque Patribus, PLENIUS DECLARATA*; supponit siquidem ab Apostolis traditum, quod declarat plenius Ecclesia jam retentum. Tales, ut tandem sibi plu-

A a 2

(1) August. lib. I. contra Donat. cap. 24. (m) Confess. Orthod. parte 1. qu. 4. fol. 19.



plura explicemus; si materia illarum, etiam Apostolorum authoritatem exceſſerit, nec Apostolicas dicimus, sed *Divinas*: sicut, de *septenario Sacramentorum numero*; de *Virginitate B. M. V. perpetuâ*; de *parvulis baptizandis*; de *aquâ calici sacro miscendâ*, & alia: si verò *Apostolicum* munus concernant, tum Christi præconum, tum primorum loco Christi rectorum Ecclesiæ; ab ipsis ut edocis & directis à Christo, ejusdemque sanctissimo spiritu acceptas, *Apostolicas* vocamus; sicut *institutio Quadragesimæ & Parasceves*; *observatio diei Dominicæ loco Sabbati*; *Chrismatis renovatio*, & alia; quæ, non cuncta, Apostolos, quoad mores, ordinasse perpetua, constat ex eorum lege (n) de *suffocato* non edendo, quæ jam ab *Augustino* (o) memoratur, ejusdem tempore in desuetudinem abiisse: Quod, si Traditionis retentæ post Apostolos, sive Synodis, sive Prælatiſ disponentibus, reperiamus initia, vocatur tunc merè *Ecclesiastica*; sicut *solemunitas*, & *observatio Festorum præter Dominicam*; pii mores, tum *aquæ benedictæ aspergenda*, tum nos *cruc signandi*; & alia. Hæc tetigisse licuit, diffusissimè jam tractata à pluribus; apud quos videnda relinquo: nec ista insinuassem, nisi *Apologistâ* compulisset.

14. Nec tantum Ecclesiæ Christianæ proprium fuit, Traditionibus niti. Præter ea quæ de tempore *legis naturæ* ante *Moysen* jam supra diximus, aliquid addam: In illâ modus aliquis habebatur, Deum colendi, sacrificia offerendi; & hominibus, naturæ lux, ut in Deum supernaturaliter crederent ac sperarent, aut fidei Divinæ misteria credenda, non dictabat; (p) *juxta quam fidem defuncti, non acceptis repromissionibus, sed à longè consistentes celebrantur à Paulo, Abel, Henoch, Noe, Abraham,*

(n) Act. 15. 29. (o) Aug. lib. 32. contra Faustum. (p) Hebr. 11. 13.

*raham, Sara, & alii. In eà igitur Ecclesià, quam nulla dirigebat scriptura, quæ non erat; quomodo, nisi Traditione, credita fuissent sequentia: mundum à Deo creatum esse: peccatum ab Adamo propagatum: remedium ad idem tollendum: Messiam venturum: Deum remuneratorem, & ultorem: vitam æternam futuram post mortem; & plura alia? In lege scripta, etsi tandem, Phariseorum malitiâ, vanæ, & justissimè à Christo reprehendendæ Traditiones humanæ fuerint introductæ, quarum aliquas ex Evangelio notabo infra; meritò tamen ab omnibus credebatur; tum symbolis illis & figuris; nubis dirigentis; Mannâ cibantis; petre adaquantis &c. præfigurari Christum; quod nullibi scriptum legimus usque ad (q) Paulum: sicut, cruenta in lege illâ præscripta sacrificia, credebantur typus mortis Christi futuræ; quod scriptum tamen non erat: Remedium peccati originalis in fœminis (quod externo ritu conficiendum, eodem modo, tempore Mosaica legis ab antiquioribus Moyse Patribus traditum continuasse, sentio cum (r) S. Thoma, & Theologis) nullibi scriptum invenitur; sicut nec pro parvulis ante octavum diem, ad quem circumcisio protrahebatur, morientibus; quibus tamen credebatur peccatum practico aliquo remedio à Deo revelato, tolli, (licet verum Sacramentum, quod (s) saniores Theologi fuisse supponunt, non extiterit; de quo non ad præsens.) De his, & aliis, putat S. Hilarius mentionem fecisse Christum (Math. 23. 2.) dicentem: super Cathedram Moysi sederunt scribæ & Pharisei: omnia ergo, quæcumque dixerint vobis, servate, & facite: de quibus, Moyses, præter legem scriptam, velut secretioribus legis mysteriis, septuaginta illos viros Synagoga præfectos, ut illa populo docerent*

in-

(q) I. Cor. 10. (r) S. Th. 3. p. qu. 70. art. 2. ad 2. (s) videatur idem. qu. 69. & sequ. (t) Hilarius in Psal. 2.



instruxerat. Atque de his asserit *Augustinus* (contra adversarium legis & Prophetarum. lib. 2. cap. 1.) Judæos Traditiones suas non scriptas habuisse, sed memoriter retentas, ab altero in alterum loquendo transfusas: quamvis postea recentiores Hæbræi varia de ipsorum *Traditionibus* edidère volumina; *Mischnam*, quæ est *lex secunda*, vel *Oralis*, sæculo quinto Christiano edita à Rabbino *Jebudà* - - *Gemara*, quod est complementum seu expositio *Mischnæ* - - *Thalmud*, ex utroque *Mischnâ* & *Gemarâ* conflatum, sive *Jerosolomiticum*, sive *Babylonicum*, utrumque mille blasphemiiis in Christum, falsitatibusque refertum, jussu Romanorū Pontificum *Gregorii 9.* *Innocentii 4.* *Julii 3.*, *Pauli 4.*, & *Clementis 8*, proscriptum & combultū - - *Massorâ*, idest *Traditionē*, ex litteris & punctis puritatem textus sacri inquirentē - - *Kabalâ*, seu symbolicā Theologiam, & scripturæ *anagogicâ* expositionē antea, nunc apud *Judeos* corruptissimā *Magiâ*. De his omnibus hodie inter hebræos ipsos jam confusis egere plures, ut *Mirandulanus*, *Morinus*, & alii. Videatur *Petrus Annatus* in suo apparatu tom. 1. lib. 3. art. 5. Quid igitur aliud (dicam cum *Augustino*) mirabimur in Dei manu; postquam (u) *fecit potentiam in brachio suo*, *dispersitque superbos illos*, *deposuitque potentes de sede*, & *exaltavit* (Nos Christianos) *humiles*: conservante *Judeorum* Gentem, Providissimo Dei judicio non deletam, sed præter aliarum nationum afflictarum ordinem, per totum terrarum orbem dispersam: nisi, ut Legem Christum adumbrantem & Evangelium, ipsis *Judeis* testibus, commendaret: quorum etiam *Traditione*, videntes *Ethnici* venerabilem, ipsam non rejicerent, ut Christianum figmentum? (x) Quid est (ait *Latinorum Patrum Aquila*) *hodie gens ista*, nisi *quedam scriniaria bajulans legem & prophetas*, ad testimonium assertionis Ecclesiæ, ut nos honoremus

(u) Luc. I, v. 51. (x) August. lib. contra Faustum cap. 23.

remus per Sacramentum, quod nuntiat illa per litteram? Videmus ergo Traditionem hanc à Judæis ad nos usque continuatam; ut, quas scrutandas scripturas Christus præcepit, ex Traditione Judeorum & Ecclesiæ noscamus easdem esse quas nunc habemus.

Exulet, inde, criticorum plurium (Protestantium 15. ferè cunctorum, qui Lutherum ad glosam margin. 2. Reg. 23. 8. imitati sunt) delirium; ex quibus, ut Massoram Hebræorum refutaret, sequentes Theses deduxit audacissimus Tubingensis, Bulffingerus, laureandus; (y) Præside Pfasio. Thesis 5. erat: unde conficitur, Judeos veteres, non adeò religiosos fuisse, ut non dubitarint, textum sacrum corrumpere, &c. - & Thesis 8. Codices novi testamenti corrumpere, Librarii, Critici, Impositores, Hæretici, Orthodoxi, Vetusas. Bonè Deus! Neminem præter se ipsos credo, ab hac corruptioni datâ ope, dispensant; sed si cuncti (præter Lutheranos) depravarunt, Lutheranos ob jactatam puritatem quibus annumerandos dicemus? Si & Orthodoxos, & hæreticos, depravasse accusant; ipsos Purificantes, novos (Evangelicos non sed) Evangelic-Catharos, irrideamus. Has Theses adjectis notulis fulturi confuderunt; ut antiquissimis Ecclesiæ Patribus, novos Criticos, quorum nomina nec memoranda judico, præponerent; quò, nec in Scripturæ sacre litterâ quam dicunt fidei regulam idem omnes dicant. Hæbreos & Græcos fontes, si quos Lutherus ejusque sequaces biberunt, corruptos fateantur; Ecclesia, custodiâ cœlesti munita, illibatos in sæcula sæculorum conservare poterit. Non negamus, Judeos Massoram habere confusam, corruptam, & incertam; aut quod malitiosè Hæretici quædam exemplaria depravaverint; sed quis dubi-

tave-

(y) Inter opera Pfasio secundò edita Tubingæ. 1718. Primitiæ Tubingenses. parte 1. differt. de Evangeliiis sub Anastasio Imper. non corruptis. Addita in fine corollaria pag. 65.



taverit mansisse alia pura ad directionem Ecclesiæ? Si Lutherus corrupta habuit, quid ad nos? Eadem purissima tradere nobis potuit *sola Ecclesia*. Multo minùs, hac Divinâ Traditione, intelligendam dicam *Disciplinam* illam *arcani*, quam (crisim vitaturus) non asseram somnium, sed usque adeò, arbutivum labruscarum involu-  
crum. Hanc conatur *Pfaffus* (2) ipse stabilire: proponens primò; *Adamum in statu innocentie Trinitatis mysterium ignorasse*; ut *disciplinam arcani* etiam in Paradiso inferat. Sed quo fine? Si etenim unico creato homini Deus arcanum hoc misterium zelasset, quomodo *disciplina arcani* dici posset, id quod soli Deo notum *disciplina* nec esset? E contra verò; Deus, parentes primos in Paradiso collocatos, (a) *disciplinâ intellectus replevit*; *creavit illis scientiam spiritus*, & *sensu replevit cor illorum*: unde; & quia Adam omnibus animantibus (b) *nomina imposuit*, infert *Chrysostomus*, (c) perfectam rerum omnium in eo fuisse scientiam: & Angelicus meus Dr. *S. Thomas* (d), longè altiore hanc in eo fuisse de rebus Divinis, quam quilibet homo modò habeat; quia mens ipsius liberior erat tunc, quàm nunc nostra, quorù (e): *Corpus quod corrumpitur (post peccatum) aggravat animam*, & *terrena cogitatio deprimit sensum*; in illo autem, potentiis inferioribus rationi subjectis, ita hæc imperturbata illustrabatur à Deo, ut probabiliter dicat *Augustinus*, (f) Deum tunc primis hominibus loquutum fuisse, sicut illuminando eosdem loquitur *Angelis*, ipsâ incommutabili veritate illustrans mentes eorum, etsi non cum tantâ participatione Divinæ lucis. *Trinitatis etiam mysterium* revelatum fuisse *Adamo*, expressè  
do.

(2) Dissertatione posteriori de præjudiciis Theologicis, à S. 13. pag. 149. sequ. (a) Eccli. 17. 5. (b) Gen. 2. 20. (c) Chrysost. hom. 14. in Gen. (d) S. Thomas 1. p. qu. 94. art. 1. (e) Sap. 9. 15. (f) August. lib. 11. de Genesi ad lit. qu. 33.

docuit (g) *Epiphanius* : solaque illa, quæ ad ordinandos homines in finem supernaturalem non pertinent, *Adæ- mum latuisse*, addit ipse *Doctor Angelicus* - - Nec ea quæ (Joan. 14. 26.) Apostoli, à Christo, pro tunc *portare non poterant*, disciplinam *arcani* imaginatam suadent : hanc enim *Arcaniaci* isti volunt doctrinam profundissimam, paucos inter conservatam etsi non divulgatam omnibus, ea vero *importabilia* nemini tunc patebant ; postquam autem, advenientis Divini spiritus Magisterio, ea novè Apostoli cuncti, omnibus pariter isti (h) *repleti Spiritu, ceperunt* (& continuaverunt) *loqui, variis linguis*, (non limitatè, sed) *prout Spiritus sanctus dabat eloqui illis magnalia Dei*. Nec dicam, omnes auditores, & credentes, æqualiter mysteria percepisse. Sed cum : (i) *omnis doctrina divinitus inspirata utilis sit ad docendum, ad arguendum, ad corripiendū, & ad erudiendū in justitiā*; nil credi potest quod cœteris zelandum Apostoli revelatum acceperint : magisque mirandum, *Lutheranum* quendam, hanc *arcanorum* incommunicabilitatem contendere ; simulque, ex his *Pauli* verbis inferre, (cum *Apologista* hîc) nil ad directionem Ecclesiæ à Deo receptum non scripisse, ut vivâ voce ab ipsis Traditas veritates credendas, observandasque regulas, tenaciùs negent omnes. Hinc, quotquot ex antiquis Patribus, *occultandi profundiora mysteria populo*, proferuntur (ab eodem *Pfaffo*) testimonia, intelligi debent de actione solemni Sacrificii Eucharistici, ad quod *Gentiles* & *Catecumeni* non admittebantur, post lectionem Evangelii & doctrinam prædicatam, è *communicantium* cœtu exclusi : unde in Latinorum ritu non dicit sacerdos : *Orates fratres*, (idest, in Christo mecum renati) nisi post offertorium, quando scilicet jam exie-

B b

rant

(g) Epiphani. in Panario adv. hæreses. initio. (h) Act. 2. 4. 11. (i) 2. Tim. 3. 16.



rant *Catecumeni* antecederent instructi. Sic in antiquis *Liturgiis* reperitur, ante *Sacrificium*: *Catecumeni exite: si quis non communicat, det locum*: adhucque in Græcâ, ut arcanissimum *Mysterium* laicis non pateat, clauduntur portæ *Sanctuarii* usque ad sacrificii finem, quando istis redapertis, dicitur *communicaturis*: *Sancta, Sanctis*; cum tamen in *Missa Præsanctificationum*, in quadragessima, quia *Sacrificium* non offertur, sed præconsecratis speciebus die *Dominicâ* completur in jejunii diebus *Liturgia*, portas *Sanctuarii* non claudi, vidi, quoties interfui. Sed de *disciplina* hac *arcani* nec vestigium invenitur inter Latinos aut Græcos: quia, tum doctrina, tum disciplina Ecclesiæ, traditæ sunt pro omnium utilitate; occultandæ solum eis, qui extra Ecclesiam sunt, vel quia indignis, vel quia forsitan despecturis.

16. Jam ex hucusque dictis, liquet responsio ad omnia ab Apologistâ objecta. Traditiones siquidem reprehensæ à Christo, erant *Pharisaica*, pro Divinis fictæ, sicut: lavandi manus, nedum (k) ante, sed (l) frequenter in prandio, ob quod fortè, legimus, (m) *Lapideas illas hydrias sex positas* (in *Canâ Galileæ*) *secundum purificationem Judeorum*, quarum aquam Christus convertit in vinum: quod (n) cum peccatoribus non esset manducandum, ob quod scandalizabantur in Christo, quia permetteretur (o) *tactus peccatricis mulieris*: quod *Sabbato*, nec liceret (p) *ægrotum sanare*; nec famelicis (q) *spicas vellere*: quod decimandum esset, etiam (r) *anethum, menta, & cuminum*: quod (s) *jurare per templum* nil esset, nefas autem *jurare per aurum templi*: & aliæ, quarum nonnullæ videbantur laudabiles; sicut, quod (t) *frequenter jejunantes discipulos* Chri.

(k) Matth. 15. 1. (l) Marci 7. 3. (m) Joan. 2. 6. (n) Matth. 9. 11. (o) Luc. 7. 39. (p) Luc. 6. 7. (q) Matth. 12. 2. (r) Matth. 23. 23. (s) Ib. v. 16. (t) Matth. 9. 14.

Christi, non jejunantes verò illorū more, reprehenderint. Tamen, vel quia (u) *ea faciebant ut viderentur ab hominibus*; vel quia minuta ista servantes, majora respuebant, (x) *excolantes culicem, camelum autem glutientes*; vel quia avaritiā capti, ob cœremonias orandi, (y) *Comedebant domos viduarum*: has, cum aliis verbo Dei oppositis, Christus reprehendit: quorū si aliquid, in servandis Christianis *Traditionibus*, ut hypochrisis, aut defectus in principalioribus Dei mādatis reperiretur, æquē nos reprehēsbiles essemus.

Quæ ex *Irenæo*, & *Papia*, subaddit, ex dictis 17. facilē corruunt. Quia tamen *Basilium* provocat (pag. 86.) *Basilium* audiat; qui non veretur scribere: (z) *Sine Traditionibus non scriptis, Evangelium esse purum nomen*. Laudetur spiritus ejusdem propheticus, pro *Lutheranis* prævisis; in quibus *purum nomen Evangelicorum* mansit, impurissimo retento ejusdem sensu, Traditione rejectā. Sed prosequatur *Basilus*: *DOGMATA*, ait, *quæ in Ecclesiâ servantur, partim ex conscriptâ Doctrinâ habemus, partim ex Apostolorū TRADITIONE in misterio ad nos delata recepimus. Quæ utraque, ad pietatem, eandem vim habent, & NEMO his contradicit, QUI MEDIOCREM SALTIM ECCLESIASTICORUM JURIIUM EXPERIENTIAM HABET* - - Nullam, dixisset potiùs, *Ecclesiasticorum jurium* residuam in *Lutheranis notitiam*; sed minorem adhuc miremur ipso- rum in explicandis SS. PP. intelligentiam; cum (ex *Chemnitio*,) de ritibus non necessariis explicant verbum illud *Basilii*, *DOGMATA*; quid enim respondere possunt solidū, ignoro ad alia ejusdē verba: *Quæ utraque* (idest, dogmata scripta, & non scripta) *ad pietatem, EANDEM VIM HABENT*. Quæ, si de ritibus non necessariis ( ut cru-

B b 2

cis

(n) Matth. 23. 5. (x) Ib. v. 24. (y) Ib. v. 14. (z) Basil. lib. de spiritu. S. cap. 27.



cis signo, aquâ benediâ &c.) vera essent ( sicut explicavit *Chemnitius* ) fortiùs opponerentur cum Lutheranis deliriis; furentes enim legimus cunctos istorum, contra ritus hujusmodi, quos asserunt supersticiosos. Quid igitur Apologista inferre voluerit ex *Basilio*, vix capio; cum rectissimè prævenerit Sanctus Doctor (a) *repurgandos nos esse ab omnibus, pariter, sive diabolicis concupiscentiis, sive mundanis fastigiis, sive Traditionibus humanis*, quas Christum reprehendisse videmus; Divinas autem, quas à Christo & Apostolis, imò & ab Ecclesiâ à spiritu sancto directâ recepimus, sedulò commendaverit. Hancque *Basilii* mentem, verbis ejusdem, *Apologista* ostendit, sanctissimâ illâ regulâ (b): *quod nullo modo sequi debemus humanas traditiones; ut pro illis defendendis, præcepta Divina violemus*; (sicut fecisse *Phariseos* increpaverat (c) *Christus*.) servatis autem istis, regulam eandem ( quam veluti alteram nobis Apologista objicit ) pro nostro Catholico dogmate, prosequitur: (e) *ad unum, omnia servanda sunt, quæ, à Domino, per Evangelium & Apostolos tradita sunt, neque eorum quidquam prætermitti debet*. Quomodo namque, minimo nedùm, sed nec maximo labore, quo verè opus esset ( ut *Apologista*, laborem tamen quia infructuosum futurum omitens, loquitur p. 86. ) ostendi posset, *Basilium*, *Traditionum humanarum*, indeque *rejiciendarum* nomine, *Sacras*, & quas nos ut *Divinas* suscipimus, intellexisse: quislibet judicet. Nam quod *Basilius*, ex textu *Apostoli* ( 2. *Thessal.* 2. 15. ) : *tenete traditiones, quas didicistis, sive per sermonem, sive per epistolam*, Traditiones tantùm ab Apostolo scriptas servandas intulerit; nisi rationis expers nemo proferet, qui legat eum scribentē (f): *dogmata*

(a) Lib. 1. de Baptismo cap. 2. (b) Idem *Basil.* in moralibus. cap. 2.

(c) *Marc.* 7. 6. (e) *Basil.* ubi supra cap. 3. (f) ex lib. de Baptismo cit.

*mata, partim scripta, partim ex Apostolorum traditione delata & recepta, quæ UTRAQUE, ad pietatem, eandem vim habent.* Eadem ergo Dialecticâ Apologista ( pag. 87.) in *Basilium*, quâ *Lutherus, Calvinus, Beza*, & ejusdē fermenti homines *disjunctivam* vocem Apostoli: *sive per sermonem, sive per Epistolam*, in dictionem *copulativam* vertērunt; *per sermonem ET epistolam*: cum tamen *Græca* (g) *phrasis* (ex *Arias Montano*) sicut *vulgata lectio*, per *disjunctivam, SIVE*, sententiam Pauli exprimat. Sicque, ut *Traditiones vitent, sacram scripturam* corrumpunt.

Viribus tandem fractis, dimicare statuit *Apolo-* 18.  
*gista*, somniatâ inter *Latinam & Græcam* Ecclesiam, ex *sacris Traditionibus*, pugnâ. Absit, ut propter ea quæ ( pag. 87. 88. ) allegat, audiatur inter Latinos & Græcos discordiâ; quam, si ob peccata utrorumque Deo permitte, in substantiali quodam religionis capite, debeamus ex utrisque veri Orthodoxi, non plenē sedatam, oculis non siccis aspicere: ob ritus tamen à tota Ecclesiâ approbatos, etsi diversos, nemo *Græcus* aut *Latinus*, mente qui polleat, alium mutuô oppugnabit; sed simul, *Reginam* (h) Christi sponsam venerabundi magnificabimus, *astantem à dextris ( ipse ) in vestitu deaurato* ( fidei ), *circumdatam varietate* ( in ritibus ): cujus: *omnis gloria, Filie regis ab intus, in simbris aureis* ( dogmatum ), *circumamicta varietatibus* ( in Deo gratis moribus, & exercitiis. ) De his, spero me, fusiùs, intentâ pace, ut privatim non semel feci, tractaturum. Sed breviter *Apologista* responsurus, ab ipso objecta percurram. *Græci* (ait) *in sacra Eucharistiâ panem Enzymum adhibent; Latini, panem Azimum.* Fateor. Sed legit nē hic *Jenensis Doctor*, Catholicorum Latinum aliquem, qui, *Græcam, conficiendæ ab ipsis Eucharistiæ in fermentato*, damnarit

B b 3

Tra-



*Traditionē? Ad minutorū tyronum ex nostris, eum, remitto doctrinam; dicet, peccare mortaliter Græcum conficientem in azimo, sicut Latinum qui in fermentato; non servatā ab utroque Traditione ejusdem Ecclesiæ: & quamvis non defuerint Græci, qui contra Latinorum azimā consecranda non pauca protulerint; Sapientes tamen, ritum non detestavere laudabilem. Loquatur pro Latinis Theologis S. Thomas: (i) super hoc, sunt diversæ Ecclesiarum consuetudines. Dicit enim B. Gregorius in Registro: Romana Ecclesiā offert azimos panes: propterea quod Dominus, sine ullā commixtione suscepit carnem: sed Græcæ Ecclesiæ offerunt fermentatum, pro eo quod verbum Patris indutum est carne, sicut fermentum miscetur farina. Unde sicut peccat Præbiter, in Ecclesiā Latinorum, celebrans de pane fermentato; ita peccaret Præbiter Græcus, in Ecclesiā Græcorum, celebrans pane azimo, quasi pervertens Ecclesiæ suæ ritum. - Et postquam Azimorum ritum commendasset, prosequitur. - habet tamen hæc consuetudo Græcorum aliquam rationem; & propter significationem quam tangit Gregorius; & in detestationem hæresis Nazæeorum, qui legalia Evangelio miscebant. &c. Ex Græcis (ne dicant Lutherani, Romanis addictos me quærere), Theodorum (k) Balsamonem, Latinis adversissimum, proferam: oportet autem nosse (ait) Ebionem primum docuisse, solis Azimis sacrificari oportere, atque hoc primū penes nos. Id, quod detestati qui tunc erant Patres, qui promiscuē panibus quoscumque habebant, sive Azimis, sive fermentatis sacrificabant, constituerunt, ut Nos in solo fermentato Eucharistiam & sacrificium perageremus: ut factō ipso damnarent impiam sententiam, ostendentes, & in fermentato confici Sanctissimū Servatoris nostri Dei sacrificium. Tantū abest, nē in hoc puncto, Latini ac Græci pugnemus; ut ex vero pane, Eucharistiam à Græcis*

(i) S. Th. Aqu. 3. p. qu. 74. art. 4. in corp. (k) In can. 70. Apost.

cis in *fermentato* factâ, adoremus Latini; & in *Azimo* à Latiniis, adorent Græci. Radicem disparis hujus ritus, credo tetigisse *Græcum Nicolaum* (l) *Comnenum Papadopoli*. Supponit, *Petro ex Antiochiâ Romam* translato, Græciam ex majori parte, fidem recepisse à *Paulo*; quod ex majori Epistolarum ad Græcos directarum numero conjicitur: edocti ergo à Christo Apostoli, *Eucharistiam* in pane fiendam, de fide scientes, alius in *Azimo*, alius in *fermentato*, & certiûs, quislibet in utroque, promiscuè sacrificavit. *Petrus* autem moribus *Judaorum* addictus, ob quos (in alia materia) reprehensionem (m) audivit à *Paulo*, *Azimos* retinuit, quibus usum *Christum* Latini conjicimus, quando (n) *Azimorum primâ die* coenam instituit; *fermentato* etsi usum judicent Græci, quia novum *Pascha*, Christianis, in testamentum relinquebat: de quo, quia non necessario, nil indubiè credendum scripsere, aut tradidere Apostoli. *Paulus* è contra Christianæ libertatis à ceremoniis Judaicis amantissimus, cavens nè ex viciniore Judæa, aliquid in Græciam, Judaicæ legis tunc jam mortuæ subreperet; vidensque, *Ebionem* (sibi coætaneum) docentem, ab anno in annum, in *Azimis & aquâ tantum*, debere celebrari sacrum illud mysterium, ut refert (o) *S. Epiphanius*; quo, sacrificium Christi tollebatur, & partim remanebat *Pascha* annuum *Azimorum Judaicum*: integrè azimis relictis, fermentatum prætulit, veluti æque aptam materiam. Inde (ut verbis (p) sapientissimi hujus Græci concludam:) *sanctissimè factum*, utrinque, *Maximorum Christianæ Reipublicæ Procerum* (*Petri & Pauli*) *authoritate*, UT UNAM EC-CLESIAM, DUPLEX RITUS AMICE DIVIDERET; *Latinis in Azimo facientibus; sacrificantibus Græcis in fer-*  
men-

(l) Respons. 3. myslagog. sect. 5. per totam, maximè num. 5. pag. 174. col. 2. (m) Gal. 2. 11. (n) Math. 26. 17. (o) Epiphan. hæc. 30. & hæc. 50. (p) Comnenus, ubi supra num. 5.



mentato: quo pateret, utrobique aptam tanto Misterio materiam esse, & NEQUE PAULI DISCIPULI, PETRI DISCIPULOS ACCUSARENT; NEQUE PAULI DISCIPULOS, PETRI DISCIPULI SPERNERENT.

19. Discipulos ergo *Lutheri*, & *Calvini*, pro hac, quam inter nos discipulos Apostolorum *Apologista* garrulat, pugnâ, pacificè interrogemus: Num ipsi, inter se, solis sacræ scripturæ testimoniis nixi, circa ( sacram ab ipsis vocatam, sed superstitionissimam sine veris Ministris ) Cœnam, uniformes unquâ convenerint? Potiùs pugnas quam conventus, dixerim, quotquot inter ipsos, *Marpurgi*, & *Flensburgi* an. 1529., *Tubingæ*, 1535., & alibi ( *sarraginosè*, se ipso teste ) memorat (q) *Pfaffus*: etsi enim *Wittenbergæ*, concordia, callidè per *Lutherum* & *Bucerum*, conficta fuerit, nunquam usque adeò, mutuò pungentes calami quieverunt. Negatâ *Traditâ*, & in scripturâ quasi expressâ veritate *TRANSUBSTANTIATIONIS*, in verbis Christi; *HOC EST CORPUS MEUM*: in somniandis erroribus unusquisque pugnat, & spumat velut arreptitius. *Calvinus* loquatur de *impanatione* Christi *Lutherana*; quod scilicet Christus realiter sit præsens in Eucharistiâ, sed in solo usu, quo peracto, & ore sumpto pane, Christus absit, nec in hostiis non sumptis remaneat. (r) *Isti* ( *Lutherani*, ait *Calvinus* ) *boni ejus zelotes, miraculum sibi fabricant, quo sublato, evanescit Deus cum suâ omnipotentia*. Et quid est ( *simplex Apologista* ) quod ex dispari ritu Latinorum & Græcorum circa panem, incertitudinem *Traditionum* inferas, quibus utrique utimur? Nonne jugulatur, inter vos, certitudo sacræ scripturæ, cui tantum dicitis omnes adniti, utentes vos *azimis* cum Latinis, clamante *Calvino* pro necessitate *fermentati*?

Si

(q) Sæc. 16. cap. 3. §. 2. pag. 301. (r) Calvin. lib. 4. institut. cap. 17. §. 24. ap. *Arsdekin* Tom. 1. pag. 155.

Si argumentum formasti cui fidas, idem contra Sacram Scripturam, vel solvere nequis, vel contra Traditiones nil inferre concedes. In catechismo Lutheri, docet inferens *Cunradus* vester *Dietericus*, errare *Calvinistas*, circa Eucharistiam, in sequentibus. - 1. in (s) destruendis altaribus - 2. in negatâ (t) Christi præsentia - 3. in concedendo materiam Eucharistiæ non solum panem, (u) sed in hujus defectu, panem ex pulvere radicum & tostis asellis confectum - 4. in requisito - (x) fermentato, si adsit - 5. in nedum rejectis, (y) sed & blasphematis & vilipensis *hostiis*, quibus Latini utimur. - 6., in adstruendâ fractione panis necessariâ (z), ut fractionem corporis Christi in Cruce (quam tamen expressè non factam advertit *Ioannes* 19. 36., ut scriptura adimpleretur: *os non comminuetis ex eo*) representet; sine quâ ceremoniâ tanquam Sacramentum non fiat. - 7. in necessitate sumendi quislibet panem de manu Pastoris, propriâ manu (a) ori admovendum - 8. docendo, quod in septentrionalibus locis, deficiente vino, aqua (b) loco hujus adhibenda sit in sacrâ synnaxi. (Notatam hîc volo falsitatem dicentium *Innocentium* 8. permisisse *Norwegis*, ut quia vinum ibi non sit, si verò conducatur ace scat, sub unicâ specie panis Sacramentum conficere: falsissimum enim est Papam in hoc dispensare posse; est enim de essentiâ Sacrificii mystica corporis à sanguine separatio, quæ sine pane & vino consecratis esse non potest: unde, etsi solus panis, aut vinum, vere consecrarentur, sacrificium tamen non esset, sicque peccaret Sacerdos, cum præceperit Christus ipse, sacrificio completo Eucharistiam fieri, dicens: *hoc facite in meam Commemorationē*: dicente adhuc Ecclesiâ Latinâ in Canó-

C c

ne

(s) Titulo de Cena Dominica. Instit. 4. (t) Instit. 10. (u) Instit. 11. (x) Instit. 12. (y) Instit. 13. (z) Instit. 16. (a) Instit. 18. (b) Instit. 19.



ne sacro Missæ: *Hæc*, in plurali, *quotiescunque feceritis*, in *mei memoriam facietis*. Quare, jam *Gelasius* 1. in fine sæculi 5. mandaverat observantiam, nè unquam Sacerdotes sacrum Christi corpus conficerent sine sanguine, nec ulla consecratio fieret extra Missam, de quo diffusè authores) - - Nonô ( taxantur Calvinistæ ) quod (c) tropicè intelligenda Christi verba: *Hoc est Corpus meum*, asserant. - 10. Quia negant manducationem corporis Christi Sacramentalem. - 11. Quia, sicut *Catholicos* per despectum apellant, *Transubstantianistas*; ita *Lutheranos* vocant (e) *Synusiastas* & *Metusiastas*, sive *consubstantialistas*, quia Christum cum panis *substantiâ* velint sumere. - 12. Quia indignos, (f) Seu modicæ fidei homines, non sumere ullo modo Christi Corpus, sed mera simbola, affirmant. 13. Tandem, quia in solo Ecclesiæ cœtu communicandum statuentes, (g) *ægrotos*, *captivos*, & eos qui publicæ concioni interesse non possunt, Communionem privant. - In his omnibus pugnatur, ab eis, qui firmam dicunt habere fidem in *sacrâ scripturâ solâ* fundatam. Et, nè de pugnis inter hæreticos antiquis fiat tantum mentio; loquantur recentissimæ litteræ inter *Jacobitam* ( sic vocatum ob fidem servatam erga *Jacobum* 3. verum *Angliæ* regem, utinam sic servaret fidem in Deum ) & *LEIBNITIUM*; quas hic non transcribo; gallicè autem integras sicut exierant, obtulit nuperrimè *Pfaffius* ( in supplemento 3. ad pag. 396. institutionum juris Eccl. ad cap. 3. §. 12. pag. mihi 448. ). Conqueritur *Jacobita*, *Georgium* Dominantem tunc in Angliâ indevotum futurum *Anglorum* Religioni, quam substantialiter à *Lutherana* & in quâ educatus, quam usque tunc retinuerat, diversam, amplecti resolvit, *Lutheranâ* rejectâ ut *Angliæ* thronum capefferet: inde timet *Jacobita*, nè Ecclesiæ An-

(c) Instit. 32. (d) Instit. 42. (e) Instit. 49. (f) Instit. 61. (g) Instit. 69.

Anglicanæ quædam alteratio contingat, ex inclinatione Dominantis ad fidem Lutheri, quam à biduô, ut Rex diceretur tantûm, dimiserat. Duo ibi assignat differentiæ Capita : conservationem gradus Episcopalis, quem *Angli* continuatum habere fingunt; & realẽ Christi præsentia, quam ait *Jacobita* credere *Lutheranos* in Eucharistiâ, fere sicut Nos quos vocat *Papistas* - . Responfurus *Leibnitius*, etsi frivole, conatur ostendere, Regem non mutasse *Religionem*, sed *ritum*; eo quia (ait) confessionis Augustanæ articulus (10.) de cœna Domini, Anglicanæ fidei non opponitur, unde Rex non debuit mutare *Sententiâ*, sed *ritum*. Audiantur *Augustani* confessores: *docemus, quod corpus & sanguis Christi VERE ADSINT, ET DISTRIBUANTUR VESCENTIBUS IN COENA DOMINI, ET IMPROBAMUS SECUS DOCENTES* - . Verè esse, & verè non esse, nisi bilinguis Ecclesia, quis concorderet? Facient in hoc, sicut monstrum illud (fictum à *Scoto*) biceps, cujus os unum nauseam expressit de uno cibo, quod os aliud appetierat? *Scotus* duplicem non statuit inde ventrem in monstro, sed duplicem animam: quomodo, recurrentes Anglos & Lutheranos ad disputaturos Theologos, circa vel veram præsentiam, vel solum typum Christi, nê dicantur pugnare in dubio substantiali Religionis, ut cum pluribus Lutheranis affert *Leibnitius*; Religionem Calvino-Lutheranam dicemus unius ventris esse, sed duplicis oris, quorum unum de præsentia Christi nauseat, quæ alteri sapit; indeque dicetur corpus duplicis Spiritus; sed nullius à Deo, qui in unitatem fidei nos vocavit - . Coëtera quæ insufurrat *Apologista*, tum de *veneratione imaginum* pictarum, aut sculptarum, suprâ, detectâ falsitate refellimus: tum de datâ inter Græcos communionem sub utràque specie (in dignoscendis responsis Patriarchæ *Hyemias* ad confessio-



nem *Augustanam*) supra explicavimus. Et hæc pro nunc sufficient, de veneratis à Latinis ac Græcis SACRIS TRADITIONIBUS, SEU VERBO DEI NON SCRIPTO.

## SECTIO VI.

- I. **C**onfirmat Apologista Lutheranus ( pag. 88. ) ea quæ de inimicitia suorum cum Calvinistis supradiximus. *Calvinum* pugnaturum, relinquit cum ejusdem *sectatoribus*, qui, ( ut ait ) *si iis visum fuerit, causam ejus agere possunt.* Habet hîc *Moskua*, ex profugis è Gallia & Helveticis, gregulum, cujus hædi à *Javorschio* oppressi, vocibus *Berolinum* usque protensis, quasi à mercenario suo Pastore indefensi, inde petunt auxilium. Comperi, has *Lutheranorum simias* credentes *Buddeum* non fictum, sed verè à Lutheranis qui hic degunt, ab *Jenâ* conductum, pariter D<sup>r</sup>. *JABLONSKIUM*, ex *Polonia*, *Borussiae* Regis concionatorem, eidem à consiliis, *Academiæque scientiarum Præsidentem* siscitatos esse per litteras, quibus, remissis sibi operis *Javorskiani* fragmentis aliquibus, rogatur athleta iste ut in arenam descendat. Virum istum, ex *Arianorum* in *Polonia* reliquiis, ( ibidem, *Fratribus Unitariis* dictis ) taliter observatum est à viris doctis errores in corde servasse; ut pluribus prælo datis Germanicè ( sunt 5. aut 6. in quarto ) *Postillarum*, aut *Concionum* voluminibus; nunquam in eis, *Christum*, *DEum* appellet, sed *DEI Filium*; nunquamvê *Trinitatis* nomine utatur; quo etsi negativo argumento, conservatum *Arianismum* unde ipse prodiit, non modicum ostendit. Hinc, *Sacrorum Bibliorum* quoque typis datorum ejusdem curâ, exemplaria, ubi de novo Testamento eden-

edendo nec cogitavit, ejusdem notam cum Judæis amicitiam, ultra *Arianismum* protendi timent non pauci: quæ omnia, simulato *Calvinismo* cooperit, ut apud Regem gratiam conservet. Cum igitur contra *Christum* tendat *Calvini* Blasphemia, libentiùs hunc fautorem nanciscendum non dubito. Si ejus tantùm exhibilet calamus, ut quò fors me duxerit echo personet; tenebor, non surdus, etiam sibi meum (paratum) opponere; siquidem recommendatas mihi ipsi (per D. *Baronem Hüß*, ut per extraordinarium curso-rem in *Hispaniam* à *Domino meo Legato* directum, conducerentur) epistolares instructiones, inscius tunc eidem tradi curavi: unde, quia cautè inductus opem *Calvinistis* contulerim poenitebo minùs; si etiam ab istis, orthodoxa *Javorschii* nobisque cum Ruthenâ & Græcâ totâ Ecclesiâ communia dogmata, tuear ampliùs: nec dubito, me monendum ex *Russiâ*, quoties vel huic, vel alteri cuilibet etherodoxo possim occurrere, dum permittat DEUS me saltem loqui. Sed ne in totùm de *Lutheranis*, in *Apologistâ*, *Calvinistæ* conquerantur, ferè æquâ in utrisque culpâ, excusabilem dicam hunc ne *Calvinû* defenderit. - - Aggreditur hunc ita *Javorski-us*: verba *Christi*, quæ in *Cruce* protulit: DEUS meus, DEUS meus (vel mi) cur me dereliquisti? *Lapides* offensionis fuerunt *Joanni Calvino*. Hinc non erubuit infelix (horreo hac referens. Ecquis non? dicam ego,) *Christo in Cruce moribundo desperationem* attribuere. Sic explicavit indignus ille etiam *Christiani* nomine, verba illa *Sacræ Scripturæ*: & hoc scribit intellexisse *Apostolos* per articulum symboli, descendit ad inferos; quod scilicet *Christus* ità derelictus à DEO fuerit, ut ipsius anima, dolores, ac desperationem animarum damnatarum senserit. (Ita lib. 2. institutionum, cap. 16. §. 8. 10.



II.) Nedùm immemor, quod (a) : *sicut fuit Jonas in ventre ceti tribus diebus : sic erit Filius hominis in corde terræ*, id est, *in inferno*, ut cum totâ Ecclesiâ legit (b) *Hieronimus* : aut, (c) *quod ascendit, quid est, nisi quia descendit primùm in inferiores partes terræ* : sed nec attendens, articulum *descensus ad inferos* positum ab Apostolis, post mortem, & sepulturam, sicut passum esse & crucifixum, dicitur suo ordine ante mortem : unde, juxta *Calvini* blasphemias, inferre possent *Judei & Ethnici*, nos Christianos DEum colere factum hominem, cujus anima, post mortem & sepulturam corporis, cruciatus desperationemque gehennalem sustulerit; quod nec *Mahumedani* impunè audirent, qui (d) *JEsum Nazarenum*, (et si DEum non fateantur) ut *Legislatorem & Prophetam magnum à DEO missum*, agnoscunt; adeò, ut *Judais Christum blasphemantibus*, certus *plagarum numerus loco pœna dictetur* ab ipsis. Fateor, non tantum audere *Lutheranos*, sed nec parùm deficiunt in hoc articulo. Audiantur impugnare *Calvinum*. Articulus *descensus ad inferos*. - *Alii de cruciatibus infernalibus accipiunt & exponunt*; ut *Calvinus* (loc. cit.) At *cruciatus istos Christus sentit ante mortem*. (Ita in *Catechesi Lutheri*, *Cunradus Dietericus* instituit 7. tit. de statu exinanitionis. pag. 301.) : quibus verbis, si *cruciatibus infernales*, de quibus loquitur *Calvinus*, intelligit; etiam *desperationem* comprehendit, dicens, *istos sentit Christus ante mortem, non post mortem*. Parcatur *Catechista* quod malè se explicet, quia credo tale verè non intendisse, sicut neque *Calvinum*, Christum in desperatione mansisse, post mortem in triduo illo quo stetit, & in in-

(a) Math. 12. 40. (b) Hyeron. in cap. 2. Jonæ. (c) Ephes. 4. 9. (d) Krommaierus Cent. 6. §. de statu Escl. in fine pag. 334.

inferis ejus anima resurrectionē distulit - - Errant tamē  
*Lutherani* negantes *Lymbum Sanctorum Patrum*, unde  
 Christus eorum animas secum duxerit; etiamsi (e) verē  
 & realiter ad inferos descendisse doceant - - ut inferis, se vi-  
 ctorem diaboli, inferni, &c. demonstraret. Noluit itaque  
 forsān *Apologista*, circa hunc *Calvini* articulum loqui,  
 nē propriam culpam ostenderet - - Ex constanti Traditio-  
 ne Ecclesiæ tenemus cuncti *Orthodoxi* contrarium;  
 & explicatur in confessione Orientalis Ecclesiæ: (f) si-  
 mul ereptas orco *Sanctorum PP. animas*, *Paradiso* (Chri-  
 stus) intulit, quibuscum, etiam *Latronem* qui in *Cruce*  
 pendens in ipsum crediderat introduxit. Quem locum ju-  
 storum decedentium animis destinatum, ubi liberaturum  
 Christum expectarent, agnovere, (g) *Jacob*, (h) ejusque  
*Filij*, (i) *David*, & clariūs *Ezechias* (k) eum apellans  
*inferi portas*, idest locum damnatorum inferno propin-  
 quum; inquo, *incarceratis spiritibus veniens* (Christus)  
*predicavit* - - ut *Evangelizatus*, (idest ostensus) dicere-  
 tur & *mortuis*, (ut docuit (l) *Petrus*.) Sic, post Aposto-  
 los, scripsere, (m) *Ignatius* & (n) *Hieronimus*; triduo-  
 que apud inferos mansisse Christum cum Patribus, ex-  
 pressē asseruit (o) *Irenæus*. Neque eodem modo, ad dam-  
 natorum locum, limbumque puerorum (& ut Latinis  
 utar terminis, *Purgatorium*), descendisse Christum, sicut  
 in *Lymbum Patrum*, explicant Theologi nostri, (cum  
*Sancto Thomâ* 3. p. qu. 52.) in istum etenim venit se-  
 cundūm realem animæ ipsius cum Divinitate præsen-  
 tiam, quomodo Patres illos suâ visione beasse, promi-  
 serat Christus *Latroni* (Luc. 23.) *Hodie mecum eris in Pa-  
 radiso*; idest, in clara Dei visione, licet extra *Empireum*;  
 ad

(e) Catech. Luth. tit. citato instit. 6. 7. (f) Parte I. qu. 49. fol. 90. in  
 fine. (g) Gen. 42. 38. (h) Gen. 44. 31. (i) Psal. 48. 19. & 15. 10. (k) Isa.  
 38. 10. (l) 1. Petr. 3. 19. & 4. 6. (m) Epist. ad Trallianos. (n) Hieron.  
 in cap. 4. ad Ephes. (o) Irenæus. lib. 5. cap. ultimo.



ad alia vero inferorum loca secundum quendam specialem suæ virtutis effectum, quo, ipsius manifestaretur de morte mundo & inferno reportata victoria. Fateamur igitur Orthodoxê, Christi ante mortem tormenta, tum in Corpore, tum in *animâ*, quæ (p) *tristis* fuit *usque ad mortem*; Sed quamvis legamus *vadicicê*, Christum dicturum: (q) *dolores inferni circumdederunt me* - (r) *pericula inferni invenerunt me*; horreamus Christiani, quidquam damnatorum Christo tribuere, solamque vehementiam dolorum perfectissimæ animæ, & delicatissimi Corporis; *Spetiosâ* inquam *Formâ præ Filiis hominum*, intelligamus; anathematizantes blasphemias impudentissimi & damnati illius *Calvini*, qui gravissimum desperationis gehennalis crimen, in Christo, inferre non horruit. Impeccabilis *Homo-Deus*; se *derelictum* in parte inferiori à juvamine Divinitatis, quæ poterat eandem impatibilem reddere, miratus inter mortis naturales angustias, cognitam in iustitiâ Dei causam subaddit: (s) *Longè à salute meâ verba delictorum meorum*: idest, etsi non possim (t) *de peccato argui* - - *me*, (u) *qui non noveram peccatum*, pro hominibus, *peccatum fecit* (Deus;) & (x) *maledictum*, ut *penderem in ligno*: Decretum de meâ morte justum considerans; ut me, *Pater*, cognoscas (y) *oblatum quia ipse volui*: (z) *In manus tuas commendo Spiritum meum*. Subsistat hinc justus contra *Calvinum*, *Javorskii* zelus; illiusque sectator D: *JABLONSKIUS* (quisquis sive fuerit) qui ejus tueri resolvat blasphemiam, nedum *Orthodoxis*, sed & *Lutheranis*, imò & *Mahumedanis* ipsis, execrandum se sciat.

2. Signa itaque falsorum prophetarum, à *Javorskio Lutheranis* applicata, *Apologista* pro fine opusculi retulit.

(p) Matth. 26. 38. (q) Psal. 17. 6. (r) Psal. 114. 3. (s) Psal. 21. 1. (t) Joan. 8. 46. (u) 2. Cor. 5. 21. (x) Gal. 3. 13. (y) Isa. 53. 7. (z) Luc. 23. 46.

surus, brevi nos sermone istud claudere sinet: ipse enim potiùs quam scribat, ineptit. Illa prævenerat Christus Dominus, his verbis: (a) *Qui veniunt ad vos in vestimentis ovium; intrinsecus autem sunt lupi rapaces: à fructibus eorum cognoscetis eos*: eisdem ergo manifestari Lutherum, Calvinum, horumque sequaces Prophetas falsissimos, sole clariùs norunt Orthodoxi omnes. *A priori*, an scilicet missi fuerint, & à quibus; *concomitanter*, quibus scilicet utantur mediis; & *à posteriori*, quibus scilicet potiamur eorum fructibus; dignoscendi sunt qui Prophetæ vel Evangelizantis officium ad proximorum salutē fortiuntur. Ea signa comprehendit brevi penicillo Javorskius; à quibus, longo calamo Apologista novos suos Hæresiarchas liberare invanum contendit. Quasi ex utero Matris destinatum Prophetam, ejus discipulus Krommaierus Lutherum commemorat, (b) Scribens: *natus fuit hic Germanorum Propheta Islebii &c.* Absit ut de tali Propheta glorietur Germania, nec enim ejusdem cuneus debet pro totâ supponere. Fatetur Javorskius, eum Prophetam, sed falsum demonstrat ex signis. Addam ego, Prophetam; sed qualem cavit Deus (c) *Moyse*: qui somnium vidisse se dicat: unde - - Propheta dicitur, sed somniator est & somniorum fictor - - Satis quasi dixerimus de Pseudopropheta *Luthero* ejusque fictâ Ecclesiâ (supra sectione 2.) possemus jam finem facere; sed tamen aliquid dicturi, percurramus singula.

Primum signum Seducitoris, à priori, Javorskius 4. protulit; cum, non missos ab alio, sicut (d) *Christus à Patre*, *Apostoli* (e) à *Christo*, cæterique ab *Apostolis*, eorumque successoribus: ( quomodo (f) enim prædicabunt

D d

nisi

(a) Matth. 7. 15. (b) Krommaierus. Cent. 16. §. de statu Ecclesiæ. pag. 570. (c) Deuter. 13. 1. 3. 5. (d) Isa. 61. 1. Joan. 3. 17. &c. (e) Matth. ult. 19. (f) Rom. 10. 15.



nisi mittantur? ): sed proprio motu, perversis suis doctrinis venientes dixit, *Archi-Rabino Lutherum & Calvinum*, à quibus omnes hæreses nostri ævi provenerunt &c. Hinc *Apologista* chimericè infert ( pag. 89. ), *Javorskium ex Romanensium & Jesuiticæ Societatis Scholâ*, prodissè; quasi (juxta supra dicta) & *Græci*, & *Rutheni*, & inter *Latinos orthodoxos* cœteri præter *Jesuitas*, non idem semper docuerint; sed nê ex *Patriarcha Hyeremiâ*, *Joanne Basilides*, *Mogilâ*, *Adriano*, cœterisque qui *Jesuitas* nec noverant, eadem repetamus, respondeat iterum licet ineptiat - - Unde *Calvinistæ* prodierunt? Si orthodoxis scriptoribus non creditur, *Lutheranum* produco. *Krommaierus*, (g) postquam *Corruptionem sacræ scripturæ*, *Judaicis glossis*, *Calvino* objecit; librumque *Ægidii Hunnii*, cujus titulus *Calvinus Judaizans*, narravit, subbadit: *Id nimirum egerunt isti homines* (idest reformati *Calvinistæ*) *invidia veneno afflati*, ut cum viderent *Lutherum* ob opus reformationis, immortalitatis albo nomen suum inscripsisse, ipsius honori detraberent; & sibi ascensum, tanti viri ruinâ, compararent. Idem (pag. 587.) antea dixerat: errant *Calviniani*, qui primas in reformationis negotio, authoritate *Lutheri* ubique oppressâ, *Zvinglio* transcribunt; *Lutherus* siquidem, opus reformationis, biennio antea cæpit. Dissideant inter se, quænam ex sectis eorum præcesserit aliam, anve doctrina unius, an invidia, genuerit illam? Quia si nulla, alterius dici se velit *Filiam*, ambas dicemus *Satanæ gemellas* - - Unde *Anabaptistæ*? *Witemberga* respondebit, exiliasse *Nicolaum Storkium* (h) quia lectâ *Lutheri* epistolâ ad *Waldenses* (in qua scribit, fatius esse baptismum differi parvulorum, quam illis sine

(g) Cent. 16. pag. 191. (h) Vide *Petrum Annat.* in apparatu. tom. 2. lib. 7. art. 8. pag. 369. & ex etherodoxis, *Kromaierum*, *historia* centuriæ 16. per totam.

fide conferri, dicente Christo: (i) *qui crediderit & baptizatus fuerit, salvus erit &c.*), revelationes ab Archangelo Michaelē habitas jactans, libertatemque Evangelicam persuadens, rebaptizare cœperit: Hinc tanta vesparum & tabanorum acies quantā hystorici nulli silent: *Muntzeriani*, à *Muntzerio*, ex Sacerdote Catholico in *Thuringiâ*, in *Lutheranismum* Lapso, unde Enthusiastam agere didicit: *Adamitæ* recentiores: *Baculares*, arma illicita, solumque baculum portandum docentes: *Clancularii*, seu *Fratres hortenses*, qui, *clam* profitendam fidem; & *Manifestarii*, qui econtra, publicè docebant: *Sabbatarii*, Judaizantes in festo: *Dæmoniacci*, dæmones salvandos in fine credentes: *Communiacci*, qui etiam uxores & liberos cōmunes præcipiebant: & cœteri: nec *Poligamistas* omit- tam: qui omnes, ex *Anabaptistis*, erroribus antiquis novos addentes, glorian- tur *Lutheri* nepotes. -- Unde *Sacramentarii*? Socium *Lutheri* aluit *Witemberga Carolstadium Archidiaconum*, qui, prior illo, publicè uxore sumptâ, cœlibatus polluit votum; & ex Familiari *Lutherique* socio, circa Sacramentalem Christi præsentiam Antipoda, tot reliquit Lutheranis plangendos profugos, quot *Anti-Lutheranos* vocant, Evangelicorum quoque retento nomine; quorum classes, *Significativos*, *Tropistas*, *Energicos*, qui tropum energiamque verborum Christi *hoc est &c.* explicantes, signum tantūm Christi corporis docent in pane; *Arrhabonarios*, qui, in pane Christi pignus; & *Adeffenarios*, qui, *adesse* quidem fatentur in hostiâ *Christum*; sed alii, *in*, sicut farina in pastillo (unde dicti *pastillarii* quatuordecim illi Lutherani Pastores in *Suetiâ*, duce *Brentio*); alii, *cum*; alii *circa*; alii, *sub* pane; quorum tandem tot sunt sensus quot capita: omnes hos inquam *Lutherani* recognoscunt *Filios*, etsi devios. -- Unde *Adia-*

D d 2

pho-

(i) Marci 16. 16.



phorista, nisi ex *Wittemberga*? - Unde *Confessionista*? Unde *Protestantes*? *QUACKERI*? cœterorumque ethodoxorum sequutus stolidus *Luciferi*? *Wittemberga*, in *Luthera* hæc coepit progenies; quam in *Germania* parte, *Daniâ*, *Suetiâ*, *Borussiâ*, *Helvetiâ*, & alibi sparsam; integram foveant hydram *Anglia* & *Hollandia*.

5. Quod refutari nequeant ex scripturâ Sacrâ horum omnium dogmata; aut, ipsos in errore esse convinci, ut *Apologista* subinnuit (pag. 89. & 90.) ; eaque propter, ad defectum necessariæ missionis *Luthero* objiciendum nos moveri; non diceret, si notasset, *Javorskium* (& omnes Catholicos similiter,) cuncta 11. dogmata à se explicata, ex scripturâ sacrà, adhibito vero Divinæ Traditionis sensu, deducere. De *Lutheri* vero hæresi, credo Filios ejusdem dicturos, non comprehendi in falsorum Prophetarum signis quæ sibi *Javorskius* allegat; quia *Christus Lutherum* expressè hæreticum non nominavit: quâ ratione decipi potiùs *Judas* potuit, audiens se vocari ab osculato Christo, (k) *amicum*. Pudeat in tam crassam superbiam plura dicere. Cuncta siquidem, quæ usque ad pag. 107., *Apologista*, pro tuendâ vocatione Divinâ *Lutheri* ad reformandam Ecclesiam, repetit; quia scilicet, membrum illius fuerit; quod *Doctorem* eum & *Professorem Theologiæ Wittemberga* destinaverit, & alia; potuerunt dicere quotquot hæretici in Ecclesiâ Dei fuerunt. Primum, non ego, sed *Joannes* jam solvit, de hæreticis dicens: (l) *ex nobis prodierunt sed non erant ex nobis, nam si fuissent ex nobis, permansissent utique nobiscum: sed ut manifesti sint quoniâ non sunt omnes ex nobis: quæ si pro Luthero ejusque sequacibus scripta non sunt, ut Lutherani contendunt; quærenda manet ab ipsis in Scripturâ, Lutheri exceptio, ut ipse, Calvinus, & reliqui, qui ex nobis*

(k) Math. 26. 50. (l) 1. Joân. 2. 19.

*nobis prodierunt, ex nobis ( orthodoxis ) essent, & membra Ecclesiæ, quamvis non permanissent nobiscū. Secundū de Wittembergæ Doctoratu, irridendū ruit. Duplici autoritate, Ecclesiasticâ & civili, potiuntur Universitates quas scimus. Has, Germaniam, usque ad sæculi quartodecimi annū 46. non novisse, testatur (m) Krommaierus : Wittembergensem ipso sæculo sextodecimo de novo fundatam, scribit (n) Pfaffus, quasi Luthero connatam. Num ad istam habitum fuerit Pontificis Romani diploma, ut sicut aliæ, autoritate Ecclesiasticâ gradibus Conferendis muniretur, verè nescio : numvè, in ipsâ Doctoratus dandâ laureâ, Professio fidei Romanæ, sicut in reliquis Accademiis Latinis, expetita cum juramento fuerit, vix credo ; imò nec de fide aliquâ curasse conjicio, legens in Krommajero ipso, hanc Academâ ita volubilē, ut vix Luthero mortuo, Academiam scribat, ope Melanctonis, (o) infectam Calvinismo (sicut totum Palatinatum) & fascinatam ; mortuo etsi Christiano I. Electore, ad Lutheranismum refugam. Quisnam igitur sani Capitis scriptor, datâ etiam Witembergensi Academia Ecclesiasticâ autoritate, dubitabit, eadē expoliari posse ( cum ejusdem sit tollere, cujus est condere, in vulgari satis proverbio ) ob hæresum amplexum ? cunctosque, quos Universitates, per Privilegium à Romanâ Ecclesiâ participatum (aliâs Civilem, non Canonicam autoritatem haberet) Doctoratu insigniunt, posse à Romanâ Sede, omni privilegio privari, si ipso ostendantur indigni ? Imò, hæreticos, omni gradu ipso facto privatos & excommunicatos, Ecclesiam decrevisse semper, compertum est & indubitabile ; quos devitandos nos edocuit (p) Paulus, & nec salutandos adhuc, (q) Joannes. Permissâ igitur ritâ Lutheri vocatione, sic fortius arguo :*

D d 3

(m) Cent. 14. in fine pag. 535. (n) Sæc. 16. infine, pag. 308. (o) Krommaierus cent. 16. pag. 380. & 381. (p) Tit. 3. 10. - - (q) 2. Joan. v. 10.



guo: Ergo fuit justè vocatus, quia Ecclesia, & Universitas Romanæ adhuc Sedi subdita, eum, Sacerdotio & gradu donaverant. Quidni, hac ipsum suspendente & damnante, etiâ suspensum ritè dicamus, quem hac approbante ritè fatebamus eVectum? Et, siquidem in *Doctoratu* sibi dato versamur, cunctos *Witembergæ* etiam futuros Doctores advoco, ut (indoctus etsi) an gradum Doctoratus meruerit examinem; ad quem suscipiendum, si scientia non sibi defuit; ut eodem exauthoraretur, consequens malitia superabundavit. Vel legerat *Lutherus* (non ex hominum Cathedrâ Doctorem Catholicum, sed ex Divinâ) *Moysem*, dicentem: (r) *Si quis virorum votum Domino voverit, aut se constrinxerit juramento, non faciet irritum verbum suum; sed OMNE QUOD PROMISSIT, implebit*; idemque repeti à (s) *Davide*, (t) *Salomone*, & aliis; vel non? Si primum, quali malitiâ nupsit *Catharinæ à Boren*, qui ambo per *votum* se Domino manciperant? Si secundum, quali Laureâ decorandus erat, qui nec sciret Divinam legem? Scio non defuturos, qui *indeliberatum*, unde non adimplendum, *Lutheri* votum obijcient. Sed his reassumo medium: Quænam, rogo, dabitur ratio, ut *deliberatum* dicamus *Matrimonium* quod dixit contrahere, non autem *votum*, quod nemine cogente decrevit emittere? *Deliberatum votum*, in verâ Theologiâ, facit, præcedens *notitia Juris & facti*; & hanc dicent *Witembergenses* defuisse *Luthero*? Tale nunquam concedet *Academia Erfurtensis*, quæ (Kromaiero (u) teste) prius sibi *Magisterii gradum* dederat, quam *Augustinianorum Religio* ipsius *votum* in *Monachatu* reciperet; nec fatebuntur ipsius collegæ, majorem eundem habuisse *commercii matrimonialis* notitiam ex praxi impudi-

(r) Num. 30. 13. (s) Psal. 75. 12. (t) Eccles. 5. 3. (u) Kromaiertus cent. 16, in ejus vita, pag. 571.

puđicâ ante *Matrimonium*, quam castitatis habendâ ante emissam Religiosam Professionem; nê cogantur, ipsum vocantes *Prophetam*, concedere impudicissimum peccatorem. Et quid moramur? Etiam si in Professione defectus ignorantiae adfuisset, factus postea Præsbiter, & *Witembergæ* oraculum, in clauſtro permanens, nonne votum probarent cuncti postea rati habitum? Si hæc, ex S. scripturâ, enervare Lutherani velint, corrumpentes Apostoli verba: (x) *numquid non habemus potestatem, mulierem SOROREM circumducendi*; & scribentes, *UXOREM*, ut votum superstitiosum dicant *Monasticum*: mendacem facient Paulum ipsum, antea dicentem: (y) *dico autem non nuptis, & viduis*; bonum est illis, si sic permanent sicut ego (ideſt ab uxore liber, & in cœlibatu): superstitiosamque blasphemare non dubitabunt piam illam *Annam Prophetissam* laudatam in *Evangelio*; quia processerat in diebus multis, & vixerat cum viro suo annis septem à virginitate suâ: & hæc vidua usque ad annos octuaginta quatuor: quæ non discedebat de templo, jejuniis, & obsecrationibus, serviens, nocte ac die: sicque, damnatos in carne una binos illos Apostatas Lutherum & *Catharinam* negabunt scribenti itidem Paulo: (a) *habentes damnationem, quia primam fidem irritam fecerunt*.

Quia tamen *Apologistam* valde cruciat (pag. 104. 6. seq.) quod *Lutheranos & Calvinistas*, *Mahumedanis* non meliores, protulerit *Javorskius*: hunc mitiorem me noſcat; quia justior ego, eosdem probabo peiores. Nec primus ero, sed sequar (b) *Hieronimum*, quoscumque infideles impietate superari ab hæreticis, scribentem. Quod ut Theologicè explicem, *S. Thomam*, (c) nostrum Doctorem Angelicum, ferè transcribam. Tres species infidelita-

(x) 1. Cor. 9. 5. (y) 1. Cor. 7. 8. (z) Luc. 2. 36. & 37. (2) 1. Tim. 5. 12. (b) Hyeron. in cap. 18. *Isaia*. (c) S. Thom. Aqu. 2. 2æ. qu. 10. ar. 5. & 6.



litatis supponimus cuncti; *Paganismum*, *Judaismum*, & *Heresim*; quatenus, vel rejicitur fides Christiana non recepta, quomodo vocatur *Paganismus* seu *Gentilitas*; vel recepta, sed in figurâ, sicut continetur in sacro veteri Test. quomodo est *Judaismus*; vel recepta in veritate, quomodo est *Heresis*. Has inter, essentialiter in malitiâ æquales, hoc discrimen admittimus, quod *Paganismus* peccat in pluribus quam *Judaismus*; & iste, quam *Heresis*; Sed attentâ oppositione ad veritatem Divinam, gravissimum omnium peccatum est *Heresis*; graviorque *Judaismus* *Paganismo*. Gravius quippe est deficere à veritate in figurâ & umbrâ susceptâ, quam ab eadem non habitâ; gravissimumque, ab eadem manifestê receptâ recedere: hincque suo ordine, triplex infidelitas, in *Paganis* est mala; in *Judeis*, peior; & in *Hereticis*, pessima. Sicut ergo *Chrysostomus*, (d) pluribus, infidelitatem *Judaicam* præ *Paganis* exaggerat; ita *Hereticalem*, præ *Judeis* dicimus & probamus gravissimam; de quâ dixit proculdubiô *Petrus*: (e) *melius erat illis non cognoscere viam justitiæ, quam, post agnitionem, retrorsum converti ab eo, quod illis traditum est, sancto mandato*. Non negabo igitur, plura erronea docuisse *Mahumedum*, sed majori scelere, dicam, defecisse *Lutherum*, hæreticis ferê omnibus nequiores. Equis verebitur asserere, Hæreticos Mahumedanis valde peiores? *Cum peior sit utique* (ait *Augustinus* Lib. 21. de civ. Dei cap. 25. n. 3. ) *desertor fidei, & ex desertore oppugnator ejus effectus; quam ille qui nunquam deseruit, quam nunquam tenuit*.

7. Secundô adducitur à *Jarvorskio*, signum concomitans falforum Prophetarum in *Lutheranis*; quod *Apologista* (à pag. 107. ad 118.) conatur in vanum eludere. Istud est: quod *latam aperuerint vitæ humanæ viam*.

Fe-

(d) Homilia 50. ad populum Antioch. (e) 2. Petr. 2. 21.

*Jejunia abrogaverint. Bona opera ad salutē necessaria rejecerint. Pœnitentiam & mortificationem carnis, tanquam quid fabulosum habuerint. Cœlibatum, & voluntariam paupertatem deriserint. Virginitatem impossibilem dixerint. Indē rationem sumendam, ait, quod tot populos in suas partes pertraxerint, & perverterint. Num hoc, exclamat, Apostolatus vestri miraculum? O! Apostolos seu potiùs Apostatas, & adversarios Sanctæ Ecclesiæ! Hæc in integrum repetii, quia verissima, Lutheranorum doctrinis & factis comprobata, quæ solū negata, putat Apologista soluta. De jejniis quid doceant, supra vidimus (Sect. 3.) De bonis operibus, audet Apologista (hîc.) suam dicere, Doctrinam Pauli (Rom. 3. 20.) & Petri (Act. 15. 11.) quam sic explicat pag. 109. : *bona opera non esse necessaria, ut æternam salutem consequamur.* Quis blasphemum hoc sufferet in Apostolos ludibrium, dicente Paulo : (f) *non auditores* (idest credentes, quia, *fides ex auditu*) *justi sunt apud Deum, Sed FACTORES LEGIS JUSTIFICABUNTUR* : idest *legis Christi*, de quâ loquitur de futuro? - Et - (g) *Si habuero omnem fidem, itaut montes transferam; CHARITATEM autem non habuero, nihil sum?* Petro quoque scribente; (h) *fatagite, ut per bona opera, certam vestram vocationem, & electionem faciatis?* Ecquid docturi erant Apostoli, nisi quod sæpius à Christo audierant : (i) *Non omnis qui dicit mihi, Domine, Domine, intrabit in regnum cœlorum, sed, qui facit voluntatem Patris mei, &c.* ? Etsi autē dicat Apologista, prædicta necessaria, quid aliud quam manifestam contradictionem explicat? esse scilicet & non esse necessaria : *solam fidem* nos justificare; sine bonis operibus verò justos non esse : Quod, quis capiet, nisi, *Fidem*, quâ creditur, cum *Charitate*, quâ operamur, confundat? Scimus : (k) *sine fide, impos-**

E e sibi-

(f) Rom. 2. 13. (g) 1. Cor. 13. 2. (h) 2. Petr. 1. 10. (i) Matth. 7. 21.

(k) Hebr. 11. 6.



*sibile esse placere Deo; Sed quoque, credere oportet; - quod inquirantibus se remunerator est. Scimus, opera quæcumque humana, nil habitura meriti ex seipsis; sed quoque scimus, valorari eadem Christi merito, (1) per quem gratia & veritas est facta; quia Deus ipse nostræ justitiæ author, eam per opera nostra dandam, non solâ fide, decrevit. Quod si fidem vivam, Apologista repetit, jam opera (m) quibus mortua est) in Conferendâ gratiâ, necessaria fassus, ex hæreticali proterviâ charitatem meritoriam negat; cujus opera, ex Dei gratiâ quoque efficimus, cum (n) non simus sufficientes cogitare aliquid à nobis, quasi ex nobis. Nec Favorskius asserit absolutè, Lutheranos, bona opera rejecisse; sed, hoc addiscituros homines ex suâ doctrinâ de operibus non necessariis, & justificatione per solam fidem; quod postea clarè explicavit, ut Apologista translatum dat in initio, (pag. 7.) Quid enim sequitur ex hac impiâ Doctrinâ? Hoc sequitur; trucidare, furare, adulterari &c. - tantum crede, fides in Christum sola salvat. Ideò, Georgium Saxonie Ducem, dixisse, : hac Doctrina non est pro viventibus, sed pro morientibus; indèque prævenisse Pfasium, ejusdem Lutheranam Ecclesiam, non posse non in pejus abire, & tandem in COETUM MALIGNANTIUM degenerare, quia Disciplina Ecclesiastica in totum ab eâdem fuerit pulsa; jam supra tetigimus (Sect. 2.). Cætera, quæ, de cœlibatu, virginitateque impossibili, Pœnitentiâ (non Sacramento, sed virtute) objecta sibi, Apologista commemorat; eâdem censurâ digna sunt, ac, quæ in generali de bonis operibus dixerat.*

8. In Sacerrimum tandem Jesuitica Societatis coetum, Religiosissimumque Ordinem debacchatus, putat Apologista, se satisfecisse Favorskio (à pag. 114. ad 118.) illi-

us-

(1) Joan. 1. 17. (m) Jacobi 2. 26. (n) 2. Cor. 3. 5.

usque studium erga Romanam Ecclesiam ; illosque qui præcipuam hujus partem constituunt Jesuitarum Societati adscriptos, demonstratum à se scribit. Gloriosissimam hanc Societatem nunquam non novi, sed ex quo hæreticorum nostri temporis, tum scripta plura vidisse, tum audisse in eam rabidas horum voces, mihi contigit, Venerabiliorem probavi. Præcipuam Romanæ Ecclesiæ partem (ut ais mi *Apologista*) Sacra Jesu Societas non constituit ; sed inter coetus Religiosos nec infima, Ecclesiam, sicut cœteri Sacri Ordines, exornat. Hanc, ( ut Sect. 1. dixi ) Lutheri ætate ortam, & ad hunc finem ; quid miraris, quod in ever- tendis vestris dogmatibus ; & Scriptoribus, & Missionariis, indefessa, in ruinam vestrorum errorum adlaboret, in- deque clarescat ? Si cumeis clamatis, qui de *Jesu* con- questi, dicebant ei : (o) *venisti hûc ante tempus torquere nos* ; quâ penâ digni sitis, data in eos à Christo, declarat sententia. Fallitur certè studium vestrum in Societatem debellandam : impossibile hoc tentantes, scitote, quod, pro Christi fide tuendâ : (p) *si hi tacuerint* ( Jesu Socii, ) *Lapides clamabunt*. Quod ut noscatis verum : ubi Jesuitæ in *Russiâ* desunt, quando conamini hanc seducere, ultra petram fidei, quæ pro *Javorskio* loquitur, clamat *Domi- nicanus* hic, paulò æstimatior lapillulo, quem, lusura Di- vina sapientia (sicut (q) *ludit de orbe terrarum*) jecit in *Russiam*. Pudeat cunctos vos, calumnias apud igna- ros confingere ; plûsque Te, *Apologista* ; qui, ex *Romanæ Ecclesiæ* additis, viris doctis, & egregiis, ostensurus (ut ais) *Jesuitarum dogmata omnem vitæ Christianæ rationem evertentia* ; unum prodis, cujus nomen ipse tu nescis ; quem, ipse *Jansenistam* fassus, teneris à Romanâ Ec- clesiâ novisse proscriptum. Æquê tu, ac ille, stupidus ; imò tu amplius, qui, celante illo proprium, nomen

E e 2

tu-

(o) Math. 8. 29. (p) Luc. 19. 40. (q) Prov. 8. 31.



tuum præfixeris illius ineptiis: sed neque te *Buddeū* credo, cui, ob parem tibi ostensam in vitâ malitiam, putas minus detraxisse post mortem. *Jesuitarum dogmata*, ais cum illo? Ergo (liceat mihi inferre) quidquid privatus vestrorum homo (in moralibus adhuc) judicat, pro dogmate habetur à vobis omnibus? Scio à nemine concedendum, nè supra relatas singulares à *Luthero* ortas hærefes, cujusvis *Lutherani* dicerem proprias. *Dogmata* profitentur *Jesuitæ*, quæ cæteri Catholici; quæ non privatus homo, vel coetus, condit, sed hi quibus auctoritatem Christus ipse contulit. *Opinionem* inter disputantes Scholasticè profert quisquam; quæ, si contingat proferri erroneam, authorem non facit hæreticum, qui censuræ Ecclesiæ obsequuturus, illâ docet & tenet; sicut *Augustinus* scribit (epist. 162.) *si qui falsâ & perversam sententiam, nullâ pertinaci animositate defendant, & parati sint corrigi, & totâ sollicitudine querant veritatem, non sunt inter hæreticos deputandi.* Sicut (lib. 4. de Baptismo contra *Donatum*) quendam hominem supponens, sentientem de *Christo*, sicut sentiebat *Photinus* Sirmienfis Episcopus (qui *Christum* purum hominem docuit), *istum* (ait) *nondum hæreticum dico* (si existimet seductus ab alio, hanc esse Catholicam fidem) *nisi manifestatâ sibi doctrinâ Catholicæ fidei resistere maluerit, & illud quod tenebat, elegerit.* . . Hoc secundum, non *Jesuitis*, sed *Lutheranis* scripsit; quibus, (lib. 18. de Civit. DEL. cap. 5.) addidit: *illi qui in Ecclesiâ pravum aliquid morbidumque sentiunt, si correpti ut sanum rectumque sapiant, resistunt contumaciter, suæque PESTIFERA, ET MORTIFERA DOGMATA emendare nolunt, sed defensare persistunt, fiunt Hæretici.* Hinc; pugnatur in Scholis, ut ab Ecclesiâ recipienda veritas plûs clarescat; quis enim ex *Jesuitis* omnia scivisse præsumpsit? Nec igitur diffitebor, plures

Societatis Scriptores errasse in aliquo ; numquid illud , si Ecclesia detestetur , *Jesuitarum Societate* tueri vidimus unquam ?

Sed quia *Apologista*, ut Jesuitis exprobet, innominatum *Jansenistam*, e cujus fonte bibit, adducit ; miserimum inquam hominem, qui *Jansenii*, & *Salisburgensis* Theologi *Wendrochii* doctrinas resuscitat ; de *Parallelo* illo Doctrinæ Jesuitarum & Paganorum, breviter non nihil dicamus. Ignorantiam *invincibilem* a peccato excusare, *Jesuitæ* docuere nē primi ? Id didicere a *S. Thoma* : (r) dicente ad fidem recipiendam Apostolo ; (s) *quomodo invocabunt eum in quem non crediderunt ? aut quomodo credent ei quem non audierunt ?* Hinc, si quidam ex *Jesuitis*, in designatā, ubi esse nequit, *invincibili ignorantia*, erraverint (ut in citato *Parallelo*, cap. 1. 2. & 3. innuitur, & *Apologista* hic recitat) error iste *Jesuitarum* aut *Romanensium* dogma dicendus erit ? Item : dolorem supernaturalē de peccatis ob meritam gehennæ pœnam, (quem *attritionem* vocant Theologi) sufficere, ut homo, ad supremum doloris ob Deum dilectum gradum non pertingens, in *Sacramento Pœnitentiæ* justificetur ; incepterunt nē *Jesuitæ* defendere ? (in hoc *Parallelo* author caput 4. consumit totum). Idem æquivalentibus terminis docent Græci, in *Confessione Orientalis Ecclesiæ* : (t) *neesse est, habere pœnitentem, contritionem cordis, seriumque de admissis noxis dolorem, QUEIS DEI IRAM LACESSIVIT.* Id ante *Jesuitas* certē docuerat *Augustinus*, (u) sentiens, volentem baptizari, nē (sicut audivit & legit) *vadat cum Diabolo in infernum*, baptizandum esse, cumque Baptismo justum futurum, dispositum tali non omnino perfectā præparatione ad gratiam.

E e 3

Idem

(r) Tum. 1. 2æ qu. 76. art. 3. tum *Quodlibeto*. 8. art. 13. (s) Rom. 10. 14. (t) Parte 1. qu. 113. fol. 178. (u) Aug. lib. de Catechizandis rudibus, cap. 17.



Idemq; repetit *S. Thomas*; (x) quod, æque ac pro baptismo, intelligendum est in pœnitentiâ. Id explicavit *Tridentina* (y) *Synodus*, *Catechismus Romanus* jussu *Pii V.* editus; id tandem, adhuc à *Jansenistis* negatum in *Galliâ*, gravi in istos latâ censurâ, expressit *Parisiensis* alma *Facultas*, die 1. *Julii*, 1638. Quid ergo, quod erga contritionē aliter docētes erraverint, sive *Jesuitæ*, sive alii fuerint? Quid tandē, quod citatus *Wendrochius*, (a) & ex illo novi hæretici, ob probabilissimum *Jesuitis* falsō attributum, ipsos laxam doctrinam moralem introduxisse, suadeant? Legatur, Reverendissimi ejusdem *Societatis Jesu* Præpositi *Generalis*, *Thyrsi Gonzalez*, sapientiâ refertus liber, anno 1694. luci datus; in cujus *Præmio*, num. 7. & sequ. hanc in Religiosâ *Jesu Societate* notam vindicaturus, probat contrarium; imò primos probabilitatis hujus impugnatores ex *Jesuitica* familiâ prodiisse; quodque, (n. 46.) ex *Theologis Jesuitarum* interrogatis, distinctiùs, num liceat sequi in praxi opinionem probabilem minus tutam, in concursu tutioris, & probabilioris? respondebunt plures negative, & ferè omnes. His evidentissimis *Orthodoxissimæ Jesu Societatis* testimoniis, si oblatrent rursus *Etherodoxix* catuli, quidam ore publico, quidam etiam nomine non offenso, è malignitatis latibulis, quid dicendum restet ultra, nesciō, *Sapientissimis* viris. Tantum: (b) *Viriliter agite, & confortetur cor vestrum*, (nedum *Jesuitæ*,) omnes, qui speratis in Domino. - *Beati*, enim, eritis, cum vos odierint homines. (tales) & exprobraverint, & ejecerint nomen vestrum tanquā malum propter filium hominis. - *Vae!* etenim, vobis, cum benedixerint vobis; secundū hac, enim, faciebant *pseudoprophetis* *Patres* eorum.

10. Ad aliud objectum à *Javorskio* falsorum prophetarum

(x) In 40. dist. 6. qu. 1. art. 3. ad 5. (y) Sess. 14. cap. 4. (z) Parte 2. c. 5. (a) *Dissertat. vel appendice de probabilitate*, ap. litteras Provinciales *Ludovici Montaltii*. (b) *Psalm.* 30. 25. (c) *Luc.* 6. 22. & 26.

tarum signum : *pellis est ovina ; quâ se tegunt ; si de fide predicant ; fide solâ Christianum salvari, &c. sed lupi sunt rapaces ; dum hac pietatis specie, omnibus peccatis portas aperiunt. Quid enim ex hac impiâ doctrinâ sequitur ? Hoc : trucida furare, &c.* Quid additurus erat Apologista ? Nihil. Idem ( à pag. 118. ad 128., ) repetit ; hanc esse *Doctrinam Petri, & Pauli*, indeque, blasphemî *Javorskium* arguit, quia *Apostolorum doctrinam dixerit impiam*. O ! blasphemum potius hunc dicamus ! Qui docentes Apostolos ( *Act. 10. 43. & Gal. 11. 16.* ) legem veterem jam *evacuata*, nec jam aptam ad captandam à Deo justiti-  
am ; solâ fide justificari homines, docuisse dicat. Repe-  
tamus quoque sibi ; solos eos justificandos, qui *fidem in Christum* habent, & *spem* ( quam nominare nolens, vocat *fiduciam* ; ) sed non per istud tantum, nisi adda-  
tur *charitas effectiva operum* ad merendam gratiam apud Deum. Hocque sensisse *Clementem Romanum, & Ba-  
silium*, quos allegat, imò SS. PP. cunctos, ostendit Ca-  
tholicus quislibet, quod neque, speciali de bonis ope-  
ribus tractatu, omisit *Javorskius*. Ut autem videatur ; ex  
*hac impiâ doctrina* de sola fide justificante, sicut à Lu-  
theranis traditur, quid sequatur ; testis mihi erit, R. P.  
Fr. *Hieronymus Braun Viennensis*, apud *D. Residentē Cæsareū*,  
nunc *Moskue* Sacellanus. Hic, *Dantisci*, anno 1724., cum  
*Moskuam* pergeret, Templum Lutheranorum ingressus,  
audivit taliter concionantem illorum Pastorem. *Thema*  
proposuit ( ex cap. 19. Math. & 18. Lucæ ) respon-  
sionem *Christi* datam interroganti : *quid faciendo vitam ater-  
nam possidebo ? - Si vis ad vitam ingredi, serva mandata.*  
Horreo, quomodo Anti-Evangelicus ille exorsus fuerit,  
dicere ! *Stultæ interrogationi* ( coepit, ) dari oportebat  
*stultum responsum*. Audierat hic homo, milliês, Christum  
docentem justificationem per fidem ; molestus tamen &  
qua-



quasi de hoc dubitans, adhuc interrogat: respondetur sibi igitur tanquam stulto: *Serva mandata* - & quia stultius secundò fiscitatur impertinens, ideò Christus addidit (v. 22. Luc. 18.;) *adhuc unum tibi deest: omnia quaecumque habes, vende, & da pauperibus; & habebis thesaurum in calo, & veni, & sequere me.* Est ne impia, Doctores Lutherani, ista doctrina? Respondebitis, non approbare fatuitatem Pastoris. Sed Pastor replicabit; ex *Lutheri* doctrinâ de *sola fide* justificante, inferri. Deducite ipsi vos, num *Favorskius* vocans eam *impiam*, justè loquatur; siquidem, *Apologista* dicet *Pastorem* vestrum dixisse justè, scribens, quod *Favorskius* loquatur ineptè. Cætera quæ ipse tangit, fidem certè *necessariam* probant, minimè justificare sine charitate suadent: ideò his prætermisissis, alia quæ addit *Favorskius* examinemus.

- II. Conqueritur item *Apologista*, (pag. 128.) sibi scribi: *Pellem ovinam præferunt, dum Evangelio, seu lato de Christo nuntio gloriantur; sed lupi sunt rapaces, dum novum quoddam Evangelium, non autem vetus illud, à sanctis Patribus, Generalibus Consiliis, & totâ Orthodoxâ Catholicâ Ecclesiâ receptum, annuntiant.* Non Evangelii tantū, sed de cujuslibet libri sacri corruptione, *Favorskius* loquitur. Satis esset, ad probandum non habere Evangelium Ecclesiæ, ostendisse quod Lutherani & Calvinistæ rejiciant, circa illud, verum datum ab Ecclesiâ sensum. Sed ampliùs ostendatur corruptio. Noñe, ly, *Hoc est corpus meum.* (Luc. 22.) legunt sectarii plures; explicantque omnes: *Hic est corpus meum?* Nonnè Calvinus (Joan. 6. v. 50.,) loco: *Ego sum panis vivus*, legit, *vivificans?* Nonnè (Rom. 3. 28.,) arbitramur justificari per fidem, sine operibus legis, addit sua autoritate Lutherus: *Per SOLAM fidem?* Sicut (2. Pet. 1. v. 10.,) *satagite, ut per bona opera certam vocationem vestram, & ele-*  
ctio.

*tionem faciatis*; delevit ipse, ly, per bona opera? Non-  
nè (Hebr. 13. 4.) *honorabile connubium in omnibus* (idest,  
nil in ipso non honorabile), legitis omnes: *honorabile  
connubium omnium*? sicque impossibile suadetis omnibus  
*cœlibatum*? Cœtera, quæ collegere plures, omitto, plu-  
ris siquidem nec tempus finit dicere; nec opus est ad  
corruptionem vestram probandam, ampliùs, quam (jux-  
ta sacram ipsam Christi Doctrinam (Math. 5. 18.) defectus  
in jota uno, aut in minimo apice. Vobis ergo, qui *Evan-  
gelicorum* retento nomine gloriamini, dicamus cum *Au-  
gustino* (lib. 13. contra *Faustum* cap. 3.): *qui in Evangé-  
lio, quod vultis creditis, quod vultis non creditis, potiùs  
vobis, quàm Evangelio creditis* - - De imaginibus: item,  
licet quidquam *Apologista* hîc renovet, fatis jam (Sect.  
4.) supradiximus.

*Signum* (Tandem) à posteriori: ex fructibus eorum cog-  
noscetis eos, obijcit *Favorskius*: quod, publicis & notif-  
simis scandalis Lutheri confirmat. Hæc, quisquis velit,  
ex à nobis dictis, & ex Historicis, sciet. Et siquidem  
*Apologista*, illum, *sanctissimos viros* inter collocandum,  
et si nævorum non expertem (pag. 133.) pronuntiat:  
*Favorskiumque* addentem, totus Orbis vaserrima Lutheri  
*facta* novit, rursus (pag. 135.) interrogat: *Quanam? Si  
viri sunt amici Favorskii, doceant, quanam ista fuerint?*  
Eadem audiat meo abbreviata calamo; nè, nullibi scri-  
bat extare, quàm in *Favorskii* cerebro. Homo vorax, &  
*potator vini*, ostenditur in ordinario ejusdem vitreo vase,  
memorabiliter (tanquam *Prophetae* reliquiâ) servato, am-  
pullis ferè binis nec implendo, quod offert spectatori-  
bus *Wittemberga* - - *Carnalissimus*; dum se Deo devotum, *Ve-  
neri* mancipaverit - - *Rebellis Matri Ecclesiæ*; cujus vocibus,  
sive blandientibus, sive minitantibus, spretis, eidem,



*mæstitiam* tot perditorum Filiorum intulit. *Zizania* tandem nocentior, quam *inimicus superseminavit* in Ecclesiæ agro Diabolus; cujus decursu temporis multiplicata genimina, solas paleas igni *inextinguibili* protulerunt. Sed quid putamus? Omnia ista suscipit Apologista hîc defendenda; & ut credo, si ea salvare non possit, neganda. Cuncta pro nihilo reputabunt *Lutherani*, qui, *Solâ fide*, & hac non verâ, sed *corruptâ* propriâ, salvari hominem docent. Quid sperandum de viris, qui nedum convicti, sed & declarati ab Ecclesiâ hæretici, ipsos *jure* declarandi Orthodoxos hæreticos, sicut ait *Apologista*, potiri scribunt? Sic miratur horum cœcitatē mundus totus, ut ait *Javorskius*, quæ luci claudit oculos, ut illudant cœci videntibus.

Hinc, vitandam istorum Sodalitatem, maximè rudibus, concludurus suavit *Resanensis* ille *Prelatus*. Quod, si ex procuratis *Moskue*, & alibi in *Russâ* seductionibus, probare possem, volumen accresceret, quod teneor claudere opusculum. Unum hoc dicam; quod me quoque, à præsentî *Javorskii* Catholicorumque dogmatū defensione, etherodoxi *Moskue* degentes novissimè cogitaverunt retrahere: proponentes mihi, in *Lapide* seu *Petrâ* fidei, quam retundere *Buddeus* decreverat, non deesse plura contra *Romanam Ecclesiam*; circa *Communionem sub utraque specie*, quâ Græci utuntur; & circa *Purgatorium*, quod contra nos Græci non fatentur. Sed in vanum occultandam ipsorum calliditatem putarunt: respondi siquidem: Rudior ergo esset *Buddeus* (quisve sit alius) in *Apologiâ*; quam sicut inceperat finit; arguens, ex ejusdem opere, *Romanis additum* ostendi, *Ruthenosque Romanæ Ecclesiæ uniri* procurasse *Javorskiū*. Nil iste scripsit contra *Confessionis Orientalis Ecclesiæ* doctrinâ, & piam *Ruthenæ Ecclesiæ* praxim ac *Græcorū*: à quibus, orationes & quo-

quotidiana suffragia pro mortuis offeruntur; crediturque in Ecclesiâ totâ, *sacrificio Eucharistiæ, eleemosinis, piisque viventium operibus* liberari animas defunctorum *ab Orci claustris*: Quo confesso ( parte 1. qu. 64. fol. 107. ), in rê, idem ab utrâque Ecclesiâ creditur: cum enim circa locum materiale[m] animarum quæ æternæ damnationi non subsunt, nil definitum sit ab Ecclesiâ; nil ad nos, quod suffragio offerendo, apelletur ipsarũ locus, in Occidente *Purgatorium*, & in Oriente *Orcus*, aut à Ruthenis *Mytarskuo*, idest *Telonium*, vel locus reddendæ rationi spiritualium mercium destinatus; sicut eum vocat ibidem prælaudatus *Javorskius*: cum utrobique proscribatur *Lutherana*, negans pro mortuis suffragia, *Hæresis* - - Quantum ad *Communione[m] sub utraque specie* attinet, jam satis ( Sect. 1. ) supra explicuimus, nec Romanam Ecclesiam non venerari Græcæ communionis ritum; nec Græcam Romanum spernere morem. Totum Christum *Transubstantiatum* veneramur in qualibet ex panis & vini speciebus, cuncti. Nec ordinando Græco sacerdoti, post manuum impositionem, tradit Episcopus, in altari, aliud quàm Patenam cum consecrato jam Pane; quâ amborum manibus simul & diu retentâ, admonitionem Pastoralem illi dirigit, ut ego ipse assistens vidi: quod neuti-quàm Græci facerent, si non crederent *totũ, & solũ* Christũ in Sacro Pane. Nec horrere Græcos communionem à Latinis sub unâ specie sumere, diximus ibidem ex fidedigno *Goario*: nec in defectu Latinorum Ministrorum, sacram Eucharistiã, in necessitatis casu, Latinus sumens à Græcis sub duplici specie redargueretur à nobis; imò ad id tēneri docent non pauci: sicut, *Sacerdotem* Latinum ( itemque *Diaconum* ), celebranti Græco Orthodoxo cum Græcis aliis, posse solemniter in altari assistere, cumque ipsis, & eorum more communicare, & legi, & sic









023/63

i 28286297

i 28286406

